

P. 82

Ex Libris
Pauli Bevilacqua
Portusgr. Presbyt.

BIBLIOTECA
SEMINARIO V.
PORDENONE

misc.

66

n. 86



7.82

A

XII 72



- 2182 -
ÆSOPI
P H R Y G I S,
ET ALIORVM
F A B V L A E.

H I S A C C E S S E R V N T,
Absthemii Hecatomythion secundum.
Quædam aliæ incerto interprete.

ADDITA SVNT IO. FR. QVINTIANI
Disticha in Fabulas P. Ouidij Nasonis
Metamorphoseon.

M E S E Q V E R E,

S I S A P I S.



P L V S S A P I E S.

EX OFFICINA DAMIANI TVRLINI.
Anno. M. D. LXIIL.

Ex Libris
Pauli Bevilacqua
Portusgr. Presbyt.



DOMINICVS BAZARDVS³

A' T R I V I A T O,

O R. P R A E.

ADOLESCENTIBVS VIRTVTVM

C A N D I D A T I S.

S. O. P.



VVM mecum ipse, ingenii vestri
scintillas, naturæ propensiones,
ac munia, ex immenso bonita-
tis fonte decerpta, vestriq; ani-
mis insculpta, altius repeterem
iuuenes, vos apibus admodum
consimiles facile offendi. His enim cum sit à na-
tura ingenuitū mella conficere, in huiusmodi
tamen minimè incumbunt opus, ni prius è cœ-
lo rore nouo Consperfa folia, dulces erumpen-
tes herbas è terra, floresuè suaues lætæ conspe-
xerint, quibus vitam degant auspiciatissimam,
melq; colligant optimū. Haud secus vobis eue-
nire arbitror. Nam qu' fieri potest, vt vestrum
quispiam, virtutis melleo gaudeat experimēto,
morūq; faciat periculum, si tempore locūq;
non excitentur, vbi & quando plurimarum vir-
tutum florida copia redoleat, ac vndiq; laterum
rideat ac splendescat? Quocirca, ne vestræ fru-
strentur naturæ dotes, arescant semina, extin-

quantur scintillæ, verum omni conatu, cura, &
 gaudio, animos intendatis ad virtutis & morum
 dulcissimos fauos, quolibetq; actu flagitia ex-
 trudere, animi prauas affectiones proculcare &
 suppeditare, ac mentis probitatem auidissimè
 amplecti studeatis: Ecce sub olfactu, redolentia
 rura: Ecce ob oculos (vt vestro indulgeat ge-
 nio) appositissimum proponit pratulum Da-
 mianus Turlinus diligens Chalcographus, gra-
 tissimumq; viridarium, myrto, rosis, liliis, vio-
 lis, thymo, alijsq; tum pulcherrimis, tum sua-
 uissimis, tum deniq; fragrantissimis floribus re-
 fertissimum. Tales quippe censeo ego hos,
 aliosq; id genus Aesopicos Apologos: Quan-
 doquidem secum & pulchritudine, & suauita-
 te, & fragrantia, adeo dulciter ac lepidè concer-
 tent, atq; peruenusta & egregia alacritate, præ-
 cordia, aspectum, oculos, gustumq; prolestant
 ac rapiant, vt quinam præcellat, cuiq; sit, victo-
 riæ palma tribuenda, haud facile dignoscas.
 Profectò eorum quilibet, suo decore, suaq; ad-
 mirabili specie, ita aspicientium ac legentium
 cateruam, læto risu, grataq; contentione ad se
 trahunt, vt singuli suo sensu dicere videantur:
 Primum me dicerpe, quod aliis sum præstan-
 tior, formosior, odoriferq; magis. Quos it, vt
 nil aliud vobis polliceantur, quam Hybleum At-
 ticumue mei (cuius est summa laus) dulcissimū,
 amabilissimū, redolētissimū: Cum hic Thymi
 ni flosculi tēperati ac iocundi risus, gratissimèq;

voluptatis laudabiles Narcissi, atque purpurei
 hyacinthi, vtili semper & honesta instructione
 coniuncti scite reponantur: non autem amarū,
 veluti fardium, q̄ hinc absint pellanturq̄ obsce-
 nitatis, scurrilitatisq̄ absynthia, necnon fætida
 hæreticorum sementes. Orthodoxæ enim fidei
 agricolis (inquisitoribus nimirum) studiis ve-
 stris consulturus, siquid fortè h'c lateret quod
 Religioni minus esset consentaneum, quo le-
 ctorum polluerentur animi, (quando rudibus
 quæ adhuc animis instillantur, si ea præcipue
 honestatis ac religionis sint expertia, altius ibi
 figere radices soleant, quàm vt facile inde queât
 reuelli) id expurgādum reiiciendumq̄ commi-
 sit ac tradidit. Eia itaq̄ solertissimi adolescen-
 tes, mellificas imitati apes, Cateruatim ac cen-
 turiatim hos vitalem exhalantes odorem proli-
 bate flores: Dulcescant suauitate labra: Mentis
 alueos hoc mellis nectare, prædulciq̄ alimonia
 distendite: vt qui vobis alludunt ac consulunt,
 nonnihil liquoris, dulcedinisq̄ morum exun-
 dantis persentiant. Quod si bene cesserit, fun-
 ctus erit labor munere suo: sin secus, vestrum
 in hanc partē æstimabitur consilium. Porro vt
 gratius esset vobis opus, Disticha Io. fr. Quin-
 tiani stoæ, poetæ facundissimi in fabulas P.
 Ouid. Naso. Metamorpho. præsentī connexuit
 viridario, tanq̄ nitidissimos ac placidissimos ri-
 uos ipsum discurrendo mirificè irrigantes, ac
 veluti totius operis coronidem: Omnem



aiunt) mouens lapidem, quò studiosis morem
 gerat. Præstitit nunc quod potuit, plus olim
 si valuerit præstaturus. Et quò magis ad Acra-
 ton alliceremini, peropportunum iudicauit, si
 sequentem floridissimi Abstemii præfatiuncu-
 lam, toti huic fabularũ Agello præfigeret, qua
 gnare intelligeretis, doctos etiam & claros vi-
 ros (nedum adolescentes) magnis & in rebus,
 huiusmodi floribus (nempe fabellis & Apolo-
 gis) non solum voluptatis, sed vtilitatis ergo
 esse delectatos. Hinc non immerito summam re-
 ferunt laudem apologorum scriptores, iuxta
 Horatianum illud: omne tulit punctum, qui
 miscuit vtile dulci. Valetote.

Calendis Aprilis. 1563.

hominem qua posset illum arte punire. Cui homo : Si frenum, inquit, acceperis, & me armatum dorsum tuum ascendere permiseris. Cum huic consilio esset obsecutus, certum quidem hominis auxilio victor abegit: sed non amplius hominem dorso, non frenum depulit ore. Ita inquit Stesichorus, viri Himerenses vobis euaniet, si Phalaridem ducem efficietis, hostes quidem vestros punietis, sed huic tyranno perpetuo seruietis. Quibus verbis territi Himerenses, huiusmodi ducis eligendi consilium deposuere. Cum populus Rom. ab senatu secessisset, q̃ tributum & militiam toleraret, nec vlllo pacto reduci posset, nonne Agrippa Menenius cum hoc apologo reuocauit? Olim, inquit, Quirites, humani artus ventrem ociosum & desidem intueres, ab eo discordarunt, nec amplius illi cibum ministrare decreuerunt. Sed cum ipsi quoq; alimenta illi denegando, quæ per omnia membra deferuntur, deficerent, cum eo in gratiam redierunt. Eodem, inquit, modo senatus & populus, quasi venter & membra alterum alterius auxilio indigent, & vt discordia intereunt, ita concordia valent. Qua fabula populus reuocatus, cum senatu in gratiam rediit. Non immerito igitur, non solum Græci & Latini poetæ, vt Hesiodus & Horatius: huiusmodi fabulas suis operibus inseruerunt: verumetiam maximi & celeberrimi philosophi: ut Plato: Aristoteles: Plutarchus: & multi alii eas plurimum commendauerunt: & ad institutionem morales & civilis vitæ non minimum facere arbitrati sunt. Quæ circa Omnibonus Leonicens: & Laurentius Valla ætatis nostræ doctissimi: paucos Aesopi apólogos e Græco in Latinum uertere: sibi laudi: cæteris vero uoluptati fore non dubitarunt. Et iure quidem. Leguntur enim: & in doctissimorum virorum manibus quotidie versantur. Non video igitur cur & ego aliquas componendo fabulas & prioribus addendo, laude fraudari debeam: quam ceteri Latini ex translatione consecuti sunt, nisi adeo inuidi simus, vt Latinis licere non putemus: quod Græcis est cum summa omnium laude concessum.

LAVRENTII VALLÆ²

IN XXXIII. FABVLARVM

AESOPIVERSIONEM E'

Græco in Latinum sermonem,

ad Clarissimum virum

Renaldū Fonaledæ,

PRAEFATIO.



ROMISERAM nuperrime tibi coturnices, quas ipse venatus essem, missurus. Eas capere, vt homo venandi insuetus, cum non possem, ad uenationem meam, idest, literas me conuerti, et fortè ad manus venit libellus Græcus, ex præda nauali treis & triginta Aesopi fabellas continens, has omnes bidui labore venatus sum. Mitto igitur ad te siue fabellas, siue manis coturnices, quibus oblectare te possis ac ludere. Etenim si Octavianum & M. Antonium orbis terrarum principes ludo coturnicium delectatos accepimus, profectò tu vir literarum amantissimus, literato hoc genere ludendi delectaberis, & si quis Octauiano aut Antonio pugnacem aliquam harum auium dono dedisset, iucundam illis rem gratamq; fecisset. Ego quoque tibi iucundus gratusq; ero, quòd plus triginta eius generis aues dono mitto, pugnaces, victrices, & si forte hoc te magis iuuat, & pingues, oblectat enim hæ fabulæ bellæ, & alunt, nec minus fructus hæ

bent, quàm floris. Sed ne donum suum laudare insolentis sit, finem faciam. Tu si coturnices veras quàm has fabulas malis, rescribe: mittam nanque non modo coturnices, sed & perdices. Vale, Ex vrbe Caieta Calend. Maij.

De Vulpe & capro.



VLPES et caper sitibundi in puteum descenderunt, in quo cum perbibissent, circumspicienti reditum capro, vulpes ait: Bono animo esto caper. Excogitavi nanque quo pacto vterque reduces simus. Siquidem tu eriges te re-

ctum, prioribus pedibus ad parietem admotis, cornuaq; aducto ad pectus mento reclinabis, et ego per terga cornuaque tua transfiliens, & extra puteum euadens, te istinc postea educam. Cuius consilio fidem habenti capro, atque vt illa iubebat obtemperanti, ipsa e puteo prosiliit, ac deinde præ gaudio in margine putei gestiebat exultabatq; nihil de hirco curam habens. Caterum cū ab hirco vt scēdisfraga incusaretur, respondit: Enimvero hirce, si tantum esset tibi sensus in mente, quantum est setarum in mento, non prius in puteum descendisses, quàm de reditu exploratum habuisses.

Hæc fabula innuit, virum prudentem debere finem explorare, antequam ad rem peragendam veniat.

De vulpe & leone.

V VLPES nullum antea leonem conspicata, cum illi alternus ex improviso obuisset, ita aspectu eius ex-

pauit, vt parum abfuerit quin extingueretur. Quod cum iterum poſtea accidiffet, ad aſpectum quidem leonis eſt exterrita, ſed non ita vt prius. Tertio autem cum leonem eundem eſſet intuita, no modo non exterrita, ſed etiam fidenter adiens, ſecũ collocuta eſt & confabulata.

Hæc fabula innuit, quòd conſuetudo & conuerſatio facit, vt quæ maxime horribilia et formidāda ſunt, neq; horrida, neque formidoloſa videantur.

De gallo & perdice.

GALLOS quidam domi ſuæ cum haberet, mercatus eſt perdicem, eamq; alendam, & in ſocietatem gallo-
rum dedit vnà cum illis ſaginandam, eamq; galli pro ſe quiſque mordicabant, abigebantq;. Perdix autẽ apud ſe afflictabatur, exiſtimans ideo talia inferri ſibi à gal-
lis, quòd ſuum ab illorum genere alienum eſſet. Vbi ve-
rò non ita multo poſt aſpexit illos inter ſe pugnantes, mutuoque percutientes, recreata à mœrore inquit: Equi-
dem poſthac non afflictabor amplius, videns eos inter ſe dimicantes.

Hæc fabula innuit, virum prudentem debere æquo animo ferre contumelias ab alienigenis illatas, quos vi-
dent ne à domeſticorum quidem iniuria abſtinere.

De vulpe & capite reperto.

VULPES aliquando in domum citharædi ingreſſa, dum omnia inſtrumenta muſica, omnemq; ſuppelle-
tilem ſcrutaretur, reperit è marmore caput ſcienter fabreq; factum. Quod cum in manus ſumpſiſſet, inquit, o caput cum magno ſenſu factum, nullũ ſenſum obtinẽs.

Hæc fabula ad eos ſpectat, qui corporis dignitatẽ ha-
bent, animi indiſtiam non habent.

De carbonario & fullone.

CARBONARIUS conducta in domo habitans, fullonem inuitauit, qui eo loci proxime venisset, ut eisdem in ædibus vnà habitarent. Ad quem fullo: O homo, non est istud factum conducibile, vereor enim ne quicquid candificare, id omne tu carbonaria aspergine fuscas.

Hæc fabula innuit nullum cum flagitiosis habendum esse commercium.

De viro iactabundo.

VIR quidam aliquandiu peregrinatus, cum iterum domum reuersus fuisset, cum multa alia in diuersis regionibus à se viriliter gesta iactabundus prædicabat, tum vero id maxime, quod Rhodi omnes in certamine salendi superasset, eiusdem rei Rhodios qui affuerunt testes esse. Ad quem vnus assistentium respondens, inquit: ô homo, si verum istuc est quod loqueris, quid tibi opus est testibus? Ecce hic Rhodus, ecce hic certamen salendi.

Hæc fabula innuit, quod ubi rerum testimonia adsunt, nihil opus est verbis.

De viro Apollinem tentante.

VIR quidam facinorosus Delpho se contulit, Apollinem tentaturus, habensq; passerulum sub pallio, quem pugno tenebat, & accedens ad tripodas interrogabat deum, dicens: Quod habeo in dextra, viuit ne, an mortuum est? prolaturus passerulum mortuum, si ille viuum responderet: occidisset enim statim sub pallio clam,

prius quàm proferret. At deus subdolam calliditatem hominis intelligens, dixit: O consultor, utrum manus facere (penes te enim arbitrium est) facito, & siue viuum, siue mortuum, quod in manibus habes proferto.

Hæc fabula innuit, mentē diuinam nihil neq; latere, neque fallere.

De piscatore.

PISCATOR quidam demissis in mare retibus, extulit smaridem pusilli corporis, quæ sic piscatorem obsecrabat: noli me in præsentiarum capere pusillam et minutam, sine abire & crescere, ut postea sic adulta commodo maiore potiaris. Cui piscator inquit: Ego verò amēs sim, si lucrū quod inter manus habeo, licet exiguum, prætermittam spe futuri boni quantumlibet magni.

Hæc fabula innuit stolidum esse, qui propter spem maiorem rem præsentem & certam, licet parvam, non amplectitur.

De equo & asino.

VIR quidam habebat equum & asinum. In itinere autem faciendo inquit asinus equo: Si me saluū vis, releua à me partem oneris mei. Equo illius verbis non obsequente, asinus sub onere cadens moritur. Tunc dominus iumentorum omnes quas portabat asinus sarcinas, simulq; corium, quod à mortuo exuerat, equo imponit. Quo oncre depressus equus, & gemens cum clamore inquit: Væ mihi iumentorum infelicissimo, quid mihi misero mali euenit? Nam recusans partem, nunc totum onus porto, insuper & illius corium.

Hæc fabula innuit, maiores debere in laboribus participes esse minoribus, ut utriq; incolumes sint.

De viro & satyro.

VIR quidam cum satyro amicitiam inierat, qui quum edendi gratia sederent, exorta cœli tempestate ac frigore, vir manus ad os admouens, anhelitu refocillabat. Quod intuens satyrus, interrogabat quamobrem id faceret. Ille inquit, calore oris algentes manus refocillo. Pauloq; post calidiori edulio allato, cum vir iterum ad os manum cū edulio admouens, calorem cibi tenui inspiratione refrigeraret, interrogabat satyrus, quamobrem & id faceret. Respondente autem viro, vt refrigeret edulium. Atque ego, inquit satyrus, tecum posthac amicitiam non exercebo, qui ex vno ore & calidum promis & frigidū.

Hæc fabula innuit, deuitandam eius amicitiam esse, cuius anceps vita est, & non simplex sermo.

De vulpe & pardo.

VULPES & pardus de pulchritudine altercabatur: & pardo suam versicolore pellem extollente, vulpes cum suam proponere non posset, inquit: At quanto ego speciosior, quæ non corpus, sed animum versicolorem sortita sum.

Hæc fabula innuit, pulchritudinem animi antecellere pulchritudini corporis.

De fele in fœminam mutata.

FELIS quedam delictum formosi erat cuiusdam adolescentis. Hanc ille ut in fœminam mutaret, Veneri

deprecatus est. Dea miserta cupiditati adolescentuli, conuertit bestiam in speciosam puellam, cuius forma inardescens adolescentulus, adducit illam secum domum. Quibus consedentibus in cubiculo, Venus volens periculum facere, nunquid illa cum corpore mutasset et mores, mutrem immisit in medium. At illa & eorum qui aderant, et cubuli nuptialis immemor, è cubiculo surgens, murè insequabatur illum comedere cupiens. Tunc dea indignata, iterum in suam restituit naturam.

Hæc fabula innuit scelestos homines, etsi conditionem statumq; mutant, tamen mores nequaquam mutare.

De agricola & canibus.

AGRICOLA quidam hyberno sidere in agro deprehensus, deficientibus cibarijs, primum interfectis singulis ouibus, illarum carnibus vescabatur, et mox & caprarum, postremo operarijs bobus interemptis alebatur. Quod canes cum animaduertissent, inter se collocuti sunt, dicentes: At nos hinc faciamus fugam, si enim operarijs bobus dominus noster non pepercit, ne nobis quidem parcat.

Hæc fabula innuit, fugiendos eos esse cauendosq;, qui familiaribus quoq; manus non abstinent.

De agricola sæuiente in filios.

AGRICOLA filios suos videns quotidie delitigantes, neq; in gratiam inter se reducere potis esset, iussit fasciculum virgarum sibi afferri, aderant autem filij lic sedentes. Quæ cum allatæ essent, colligauit omnes in

unum fasciculum, iussitq; singulos filiorum fasciculum capere atq; confringere. Illis verò confringere non valentibus, soluens postea fasciculum, tradidit singulas virgas eis frangendas. Atq; illis statim facileq; frangentibus, intulit: Ita & vos filij mei, si perseveraueritis unanimes, præstiteritis inexpugnabiles vos hostibus, inuitosq; præbebitis. Sin minus, ipsa vestra æmulatio atque seditio opportunam vos prædam inimicis faciet.

Hæc fabula innuit, æquè res humanas facere, vel à concordia incrementum, vel discordia iacturam.

De muliere & gallina.

MULIER quædam vidua habebat gallinam quotidie singula oua parientem, sperans autem pro singulis bina oua parituram, si plus tribuisset escarum, opiparè educabat. Gallina verò pinguior effecta, ne vnum quidem onum parturire poterat.

Hæc fabula innuit, quòd homines propter luxum & copiam rerum marcescentes, ab instituto retardantur.

De homine quem canis momorderat.

ADMORSVS à cane quidam, circuibat singulos corrogens curationem, nactusq; quendam, qui cognita mali qualitate, inquit: Si tu quidem homo conualescere vis, sume crustulam panis madefactam in sanguine vulneris, porrige cani qui te momordit, comedendam. Cum ille deridens inquit: Ego me hercle si isthuc fecero, dignus sum qui ab omnibus huius urbis canibus mordear.

Hæc fabula innuit, improbos homines, cum maxima beneficia acceperint, tum maximè ad malefici animari.

De duobus amicis & vrsō.

DVOBVS amicis vnā iter facientibus, fit vrsus obuiam, quorum vnus perterritus, in arborē scandens latuit: alter vero cum se imparem vrsō fore, & si pugnare vellet, superatum iri intelligeret, prodiens simulabat se mortuum esse. Vrsus autem adueniens, aures & occipitium olfaciebat. Illo, qui stratus iacebat, vsque continente respirationem, ita mortuum esse credens vrsus abiit. Aiunt enim vrsum non scire in cadauer. Mox alter, qui inter frondes arboris latuerat, descendens, interrogat amicum, Quidnam ad aurem vrsus secum esset locutus. Cui amicus inquit: Admonuit me, ne posthac cū huiusmodi amicis iter faciam.

Hæc fabula innuit, deuittandos eos amicos, qui periculo in tempore ab auxilio præstando reuocant pedē.

De adolescentibus & coquo.

DVO adolescentes obsonium à coquo mercati communiter erant. Cæterum cum coqus quibusdā negotijs domesticis intenderet vacaretq; alter adolescentiū partem obsonij in alterius sinum immisit. Conquerenti, qui carnem abstulerat, iurabat se non habere. Qui vero habebat, iurabat se non abstulisse. Quibus coqus, intellecta adolescentum astutia, inquit: Et si me latet fur, tamen eum, quem iurastis deum, non latebit.

Hæc fabula innuit, quòd si homines celamus, deum ne quaquam celare poterimus.

De arundine & olea.

DISCEPTABANT arundo et olea de constātia, de fortitudine & de firmitate, & olea quidem probra arundini ingerebat, vt fragili & ad omnem ventum

vacillanti. Arundo autem obticebat, non longum tempus expectans. Nam cum ventus vehemens ingruisset, arundo agitabatur, renellebaturque. Olea vero cum violentia ventorum reluctari vellet, confracta est.

Hæc fabula innuit eos, qui ferocioribus ad tempus cedunt, potentiores esse ijs qui non cedunt.

De tubicine.

ERAT tubicen qui in militia signum caneret. Is interceptus ab hominibus ad eos qui circumstabant proclamabat: Nolite me ò viri, innocuum insonemque occidere, nullum ego unquam occidi. Quippe nihil aliud quam hanc tubam habeo. Ad quem illi vicissim cum clamore responderunt: Tu vero hoc ipso magis trucidaberis, quòd cum ipse dimicare nequeas, ceteros potes ad certamen impellere.

Hæc fabula innuit, quod præter ceteros peccant, qui malos & importunos principes persuadent ad iniquè agendum.

De aucupe & vipera.

AVCEPS quidam sumptis aucupatorijs retibus, ad venandum processit, visoq; palumbo in cacumine arboris sedente, compositas artificiosè arundines cum reti ad auem clanculum admouebat, sperans illam se venari posse. Quod cum agit, in altum intuens, iacentem viperam pedibus pressit, quæ exasperata dolore hominè momordit, at ille iam diffidens vitæ, Me miserum, inquit, qui cū alterum venari volo, ipse ab altero captus pereō.

Hæc fabula innuit, fraudulētos homines insidias suas occultare, sæpe tamen ab alijs idem sustinere.

De castore virilia sibi amputante.

CASTOR præter cæteros quadrupedes in aqua durare dicitur, eiusq; genitalia ad artem medicam sane vtilia esse. Tunc ubi videt indagantibus hominibus se captum iri (non enim ignorat quamobrem indagetur) ipse sibi genitalia præcidit, eaq; ad insequētes projiciēs, hoc modo incolumis euadit.

Hæc fabula innuit, huius exēplo prudentes debere præ adipiscenda salute, nullam rationem habere fortunarū.

De thynno & delphino.

THYNNVS cum delphinum insequentem præcipiti cursu fugeret, et iam iam capiendus esset, in anfractum quendam se intrusit. Delphinus quoque ad alterum similitū impetu ipso illisus est, ad quem thynnus respiciēs, iamque expirantem videns, inquit, iam mihi mors non est molesta, videns eum qui mihi causa mortis est, mecum morientem.

Hæc fabula innuit, æquo animo ferre homines calamitates, cum eos propter quos in calamitate sunt, calamitosos aspiciunt.

De cane & lanione.

CANIS quidam insiliit in macellum, lanio in aliqua re occupato, & erepto pecoris corde, fugiebat: ad quem lanius conuersus, fugientemq; aspiciens, inquit, o canis vbicunque fueris te observabo, non enim sustulisti, sed mihi cor dedisti.

Hæc fabula innuit, iacturam semper esse hominibus doctrinam.

De vate quodam.

VATICINATOR quidam in foro sedens sermocini

nabatur, cum quidam sibi denunciat fores domus effractas esse, omniaque direpta quæ in domo fuissent. Ad quod nuncium vaticinator gemens, properansque cursu, se domum recipiebat. Quem currentem quidam intuens, ò tu inquit, qui aliena negocia te diuinaturum promittis, certe tua non diuinasti.

Hæc fabula ad eos spectat, qui res suas non recte administrantes, alienis quæ nihil ad nos pertinent, provide re & consulere conantur.

De ægroto & medico.

AEGROTUS quidam à medico interrogatus, quoniam nam modo se habuisset, præter modum, inquit, in sudorem se fuisse resolutum. Cui medicus, istud, inquit, bonum est. Altero autem die iterum interrogatus quoniam modo se haberet, respondit, algoribus correptus, diu vexatus sum: & id quoque medicus inquit, bonum est. Tercio cum ab eo medico interrogaretur, respondit, profluvio corporis debilitatus sum. Istud etiam bonum est, inquit medicus. Postea autem à familiari quodam interrogatus, quomodo habes ò amice? respondit, etiam atque etiam bene habeo, sed morior.

Hæc fabula innuit, arguendos assentatores.

De asino & lupo.

ASINUS calcato ligni aculeo claudicabat: conspecto quoque lupo, ait: O lupe, en præ cruciatu morior futurus esca aut tua, aut vulturum, aut cornorum. Vnum modo abs te munus flagito: Educ prius de pede aculeum, ut moriar saltem sine cruciatu. Tunc lupo summis dentibus aculeum mordicus prehendens eduxit. Asinus vero doloris oblitus, ferratos calces in faciem lupi impegit,

fractisq; illius fronte, naribus, dentibus, aufugit, lupo seipsum accusante, ac merito sibi id deuenisse dicente, quod qui didicerat esse lanus iumentorum, nunc illorum volebat esse chirurgus.

Hæc fabula innuit, quod qui sua artificia deserunt, transferentes se ad alia ipsis non apta, & in derisum veniunt, & in discrimen.

De aucupe & merula.

AVCEPS tetenderat volucribus retia, quod eminus intuens merula, percontabatur hominem quid negotij ageret. Ille respondit se condere urbem, abiitq; longius, & sese abdidit. Merula vero illius verbis fidem habens, & accedens ad escam iuxta retia appositam capta est, accurrenteq; aucupe, inquit: ò homo, si tu quidem talem urbem condis, haud multos inuenies habebis incolas.

Hæc fabula innuit, eo maxime modo rem priuatam & rem publicam destrui, cum præsides sæuitiam exercent.

De viatore & pera inuenta.

VIATOR longum ingressus iter, vouit si quid inuenisset, eius dimidium Ioui se oblaturum. Inuenta autem postea, in itinere pera, palmularum amygdalarumq; plena, comedit omnes palmulas amygdalasq;. Sed harum nucleos, illarum putamina & cortices ad aram quandam obtulit, inquiens: Habes Iupiter quod tibi voueram, quod enim inueni, eius & interiora & exteriora tibi offero.

Hæc fabula innuit, auarum propter pecunie cupiditatem, etiam dijs moliri fallacias.

De puero & matre.

PVER quidam in schola condiscipuli furatus tabellam alphabetariam, attulit matri suæ, à qua non ca-

stigatus, quotidie magis furabatur. Procedente autē tempore cepit furari maiora. Tandem à magistratu deprehensus ducebatur ad supplicium. Matre vero sequente ac vociferante, rogauit ille satellites, vt paulisper cum ea ad aurem loqui permitterent: quibus permittentibus, & matre festinabunda aurem ad os filij admouente, ille auriculam matris dentibus euulsit, & cum mater ceteriq; increparent, non modo vt furem, sed vt in patriam suam impium, inquit: Hæc mihi vt perderer causa extitit. Si enim me tabellam alphabetariam furatum castigasset, nequaquam ad vltiora progressus, nunc ad supplicium ducerer.

Hæc fabula innuit, quòd qui inter initia peccandi nõ coercentur, ad grauiora flagitia euadunt.

De pastore artem nauticam exercente.

PASTOR in loco maritimo gregem pascebat, qui cum videret mare tranquillum, incessit cupido nauigationem faciendi ad mercatum. Itaque venundatis ouibus, emptisq; palmarum sarcinis nauigabat. Oborta autem vehementi tempestate, & navi mergi periclitante, omne pondus navis in mare deiecit, vixq; euasit exonerata navi. Paucis post diebus veniente quodam & tranquillitatem maris admirante (erat enim sanè tranquillum) respondens, inquit: Palmulas iterum vult, quantū intelligo, ideoq; immotum sese fore ostendit.

Hæc fabula innuit, eruditiores effici homines damno atque periculo.

De filio cuiusdam senis & leone.

FILIUM senior quidam habebat vnicum generosi animi & venaticorum canum amatorem, hunc per

quietem viderat à leone trucidari. Territus, ne forte somnium hoc aliquando sequeretur euentus, extruxit domū quandam quā politissimā, & laquearibus ac fenestris amœnissimā. Illuc inducens filium, assiduus illi custos inhærebat. Depinxerat enim ea in domo ad oblectationem filij, omne animalium genus, in quibus & leonem. Adole-scens hæc inspiciens, eo amplius molestiæ contrahabat. Quadam autem vice propius stans leoni, inquit: ò truculētissima fera, propter inane somnium patris mei in hac domo asseruor velut in carcere. Quid tibi faciam? Et hæc dicens, manum parieti incussit, oculum leoni eruere volens, & in clauo qui illic latebat offendit, qua ex percussione manus emarcuit, succreuitq; sanies, et febris subsequuta est, breuiq; tēpore adolescens est mortuus. Ita leo adolescentem occidit, nihil adiuvante patris sophismate. Hæc fabula innuit, quæ ventura sunt deuitare esse difficile.

De caluo crines externos gerente pro natiuis.

CALVVS quidam mētitos crines gerens, dum equo vehebatur, ecce sibi validior ventus illos de capite sustulit. Risus statim magnus à circumstantibus excitabatur, & ille mutuo risu ad illos inquit: Quid mirum si crines, qui non erant mei, à me recesserint? illi quoq; recesserunt, qui mecum fuerant nati.

Hæc fabula innuit, non debere nos mœrere ob amissas opes. Quod enim nascentes à natura non accepimus, id non potest nobiscum perpetuò permanere.

AESOPI FABVLATORIS

CLARISSIMI APOLOGI

è Græco Latini per Rimicium facti.

ARGVMENTVM.



ESOPVS fabulator clarissimus, natione quidem Phrygius, fortuna vero seruus fuit, colore niger ac facie supra modum deformis. Is quia beneficus semper in hospites fuit, dea hospitalis in somnis sibi assistens, largita est loquelam (nam ab initio blatero fuit) sapientiamq; , ac variarum fabularum inuentionem, quæ porro fabulæ non parum conducunt mortalium vitæ, nam animalia bruta fingit agere ea quæ hominum sunt actiones, quas ita ante oculos ponit, vt audientium animos incitent ad virtutem, nec vlli sunt hominum mores, quos in brutis fingendo ipse non aperiat. Has igitur fabulas si quis ritè gustauerit, quam viam sequi, quamq; vitare debeat, in priuatis publicisq; negociis facile comperiet. Nam in primis fabulam narrat, tum quid fabula significet, compendiosius exponit, atque ordinem alphabeti in Græco secutus, qui in Latino seruari non potest, hinc sumit initium.

De aquila & vulpe.

AQUILA & vulpes conflata inter se amicitia, in proximo habitare constituunt, firmiorem amicitiam ex frequenti conuersatione fore putantes. Igitur aquila nidum alta super arbore instituit. Vulpes vero arborem inter dumeta propter catulos collocat. Vna igitur dierum cum vulpes latibulum egressa pastum catulis quæreret, aquila & ipsa cibi indiga in latibulum deuolans, vulpis catulos arripuit, ac pullis suis comestum præbuit. Vulpes rediens cognita filiorum morte, valde tristata est, & cum aquilam vlciſci non posset, quia quadrupes esset, volucrum persequi nequibat, quod vnum miseris ac impotentibus datur, aquilam execratur, ac mala multa illi imprecata, tantum in odium vertitur amicitia. Contigit igitur illis diebus ruri capras immolari, cuius frustum vnâ cum carbonibus accensis aquila arripiens, sustulit ad nidum, sed vento vehementius spirante, nidus qui ex fœno ac materia exili aridaque confectus erat, incendiatur. Aquilæ pulli flammam sentientes, cum adhuc volare nequirent, humi decidebant. Vulpes continuo illos arripiens, coram aquila deuorat.

Fabula significat, quod qui amicitiam violant, quamuis illorum quos læserunt ultionem declinent, dei tamen supplicia vix vnquam effugiunt.

De aquila & coruo.

AQUILA celsa ex rupe deuolans, agnum ex omni grege arripuit, quam rem coruus conspiciatus, emulatione motus, cum ingenti strepitu ac sordore deuolat in arietem, atque ungues in arietis vellus ita implicat, vt inde etiam motu alarum se explicare non posset. Hunc

pastor, cum ita implicitum videt, accurrens coruum cōprehendit, & alarum pennis incis, pueris suis ut colludant tradit. Verūm dum quidam coruum rogaret, quānam volucris esset, coruus ait: Primum quidem quo ad animū aquila fui, nunc vero me coruum esse certo scio.

Fabula significat, quod qui supra vires quippiam audent, hoc solum efficit, quod in aduersa sēpius incidit, ac se vulgo ridiculum exhibet.

De aquila & crabrone.

AQUILA leporem persequēbatur, at lepus auxiliū inops, quem tempus obtulit, crabronem videns, ab eo auxiliū implorauit, cui crabro pollicitus est tutelam ac custodiam suam. Deinde cum aquilam appropinquaret crabro conspiciatur, eam precatur, ne suum eripiat sibi seruum. At aquila crabronis paruitatem contemnens, eo coram lepore exedit. Verūm crabro suæ iniuriæ memor, ubi aquila nidificaret, obseruat. Ecce aquila oua parit, crabro alis elatus, ad aquilæ nidum volat, atque oua deuoluens humi deiecit: Aquila iactura ouorum mœrore concita, euolat ad Iouem (est enim ales deo illi sacrata) ac locum ad pariendum sibi tutum dari precatur. Iupiter ei concedit, ut cum tempus adest, eius in sinu pariat oua. Hoc crabro prouidens globum ex stercore conficit, atq; sursum euolans in Iouis sinū demisit. Iupiter volens ex sinu globum excutere, oua aquilæ simul excussit. Ex tunc aiunt aquilam nunquam parere, quo tempore crabrones existunt.

Fabula significat, quod nullus porrò est contemnendus, quoniam nemo est qui iniuriā accipiat, quin cum tempus datur, se vlcisci non quærat.

De philomela & accipitre.

PHILOMELA, cum alta quercu sederet, more suo sola canebat, eam accipiter cibum quæritans cum intueretur, repente euolat, illamque rapit. At philomela cum se interitum iri videt, accipitrem precatur, ut se missam faciat, quoniam ad explendum eius ventrem ipsa satis minima sit, sed pro saturitate sua, ad maiores aves ut se vertat, opus profectò fore. Eam accipiter torue cōspiciens, ait: Stultus equidem nimium essem, si quem manibus teneo cibum, illum dimitto amplioris spe pastus.

Fabula significat, quòd qui omittunt id quod manu tenent rerum maiorum spe, consilio inopes ac ratione nimium sunt.

De vulpe & trago.

VULPES & tragus sitientes in puteum descendunt. Verum enim post potum, cum egressum conspiceret hircus, vulpes ei comiter ait: Bono sis animo, nam quid saluti nostræ opus sit, probè animaduerti. Si enim rectus stabis, ac pedibus anterioribus, cornibusue muro adhærebis, tuas ego scapulas cornuaq; conscendens, cum egressa puteum fuero, te manu comprehēdens hinc desuper traham. Huic caper prompte deseruiuit. Vulpes suo exultans egressu, circa os putei capro illudebat. At dum caper illam incusat, sibi pacta haud seruasse, ei facete vulpecula inquit: Si ea caper sapientia præditus esses, quo pilorum ornatu isthæc tua barba referta est, non prius in puteum descendisses, quàm egressus pensiculate vidisses.

Hæc fabula significat, quòd homines consilio præditi

rerum finem prius inspiciunt, quàm dent operam rebus gerendis.

De vulpe & leone.

VVLPES quæ nunquam viderat leonem, quum illi forte obuiasset, sic pertimuit, ut mortem penè obiret. Rursum illum quum aspexisset, pertimuit: sed minime v. primum. Eum tertio cum intueretur, propè accedens, fuit causa coram differere.

Fabula significat, quòd rerum terribilia, usus et consuetudo domestica facit.

De cato & gallo.

CATVS cum gallum cepisset, atq; causam quæret, qui eum comedere posset: illum criminari cœpit quòd esset animal turbulentum, qui noctu clamitandum haud permetteret quiescere mortales. Gallus se excusabat, quòd id ageret ad eorum utilitatem, quum ad operi faciendam illos excitaret. Rursum catus ait, impius es asupramodum scelestus, qui agis continuo contra naturam, cum nec à matre, nec à sororibus te abstineas, sepe per incontinentiam cum illis te commisceas. Gallus iten defendebat quòd domini sui quæstus gratia id quoq; ageret, enimvero ex huiusmodi coitu gallinæ pariunt oua. Tunc inquit catus, Excusationibus licet abundes, ego tamen ieiunare haud intendo.

Fabula significat, quòd qui prauus existit natura, cum semel delinquere animo proposuit, quamvis causæ desint prætextus, à prauitate tamen non desistit.

De vulpe sine cauda.

VVLPES ut è laqueo euaderet, abscissa cauda, cum è pudore vitam sibi mortem putaret, excogitauit

alias dolo inducere vulpes, ut sub communis commodi specie sibi singule caudam abscinderent, et sic suum dedecus lenaret. Itaq; ad vnum vulpibus congregatis suadet, ut caudam sibi abscindant, differens caudam non modo dedecori vulpibus esse, sed oneri graui atq; inepto. E' vulpibus vna ei facete respondit: Heus soror, si res ista tibi soli conducit, tum non itidē alijs cōsulere est æquum.

Hæc fabula ad eos spectat, qui sub charitatis specie suum commodum consulendo prospiciunt.

De piscatore & smaride pisciculo.

PISCATOR quod mari rete tetendit, eo smarida cepit pisciculum, quæ parua adhuc ætate piscatorē orabat, ut dum grandis esset, atq; maiorem quæstum ex ea assequi posset, eam vita donaret. Huic piscator lepide respondit: Ego quidem mente carerem, si quod minimum mihi est lucrum, id dimitterem amplioris spe quæstus.

Fabula significat, quod certa pro incertis, quamuis in eis magna insit spes, stultum est dimittere.

De vulpe & rubo.

VVLPES cum sepe quandam ascenderet, ut periculum vitaret, quod sibi imminere videbat, rubum manibus comprehendit, atque volam sentibus profudit, et quum grauius saucia foret, gemens inquit ad rubum: ut me iuuares cum ad te confugerim, tu deterius me perdidisti. Cui rubus, errasti vulpes, ait, quæ pari dolo me capere putasti, quo cætera capere consueuisti.

Fabula significat, quod stultum est implorare auxiliū ab illis quibus à natura datum est obesse potius quàm alijs prodesse.

De vulpe & crocodilo.

VULPES et crocodilus de nobilitate contendebant, cum crocodilus multa pro se adduceret, ac supra modum se iactaret de splendore progenitorum suorum, vulpes ei subridens ait: Heus amice, etsi hoc tu quidem non dixeris, ex tuo corio clare apparet, quòd multis iam annis tuorum splendore fuisti denudatus.

Fabula significat, quòd homines mendaces res ipsa potissimum fefellit.

De vulpe & venatoribus.

VULPES venatores effugiens, ac per auia currèdo iam defessa hominem casu reperit lignarium, quem rogat ut se quoquo loco abscondat. Ille tectorium ostendit. Vulpes illud ingrediens, in angulo quodam se abscondit. Ad sunt venatores, lignarium si vulpem viderit rogant. Lignarius verbis quidem se vidisse negat, manu vero ubi vulpes latebat locum ostendit. Verum venatores re haud percepta, statim abeunt. Vulpes ut illos abiisse prospicit, tectorio egrediens, tacite recedit. Lignarius vulpem criminatur, quod cum saluam fecerit, nihil gratiarum sibi agat. Tunc vulpes se conuertens, illi facete ait: Heus amice, si manuum opera ac mores verbo similes habuisses, meritas tibi persoluerem gratias.

Fabula significat, quod homo nequam, etsi bona pollicetur, mala tamen & improba præstat.

De gallis & perdice.

GALLOS quàm plures cum quis domi haberet, quàm emerat perdicem, illis permisit compascere. Sed cùm galli illam infestarent, rostrisq; præcellerent, perdix ob eam iniuriam non parum sese afflictabat, existimans quod

id sibi tales inferri iniurias, quòd alienigena, nec popularis horum esset. Gallos deinde cum inter se confligentes cerneret, animi perturbatione ait: De cetero equidem haud tristabor, posteaquam inter vos quoque odiosa certamina cerno.

Fabula significat, quòd homines sapientia præditi, moderato animo ferunt iniurias ab illis potissimum illatas, qui nec sibi, nec suis parcunt.

De vulpe & larua.

VULPES citharædi domum ingressa, dum quæ domi parata sunt sagaciter explorat, larvæ caput reperit arte industriosa compositum, quod manibus capiens, ait: O quale sine cerebro caput.

Fabula significat, quòd nō omnes corpore decori, eandem animo habent pulchritudinem.

De homine & ligneo deo.

HOMO quidam deum ligneum domi habens, eum oravit, ut boni quippiam sibi tribueret, sed quanto magis orabat, eo res domi angustior erat: demum ille concitus ira, deum cruribus capit & caput parieti percutit illi. Exciso igitur capite multum auri exiit, quod homo colligens ait: peruersus nimium es atque perfidus, qui dum in honore te habui, nihil equidē profuisti: percussus vero ac verberatus, boni plurimum contulisti.

Fabula significat, quòd homo nequam si quando prodest, id efficit vi coactus.

De cane ad cœnam vocato.

VIR quidam cum cœnam opiparam parasset, amicū quendam domum vocauit, eius quoq; canis canem alterius ad cœnam inuitauit. Is domum ingressus, cum

tantum dapium videt apparatus, letus ipse ait: Hodie porro ita me explebo, quod die crastino comedere non indigebo. Hisque dictis motu caudae applaudit. Coquus vero conspiciens, tacitus per caudam capit, atque illum saepius rotans per fenestram projicit. Ille attonitus, humo assurgens, dum clamando aufugit, ceteri canes sibi occurrunt, atque rogitant quam opipare cenauerit. At ille languens ait: ita potu ac dapibus me expleui, ut quum exiuerim viam non vidi.

Fabula significat, quod quibus rebus quis doliturus est, illis letari non debet.

De aquila & homine.

AQUILAM homo quidam cum cepisset, pennis alarum sibi euulsis, inter gallinas morari dimisit. Eam deinde quidam mercatus, pennis alas denuo munitum aquila volans, leporem capit, fertque illum beneficii suo. Quam rem conspiciens vulpes, homini ait: noli hanc aquilam, uti prius hospitio habere, ne ceu leporem te aequae venetur. Tum homo aquilae item penna euulsi.

Fabula significat, quod beneficientes sunt quidem remunerandi, improbi vero omni studio vitandi.

De viro agricola.

HOMO quidam agriculator existens, cum finem vitae sibi adesse cognosceret, cuperetque filios in agrorum cultu fieri peritos, eos vocauit atque inquit: Filij, ego è vita discedo, bona mea in vinea confita sunt omnia. Illi post patris obitum putantes in vinea thesaurum inuenire, assumptis ligonibus, marris ac bidentibus, vineam funditus effodiunt, nullumque thesaurum inueniunt. Verum

rum enim vinea cum probe effossa foret, longe post solis
to fructus produxit, atque illos diuites fecit.

Fabula significat, q̄ labor assiduus thesaurum parit.

De carbonario & lotore.

CARBONARIUS lotorem quendam rogauit, ut
quam precio conduxerat domū, secum pariter co-
habitaret. At lotor rei aliās expertus ait: Id conducibile
haud mihi esset. Nam quæ albificare, ea omnia carbo-
num fauillis ipse maculares.

Fabula significat, quòd res natura dissimiles stare si-
mul commodè non possunt.

De vulpe esuriente.

VULPES ingenti fame concita, cum quodam in te-
torio carnis frustum ac panē repōita prospiceret,
ipsum tētorium intrauit, atq; tantum comedit quòd ad
ingentem tumorem ventrem distendit, & cum ex nimia
ventris tumefactione inde egredi nequiret, tumens geme-
bat. Eius gemitum vulpes alia transiens illac, cum audi-
ret, illuc accedit, rogatq; quidnam gerneret, deinde cau-
sam gemitus edocta, lepidè ait: Isthic manendum est tan-
tisper, donec tenuis efficiaris, qualis eras dum isthuc ac-
cederes, nam alio pacto isthinc nunquam abieris.

Fabula significat, nihil tam durum esse, quòd tempore
non dissoluatur.

De piscatore quodam.

PISCATOR quidā piscandi non inexpertus, tibijs
ac rete sumptis iuxta maris littus accedit, ac saxo
quodā insistent, in primis tubicinare cœpit, putans can-
tu se pisces esse capturum. Verum cum cātu nullum as-
sequeretur effectum, depositis tibijs, rete in mare demit-

tit, ac pisces cepit complures. Sed cum ex rete pisces extraheret, eosq; saltantes perspiceret, non insulse ait: ô improba animalia, dum ad tibiam cecini, saltare nolulistis: nunc quia canere cesso, saltus datis assiduos.

Fabula significat, quòd omnia probe fiunt quæ fiunt tempore suo.

De piscatoribus quibusdam.

PISCATORES piscatum profecti, diuq; piscando defessi, fame præterea ac mærore quòd nihil cepissent confecti, cum abire decernunt, ecce piscis quidam alium fugiens se insequentem, in nauiculam saltat, illi piscatores supra modum læti comprehendunt, & in urbem reuersi, grandi vendunt precio.

Fabula significat, quòd frequentius fortuna id exhibet, quod ars & industria efficere non possunt.

De viro inope & infirmo.

HOMO quidam pauper cum ægrotaret, dijs vouit, quòd si eo morbo liberaretur, boues centum immolaret. Quod dij experiri volentes, sanitatem illi facile reddunt. Liber igitur à morbo, cum boues, quia pauper, non haberet, ossa bouum centum collegit, eaq; super altari deponens, lepide inquit: Ecce quod voui votum, vobis nunc persoluo. At dij illum vlcisci volentes, in somnis sibi assistunt, atque inquirunt: Ad maris littus pergito, ibi enim in loco semoto, auri talenta centum reperies. Ille expergefactus somnij memor, dum pergit ad littus, incidit in latrones: captus itaque eos rogabat, vt se missum facerent, quoniam mille talenta auri persolueret eis.

Fabula significat, quod homo mendax deos & homines pariter contemnit.

De vulpe & pardo.

VULPES cum pardo de pulchritudine contendebat, cum varias corporis notas pardus sibi duce-
ret decori, vulpes ei comiter ait: ego quidem longe formio-
sior sum iudicanda, quæ non corpus, sed animum varijs
notis habeo notatum.

Fabula significat, quòd decor mentis est potior omni
corporis ornatu.

De piscatoribus quibusdam.

PISCATORES quidam è mari rete trahebant,
quod cum graue esse sentirent, letitia gestiunt, pu-
tantes multos pisces habere irretitos. Sed vt rete in ter-
ram traxerunt, pisces quidem paucos, saxum vero in-
gens reti inesse cum perspiciunt longe tristantur. Quidā
ex illis natu iam grandis non inurbane socijs inquit: Ani-
mis estote quietis, quippe letitiæ soror est mæstitia, oportet enim casus prospicere futuros, illosq; vt lenius quis
ferat, persuadere sibi esse euenturos.

Fabula significat, quòd qui reminiscitur sortis huma-
næ, in aduersis minime frangitur.

De ranis regem petentibus.

RANAE mærentes quòd sine rege forent, Ioui sup-
plicatum oratores mittunt, vt regem sibi dedat. Iu-
piter earum simplicitatem cognoscens, lignum in stagni
medium demisit: quod cum in stagnum cecidit, eius so-
nus supra modum terruit ranas: quæ cum lignum esse
nouerunt, rursum Ioui supplicatum mittunt, vt regem
vium, haud mortuum sibi dedat. Iupiter stultis earum
precibus motus, hydrum illis dedit in regem. Is in diem
cum ranas deuoraret, tertio Iouem ranæ precantur, vt

regem scæuum atque immanem ab eis amoueret. Tunc Iupiter inquit, quem tot precibus regem exorastis, cum vobis perpetuum habetote.

Fabula significat, quòd sæpe ea precamur, quæ impetrasse postea nos pœnitet.

De cata in fœminam mutata.

CATA quædam speciosi cuiusdam adolescentis amore capta, qui Venerem orauit, vt eam in hominem mutaret. Venus illius miserta, in formam hominis mutauit eam, quæ cum longe speciosa esset, amator domum subito adduxit. Sed cum in cubiculo simul sederent, Venus experiri cupiens si mutata facie, mutasset et mores, in medium constituit murem, quem cum illa prospexit, oblita formæ & amoris sui, murem vt caperet persecuta est. Qua super re Venus indignata, denuo eam in priorem catæ formam mutauit.

Fabula significat, quòd homo nequam licet personam mutet, mores tamen retinet eosdem.

De senex mortem vocante.

SENEX quidam lignorum fascem super humeros ex nemore portans, cum longa via defessus esset, fasce humi deposito mortem vocauit: ecce mors aduenit, causamq; quamobrem se vocauerit, rogat, tunc senex, vt hunc lignorū fascē super humeros mihi imponeres, ait.

Fabula significat, qd quisq; vitæ cupidior est, licet mille subijciatur periculis, mortem tamen semper deuitat.

De muliere & medico.

MULIER anus cum ophthalmiam pateretur, medicum ad se curandum accersit, certū precium sibi dare promittens, si eo morbo curaretur: si vero nō li-

beraretur, nihil ei debere pacta est. Medicus vero quoties illam ibat curatum, toties quippiam de domo clam exportabat. Mulier igitur ophthalmia curata, cum nihil suarum rerum domi esse prospiceret, medico mercedem pactam petenti soluere denegat. Quamobrem vocata in iudicium, pactum quidem non denegat, sed se curatam ophthalmia esse, id vero pernegat, aiens: Cum caeca essem, domum multa suppellectile refertam videbam, nunc cum video, ut medicus ait, nihil rerum domi esse prospicio.

Fabula significat, quod homines auaritiæ dediti, sibi met sapius contradicunt.

De agricola & canibus.

AGRICOLA quidam magnitudine hyemis in suburbanis se locauit. Sed cum alimonia sibi deficeret, capris & ouibus primum vesci cepit. Cum vero in diem magis seuiret hyems, bobus quoque nec pepercit. Quod facinus cum animaduertunt canes, inuicem verba faciunt. Quid hic stamus, inquiunt, cur mortem nobis incumbentem non fugimus? putamusne eum nobis parcere vitam, qui alimoniæ gratia boues ingulauit?

Fabula significat, quod eos fugere debemus, qui in charissimos crudeliter se ferunt.

De agricola & filiis.

AGRICOLA quidam quàm plures habuit filios continua seditione discordes, ac eius admonitiones perpetuo negligentes. Cum forte unà domi omnes sederent, iussit pater uirgarum fascem coram deportari, atque natos cepit hortari, ut integrum fascem dirumperent. Cum igitur fascem cum totis uiribus frangere non possent, genitor præcipit ut soluto fasce singulatim

frangerent uirgas : cum quisque facile hoc perficeret, tunc facto silentio pater ait eis , si quando animis idem sentietis nati mihi charissimi, nec ab inimicis superari poteritis. Sed si inter uos seditiones seruabitis, qui uolet, is facile uos perdet.

Fabula significat, quòd fortior est unio quàm seditio quæ est imbecillis.

De muliere & gallina.

V I D U A quædam mulier gallinam habuit, quæ die quolibet pariebat ouum, putauit mulier, more ingenij humani quod sitis habendi semper sollicitat, gallinam illam die bis parituram, si plus spelta traderet ei solito. At gallina pluri alimonia pinguior facta, id unum desiit parere ouum. Sic mulier ex quo maius lucrū quaeritabat, id cæca augendi cupiditate amisit.

Fabula significat, quòd plurimum, cupiditate rerum, præsens quandoque deperditur quæstus.

De homine à cane morso.

H O M O quidā cum eum canis momordisset, summo cum studio sciscitabatur à quo sanari posset. Quidā illi obuiam factus, atque de medico rogatus, ait : Si vis amice fieri sanus, non opus est tibi medico. Nam si canis qui te momordit, à vulnere lingua sanguinē terget, ista cura nihil potius reperiri potest. Alter arridens venustissime inquit : si huiusmodi vtor remedio, in dies magis ac magis à canibus mordebor.

Fabula significat, homines improbos commoda incommodis, & bona malis pensare solere.

De duobus amicis & vrsa.

A M I C I duo dum rus eunt, illis vrsa forte currit

obuiam, qua prospecta, alter exterritus, ut sese saluaret arborem continuo ascendit, alter dum vrsa viribus se posse obsistere diffideret, in terram procidens mortuum se simulabat, & flatu ac anbelitu quantum potuit ore retento: vrsa illi admotis & ore & naribus, dum illum expirasse putat, saluum dimittit, aiunt enim in cadauera vrsas non scire. Alter vero ex arbore descendens, quid in aurem illi dixisset, socium interrogat. Cui ille: Admonuit ut cum huiusmodi amicis posthac iter non faciam.

Fabula significat, quod ij pro amicis habendi non sunt, qui cum est opus, amicis subsidia denegant.

De adolescentibus duobus & coquo.

ADOLASCENTVLI duo aequis sumptibus carnes coemerunt, & curatum coquo tradiderunt. Obiter coqus dum alijs vacat negocijs, alter iuuenum carnes eas clanculum accepit, ac socio tradit. Coquo deinde carnes queritanti, qui acceperat, haud se habere iurat: qui vere habebat, se non accepisse iurabat. Coqus percepto iuuenum dolo, ait: Et si fallor equidem a vobis, per quem vero iuratis, res ista non latebit deum.

Fabula significat, nullum scelus posse latere deum.

De duobus inimicis.

DVO quida gladiatorio animo inter se inimicitias habentes, vna in naui nauigabant: & eum alter eodem in loco stare cum altero non pateretur, vnus in puppi, alter in prora consedit. Orta autem tempestate, cum naus periclitaretur, qui in priora sedebat, rogat naus gubernatorem quae pars naus submergi prius deberet, & cum gubernator puppim dixisset, ait ille: Mors mihi

modo molesta minime est, si inimicum meum prius mori
prospicio.

Fabula significat, quod inimicus ut inimicum perdat,
seipsum perdere sepius eligit.

De calamo & oliua.

QUÆNAM esset fortior, durior & magis resi-
stens, canna & oliua inuicem contendebant. Oli-
ua calamo humilitatem obijciebat, eo quod ventis facile
cederet. Huic dicto vnum arundo haud reddit verbum.
Paulo post turbo vehementer aspirans, radicitus euulsit
oliuam totis viribus sibi obsistentem. At canna flatibus
se inclinans, salutem facile est assecuta.

Fabula significat, quod potentioribus sine controuer-
sia mos est in tempore gerendus.

De vitula & boue.

VITULA cum bouem arantem prospiceret, illum
præ se quæ nihil agebat, contempsit. Sed cum im-
molationis affuit dies, bos quidem missus, vitula vero ut
immolaretur retenta est. Quam rem bos cum conscipa-
tur, subridens ait: Heus vitula, ideo non laborabas, ut
immolareris.

Fabula significat, quod ociosis & nihil agentibus pe-
ricula quoque imminet.

De puero & fortuna.

CVM puer quidam iuxta puteum domiret, fortuna
illuc accedens, illum excitauit, inquires: Surge &
hinc ocyus abi, quippe in puteum si caderes, non tuam
inscitiam, sed me fortunam omnes accusarent.

Fabula significat, quod frequentia pericula culpa no-
stra incurrimus, deinde abs re fortunam accusamus.

De muribus & cato.

DŌ M O quāpiam quòd per plures forent mures, catus præsentiens, illuc accessit, atq; nunc vnum nūc alium capiens, complures interimendo comedit. Verum mures cum se in diem consumi perciperent, ad vnum coacti inquirunt secum, de cætero inferius non esse descendendum si nolumus perditum iri omnes, sed hic superius manendum, quòd catus ascendere non potest. At catus consilio murum percepto, simulans se mortuum esse, posterioribus pedibus se ad palum sustendit, qui fixus parieti erat, è muribus quispiam deorsum acute prospiciens, vt catum esse cognouit, haud infacete, ait: Heus amice, & si te follè esse certo scirem, deorsum minime descenderè.

Fabula significat, quòd vir prudens semel si fallitur, fictis & simulatis hominibus non amplius fidei.

De simia & vulpe.

AP V D brutorum animalium concilium simia ita appositè saltavit, quod omnium ferè consensu rex statim fuit creatus. At vulpes inuidens ei, vbi viderat carnes laqueo in fovea sitas, illuc simiā vt duxit, inquit ad eam: Hic thesaurus absconditus est, qui ex lege spectat ad reges, quare cum tuus ex lege sit, tute ipse capias illum. Simia vulpis suāsu illuc temere accedens, vt se captā laqueo sensit, vulpem acriter accusat, quæ dolo se deceperat: ei vulpes haud illepide ait: Heus stulta, quæ cum fortuna te extulisset dominari cæteris iam te putabis dignam.

Fabula significat, quòd qui temerè quippiam aggreditur, temerè in aduersa incidit, ac vulgo ridiculus fit.

De ceruo & leone.

CERVVS vehementi siti cum vexaretur, ad fontē proficiscitur, dumq; potat, suam in aqua prospiciēs umbram, valde lætatus est magnitudine cornuum ac ramositate: deinde pedes & crura prospiciens, nimium tristatus est. Hæc dum animo vertit, ecce leo apparet ac ceruum prosequitur. At ceruus fugam arripiens, leonem per campos longe anteibat. Dicunt enim ceruorum vires consistere in pedibus, ac leonis in animo stare robur. Quousq; igitur leo per campos secutus est ceruum, cum assequi non potuit. Casu vero contigit ceruum nemus intrare, vbi cornibus ad ramos implicitus, cum fugere non posset, à leone captus, cum se moriturum videret: Heu me miserum, inquit, qui cornibus gausus, ipsis cornibus pereō.

Fabula significat, quòd quæ putamus nobis profutura, ea nobis sæpius obsunt.

De agricola & pelargo.

AGRICOLA laqueos in agro tetendit, vt grues & anseres venaretur, qui sata sua continue depascabant. At simul cum illis venatus est pelargum, qui pede tentus rogabat agricolam, vt eum soluat, missumque faciat cum non sit grus, nec specie anser, sed pelargus, animum piissimus, qui parentibus semper inseruiat, nec illos in senectâ deserat vnquam. Cui subridens agricola ait: Quæ dicis, hand me fugiunt, nam qui sis, probe teneo, sed cum his simul captus cum sis, cum his quoque moriaris oportet.

Fabula significat, quòd qui cum improbis in aliquo deprehenditur crimine, pari debet pœna cum illis plecti.

De agno & lupo.

AGNVS in domo bene clausa existens, cum lupū ad se venientem vidit, illum conuitijs & maledictis incessit. At lupo inquit ei: Non tu, sed locus inaccessibilis mihi conuitia dicit.

Fabula significat, quòd locus & tempus faciunt timidos sæpe audaces.

De Ioue & coruo.

IVPITER volatilibus regem creare volens, diem consilij auibus indixit, vt qui speciosior esset, rex sibi constitueretur. Quam rem præsentiens coruus, ac suæ deformitatis conscius, plumis aliarum passim collectis se ornauit, ac speciosum se tunc præ cæteris esse putabat. Adest dies præfinitus, veniunt in concilium aues. Iupiter coruum ob pulchritudinem cum regem dare vellet auibus, illæ indigne id ferentes, singulæ coruum suis nudabant pennis. Coruus vero alienis pennis exutus, ridiculus ac fabula vulgi factus est.

Fabula significat, quod qui rebus pendet alienis, illis amissis, quisnam ipse sit, cuique liquido pater.

De tubicine quodam.

TVBICEN quidam tubæ sonitu pugnatum ciebat exercitum. Ab hostibus deinde per insidias captus, miseranda voce clamabat: Ne abs re ac frustra occidere me velitis, ego quidem non pugno: nec præter tubam quippiam aliud possideo. Qui eum vinctum ducebant, huiusmodi verba contra reddiderunt: Hanc ob rem morte dignior es iudicandus, quòd cum hostibus manum conferre deuitas, alios sonitu ad pugnam hortaris.

Fabula significat, quod grauiori pœna sunt multan-

di, qui cum ipsi iniuriam non agant, alios ad iniuriam agendam impellunt.

De fabro & cane.

FABER quidam catulum habebat, qui dum ipse ferrum cederet, continue dormiebat: cum vero manducaret, canis statim surgebat, & quæ sub mensa deciderant, ceu ossa & alia huiusmodi, sine mora corrodebat, quam rem animaduertens faber, ait ad canem: Heus miser, quid faciam nescio, qui dum ferrum cudo, continue dormis, & segnitia teneris. Rursus cum dentes moueo, statim surgis, & cauda mihi applaudis.

Fabula significat, quod socordes et somnolenti, qui ex aliorum viuunt laboribus, graui censura sunt coercendi.

De mula quadam.

MVLA quadam nimio hordeo pinguis effecta, nimia pinguedine lasciuiabat, secum inquiens: Pater mihi equus fuit, qui cursu celerrimus erat, & ego ei per omnia sum similis. Parum post contigit, quod oportuit mulam quantum potuit currere, sed cum cursu cessauit, heu me miseram inquit, quæ equi filiam me esse putabam. At nunc memini asinum mihi patrem fuisse.

Fabula significat, quod stulti in prosperis seipsos dediscunt, sed in aduersis suos plerumque agnoscunt errores.

De thynno & Delphino.

THYNNVS cum eum delphinus persequeretur, magno elatus impetu ac stridore, à vehementi fluctu in insulam defertur, eundemque in scopulum à fluctu eodem delphinus, dum se putat capere thynnus, ipse quoque defertur. Thynnus conuersus cum delphinum expirantem animam uidet, secum ipse ait: Mors mihi molesta

admodum non est, cum huius autorem unà mecum interire modo uideam.

Fabula significat, quòd quiuis aduersa leuius fert, cū calamitatis suæ autorem simili malo premi uidet.

De medico quodam.

MEDICVS quidem, cum quem curaret egrotum mori cōtigeret, efferentibus funus aiebat: Vir iste si vino abstinuisset, & clysterijs vsus fuisset, eum mori non contigisset. Ex his uero qui tum illic aderant, quidā medico haud infacetè ait: Heus medice, ista consilia cum prodesse quibant, dicenda fuerunt: non nunc, cum nihil valeant prodesse.

Fabula significat, consilia in tempore non data, haud esse aliud quàm amicum eludere.

De aucupe.

AVCEPS aucupatum calamis viscoq; tetendit, & cum turdum canere arboris desuper ramum aspexit, vt eum caperet calamos erexit. At inter ambulandum pede altero viperam calcauit, mōrsusq; ab ea, cū iam iam ob venenum se deficere præsentiaret, gembūdus ait: Heu me miserum, qui dum alium capere festino, alter ad mortem me est aucupatus.

Fabula significat, quòd quæ contra alios facere nitimur, ea persæpe ab alio ipsi patimur.

De castore.

CASTOR est animal quadrupes, qui in paludibus se nutrit. Eius testes varijs medelis vtilis esse dicuntur. Itaq; cum quispiam eum sequitur, suæ persecutionis causam non ignorans, ac pedum velocitati fidens, quantum potest fugit, donec eo peruenerit vbi saluum se pu-

tat, atq; ibi testes præcidents, venatoribus dum illi appropinquant proijcit. Istoq; pacto à venatoribus incolumis euadit.

Fabula significat, virum prudẽtem nihil intentatum relinquere, vt se à periculis eximat.

De puero oues pascente.

PVER quidam cum oues eminentiori in loco depasceret, sæpius vicinorum contra lupi ferociam implorabat auxilium. Qui circum aderant cultores agrorum, cultum omittentes, illum adibant, verum nihil ibi non saluum comperientes, ad intermissa redeunt opera. Cum vero id sæpius ioco fecisset puer, ac deinde serio lupo adesse proclamaret, agricolæ etiam tum se ioco vocari putantes, illi suppetias non ferebant. Sic tandem lupo oues prædæ fiunt.

Fabula significat, illi denuo non haberi fidem, qui semel & iterum mentitus est.

De coruo & vulpe.

CORVVS carnis prædam nactus, strepitat in ramis: quo viso, vulpecula cibi illius auida, accedit propius. Stans igitur sub arbore quanta potest arte coruum laudare occipit, affirmans illum forma, alijsq; præclaris virtutibus, cæteras ferè aues omnes longe præcellere, ac regem esse. Nam omnia regia super alias sibi sunt aues, si modo vocem haberet. His laudibus coruus inflatus, & dici mutus haud valens pati ulterius, dum magna voce crocizat, carnes humi decidunt. Illas cum vulpes rapuisset, conuersa inquit ad coruum: Heus corue, omnia decora tenes, modo mente haud careres.

Fabula significat, quòd qui adulatoribus nimium credunt, hi quæ non putant, in aduersa sæpius incidunt.

De cane & lupo.

CANIS cum ante aulam dormiret, lupo superueniens, eum statim cepit, et cum ipsum occidere vellet, canis ne eum occideret rogauit, inquit: Here mi lupo, nunc me occidere noli, nam ut vides, tenuis sum, gracilis & macilentus. Sed herus meus nuptias in proximo facturum est, ubi si parum me expectas, ego opipare manducans, atque pinguior factus, ero tibi vtilior. Lupus his verbis fidem habens, canem dimisit. Paucos post dies lupo accedens, cum canem domi dormientem reperit, stans ante aulam, canem rogat, ut sibi promissa præstet. Et canis haud rustice inquit: Hens lupo, si ante aulam de cætero me repereris, haud amplius nuptias expectes.

Fabula significat, quòd sapiens cum periculum vitat, ab illo postea continuo cauet.

De coruo ægrotante.

CORVVS cum ægrotaret, matrem rogauit, ut sua pro sanitate deos precaretur, inquit: Mater, noli plorare, sed deos potius precare, ut sanitatem mihi restituant. Ei mater scite respondit, quem decorum tibi fore propitium putas, cum nullus sit, è cuius aris sacra non rapueris?

Fabula significat, quòd qui in prosperitate quemuis offendit, in aduersis amicum sibi reperit neminem.

De cane carnes portante.

CANIS ore ferens carnes, ac flumen transiens, cum sub aqua umbram prospexit, putauit alium esse canem, qui plus carniū deferret. Itaque quas ipse ferebat,

eas carnes sub aquas ire dimisit, et ut umbrā caperet, se mouit: sed carnes & umbram, quæ sanè nihil erāt, simul perdidit.

Fabula significat, quòd cupiditate plus semper habendi, quæ tenemus, ea sæpenumero perdimus.

De leone & rana.

LEO cum ranam magniloquacem audiret, putans ali quod magnū animal esse, se retrouertit, parūq; stans ranam è stagno exeuntem videt, quam indignabundus statim pedibus calcavit, aiens: Nullum amplius ut te perspiciat animal clamore mouebis.

Fabula significat, quòd apud verbosos præter linguā nihil reperitur.

De leone sene.

LEO cum senuisset, nec victum sibi quærere posset, viam machinatus est, qui alimenta haud sibi desint. Ingressus igitur speluncam, grauiter ægrotare iacens simulabat. Animalia illum vere ægrotare putantia, visitādi gratia ad eum accedebant, quæ leo capiens, singulatim manducabat. Cum multa animalia iam occidisset, vulpes leonis cognita arte aditum speluncæ accedēs, leonem quo valeat pacto exterius stans rogat, ei leo blande respondens, ait: Vulpes filia, cur non intrò ingrederis ad me? Ei vulpes non illepidè ait, quoniam here mi, animalium ingredientium perplura equidem vestigia cerno, sed egredientium vestigia nulla.

Fabula significat, quòd homo prudens, quia pericula imminetia prouidet, illa facile deuitat.

De leone & tauro.

LEO ingentem taurum per insidias sequens, cum
pro

propè accessit, eum vocavit ad cœnam inquit : Amice, ouem occidi, hodie mecum si placet, cœnabis. Taurus leoni morem gerens, ut discubuerūt, cum multos lebetes, necnon magnos & plures obeliscos paratos conspiceret, & ouem ibi nullam adesse, ē vestigo abiit: quem leo abeuntem perspiciens, cur abiret rogavit. Ei taurus haud inurbanè respōdit : Non de nihilo equidem abeo, cum instrumenta non ad ouem, sed ad taurum coquendum videam esse parata.

Fabula significat, quòd homines prudentes minime latent improborum artes.

De leone, asino & vulpe.

LEO asinus & vulpes, conflata inter se societate, venatum exeunt, cumq; multam prædam cepissent, leo asino mādāt, ut prædam diuidat. Asinus cum eam in tres partes æquales esset partitus, optionem capiendi socii dedit. Quam partitionem leo indigne ferens, ac dentibus frendens, à diuisione deposuit eum, mandauitq; vulpi, ut prædam ipsa partiretur. At vulpes illas tres partes in vnum colligens, ac prædæ nihil sibi seorsum relinquens leoni omnia tradidit. Tunc leo vulpi ait : Quis te partiri edocuit? Inquit ex tempore uulpes, asini periculum id me facere instruxit.

Fabula significat, quòd aliorum pericula homines faciunt cautiores.

De leone cuiusdam rustici filiam amante.

LEO cuiusdam rustici filiam amabat, illam cum habere cuperet, patrem uirginis rogavit, ut sibi nubere ipsam assentiret. Ei rusticus ait, nullo pacto se assensurum, quòd filia bestiae nubat. Cum illum leo torue as-

ceret, ac dentibus frenderet, rusticus mutato cōsilio ait, se cupere ei filiam nubere, modo dentes & ungulas prius cecat, euellatq; , quoniam uirgo illis rebus longe terretur. Leo id postquam prænimmio amore fecit, rusticum adiens, filiam sibi dari postulat. At rusticus leonem cum ungulis & dentibus perspicit inertem, arrepto fuste illū frequens pulsando persequitur.

Fabula significat, quòd qui inimicis se committit, de facili perit.

De leæna & vulpe.

LEAENA, cum à uulpe sæpius exprobraretur, quòd quolibet partu unum dumtaxat pareret catulum, ait: Vnum sane, at pol leonem.

Fabula significat, quòd pulchritudo haud in copia rerum, sed in uirtute consistit.

De lupo & grue.

LVPVS in gutture osse retento, cum longe cruciaretur, grui precium obtulit, si illud è gutture extraheret. Grus rostro cum os è gutture extraxit, precium sibi promissum expostulat. Ei lupo subridens, simulq; acutè dentes, ait: Satis precij tibi esse debet, quod ex lupi ore, caput sine læsione eduxeris.

Fabula significat, quòd apud improbos gratitudo nō parua habetur, si p obsequio quis detrimentū nō recipit.

De lupo & agno.

LVPVS cum agnum inuenisset errantem, eum non cepit fortissima manu, sed causam quæsiuit, quo iure uel iniuria eum comederet, igitur agno uerba huiusmodi fecit: Tu mihi abunde iam diu intulisti iniurias. Agnus gemendo ait: Quomodo id fieri potuit, cum nuper

rimē uenerim ad lucem? Lupus denuo ait, Agrum mihi pascendo deuastasti. Agnus inquit ei: Cum dentibus etiā caream, id facere nequiui. Lupus rursus ait: Ex meo quoq; fonte bibisti. Et inquit agnus: Quo pacto id fieri potuit, cū aquam ex atate nondū biberim, sed lac matris cibus & potus adhuc mihi sit? Lupus tandem ira concitus, ait: Licet tua soluere nequeā argumenta, cœnare tamen opipare intēdo: agnumq; cepit, ac illū manducauit.

Fabula significat, quòd apud improbos ratio & ueritas locum non habent.

De duobus gallis inter se certantibus.

DV O galli inter se ruri certabant: qui gallinarum prior dux erat, cum ab altero superatus esset, prœ uerecūdia se abscondit: alter uero uictoria elatus: domus tectum statim superuolans, uehementi alarum plausu cā tuq; significat se riualem suum pugnando superasse, & de aduersario ferre trophæum. Dum hæc atq; huiusmodi iactabundus uoce coccizat, ecce aquila cibi indiga, ex alto deuolans, gallum unguibus rapit, ac pullis suis comedendum portauit. Quam rem qui uictus fuerat gallus prospiciens, ceu ex hoste triumphans in publicum venit, ac solus gallinis libere potitur.

Fabula significat, quòd qui in prosperis nimium fidit, in aduersa sæpius præceptis incurrit.

De vate quodam.

FO R O urbis medio quidam vates cuius sortem aperiebat fuuram, quamobrem magna hominum frequentia stipatus, dum uni & alteri suam aperit sortem, ei nunciatur, res suas furtim domo esse ablatas, quo audito, domum curriculo dum abit, quidam ei obuiam fa-

Etus, ridicule ait: Cum alios quid esset futurū monebas, qui tuæ sortis nescius fuisti?

Fabula significat, quòd homines nequam corrigunt alios, et sua crimina scire se negligunt.

De formica & columba.

FORMICA sitiens in fontem descendit, ubi dum bibere vult, in aquam cecidit. Columba quædam arborem fonti eminentem supersedens, cum formicam aquis obrui conspiceret, ramulum ex arbore rostro continuo frangit, ac sine mora deijcit in fontem, ad quem formica se applicans, ex aquis in tutum se recipit. Obiter auceps quidam aduenit, & ut columbam venetur, calamos erigit. Formica id percipiens, pedem alterum momordit aucupis, eo dolore auceps concitus, calamos dimittit, quorum strepitu columba territa, ex arbore aufugiens, vitæ periculum euasit.

Fabula significat, cum bruta in beneficos grata sint, eo magis esse debent qui participes sunt rationis.

De vitulo & cerua.

VITVLVS ceruæ aliquando ait: Cum magnitudine sis maior canibus, & pedum celeritate cursu velocior, & ad pugnam longe cornibus munitior, cuius rei gratia mater tantopere canes reformidas? Ei cerua inquit, subridens: Quoniam fili licet quæ dicis omnia possideam, canum latratum ferre non possum, sed præ timore fugam statim arripio.

Fabula significat, quòd qui natura timidi sunt, eos ut audeant nulla iuuat hortatio.

De ape & Ioue.

APE S, quæ ceræ mater existit, quondam accedens ut

dijs sacra faceret, Ioui domum obtulit mellis. Qua oblatione Iupiter letus, iussit sibi concedi quicquid ipsa precaretur. Apes igitur rogās, ait: Illustissime deus deorum, ancillæ tuæ concedere velis, vt quicumq; ad alueare pro rapiendo melle accesserit, is simul ac pupugero eum, cōtinuo moriatur. Qua ratione Iupiter ambiguus, quoniam genus mortaliū longe amabat, demū api ait: Satis sit tibi, quòd quicumq; alueare pro rapiendo melle accesserit, si eum pupugēris, et in punctura stimuli dimiseris, continuo ipsa moriaris, tibiq; vita sit ipse stimulus.

Fabula significat, quòd quæ inimicis quandoq; mala precamur, ea in nos sæpius vertuntur.

De musca.

MVSCA quæ in ollam carniū deciderat, cum se illic suffocatum iri præsēntit, secum ipsa ait: En tātum bibi, tantum comedi, tantum me laui, vt iure satūra mori possim.

Fabula significat, quòd prudentis est id potentiori animo ferre, quod minime vitari potest.

De adolescente quodam & hirundine.

ADOLESCENS luxuriosus, cum bona patris consumpsisset, solaq; vestis remansisset, visa ante tēpus hirundine, æstatem iam adesse existimans, ipsam quoque vendidit vestem. Sed hyeme denuo orta, cum immēso cruciaretur frigore, visa rursus hirundine, quæ et ipsa frigore peribat, ait: O volucrum scelestissima, quæ & me, & te pariter perdidisti.

Innuat fabula, quòd quæ suo tempore non fiunt, ea nequaquam perdurare posse.

De ægroto & medico.

AGER à medico rogatus quo pacto se habuisset, plusquam esset opus se sudasse respondit. Id bonum fuisse medicus ait. Secundo rogatus ab eodem quomodo se haberet, ait ægrotus vehementi frigore se correptum esse. Id ad sanitatem facere respondit medicus. Tertio ab eodem interrogatus quo pacto se habeat, respondit ægrotus sese cum difficultate digerere. Et id quoque bonum ac salutiferum esse medicus affirmat. Deinde cum quidam familiaris illum interrogaret de valetudine, dicebat ægrotus: signa ad salutem (si medico credimus) & multa & optima sunt, verum his tamen disperco.

Fabula monet, ijs non esse fidendum, qui quæ libenter audimus, coram loquuntur.

De lignatore quodam.

LIGNATOR quidam dum iuxta flumen deo Mercurio dicatum ligna cæderet, securis casu decidit in flumen. Multo igitur dolore correptus, ad oram fluminis tristis, mæstusque sedebat. Mercurius misericordia motus lignario apparuit, suique fletus causam rogavit, quam simul atque rescivit, securim auream deferens, an ea esset quam ibi perdiderat, interrogat, quam ille visam, suam esse negavit. Secundo Mercurius alteram detulit argenteam, & hanc quoque suam esse negat pauper. Postremo vero Mercurius ligneam attulit, quam cum suam esse pauper assereret, Mercurius videns illum virum bonum, sanctum ac pium esse, omnes pariter illi donabat. Accedens igitur ad socios lignarius quod sibi acciderat, narrat. Unus vero illorum id experiri cupiens, cum ad flumen accessisset, proiecta eodem securi, mæstus in ripa

desidebat, cuius Mercurius fletus causam edoctus, securim auream afferens, si quam perdiderat illane esset, rogauit: quam cum suam esse assereret, Mercurius cognita eius impudentia ac mendacio, nec auream, nec suam quoque tradidit.

Fabula significat, quod quanto deus propitior est probis, eo improbis existit infestior.

De asino & Ioue.

ASINVS olitori cuidam seruiens, cum multū comederet, & parum laboraret, Iouem exorauit, ut aliū dominum sibi mutaret. Itaq; Iupiter mandat vt figulo veneat. Apud quem asinus cum laboraret in deportando lutum, lateres, tegulas & huiusmodi, secundo Iouem precatur ut alio deseruiat domino. Iupiter iterum mandat, vt coriario venundetur. Cui asinus multo cum labore et paucio cibo seruiens, heu me miserum, cū gemitu ait, qui dominos omittēs meliores, ad deteriore pueni, apud quem vt video, corium meū etiam post mortem cruciabitur.

Fabula significat, quod priores dominos tunc serui desiderant, cum deteriores experiuntur.

De leporibus & ranis.

LEPORES in vnum simul conuenerunt, vbi cum de miseria ipsorum innata dolerent, gementē, q̄ vita eis quā ceteris animalibus data esset miserior, quoniam homines, aquilæ et canes ad mortē eo vsq; persequerentur, decernunt melius sibi fore semel mori, quā in vita tam misera diutius permanere, hoc certo consilio, vt se in stagnum præcipitent. Dum ocyus tendūt, ranae quæ super stagni ripa astabant, vt strepitum audiunt, in stagnum desiliunt, seq; aquis submergunt. Quam rem qui

lepus præibat cū conspicatur, reliquis ait, state, nam nobis sententia mutanda est. Quippe ut liquido videtis, animalia quàm nos magis timida reperiuntur.

Fabula significat, quòd cum miser miseriorem aspicit, suam æquius miseriam fert.

De asino & equo.

ASINVS cum equum alimonia & otio diligenti cura abundare perspiceret, eum longe beatum esse cōmendabat, seq; nimium infelicem dicebat, qui cum multum laboraret, ad saturitatem de paleis haud haberet. At cum belli tempus aduenit, miles armatus equum ascendit, ac cū medios decurrit in hostes, equus mucrone percussus, cadit humi prostratus. Quem asinus prospiciens, ingemuit: eiusq; misertus, sui animi sententiam mutauit.

Fabula significat, quòd cum paupertate quæ mater est quietis, quis conuenire debet potius quàm locupletioribus inuidere.

De asino & lupo.

ASINVS quidam pede altero sentem calcavit, claudusq; factus, cum lupum ad se venientem conspiceret, nec fugere posset, miserabili voce inquit: Heus lupe, demorior equidem è dolore, sed ex quo opus est ut tibi & coruis futurus sim cibus, obsecro quatenus tua benignitate sentem è pede velis extrahere, ut munere tuo extremum sine dolore obeam diem. Dum sentem dentibus lupus euellit, asinus eum calce percussit. Lupus deinde naso, fronte, ac dentibus perfractis, heu me miserum exclamat, iure hoc patior; deplorando reiterat, qui cum essem coquus, medicus esse volui.

Fabula significat, quòd quam quisq; nouit, ea se exerceat arte.

De muliere & gallina.

MULIER quædam gallinam habebat, quæ quotidie ponebat ona aurea, sperans igitur intus latere gazam, occidit: Sed cū intus nihil reperit, quæ se diuitē inde fore putabat, etiam quæstu priori priuata est.

Fabula significat, ob nimiam auaritiā hominibus id plerunq; perire, quòd prius certū habebant lucrum.

De rana & vulpe.

RANA paludem egressa, cōtulit se ad quadrupedes, profitetur se medicum esse, ac in ea facultate se plurimum posse præstare, cui præter cæteros fidem non habens vulpes, ait: Qui alios curaueris, cum claudicantem te curare nescias?

Fabula significat, stultum esse alios id docere velle, q̃ ipse prius non didiceris.

De serpente & agricola.

SERPENS ante agricolæ cuiusdam domum latebras habens, cum ab agricolæ filio caderetur, tam acriter illum momordit, vt ex eo morsu statim obierit. Hac re cognita parentes, magnos ac lamentabiles gemitus edūt. Cæterum filij mortem impotentius ferens pater, correpta securi, bestiam, vt occidat, insequitur, atq; ibi vibrata securi, caudam illi amputabat: ac mox facti pœnitēs, illi sese reconciliare studebat, pane, vino, farinis ac cæteris huiusmodi ceu pacis legibus oblati. Cui serpens sub petra latitans, indignabundus ait, Nihil agis bone vir, siquidem inter nos amicitia neutiquā coire poterit,

nam mihi præcisa cauda, tibi vero filij tui funus memoriam crebro refricabunt.

Fabula significat, quòd cum iniuriarum nondum causas perierint, odia minimetolli queunt.

De gallina & vulpe.

VULPES gallinarum tugurium ingressa, cum gallinam nido ægotantem aspexit, eam rogauit quomodo valeret. Cui gallina prompte respondit, Meliuscule haberem, si hinc abires soror.

Fabula significat, quòd inimicorum præsentia nimium est molesta.

De viatore.

VIATOR quidam longum facturus iter, vouit Mercurio dimidium si quid offenderet in itinere. Reperita autem pera palmulis amygdalisq; plena, ad vnum omnes illas edebat. Tandem vero aliquando Mercurij templum ingressus, illiusq; aram manibus tenens, verbis ridiculis ait Mercurio: Votum Mercuri nunc tibi persoluo. Nam earum quas reperi, amygdalarum palmularumque cortices & putamina tibi offero.

Fabula significat, auaritiam hominibus etiam deorum contemptum parere.

De leone & homine.

LEO et homo cum simul iter facerent, ac inter eundem suas quisq; prædicaret virtutes, ecce lapideæ occurrunt columnæ, quibus exaratus erat homo leonem interimens, quam sculpturam ille leoni prætendens, ait: Agnosce ô bone, vel me tacente, homini leonem ceterasq; feras viribus ac potentia multo esse impares. Cui leo: Quòd si leones æque atque vos, pingendi artem ha-

berent, plures leoni homines quàm hominibus leones caderent.

Fabula significat, quòd homines iactabundi fingunt se fecisse quæ facere nunquam tentarunt.

De vulpe quadam.

V V L P E S cum racemos vuarum plenos iam ac maturescentes prospiceret, cupida de illis manducare, omnem viam machinata est, qua illos comprehendere posset. Sed cum omnem viam frustra tentasset, nec desiderio suo satisfacere quiniisset, mæstitiam vertens in gaudium, ait: Racemi illi adhuc nimium sunt acerbi.

Fabula significat, quòd prudentis est fingere se ea nolle, quæ consequi non posse cognoscit.

De puero & scorpione.

P V E R quidam ruri venabatur locustas, & cum scorpionem capere vellet, scorpio simplicitate eius cognita, ait ei: Heus puer, dege in pace, ac manum abstine, si non vis totus perire.

Fabula significat, quòd qui ad vtranq; partem cogitat, is quæ sequi & quæ vitare debeat probe tenet.

De venatore & perdice.

V E N A T O R quidam cum quam ceperat perdicem, occidere vellet, perdix gemens huiusmodi verba fecit ad eum: Heus perdiciu auceps, si me missam feceris, ac vitam donaueris, alias per plures conducam tibi perdoes. Ei auceps appositè respondit: Nunc eo magis occidi dignam iudico, quòd amicos per insidias perdere polliceris.

Fabula significat, quòd qui sibi charos perdere dolo quærit, is præceps in pericula incidit.

De lepore & testudine.

TESTUDO cum eius pedes lepus derideret, subridens inquit ad eum, Si periculum in cursu feceris, quòd quàm tu velocior sim, liquido cognosces. Cui lepus ait, Te profecto fugit, quid mei valeant pedes, sed iudicè eligamus, qui cursum et terminum nobis diffiniat. Igitur eligunt vulpem brutorum omnium sagacissimam, quæ ut locum & cursus terminum constituit, testudo omni segnitie ac negligentia semota, iter arripiens haud quieuit, donec ad terminum pervenit. Lepus vero pedibus fidens, ubi paululum quieverit somno excitatus, quantum pedes valuerunt, ad terminum cucurrit, ibiq; cum testudinem quiescentem reperit, se cum rubore fatetur à testudine superatum.

Fabula significat, quòd studio & diligentia, non corporis viribus, res vel maximæ conficiuntur.

De securi & salice.

SECURIS cum salicem caderet, ex ea ipsa cuneos fecit quibus salicem facilius scinderet. Quam rem præsentiens salix, gemens eiulansq; ait: Non tantum de securi queror, quæ hominum manibus me scindit, quantum de cuneis qui fiunt ex corpore meo.

Fabula significat, quòd in aduersis, non veri amici se infestiores amicis, quàm inimici sæpius reddunt.

De puero quodam fure.

PVER quidam è ludo literario librū socio clam auferens, suæ matri tradidit illum: quem mater cum libenter accepisset, nec filium castigasset, rursus puer alii vestem clam abstulit, atque matri quoq; detulit, quam cū mater etiā libenter accepisset, puer castigatione carens,

cum plura in diem ac maiora crescentibus annis furare tur, demum publice captus, ceu furti reus, per quæstores publice damnatus est mortis. Sed cum ad locum iustitiæ duceretur, eumq; mater gembūda sequeretur, impetrata venia ut matri ad aurem vnum loqui verbum valeret, ad eam conuersus, atque os ori matris adherens, ut quippiam secreto dicturus, aurem dentibus sibi abscedit. Mater uero præ dolore exclamans, mala illi imprecatur. Tunc qui eum ducebant, cum supra modum criminarentur, non solum furti, sed quod tam impius fuerit in matrem, ille absque rubore inquit ad eos: Nemini uestrum sit mirum quod aurem matris dentibus abscedi. Ipsa enim huius meæ perditionis autor & causa est. Quippe si me castigasset, cum ei librum detuli, quem socio è scholis primum clam abstuli, omiſſis præ timore uerberū furtis, ad hoc in præsentia genus turpissimæ mortis non peruenissem.

Fabula significat, quod qui in delinquendo ab initio non castigatur, facinorosior in diem efficitur.

De pastore & mari.

PASTOR quidam iuxta littus maris pecudes pascens, cum mare ipsum semel placidum aspiceret, nauigandi studio captus, oues pro daëtylis commutauit, quibus naui impositis, cum altum iam nauigaret, et tempestate sine spe salutis fluctuaret, quæ in naui sunt, ea omnia proiecit, atque in portum uix se recipit. Denuo cum oues pasceret, ac rursus mare tranquillum uideret, suo consocio ipsam maris tranquillitatem commendanti ridicule ait: Mare iterum daëtylos cupit.

Fabula significat, quòd usus & peritia nos reddunt in periculis cautiore.

De punica & malo arboribus.

PUNICA & malus arbores de pulchritudine contendebant, dum diu inter se uarijs & acerbis contentionibus certassent, rubus ex proximo sepe huiusmodi contentiones accipiens, accessit ad eas, atque inquit: Satis iam satis certatum inter uos est, quiescite admodum & contentionibus finem imponite.

Fabula significat, quòd minores maiorum lites sæpe numero componunt.

De talpa & matre.

TALPA cæcum natura animal est. Hæc aliquando matri ait: Ingentem sentio odorem. Parum post rursum ait: Excelsam aspicio fornacem. Tertio item ait: Malleorum sonitus audio fabriles. Ei mater comiter ait: Heus filia, tu uti percipio, non solum oculis, sed naso & auribus orba existis.

Fabula significat, quòd homines iactabundi, cum magna profitentur, tunc vel maxime in minimis redarguuntur.

De vespis, perdicibus & agricola.

VESPAE semel & perdices siti concitæ, cum simul conuenissent, ad rusticum quendam tendunt, potum ab eo petentes, atque pollicentes quòd illi pro aqua largas referrent gratias. Quippe perdices vineam ei eo fœdere promittunt, quòd plenos vites producent racemos. Vespæ vero se vineam circumeundo custodire, ac fures inde amouere large offerunt. Quibus agricola inquit, Duos habeo boues, qui cum nihil promittant, eam

dem hanc operam nihil minus præstant. Itaque satius est mihi illis quàm vobis aquam exhibere.

Fabula significat, non esse illis subueniendū qui nauci & inutiles sunt.

De Ioue.

C V M Iupiter nuptias celebraret, cuncta animalia illi munera obtulerunt, quæque pro viribus suis. Verum enim serpens rosam legit, illamq; ore tenens Ioui obtulit. At Iupiter vt eum aspexit, palam inquit: Ab omnibus equidem dona libenter accipio, verum à serpente id haudquaquam facio.

Fabula significat, improborum munera non esse sine dolis.

De simia.

S I M I A M aiunt parere gemellos, quorum vnum ternerrimè diligit, alterū assiduo prosequitur odio. Contigit autem quòd qui in delicijs habebatur à simia matre in somnis suffocaretur, quamobrem qui neglectus erat, ad iustam ætatem in matris delicijs educatus adoleuit.

Fabula significat, viros prudentes nonnunquam fortunæ debere cedere.

De pulice.

P V L E X cum quendam morfu aliquando stimulas-
set, captusq; rogaretur, quis nam esset, qui membra sibi depasceret, ait se ex eo genere animalium esse, quibus à natura datum esset, vt eo pacto vitam viuant, nec eum occidere velit, cum multum mali facere ipse illi nequeat. At homo ille subridens ait: Eo magis meis necaberis manibus, quoniam nec multum, nec parum abs te quempiam lædere licet.

Fabula significat, quòd malorũ licet parum, vel multum delinquant, misereri haud oportet.

De pulice & homine.

PVLEX suo solito more saltans, super hominis pede resedit, illumque morsu acriter pupugit. Qua punitione homo ille grauitèr concitus, pulicem cepit, & vnguibus obtundere voluit: sed pulex manibus exiliens, mortem euasit. Tum homo proclamans ait: O Hercules malorum extinctor, ecquid mihi in hunc opprimendum præsens non fuisti?

Fabula significat, quòd non in minimis, sed in magnis arduisq; rebus à dijs implorandum est auxilium.

De formicis & cicada.

HYEMIS erat medium, cum formicæ sparsum triticum apricabant. Quod cicada aspiciens, cum inedia conficeretur, accessit ad eas, ac triticum vt sibi pro alimonia cibum concederent, orauit, Et cum formicæ eam rogarent, quidnã æstate fecerit, num segnis & ocio sa eo tempore steterit, illis cicada ait: Neque segnis aut ociosa steti, sed cantu viatoribus itineris tedium leuavi. Qua re cognita, formicæ subridentes inquirunt: Si æstate cecinisti, vt viatorem oblectares, nunc salta, ne frigore pereas.

Fabula significat, quòd qui quæ facienda sunt suo tempore non facit, is in angustias quando non putat, incidit.

De viro & vxoribus.

TEMPVS erat veris, quo quidam in delicijs educatus, cū nec iuuenis, nec senex esset, semicanus enim erat, duas simul duxit vxores, vnam quidem natu grandem, alteram vero iuniorem. Cum omnes eandem habitarent

tarent domum, vxor anus vt virum in amorem suum totum pelliceret, quotidie, viro caput pertractans, nigros illi euellebat capillos. Pari studio iunior, vt ab anus consuetudine illum auocaret, albos euellit capillos. Postremo ita illum depilarunt, vt & caluum & ridiculum non sine summo opprobrio virum reddiderint.

Fabula significat, quòd nulla melior salus senibus existit quàm fœminis carere, et maxime iunioribus, nisi penitus obrui se velint.

AESOPHI PHRYGIS

FABVLÆ: GVLIELMO

CANONICO INTERPRETE.

De gallo gallinaceo.



ALLVS Gallinaceus dum vertit stercorearium, offendit gemmam: Quid, inquit, rem sic nitidam reperio? Si gemmarius reperisset, nihil esset eo letius, vt qui precium sciret. Mihi quidem nulli est vsui, nec magni aestimo, imò equidem omnibus gemmis granum hordei malim.

Morale.

PER gemmam, artem sapientiamq; intellige: per gallum, hominem stolidum & voluptarium. Nec stolidi artes liberales amant, cum vsum earum nesciant: nec voluptarius, quippe cui una placeat voluptas.

De lupo & agno.

LV P V S ad caput fontis bibens, uidit agnum procul infrà bibentem. Accurrit, agnum increpat, quòd turbarit fontem. Trepidare agnus, supplicare ut parcat innocenti: se, quando longe infra biberit, potum lupi ne potuisse quidem turbare, nedum uoluisse. Lupus contrà intonat: Nihil agis sacrilege, semper obes. Pater, mater, omne tuum inuisum genus sedulo mihi aduersatur: tu mihi dabis hodie pœnas.

Morale.

V E T V S dictum est, vt canem cædas, facile inueniri baculum. Potens, si libeat nocere, facile capit nocendi causam. Satis peccauit, qui resistere non potuit.

De muribus & ranis.

BE L L V M gerebat mus cum rana: de paludis certa batur imperio. Pugna erat vehemēs & anceps. Mus callidus sub herbis habitans, ex insidijs ranā adoritur. Rana viribus melior, pectore & insultu valens, aperto Marte hostem laceffit. Hasta vtriq; erat iuncea. Quo certamine procul viso, miluus appropinquat. Dumq; præ studio pugnae neuter sibi cauet, vtrumq; bellatorem miluus rapit ac laniat.

Itidem euenire solet factiosis ciuibus, qui accensi libidine dominandi, dum inter se certant fieri magistratus, opes suas, plerunque etiam vitam in periculo ponunt.

De cane & umbra.

CA N I S tranans fluuium, rictu vehebat carnem: splendente sole, ita vt fit, umbra carnis lucebat in aquis. Quam ille visam auide captas, quod in faucibus erat perdidit. Itaq; tum rei, tum spei iactura percussus:

primum stupuit : deinde animū recipiens , sic elatrauit :
Miser , deerat cupiditati tuæ modus. Satis superq; erat,
ni desipuisses : iam per tuam stultitiam minus nibilo ti-
bi est.

Monemur hac fabella modestiæ, monemur prudentiæ,
vt & cupiditati sit modus, ne certa pro incertis amitta-
mus. Astute certe Terentianus ille Sannio : Ego, inquit,
spem precio non emo.

De leone & quibusdam aliis.

C V M oue, quibusdamq; alijs pepigerat leo venatio-
nem fore communem. Itur venatum: capitur cer-
uus : partiuntur singulas singulis partes. Tollere, vt con-
uenerat, incipientibus, leo irrugit: Vna, inquiens, pars
mea est, quia sum dignissimus . Altera item mea est, quia
viribus præstantissimus . Porro quia in capiundo cernuo
plus sudauerim, vendico tertiam . Quartam deniq; par-
tem ni concesseritis , actum est de amicitia. Socij hoc au-
dito , discedunt vacui & taciti , non ausi mutire contra
leonem.

Rara semper fuit fides apud hoc sæculum , rarior est
apud potentes : & est, & fuit semper rarissima. Quocir-
ca satius est vt viuas cum pari . Qui enim cum potentio-
re viuit , necesse habet sæpe de suo iure concedere. Cum
æquali æquale tibi ius erit.

De lupo & grue.

L V P O voranti ouem , forte ossa hædere in gula.
Ambit, orat opem, opitulatur nemo . Omnes dicti
tant tulisse eum precium voracitatis. Tandem blanditijs
multis pluribusq; promissis gruem inducit , vt collo lon-
gissimo in gulam inserto , os infixum eximeret . Petenti

autem præmium illudit. Inepta, inquit, abi. Non sat habes quod viuis? vitam debes mihi. Si libuisset, licuit præmordere collum tuum.

Tritum est: Perire quod facis ingrato.

De rustico & colubro.

RVSTICVS repertum in niue colubrum frigore propè enectum, domum tulit, abiicit ad focum. Coluber ab igni vim virusq; recipiens, deinde flammam non ferens, omne tugurium sibilando infecit. Accurrit rusticus, correpta sude, verbis verberibusq; cum eo iniuriam expostulat. Num hanc referat gratiam? num vitam erepturus sit illi, qui vitam ipsi dederit?

Fit interdum vt obsint tibi, quibus tu profueris: & male de te mereantur ij, de quibus tu bene sis meritis.

De apro & asino.

DV M iners asinus irrideret aprum, ille indignans frendebat: Malum quidem ignauissime fueras meritis, sed etiam si tu pœna fueras dignus, tamen ego indignus qui à te pœnas sumam. Irride tutus: impune tibi licet: tutus enim es ob inertiam.

Demus operam, vt cum indigna nobis audimus aut patimur, ne indigna nobis dicamus aut faciamus. Mali enim & perditī plerunque gaudent, si quispiam bonorum eis resistat. Magni pendunt se haberi dignos ultione. Imitemur equos & magnas bestias, qui oblatrantes caniculos cum contemptu prætereunt.

De mure urbano & mure rustico.

LIBITVM est urbano muri deambulare rus: vidit hunc mus rusticus, inuitat: apparatus, itur cœnatum. Depromit rusticus quicquid posuerat in hyemē:

& exhaurit omne penu, ut tanti hospitis expleat lautitiam. Urbanus tamen frontem corrugans, ruris damnat inopiam, urbis subinde laudat copiam. Remeans ducit secum in urbem rusticum, ut quæ verbis iactitaret, re comprobaret. Ineunt conuiuium, quod urbanus splendide compararet. Inter epulandum auditur in sera murmur clauis: trepidare illi, & fugitare fugitando. Rusticus & insuetus & loci ignarus, ægre se tueri. Discedente famulo redit urbanus ad mensam, vocat rusticum: ille uix tandem metu deposito prorepat. Inuitantem ad pocula urbanum percontatur, nam hoc periculum crebrum sit. Respondet ille quotidianum, inquit? Me hercule istæ dapes plus fellis quam mellis sapiunt. Equidem malocum securitate meam inopiam, quam cum tali anxietate istam copiam.

Diuitiæ præ se ferunt quidem uoluptatem, sed si introspicias, habent pericula & amaritudinem. Eutrapeles quidam fuit, qui cum inimicis suis quam maxime nocere uellet, diuites eos faciebat, dictitans ita se eos ulcisci, quippe accepturos cum diuitijs ingentem sarcinam curarum.

De aquila & cornicula.

AQUILA nacta cochleam, non ui aut arte quirit eruere piscem. Accedens cornicula dat consilium. Suadet subuolare, & è sublimi cochleam in saxa præcipitare: sic enim fore, ut concha frangatur. Humi manet cornicula, ut præstoletur casum: præcipitat aquila, frangitur testæ, subripitur piscis à cornicula, dolet elusa aquila.

Noli quibusuis habere fidem, & consilium quod ab

alijs acceperis, fac inspicias. Multi enim consulti nō suis consultoribus sed sibi consulunt.

De coruo & vulpecula.

PR A E D A M nactus strepitat in ramis coruus. Videt vulpecula gestientem, accurrit. Coruum, inquit, plurima salute impertit vulpes. Sæpenumero audieram famam esse mendacem, iam reipsa experior. Nam ut hac forte iam prætereo, suspiciens te in arbore aduolo culpans famam. Fama enim est, te nigriorem pice esse, & video candidiorem niue. Meo sane iudicio cygnos vincis, & hedera formosior alba es. Quod si ut plumis, ita & voce excellis, omnium auium equidem te dixerim reginam. Hac assentatiuncula illectus coruus ad canendum: apparanti, vero è rostro excidit caseus: quo correpto, vulpecula cachinum tollit. Tum demū miserum coruum pudet, pigetq; sui. Et iactura rei mixta pudore dolet.

Nonnulli sic auidi laudis sunt, ut cum suo probro & damno ament assentatorem. Eiusmodi homunciones præde sunt parasitis. Quod si vitaueris iactantiam, facile assentatorū pestiferum genus vitaueris. Si tu voles esse Thraso, nusquam deerit Gnato.

De leone senectute confecto.

LE O qui iuuentute complures sua ferocitate fecerat inimicos, in senectute exoluit pœnas. Reddunt talio nem bestia. Dente aper, cornu petit taurus: in primis asellus vetus ignauia nomen cupiens abolere, verbis & calcibus strenue insultat. Tum gemebundus leo: Hī qui bus olim nocui, iam vicissim nocent: & merito. Sed hi quibus aliquando profui, iam vicissim non prosunt, imò etiam immerito obsunt. Stultus fui qui multos fecerim

inimicos : stultior , quia falsis amicis confisus fuerim.

In secundis rebus non efferearis, non sis ferox. Nam si vultum mutarit fortuna, vlciscentur quos læsisti. Et inter amicos fac habeas discrimen. Sunt enim quidam amici, non tui, sed mensæ tuæ, sed fortunæ tuæ. Quæ quidē fortuna simul ac mutata erit, & illi mutabuntur. Et bene tecum actum erit, si non inimici fuerint. Merito queritur Ouidius :

*En ego non paucis quondam munitus amicis,
Dum flauit velis aura secunda meis.
Vt fera nymboſo tumuerunt æquora vento,
In medijs lacera puppe relinquer aquis.*

De cane & asino.

DV M blandiretur canis hero & familiæ, herus & familia canem demulcent. Asellus id videns, altius gemit : cœpit eum pigere suæ sortis : inique putat comparatum, canem gratum esse cunctis, pasciq; de mensa herili, idq; ocio ludoq; consequi. Sese contra portare clientellas, cædi flagello, nunquam ociosum esse, & cunctis tamē odiosum. Si hæc fiant blanditijs, eam artē quæ tam utilis sit, statuit sectari. Igitur quodam tempore redeunti domum hero, rem tentaturus, procurrit obuiam, subsilit, pulsat ungulis : exclamante hero, accurrere serui : et ineptus asellus, qui se urbanū credidit, fuste uapulatur.

Non omnia possumus omnes, ut ait Vergilius in Bucolicis. Nec omnes omnia decent. Id quisque velit, id tentet quod possit. Non simus, id quod Græce significantius dicitur, ὄνος λυγρός, idēst, asinus lyrarum vel lyrae. Sic autem Boetius : Asinus ad lyram positus. Repugnante na-

tura, irritus est labor. Tu nihil inuita facies, dices uē Mīnerua, teste Horatio.

De leone & mure.

LEO æstu cursuq; defessus, sub vmbra fronde super viridi quiescebat. Murum autem grege tergū eius percurrente, experrectus, vnum ē multis cōprehendit. Supplicat captiuus, indignum se esse cui leo irascatur clamat. Reputans ille in nece tantillæ bestiollæ nihil esse laudis, captiuum dimittit. Nec vero ita multo post leo forte dum per saltum currit, incidit in plagas. Rugire licet, exire non licet. Rugientem miserabiliter leonē mus audit, vocem agnoscit, repit in cuniculos, laqueorū querit nodos: quæsitos inuenit, inuentos corrodit, leo ē plagis euadit.

Hæc fabula suadet potentibus clementiam. Etenim ut sunt res humanæ instabiles, egent interdum ipsi potētes ope humiliorum. Quare vir prudens, etsi potest, timebit vel vlli hominum nocere. Qui autem non timet nocere alteri, valde desipit. Quid ita? Quia etsi iam potētia fretus neminē metuis, forsitan olim erit vt metuas. Constat enim euenisse claris magnisq; regibus, vt vilium homuncionū vel gratia indiguerint, vel iram metuerint.

De miluo ægroto.

LECTO decumbebat miluus, iam fere moriēs: matrem orat precatum ire deos. Mater respondet nil opis illi sperandum à dijs, quorum sacra & aras suis rapinis toties violasset.

Decet venerari superos. Illi enim pios inuāt, impios auersantur. In felicitate neglecti, in miseria non exau-

dient. Quare in secundis rebus sis eorum memor, ut in aduersis rebus præsentes sint vocati.

De hirundinibus.

CUM primum cœptum est seri linum, hirundo suadet aniculis impedire sementem, dicitans sibi fieri insidias. Irrident illæ, stultam vatem hirundinem uocant. Surgente iam lino & virescente, rursus monet euellere sata. Iterum irrident. Maturescit linum, hortatur populari fegetem. Cum ne tunc quidem consulentē audirent, hirundo auium cœtu relicto, hominis sibi conciliat amicitiam. Init cum eo fœdus, cohabitāt, cantu demulcet. Cæteris auibus è lino fiunt retia & laquei.

Multi nec ipsi consulere sibi norunt, nec recte consulenti audiunt. Sed cum in periculis sunt & damnis, tum demum sapere incipiunt, & suam damnare socordiam. Tum sat superq; consilij est: Hoc, inquiunt, & illud factum oportuit. Sed præstat esse Prometheus quàm Epimetheus. Fuere hi fratres, nomina sunt Græca. Alteri consilium ante rem fuit, alteri post rem. Quod declarat interpretatio nominum.

De ranis & earum rege.

GENS ranarum cum esset libera, Ioni supplicabat dari regem. Ridere Iupiter uota ranarum. Illæ tamen iterum atq; iterum instare, donec ipsum perpelleret. Deijcit ille trabem: ea moles ingenti fragore quassat fluiuium. Territæ silent ranæ, regem venerantur. Accedunt pedetentim propius. Tandem abiecto metu, insultant & desultant. Iners rex luxui est & contemptui. Lacesunt rursus Iouem, orant regem dari, qui strenuus sit. Dat Iupiter ciconiam. Is præstrenue perambulans palu-

dem, quicquid ranarum obuiam fit, vorat. De huius igitur sœuitia, ranæ frustra questæ sunt. Iupiter non audit: nam & hodie adhuc queruntur. Vesper enim ciconia cubitum eunte, ex antris egressæ, rauco ululatu murmurant, sed surdo canunt. Vult enim Iupiter, ut quæ regem clementem sint deprecata, iam ferant inclementem.

Perinde atq; ranis, euenire solet plebi, quæ si regem paulo mansuetiorem habet, ignauum, inertem esse causatur, optat aliquando contingere sibi virum. Contrà, si quando nacta est regem strenuum, huius sœnitiam damnat, prioris laudat clementiam: siue quòd semper præsentium nos pœnitet, siue quòd verum est verbum, Noua reteribus non esse potiora.

De columba & miluis.

COLUMBÆ olim bellum gessere cum miluo, quem ut ex pugnarent, delegerunt regem accipitrem. Ille rex factus, hostem agit, non regem. Non segnius ac miluus, rapit ac laniat. Pœnitet columbas incæpti, satius fuisse putantes pati bella milui, quàm tyrannidem accipitris.

Neminem suæ sortis nimium pigeat. Nihil est (teste Flacco) ab omni parte beatum. Equidem meam sortem modo tolerabilis sit mutari non optem. Multi noua sorte quæsita, veterem rursus optarunt. Ita pleriq; ingeniosus omnes, nosmet nostri pœnitet.

De fure & cane.

FVRI aliquando panem cani, ut sileat, porrigenti, respondit canis: Insidias tuas noui, panem das, quò desinam latrare. Sed ego tuum munus odi. Quippe si ego tulero panem, tu ex his testis cuncta asportabis.

Caue parui commodi causa amittas magnum, caue cuius homini fidem habeas. Sunt enim qui dolo non tantum benigne dicunt, sed & benigne faciunt.

De lupo & fucula.

PARTVRIEBAT fucula, pollicetur lupo se custodem fore fœtus. Respondit puerpera, lupo obsequio se non egere. Si velit pius haberi, si cupiat gratum facere, longius abeat. Lupi enim officium constare non præsentia sed absentia.

Non sunt cuncta credenda cunctis. Multi suam operam pollicentur, non tui amore, sed sui, suum quærentes commodum, non tuum.

De partu montium.

OLIM rumor erat parturire montes: homines accurrunt, circumfistunt, monstri quippiam non sine pauore expectantes: pariunt tandem montes, exit mus. Tum omnes risu emori.

Hanc fabellam tangit Horatius:

Parturiunt montes, inquit, nascetur ridiculus mus. Notat autem iactantiam. Iactabundi enim quum magna profitentur & ostentant, vix parua faciunt. Quapropter Thrasones illi iure sunt materia ioci & scommatum. Vetat item hæc fabella inanes timores. Plerumque enim grauius periculo est periculi metus: imò ridiculum est quod metuimus.

De cane venatico.

CANEM venaticum, qui iam senuerat, instigat herus: frustra hortatur, tardi sunt pedes, non prope- rat. Prebenderat feram, fera edentulo elabitur. Increpat herus verberare & verbo. Canis respondet, debere si-

bi iure ignosci, iam senuisse, at iuuenem fuisse strenuū. Sed ut video, inquit, nil placet sine fructu. Iuuenem amasti, senem odisti. Amasti prædabundum, odisti tardum, edentulum. Sed si gratus esses, quem olim iuuenem frugis causa dilexisti, senem fructuosæ iuuentutis gratia diligeres.

Recte canis: nam teste Nasone, Nihil nisi quod prodest charum est: en detrabe menti Spem fructus auidæ nemo petendus erit. Præteriti commodi nulla est memoria, futuri autem gratia non magna, præsentis commodi summa. Turpe quidem dictu, sed si modo vera fatemur, Vulgus amicitias utilitate probat.

De leporibus & ranis.

SYLVÆ insolito mugiente turbine, trepidi lepores & pides occipiunt fugere. Fugientes, cum obsisteret pulus, steterunt anxij, utrinque comprehensi periculis. Quod maioris esset incitamentum timoris, vident in palude mergi ranas. Tum ex leporibus vnus prudentior cæteris ac disertior: Quid, inquit, inaniter timemus? Animo opus est. Corporum quidem agilitas nobis est, sed animus levis est. Hoc periculum turbine non fugiendum, sed est contemnendum.

Omni in re opus est animo. Iacet virtus sine confidentia. Confidentia enim dux & regina virtutis est.

De hædo & lupo.

CAPRÆ cum esset pastum itura, hædum domi concludit, monens aperiri nemini dum redeat ipsa. Lupus qui id iam procul audierat, post matris discessum perfrat foras, voce caprizat, iubens recludi. Hædus dolor præsentis sentiens, non aperio, inquit. Nam etsi vox caprizat, tamen

men equidem per rimulas lupum video.

Obedire parenti filios ipsis est vtile, & iuuenem seni decet auscultare.

De ceruo & lupo.

CERVVS coram lupo ouem ream facit: modium tritici debere clamitans. Ovis debiti quidem erat inscia, tamen ob lupi præsentiā spondet se daturam. Dicitur solutionis dies. Dies adest, monet ceruus ouem: Illa it inscias. Quod enim promiserit, excusat factum id metu & præsentiā lupi. Votum extortum non esse seruandum.

Sententia iuris est: Vim ui repellere licet. Ex hac fabella noua quædam nascitur: Fraudem fraude repellere licet.

De rustico & angui.

RVSTICVS quidam nutrierat anguem. Iratus aliquando bestiam petit securi. Euadit illa non sine vulnere. Postea rusticus deueniens ad paupertatem, ratus est id infortunij propter anguis iniuriam sibi accidere, igitur supplicat angui ut redeat. Ille ait ignoscere se, sed redire nolle. Neque enim fore securum, cum rustico tanta sit domi securis: liuorem vulneris desuisse, superesse tamen memoriam.

Ei qui semel fidem soluit, iterum habere fidem vix est tutum. Iniuriam quidem condonare, id sanè misericordiæ est: cauere autem sibi & decet, & prudentiæ est.

De vulpecula & ciconia.

VULPECULA vocarat ciconiam ad cœnam. Obsonium in mēsam effundit, quod cum liquidum esset, ciconia frustra rostro tentante, vulpecula lingit. Abit e-

lusa auis, pudetq; pigetq; iniuriæ. Post plusculum dierum redit, inuitat vulpeculam. Vitreum vas situm erat plenum belli obsonij. Quod quidem vas cum esset artigutturis, vulpecula obsonium licuit videre & esurire, gustare non licuit. Ciconia rostro facile exhausit.

Risus risum, iocus iocum, dolus dolum, fraus meretur fraudem.

De lupo & capite picto.

LVPVS in officina sculptoris caput humanum repperit, versat, miratur, sentiens (id quod erat) nihil habere sensus, O pulchrum, inquit, caput: est in te artis multum, sed sensus nihil.

Externa pulchritudo si adsit, grata est: sin alterutra carendum est, præstat externa quam interna careas. Illa enim sine hac interdum incurrit odium, ut stolidus eo sit odiosior, quo formosior.

De graculo.

GRACVLVS ornauit se plumis pauonis. Deinde pulchellus sibi visus, fastidito genere suo, contulit se ad pauonum genus. Illi tandem intellecta fraude stolidam auem coloribus nudârunt, & plagis affecerunt. Horatius hanc fabellam primo epistolarum libro narrat de cornicula. Ait eam olim adornatam collectis, quæ auibus exciderant, plumis: post ubi vnaquæq; auium suam plumam decerpsit, ridiculam fuisse.

Ne si forte suas repetitum venerit olim

Grex auium plumas, moneat cornicula risum,

Furtiuus nudata coloribus.

Notat hæc figura eos, qui se gerunt æquo sublimius, qui cum his viuunt, qui & ditiores sunt, & magis nobis

les. Quare sæpe inopes fiunt, & sunt ludibrio. Probè Iu-
uenalis monet, E cælo descendit γυνῶνι σεαυτὸν: hoc est,
Nosce te ipsum.

De musca & formica.

MUSCA altercabatur cum formica, se nobilem, il-
lam ignobilem: se volitare, illam repere: se versa-
ri in tectis regum, illam in cauernis latere, segetem rode-
re, aquam bibere, se splendide epulari iactitabat, et hæc
tamen ocio nancisci. E regione formica se non ignobilẽ
esse, sed suis natalibus contentam: muscam vagam esse,
se stabilem: sapere formicæ grana et fluentia, quod muscæ
pastili & vina. Atq; hæc se non segni ocio, at strenua o-
pera nancisci. Porro formicā letam esse & tutam, cha-
ram omnibus, exemplar deniq; laboris. Muscam anxiam
cum periculo esse, cunctis infestam, cunctis inuisam, exẽ-
plar deniq; segnitiei. Formicam hyemis memorem alimẽ-
ta reponere, muscam in diem viuere, hyeme aut esuritu-
ram, aut certe morituram.

Qui pergit quæ vult dicere, quæ non vult audiet. Mu-
sca si bene dixisset, bene audisset. Assentior autem for-
micæ. Videtur enim optabilior vita obscura cum secu-
ritate, quàm cum periculo splendida.

De rana & boue.

RANA cupida æquandi bouem, se distēdebat. Filius
hortabatur matrem cœpto desistere. Nihil enim es-
se ranam ad bouem. Illa secundum intumuit: clamat
natus, Crepes licet mater, bouem nunquam vinces. Ter-
tium autem cum intumuisset, crepuit.

Cuiq; sua dos est: Hic forma, ille viribus: hic opibus,
ille pollet animis. Vnumquenq; suo decet esse contentũ.

Valet ille corpore, tu ingenio. Quocirca quisq; semet cōsulat, nec inuideat superiori, quod miserum est: nec, quod stultitiæ est, certare optet.

De equo & leone.

VENIT ad equum comedendum leo. Carens autem præ senectâ viribus, meditari cœpit artem. Medicū se profitetur, verborum ambage equum moratur. Hic dolo dolum, artem opponit arti. Fingit se nuper in loco spinoso pupugisse pedem, orat ut inspiciens sentem medicus educat: paret leo. At equus quanta potuit vi, calcem leoni impingit, & se continuo coniicit in pedes. Leo nix tandem ad se rediens (ictu enim propè exanimatus fuerat) precium, inquit, fero ob stultitiam, & is iure effugit. Dolum enim dolo ultus est.

Odio digna est simulatio, & simulatione capienda. Non est timendus hostis, qui hostem præ se fert: sed qui cū hostis sit, beneuolentiā simulat, is demum timendus & odio dignissimus.

De equo & asino.

EQVVS phaleris sella q; exornatus, cum ingenti bin nitu per viam currebat. Currenti autem onustus asellus forte obstabat. Equus ita fremebundus & frena ferox spumantia mandens: Quid, inquit, tarde, ignaue, obsistis equo? Cede, inquam, aut proculco te pedibus. Asellus contrà rudere non ausus, cedit tacitus. Equo autem prouolanti, & cursum intendenti, crepat inguē. Tum cursui et ostentui inutilis, ornamenti spoliatur, dein carrario venditur. Videt postea cum carro venientem asellus, & affatur: Heus bone vir, quid isthuc ornati est? Vbi aurata sella? bullata cingula? ubi nitidum frenum?

Sic amice necesse fuit euenire superbienti.

Pleriq; in secundis rebus elati sunt, nec sui memores, nec modestiæ. Sed quia prosperitate insolescunt, aduersitatem incurrunt. Eos qui fœlices videntur, monuerim esse cautos. Etenim si rota fortunæ circumacta fuerit, sentient miserrimum genus infortunij esse, fuisse felicem: accedet ad cumulum infelicitatis id quoq; mali, Contemnentur ab ijs, quos ipsi contempserunt, & illudet ijs ijs, quos ipsi risere.

De auibus & quadrupedibus.

A VIEVS pugna erat cum quadrupedibus. Vtrinq; spes, vtrinq; metus, utrinq; erat periculum: vespertilio autem relictis socijs, defecit ad hostes. Vincunt aues, duce & auspice aquila. Transfugam verò vespertilionem damnant, ut ne ad aues vnquam illi sit reditio, uti ne luce vnquam sit volatus. Hæc causa vespertilioni est, ut non nisi noctu volet.

Qui cum socijs aduersitatis & periculi particeps esse renuit, prosperitatis & salutis expers erit.

De lupo & vulpe.

L V P V S cum prædæ satis esset, in ocio degebat. Accedit vulpecula, sciscitatur ocij causam. Sensit lupo insidias fieri suis epulis, simulat morbum esse causam, orat vulpeculam deprecatum iri deos. Illa dolens dolum non succedere, adit pastorem, monet petere latebras lupi: hostem enim securum posse inopinato opprimi. Adoritur pastor lupum, mactat. Illa potitur antro & prædâ. Sed fuit illi breue sceleris sui gaudium. Nam non ita multo post idem pastor & ipsam capit.

Ædâ res inuidia est, & ipsi interdum auctori quoque

perniciosa. Flaccus epistolarum libro primo :

Inuidus alterius rebus marcescit opimis.

Inuidia Siculi non inuenere tyranni

Maius tormentum.

De Ceruo.

CERVVS in perspicuo fonte se conspiciatus, probat procera frontis & ramosa cornua, sed tibiariū exilitatem damnat. Forte dum contemplatur, dum iudicat, interuenit venator. Fugit ceruus ocyor pilis, & agente nimbos ocyor euro. Insestantur fugientem canes. Sed cū intrasset cōdensam syluam, implicita sunt ramis cornua. Tum demum tibias laudabat, & cornua dānat, quæ fecerē ut praeda esset canibus.

Fugienda petimus, petenda fugimus. Placent quæ efficiunt, quæ conferunt displicent. Beatitudinem cupimus prius quā ubi sit, interrogemus. Opum excellentiam & honorum celsitudinem querimus, in his beatitudinem sitam opinamur, in quibus tamen multum laboris est & doloris. Pulchrè id significat Lyricus ille noster: Sapius ventis agitur ingens Pinus, & celsæ grauiore casu Decidunt turres, feriuntq; summos Fulgura montes.

De vipera & lima.

IN fabrica offendens limam vipera, cœpit rodere. Suā brisit lima, Quid, inquires, inepta? Quid agis? Tu tibi antè contriueris dentes, quā me atteras, quæ duritiam æris præmordere soleo.

Etiam atq; etiam vide qui cum tibi res sit. Si in fortio rem dentes acuis, non illi, sed tibi nocueris.

De lupis & agnis.

LVPIs & agnis, quibus natura discordia est, fœdus

aliquando fuit, datis vtrinq; obsidibus: lupi suo catulos, oves canum cohortem dedere. Quietis ouibus ac pascuntibus, lupi matrum desiderio ululatus edunt. Tum lupi irruentes, fidem fœdusq; solutum clamitant, ovesq; canū præsidio destitutas laniant.

Inscitia est, si in fœdere tua præsidia hosti tradas. Nā qui hostis fuit, hostis forsā nondum esse desiit. Fortassis & causam ceperit, cur te nudatū præsidij adoriatur.

De sylua & rustico.

Quo tempore etiam arboribus suus sermo erat, venit rusticus in sylvam, rogans ut ad securim suam tollere liceat capulum. Annuit sylva. Rusticus aptata securi, cœpit arbores succidere. Tum & quidem serò: pœnituit sylvam suæ facilitatis. Doluit se ipsam esse causam sui exitij.

De quo bene merearis vide. Multi fuere, qui accepto beneficio in auctoris abusi sunt perniciem.

De membris & ventre.

Pes & manus ventrem olim incusarunt, quòd ab officioso eo lucra ipsorum vorarentur. Iubent aut laboret, aut ali ne petat. Supplicat ille semel & iterum, negant tamen manus alimentum. Exhausto inedia ventre, ubi cœpere omnes artus deficere, tum manus uoluit tandem officiosa esse, uerum id serò. Nam venter desuetudine debilis, cibum repulit: cuncti artus dum ventri inuident, cum ventre pereunte pereunt.

Perinde atq; in membrorum societate est, ita habet se societas humana. Membrum eget membro, amicus eget amico. Quare mutuis officijs vtendum est. Neque diuitiæ atque dignitatum apices hominem satis tuentur.

Vnicum & summum præsidium, complurium amicitia est.

De simia & vulpecula.

SIMIA vulpeculam orat, vt partem caudæ sibi donet. Ad tegendas nates: illi enim esse oneri, quod sibi foret vsui & honori. Respondet illa, nihil nimis esse, & se male humum cauda sua verri, quàm simiæ nates tegi.

Sunt qui egeant, sunt quibus superet. Nulli tamen diuturnum id moris est, ut re superflua beet egenos.

De ceruo & bobus.

CERVVS venatorem fugiens, coniecit se in stabulum: boues orat, vt in præsepi latitare liceat. Boues tutum esse negant. Mox enim & dominum & famulum affuturos. Ille securum se esse ait, modo ne ipsi prodant. Intrat famulus, occultum fœno non videt, exit. Gestire ceruus & nihil iam timere. Tunc vnus è bobus, & æuo & consilio grauis, Facile, inquit, erat hunc, qui talpa est, fallere: sed vt herum qui Argus est, lateas, hoc opus, hic labor est. Mox deinde introgreditur herus, qui vt serui negligentiam corrigit, cuncta lustrans oculis. & præsepe manu tentans, cerui deprehendit sub fœno cornua. Inclamat famulos, accurrunt, feram occludunt, capiunt.

In aduersis rebus & periculis latebræ difficiles sunt inuētū, aut quia miseros, vt cœpit, fortuna exagitat: aut quia ipsi metu impediti & inopes consilij, semet imprudentia produnt.

De leone & vulpecula.

LEO egrotabat, viscebant animalia: vna officium differente vulpecula. Ad hanc legatum mittit leo

cum epistola, quæ venire admoneat. Gratissimam rem ægroto fore eius vnus præsentiam. Nec quicquam periculi fore cur vulpecula metuat. Leonem enim primum quidem amicissimum esse vulpeculæ, ideoq; percipere eius colloquium. Deinde ægrotum esse & decumbere, vt etiamsi id quod non erat, uelit, nocere tamē non queat. Rescribit uulpecula, optare se ut leo conualescat, idq; oraturam superos. Ceterum minime visuram, terreri enim se uestigijs. Quæ quidem uestigia cum omnia sint antro leonis aduersa, & nulla auersa, eam rem indicium esse, multum quidem animalium introisset, sed exisse nullum. Horatius.

Olim quod uulpes ægroto cauta leoni.

Respondit, referam: quia me uestigia terrent

Omnia te aduersum spectantia, nulla retrorsum.

Caue fidem habeas uerbis, ni caueris, sæpe tibi dantur uerba. Capienda est coniectura cum ex uerbis, tum ex factis, & ex his illa sunt iudicanda.

De vulpecula & mustela.

VULPECULA longa inedia tenuis, fortè per angustiore rimam in cameram frumenti repsit. In qua cum probè pasta fuit, dein rursus tentantem egredi, distentus impediit uenter. Mustela luctantem procul contemplata tandem monet, si exire cupiat, ad cauum macra redeat, quò macra intrârat.

Videas complureis in mediocritate lætos esse, atq; alacres, uacuos curis, expertes animi molestias. Sin hi diuites facti fuerint, uidebis eos mæstos incedere, nunquam frontem porrigere, plenos curis, animi molestijs obrutos. Hanc fabellam sic Horatius canit, Lib. I. Epist.

Forte per angustiam tenuis uulpecula rimam
 Repserat in cameram frumenti, pastaq; rursus
 Ire foras pleno tendebat corpore frustra.
 Cui mustela procul, si uis, ait, effugere isthinc.
 Macra canum repetas arctum, quem macra subisti.

De equo & ceruo.

EQUVS gerebat bellum cum ceruo. Pulsus tandem
 è pascuis, implorabat opem humanam. Redit cum ho-
 mine, descendit in campum: uictus antea, iam fit uictor.
 Sed tamen hoste uicto, & sub iugum misso, ipse uictor ne
 cesse est seruiat homini. Equitem fert dorso, et frenū ore.

Dimicant multi contra paupertatem. Qua per fortu-
 nam & industriam uicta, saepe uictoris interit libertas.
 Domini quidem & uictores paupertatis, seruire inci-
 piunt diuitijs, aguntur auaritiæ flagris, parsimonie cobi-
 bentur frenis, nec querendi tenent modum, nec iusto qui-
 dem auaritiæ supplicio partis rebus audent uti. Hora-
 tius de hac fabella:

Ceruus equum pugna melior, communibus herbis.
 Pellebat, donec minor in certamine longo
 Implorauit opes hominis, frenumq; recepit.
 Sed postquam uiolens uictor discessit ab hoste,
 Non equitem dorso, non frenum repulit ore.
 Sic qui pauperiem ueritus, potiore metallis
 Libertate caret, dominum uehit improbus, atque
 Seruiat aeternum, qui paruo nesciet uti.

AESOPICAE FABULAE

87

HADRIANO BARLANDO

INTERPRETE.

De duobus adolescentibus.



DOLESCENTES duo obsonium apud cocum sese empturos simulant. Coco alias res agente, carnem alter e caniſtro ſurripit, dat ſocio ut ſibi veſte oculat. Cocus ſurreptam ſibi carnis partem ut vidit, furti utrunq; cepit inſimulare. Qui abſtulerat, per Iouem nihil habere: is vero qui habuit, nil abſtulſſe identidem deierat. Ad quos, Me quidem, inquit cocus, ſur nunc latet, ſed is inſpexit, is ſcit, quem iuraſtis.

Si quid peccauiſſemus, id ſtatim non ſciunt homines: at deus omnia videt, qui ſedet ſuper cœlos, & intuetur abyſſos. Quod ſi cogitent homines, ſuppreſſius prudentiusq; peccabitur.

De cane lanio.

CANIS in macello cum lanio carnem abſtulſſet, in pedes ſeſe continuo quantum potuit coniecit. Lanius iactura rei percuſſus, primum tacuit, deinde animum recipiens, ſic procul acclamitauit: O furaciſſime, curre tutus, impune tibi licet, tutus enim es nunc ob celeritatem, poſthac autem cautius mihi obſeruaberis.

Hæc fabula ſignificat pleroſque omnes tum demum fieri cautiores, ubi damnum acceperint.

De canē & ouē.

CANIS ouem in ius vocat, panem ex mutuo debere clamitans: illa it inficias. Miluus, lupus, vultur, accersuntur, rem affirmant: damnatur ouis, damnata canis rapit, ac deglubit.

Falsis testimonijs opprimi quàm plurimos, cum nemo nescit, tum hæc quàm optimè docet fabellula.

De agno & lupo.

AGNO comitanti caprum, lupus fit obuiam. rogat: *tat cur relicta matre olidum potius sequatur hircū: suadetq; vt ad distenta lacte matris ubera redeat, sperans ita fore, abductum vt laniet: ille verò, Mater me ô lupe, inquit, huic commisit, huic summa cura seruandi data est. Parenti potius quàm tibi obsequendum, qui me seducere istis dictis postulas, seductum mox percipere.*

Noli omnibus fidem habere: multi enim dum alijs videntur velle prodesse, sibi interim consulunt.

De adolescente & cato.

CVM adolescens quidā in delicijs amoribusq; vsurpasset catum, Venèrem precibus fatigauit vt catū in fœminam transfiguraret. Commiserefcit & audit orantem Venus: fit metamorphosis, quæ adolescenti misere amanti perplacuit: nempe tota succi plenula, tota candidula, tota elegantula. Itur deinde in cubiculum, ridetur, luditur. Nec vero ita multo post, percipiens experiri dea, nunquid catus cum corpore mutasset & mores, per impluuium immittit musculum: ibi risu prorsus atque ludo res digna accidit. Conspectam ilico bestiolam insequitur muliercula. Venus indignatur fœminæ, vultus iterum in catum mutatur. Cum pedibusque manus,

cum parvis brachia mutat Cruribus, & cauda est mutatis addita membris.

Cælum non animum mutant, qui trans mare currūt. Nimisq; difficile est assueta relinquere. Naturam expellas furca licet, tamen vsque recurrit, inquit Horatius.

De patre & filiis.

COMPLURES habebat agricola filios adolescē-
tulos inter se discordes, quos pater elaborans tra-
here ad mutuum amorem, apposito fasciculo iubet singu-
los breui circumdatum funiculo effringere : imbecilla ne-
quicquam conatur ætatula. Soluit parens, redditq; singu-
lis virgulam, quam cum pro suis quisque viriculis faci-
le frangeret, ò, inquit, filioli, sic concordēs vos vince-
re poterit nemo : Sed si mutuis volueritis sēuire vulne-
ribus, atque intestinum agitare bellum, eritis tandem
præda hostibus.

*Docet hic apologus concordia res paruas crescere, di-
scordia magnas dilabi.*

De rustico & equo.

RVSTICVS equum vacuum, asinumq; sarcinulis
egregiè onustum producit ad viā. Defessus asellus,
equum sibi onera ut adiuvet orat, si saluum velit. Negat
facturum equus : asellus tandem sarcinæ pondere grava-
tus, procumbit, moritur. Herus omne onus, mortui quo-
que aselli corium in equi dorsum reclinat : quibus cum
ille deprimeretur, Me miserum, inquit, merito meo sic
nunc exerceor, qui dudum laboranti asino opitulari
nolui.

Monemur hac fabula, ut oppressis subveniamus ami-

cis. *Ortus nostri, inquit Plato, partem sibi patria vendicat, partem amici.*

De carbonario & fullone.

FULLONEM inuitabat carbonarius, ut secum in vnis adibus habitaret. Fullo, non est, inquit, mi homo isthuc mihi vel cordi vel utile. Vereor enim magnopere, ne quæ ego eluam, tu reddas tam atra quàm carbo est.

Monemur hoc apologo cum inculpatis ambulare, monemur sceleratorum hominum consortia ueluti pestem quãdam deuigare. Trabunt (inquit Campanus) hominẽ sodalitia, commertia etiam in mores penetrant, & perinde quisque euadit, ut quibus cum uersatur.

De aucupe & palumbo.

IT uenatum auceps, uidet nidulantem procul in altissimo arbore palumbum: appropriat: denique insidias molitur, premit forte calcibus anguem. Hic mordere, ille improuiso exanimatus malo, Me miserum, inquit, dum alteri insidior, ipse dispereo.

Significat hæc fabula nonnunquam eos suis artibus circumueniri, qui res nouas moliantur.

De buccinatore.

BVCCINATOR quidam ab hostibus capitur, abducitur: trepidare ille, supplicare ut parcant innoxio se, quando nihil unquam armorum præter unã buccinam gestauerit, hominem non potuisse quidem occidere, nedum uoluisse. Illi contra murmure tum sæuo, tum uerberibus intonant: Nihil ais scelus: maxime nocere, atque nunc hic trucidabere, quod cum ipse, ut fateris, rei militaris sis imperitus, cornu isto tuo aliorum excitas, euibrasque animos.

Grauiſſimè peccant nonnulli, qui ad mala, quicquid; ſatis pronis principibus ut iniqui; agant conſulunt, atque huiusmodi quædam ad illorum aures occinunt: Quid etiam dubitas? an te principem eſſe oblitus es? an non tibi quod libeat licet? tu legibus maior, in te legiruræ nomen haud cadere poteſt, qui ipſis etiam dominariſ legibus: tui nihil poſſident, quod tuum non ſit: tuum poteſt & ſeruare & perdere: tibi fas eſt opibus dignitateque; agere, quæ uiſum ſit. Fas eſt ubi libuerit, adimere: alios alia uel damnât, uel commendant: tibi nihil non honeſtiſſimum futurum.

Delupo & cane.

LVPVS cani ante lucem in ſylua forte fortuna ſit obuiam: ſalutat, aduentum gratulatur: denique rogat quo pacto tam ſit nitidus. Cui ille, herilis cura hoc efficit: herus me blandientem ſibi demulcet, de menſa paſcor herili nitidiſſima, nunquam ſub dio dormito, tum uniuerſæ familiæ non dici poteſt quàm ſim gratus. Næ tu, inquit lupus, multo es feliciſſimus ô canis, cui tam benignus & comis contigit herus, cum quo ô utinam com morari & mihi liceat: nullum me animantium eſſet uſpiam fortunatius. Canis noui ſtatus cupidiſſimum uidens lupum, effecturum ſe pollicetur, ut hæreat in parte aliqua apud herum, modo de priſtina ferocia aliquid remittere, & ſeruitutem ſeruare uelit. Stat ſententia. Lupo libitum eſt deambulare ad villam, ſermones edunt in itinere prorsus iucundiſſimos. Poſtea uero quàm illuxit, contritum canis collum uidens lupus, Quid ſibi uult, inquit, ô canis, tua iſthæc prorsus depilata ceruix? Solebâ, inquit ille, feroculus notis pariter & ignotis allatrare, obmordereque; nonnunquam: id ægre ferens herus, crebris

me tundeat verberibus, prohibens etiam ne quem præter furem lupumq; adorirer. Ego sic vapulando victus sum, & mitior factus: hocq; genialis seuitiæ seruauit signum. Lupus hoc audito, Ego inquit, heri tui amicitiam tanti non emo. Vale igitur o canis, cum ista tua seruitute: mihi mea potior est libertas.

Optabilius est, in humili casa dominum esse, & panem atrum vorare, quàm in amplissima regia opiparis mensis frui, & obnoxium trepidumq; agere. Nam libertas sublimi exulat aula, vbi accipienda venit, & mussitanda iniuria est.

De agricola & canibus.

AGRICOLA cum ruri plusculos hyemasset dies, cœpit tandem necessariarum rerum penuria laborare: interficit oues, mox & capellas, postremo boues quoque mactat, ut habeat quo inedia penè exhaustum corpusculum sustentet. Id videntes canes, salutem fuga querere constituunt: sese enim non victuros diutius, quando ne bobus quidem, quorum in opere rustico faciundo utebatur opera, pepercit herus.

In quam domum mercedis gratiâ te tradas, vide. Non nulli inhumanissimi sunt heri. Multi enim hodie eò dementiæ prolabuntur, vt vel seruos infortunio malo & damno libenter mactent.

De vulpe & leone.

VULPECULA quæ leonis immanitatem insuetam horrebat, semel atq; iterum id fortè animalis contemplata, trepidare & fugitare. Cum iam tertio obtulisset sese obuiam leo, tantum absuit vt metueret quicquam vulpes, vt cōfidenter illum adierit, salutaueritq;.

Omnes nos consuetudo audaciores facit, vel apud eos quos antea aspicere vix ausi fuimus.

De vulpe & aquila.

VULPE CVLAE proles foras excurrerant : ab aquila comprehensæ, matris fidem implorāt. Accurrit illa, ut captiuam prolem dimittat, aquilam rogat. Aquila nacta prædam, ad pullos subuolat. Vulpes correpta face, quasi illius munitiones incendio absumptura esset, insequitur. Cum iam arborem conscendisset, & ipsa, nunc te, inquit, tuosq; si potes tuere. Trepidans aquila, incendium dum metuit, Parce, inquit, mihi, paruisq; liberis : tuum quicquid habeo, reddidero.

Per aquilam, potentis atq; audacis animi homines intellige : per vulpem, pauperculos, quos calumnijs premere contumelijsq; afficere, diuitibus æque studium est. Verum quando est sua & formicis ira, impotentes ij acceptam interdum probè ulciscuntur iniuriam.

De agricola & gruibus.

GRUIBUS anseribusq; sata depascentibus, laqueū prætendit rusticus : capiuntur grues, capiuntur anseres, capitur & ciconia. Supplicat illa, innocentem sese clamitans, & nec gruem, nec anserem esse, sed animum omnium optimam : quippe quæ parenti sedulò semper inferuire, eundemq; senio confectum alere consueuerit. Agricola, horum, inquit, nihil me fugit : verum cum nocētib; postquam te cepimus, cum his quoq; morieris.

Qui flagitium committit, & is qui impuris se adiungit socium, pari pœna plectuntur.

De gallo & cato.

VENIT ad gallum comedendum catus, non satis autem habens ad nocendum causæ, gallum criminari occipit, opstreperam esse auem diffitans, utpote quæ voce tam acuta noctu dormientes homines expergesciat. Ille se innocentem ait cum sic excitet in opera mortales. Catus contra intonat: Nihil ais scelestæ, cum matrem habes, nec sorore abstines. Id gallus quoque expurgare cum niteretur, nec hoc, inquit perseuerantius seuiens catus, quicquam facit: tu mihi hodie discerperis.

Vetus dictum esse ait Guilielmus Goudanus, ut cancedas, facile inueniri baculum. Malus, si libitum fuerit, quo iure, quaq; iniuria te præcipitem dabit.

De opilione & agricolis.

PVER editiore pratulo oves pascebat, atque per iocum terq; quaterq; lupum adesse clamitans, agricolas undiq; exciebat: illi sæpius elusi, serio auxilium imploranti, dum non subueniunt, fiunt oves præda lupo.

Si mentiri insueuerit quispiam, huic, si quando verum narrare occeperit, haud facile habebitur fides. Superiori apologo finitimus est ille apud Horatiū, de Plano seu ra iocus:

Nec semel irrisus triuijs attollere crura.

Fraçto crure Planum, licet illi plurima manet

Lachryma, per sanctum iuratus dicat Osirim,

Credite, non ludo, crudeles tollite claudum.

Quære peregrinum, vicinia rauca reclamat.

De aquila & coruo.

RVPE editissima in agni tergum deuolat aquila. Vdens id coruus, imitari (velut simius) gestat ac

lam, in arietis vellus se demittit, demissus impeditur, impeditus cōprehenditur, cōprehensus projicitur pueris.

Non aliorum, sed sua se quisque virtute æstimet. Tuo te pede metire, inquit Horatius. Id velis, id tentes quod possis.

De cane inuido & boue.

PRAESEPIO fœni pleno decumbebat canis: venit bos vt comedat. Ille sese surrigens, prohibere. Bos, *dij te cum tua isthac inuidia perdant, inquit, qui nec fœno vesceris, nec eo vesci sinis.*

Eo sunt ingenio pleriq; vt alijs inuideāt, quod ipsi mētis inopia assequi nequeunt.

De cornice & oue.

STREPITAT in ouicula dorso cornicula. Ouis, *ca ni, inquit, si sic obstreperes, ferres infortunium. At cornix scio quibus insultē, placidis molesta, sœuis amica.*

Impotenti & sincero perpetua est cum malis parata certatio: illiditur solo innocentissimus quisq; , nocentis vero præ ferocis hominis aures adstrepit nemo.

De pauone & luscinia.

PAUO apud summi Iouis sororem & coniugem Iunonem queritur lusciniam suauē cantillare, se ob raucam rauim ab omnibus irrideri; cui Iuno, *Dos sua à dijs cuiq; luscinia cantu, tu plumis lōge superas. Vnum-queq; sua sorte decet esse contentum.*

Quæ diui largiuntur, grato sumamus animo, neq; maiora quæsierimus. Superi temerè agunt nihil.

De mustela seniculo & muribus.

MVSTELA præ senio viribus carēs, mures iam ita vt solet insequi nō valebat, meditari cœpit dolum,

in farinulæ se colliculum illatebrat, sic sperans fore ut
citra laborem venetur. Accurrunt mures, & farinam
esitare dum cupiunt, ad vnum omnes à mustela vorantur.

Vbi viribus quispiam destitutus fuerit, ingenio opus
est. Lysander Lacedæmonius subinde dicere solebat,
quò non perueniret leonina pellis, vulpinam assuendam
esse. Quod sic lucidius dixeris: Vbi virtus non satis po-
test, adhibenda est astutia.

Apologus ex Mantuano traductus.

RUSTICVS quidam ex malo quam in proximo ha-
bebat agello, sapidissima quotannis legebat poma
hero lecta donabat urbano, qui illectus incredibili pom-
rum dulcedine, malum tandem ad se transtulit: ea vete-
rima repente exaruit, atq; ibi poma pariter et malus per-
ruiere. Quod cum patrifamiliâs nunciaretur, heu diffici-
le est, inquit, annosam transplantare arborē: satis superum
fuerat, si frenos meæ nouissem imponere cupiditati. fr-
ctus ramo decerpere. Hanc fabellam sic Mantuanus.

Rusticus ex malo dulcissima poma legebat,

Vnde dare urbano donâ solebat hero.

Ast herus illectus frugum dulcedine, malum

Transtulit in laribus proxima rura suis.

At quia malus erat senior, translata repente

Aruit & proles cum genitrice obiit.

Heu malè transfertur senior cum induruit arbor,

Inquit herus, fuerat carpere poma satis.

Qui nimium sapiunt, atq; inconcessa sequuntur.

Desipiunt: cohibet qui sua vota sapit.

FABVLAE M. PETR⁹⁷O

SCOTO VIRO ORNATISSIMO,

EIDEM QVE HVMANISSIMO

Scriptæ à Barlando.

De leone & rana.



V D I R E vocem visus leo, profilit :
subsistit, non sinetrepidatione magni
quippiam expectans : egreditur tandē
aquis ranula. Leo deposito metu appro
pians, bestiolam proculcat pedibus.

V etat hic apologus inanes timores,
vt illa à Guilielmo Goudano versa fabula de partu mon
tium.

De formica.

S I T I E N S venit ad fontem vt biberet formica, inci
dit fortè in puteum, opitulatur eminus ex arbore de
iecto ramo columba. Ramum conscendens formica, ser
uatur : adest columbam vt capiat auceps, non sinit for
mica, aucupis pedem arripit mordicus: auolat columba.

Docet hac fabula præclarè meritis referendum esse
gratiam.

De auibus.

G E N S auium cum liberè vagaretur, optabat sibi da
G ri regem. Pao se in primis dignum qui eligeretur
putabat, quia esset formosissimus. Hoc in regē accepto,
pica ô rex inquit, si te imperante aquila nos præstrenuē

(ut solet) insequi cœperit, quo illam modo abiges? quo nos pacto seruabis?

In principe non tam forma, quàm corporis fortitudo spectanda est & prudentia.

De ægroto & medico.

MEDICVS curabat ægrotum: ille tandem mortur: tum ad cognatos medicus: Hic, inquit, interperantia periit.

Bibacitatem & libidinem, nisi quis maturè reliquerit, aut nunquam perueniet ad senectutem, aut perbreuem est habiturus senectutem.

De leone & aliis.

LEO, asinus, vulpes, eunt venatum: capitur ampla venatio: capta partiri iussa. Asino singulas singulis partes ponente, irrugit leo, asinum rapit ac laniat. Postea vulpeculæ id dat negocij, quæ astutior, cum leoni longe optima posita parte, sibi vix minimam particulam reseruasset, rogat leo, à quo sic docta sit: cui illa, Huius me, inquit, calamitas docuit, mortuum asinum ostendens.

Felix quem faciunt aliena pericula cautum.

De hædo & lupo.

EFENESTRA prospectans hædus, prætereuntem lupum conuitijs incessere audebat. Cui lupo, non tu, ait, scelestè, mihi conuitiaris, sed locus.

Et tempus & locus sæpe audaciam addunt homini.

De asino.

ASINVS de hortulani seuitia querens, Ioui supplicat alium dari herum. Exaudit Iupiter vota asini, dat tegularium. Apud quem cum tegulas grauioraque

tergo vectaret onera, accessit rursus Iouē, orat dari qui mitior sit. Ridere Iupiter: ille tamen non desistit instare, orare vsque adeo, donec perpelleret. Dat ille coriarium, quem vbi pernoxit asellus, me miserum, inquit, qui dum nullo sum contentus domino, in eum inciderim, qui nec corio quidem meo quantum auguror, parcet.

Semper damnamus quæ præsentia sunt, & noua appetimus, quæ (vt dici solet) veteribus non sunt potiora.

De anu & ancillis.

ANVS quædam domi habebat ancillas complures, quas quotidie antequam lucefceret, ad galli gallina cei quem domi alebat, cantū excitabat ad opus. Ancillæ quotidiani tandem negocij commotæ tædio, gallū obtruncant, sperantes iam necato illo in medios sese dies dormituras. Sed hæc spes miseras frustrata est: hera enim, vt interreptum gallum rescivit, intempesta deinceps nocte surgere iubet.

Non pauci grauius malum dum student evitare, in alterum diuersum incidunt. Peruulgatum est:

Incidit in Scyllam, qui vult vitare Charibdim.

De asino & equo.

ASINVS beatum putat equum, quod pinguis esset, & in ocio degeret: se vero infœlicem dicebat, quod macilentus esset ac strigosus, quotidieq; ferendis oneribus ab immiti hero exerceretur. Haud multo post ad arma conclamatum est: tum equus nō frenum repulit ore, nec telum corpore. Hoc viso, asinus magnas dijs gratias agebat, quod non equum se, sed asinum fecissent.

Miseri sint, quos vulgus beatos indicat, & non pauci beati, qui se miserrimos putant. Sutor crepidarius regē

dicit *foelicem, quem omnium rerum compotem videt, nō considerans in quātas rex sollicitudines distrahatur, dum interim ipse optima cum paupertate cantillet.*

De leone & capra.

EDITA rupe ambulanti capram fortē conspicatus leo, monet ut potius in viride pratum descendat. Capra facerem fortassis, inquit, si tu abesses, qui mihi non isthuc suades, ut ego inde ullam capiam voluptatē, sed ut tu habeas quod vores famelicus.

Omnibus ne habeas fidem: quidam enim non tibi, sed sibi consulunt.

De vulture aliisque auibus.

ANNVVM se natalem celebrare adsimulat vultur, auiculas ad cœnam inuitat: veniunt pleræque omnes: venientes magno plausu fauoribusque accipit, ac ceptas laniat vultur.

Non sunt amici omnes, qui blandè dicunt, aut benignè se facere velle simulant: latet sub hoc melle venena.

De anseribus.

ANSERES una cum gruibus agrum vastabant, quibus auditis, rustici protinus in illos feruntur. Rusticos conspiciatæ grues, auolant: capiuntur anseres, qui impediti corporis onere, subuolare non poterant.

Expugnata ab hostibus vrbe, facile se subducit inops, at diues seruetur captus. In bello diuitiæ magis sunt oneri quàm vsui.

De Ioue & simia.

IVPITER scire percipiens quis nā mortalium scitissimos ederet liberos, cōvocari iubet, quicquid vspiciā est animantium. Concurritur ad Iouem vndique, aderat

iam alituum pecudumq; genus : inter quos & simia deformes catulos brachio gestans cum aduenisset , à risu temperare nemo potuit : quin etiam Iupiter ipse profusè admodum risit. Ibi continuo simia, Imò, inquit, nouit & Iupiter iudex noster , catulos meos magnopere omnes quotquot sunt, præcellere.

Suum cuiq; pulchrum, vt est adagium . Et alibi apud Theocritum in Aeglogis:

Quæ minimè sunt pulchra , ea pulchra videntur amanti.

A N I A N I F A B V L A E

H A D R I A N O B A R L A N D O

I N T E R P R E T E .

De quercu & arundine.



A S T V S olim atq; adeo insolentia plena quercus, arundinem aggressa est, si nunc inquiens, pectus animosum tibi, procede agendum ad pugnam, vt noster duarum euentus ostendat, vtra viribus præstet. Arundo quercus cantum, exultationem, fortitudinisq; agitationem vanam nihil mirata, sic respondit, Certamen nunc abnuo, nec meæ sortis piget. Nam in omnem partem mobilis, tempestates tamen peruinco sonoras, tu, si semel vasto rex Aeolus antro luctantes emiseric, uentos, concides, & mihi tum rideberis.

Declarat hæc fabella non eos semper fortissimos esse, qui nulla etiam laceffiti iniuria, alijs insultant.

De piscatore & pisciculo.

PISCATOR iacto in aquam hamo cibus illito, pisciculum eduxit: orat, obsecratq; captiuus, se minutulum uti abire sinat & adolescere, ut postea maiore potiatetur. Piscator, Ego, inquit, spem precio non emo, quippe qui eo fuerim ingenio semper, ut quicquid possem, mallem auferre potius in præsentia.

Hæc nos monet fabella, ne certa unquam incertioris spe unguibus amittamus. Quid enim stultius (ut est apud Ciceronem) quam incerta pro certis habere?

De formica & cicada.

APPETENTE hyeme frumentum in areolam ad solem trahebat formica. Videt id cicada: accurrit, rogitat granum. Formica, cur non, inquit, et tu meo exemplo æstate trahis quodcunque potes, atq; addis aceruo? Respondet illa, sibi id temporis cantando transigi. Ridens formica, si ait, æstate cantare soles, meritò nunc esuris.

Monemur hac fabula, dū adhuc robur corporis adest, querere ea, quibus imbecilla sustentetur senectus. Per hyemem, senectutem intellige: per æstatem, adolescentiā & florem illum ætatis.

De leone & tauro.

LEONEM fugitabat taurus, in hircū incidit: is cornu et caperata minitabatur fronte. Ad quem plenus

irā taurus. Non tua, inquit, in rugas contracta frons me territat, sed immanem metuo leonem, qui nisi tergo haberet meo, iam scires non ita paruam rem esse, pugnare cum tauro, & nostro sequi de vulnere sanguinem.

Calamitosus non est addenda calamitas, sat miser est, qui semel est miser.

F A B V L A E A N I A N I

G V L I E L M O H E R M A N O,

O R D I N I S D I V I A G V S T I N I

canonico, interprete.

De nutrice & Inpo.



*N*UTRIX minatur puerum plorātem (ni taceat) dari lupo. Lupus id forte audit. Spe cibi manet ad fores. Puer tandem silescit obrepente somno. Regreditur lupo in syluam ieiunus & inanis. Lupa ubi sit praeda sciscitatur. Gemebundus ille, Verba, inquit, mihi data sunt. Puerum plorātem se abijcere minabatur nutrix, at fefellit. *Fœminæ non est adhibenda fides.*

De testudine & aquila.

*C*EPERAT testudinem tedium reptandi. Si quis eam in cælum tolleret, pollicetur baccas maris rubri. Sustollit eam aquila, poscit præmium. Non habentem fodit vnguibus. Ita testudo quæ concupiit videre astra, in astris vitam reliquit.

Tua sorte sis contentus. Fuere nonnulli, qui si mansissent humiles, poterant esse tuti: facti sublimes, inciderunt in pericula.

De cancris matre & filia.

CANCROVM retrogradū monet mater, antrorsum ut eat. Filius respōdet: Mater, inquit, i præsequar. Nullū reprehēderis vitij, cuius ipse queas reprehendi.

De sole & aquilone.

SOL & ventus aquilo certabāt vter sit fortior. Conuentum est experiri vires in viatorem, ut palmam ferat, qui excusserit manticam: boreas horrifono nimbo viatorem aggreditur, ac ille non desistit, amictum gradiendo duplicans. Adsunt vices solis. Qui nimbo paulatim euiecto, emolitur radios. Incipit viator aestuare, sudare, anhelare. Tandem progredi nequiens, captat frigus opacum, atq; sub frondoso nemore abiecta mantica, resedit. Ita soli contigit victoria.

Qui cum certes etiam atq; etiam vide. Nam etsi tu fortis es, est forsitan alius te fortior. Aut si non fortior, certè callidior, ut consilio suo tuum vincat robur.

De asino.

ASINVS venit in syluā, offendit exuias leonis: quibus indutus, redit in pascua: greges armētaq; territat & fugat. Venit qui perdiderat, quæritat suum asinum. Asinus viso hero occurrit, imò cum rugitu suo incurrit. At herus prehensis, quæ extabant, auriculis, alios licet, inquit, fallas, ego te aselle mi probè noui.

Quod non es, ne te esse simules. Non doctum, cum sis indoctus: non diuitem, non nobilem, cum sis pauper & ignobilis, te iactēs. Vero enim comperto rīleberis.

De rana & vulpe.

RANA egressa paludem, in sylvis apud feras medicinam proficitur: ait se nec Hippocrati, nec Galeno cedere. Cæteris habentibus fidem, illusit vulpes: an hæc, inquit, medicinæ habebitur perita, cui sic pallet os? quin curet seipsam? Sic elusit vulpes. Est enim ranae os cæruleo colore.

Stultitiæ est profiteri quod nescias, & ridiculum.

De cane mordace.

CANI subinde homines mordenti, vt sibi quisque caueret, alligarat dominus nolam. Canis ratus virtuti suæ tributum decus, suos populares despicit. Accedit ad hunc canum aliquis iam ætate atq; autoritate gravis, monens eum ne erret. Nam ista, inquit, nola data est tibi in dedecus, non in decus.

Gloriosus interdum sibi ducit laudi, quod ipsi est vituperio.

De camelo.

CA MELVS sui pœnitens, quærebatur tauros insignes ire geminis cornibus, se inermem obiectum cæteris animalibus. Orat Iouem donari sibi cornua. Ridet Iupiter stultitiam cameli, nec modo uotum negat, verum & auriculas bestiae decurtat.

Sit quisq; fortuna contentus sua. Etenim multi fortunam secuti meliorem, incurrere peiorem.

De duobus amicis & vrsu.

DVO amici faciunt iter: occurrit in itinere vrsus. VNUS arbore conscensa, pericula euitat. Alter, cū spes fugæ non esset, collidit se humi. Accedit belua, contrectat iacentem, os explorat & aures. Homine spiri-



tum continente ac motum, *versus qui mortuis parcat, ratus* cadauer esse, innocuus discedit. Per contanti postea socio, quidnam bestia dixisset iacenti in aurem, Hoc monuisse ait, ne vnquam cum illiusmodi amicis iter faceret.

Rara avis in terris, nigroq; simillima cygno, fides est. Verum amicum res aduersæ & pericula monstrant.

De equite caluo.

EQVES caluus illigârat pileo comam fictitiam. Venit in campum acri spirante borea, ac dum malè obseruat capillatum galerum, subito apparet caluities. Tollit cachinnum corona, nec non & ipse ridet. Quid noui est, inquit, auolare capillos alienos, cum olim defluerint qui fuerant mei?

Bellè fecit eques, qui non est indignatus, sed cum ridentibus risit. Socrates verò cum accepisset in foro alapam, hoc modo respondit: Molestum esse nescire homines quando debeant prodire cum galea.

De duabus ollis.

DVAE olla steterè in ripa, altera erat lutea, altera ærea: vtranq; tulit uis fluuij. Luteæ collisione metuenti respondit ærea, ne quid timeat: sese enim ne collidantur, satis curaturam. Tum altera: seu me, inquit, tecum, seu te mecum flumen colliserit, cum meo vtrunque fiet, periculo: quare certum est à te separari.

Satiùs est viuere cum socio pari, quàm cū potentiori. A potentiori enim potest esse periculum tibi, nō illi à te.

De rustico & fortuna.

RVSTICVS cum araret, offendeat in sulcis thesaurum. Gratias agit telluri, quæ hūc dedisset. For

tuna videns nihil honoris haberi sibi, ita est secum locuta: *Thesauro reperto, Stolidus mihi non est gratus: at eo ipso thesauro postea amisso, me primam omnium votis & clamore sollicitabit.*

Beneficio accepto, grati simus benè de nobis merenti. Ingratitudo enim digna est, etiam beneficio quod iam acceperit priuari.

De tauro & capro.

FVGIT leonem taurus, venit ad speluncam quærens latibulum. Intranti occurSAT cornibus, qui intus erat caper. Tum ijs verbis bos emugijt: Tu quidem cornibus tuis meam excipis fugam. Verum si abierit quem fugio, quantum à uiribus tauri distet caper, tum senties.

Quis nescit miseris esse succurrendum, aut certè non nocendum? quisquis enim à miserorū iniuria non temperauerit, si (ut est fortuna mutabilis) miseris redierit felicitas, nimirum nocuisse miseris eum pœnitebit.

De simia & eius prole.

OMNES animantes suo conspectui Iupiter adesse iusserat, cuiusnam soboles esset pulcherrima iudicaturus. Properant feræ, aduolant aues, nec non ad id certamen adnatant pisces. Omnium postremo festinat simia, trahens secum suam prolem. Cuius quidem prolis fœdas nates cunelis ridentibus, sic infit: Maneat cui faueat Iupiter, victoria: meo tamen iudicio, hic meus natus est bellus, et omnium natis iure præferendus. Hoc dicto subrisit & Iupiter.

Et nos, & nostra nobis placent. Sed de nobis & de nostris factis aliorum sit iudicium, ne si ipsi iudicemus: cum simia rideamur.

De pauone & grue.

PAUO & grus vna cœnant. Pauo se iactat, caudam ostentat, gruem contemnit. Grus fatetur paonem formosis esse pennis, se tamen, dum vix testis superuolat pauo, animoso volatu penetrare nubes.

Nemo alterum contempserit. Sua cuiq; dos, sua cuiq; est virtus. Qui tua virtute caret, forsan habet qua careas tu.

De quercu & arundine.

VALIDIORE noto effracta quercus, in flumen precipitatur: dumq; fluitat, hæret fortè ramis suis in arundine: miratur arundinem in tanto turbine stare incolumem. Hæc respondet, cedendo & declinando se esse tutam, inclinare ad notum, ad boream, ad omnem flatum. Nec mirum esse quòd quercus exciderit, quæ non cedere, sed resistere concupinit.

Potentiori ne resistas, sed hunc cedendo & ferendo minas. Quod pulchrè docet facundissimus Poëtarum Vergilius:

Nate dea, quo fata trahunt retrahuntq; sequamur.

Quicquid erit, superanda omnis fortuna ferendo est.

De tigride & vulpe.

VENATOR iaculis agitabat feras: tigris iubet omnes feras absistere, sese vnam ait bellum confecturam. Pergit venator iaculari: tigris oppido sauciatur. Fugientem è prælio, telumq; extrahentem percontatur vulpes, quisnam valentem beluam tam valde vulnerasset? Respondet se autorem vulneris haud nosse, verum ex vulneris magnitudine capere se coniecturam, aliquem fuisse virum.

Fortes plerunq; sunt temerarij, & ars vim, ingenij fortitudinem superat.

De tauris & leone.

QUATVOR fuere tauri, quibus placuit communem ipsorum esse salutem, & commune periculū. Videt leo simul pascentes: etsi esurit, tamen coniunctos aggredi metuit. Primum dat operam verbis fallacibus segregare, tum segregatos laniat.

Concordia nihil est firminus, discordia etiam fortes reddit imbecilles.

De abiete & dumo.

FERTVR olim abies despicere dumos: iactitat se proceram esse, locari in adibus, cum velo stare in navibus: dumos autē humiles, viles, nulli vsui idoneos. Quorum quidem tale fuit responsum: Tu sane abies tuis gloriare bonis, & nostris insultas malis. Verum nec tua refers mala, & nostra prateris bona. Cum tu sonanti detruncare securi, quā velles tum nobis, qui securi sumus, esse te similem.

Et summæ fortunæ sua insunt mala, et humili fortuna sua bona. Vt nil aliud nūc dicam, hæc secuta est ac tuta, illa nec extra metum est, nec caret periculo.

Horatius canit in lyricis, Celsæ grauiore casu
Decidunt turres, feriuntq; summos, Fulgura montes.

De piscatore & pisciculo.

SVBDVCTVS hamo pisciculus, orat piscatorem se dimitti. Ait modo se à matre fustum, atq; mensam cū adhuc minutus sit, non multum iuuare. Si dimittat, postea grandem ultro ad hamum eius rediturum: piscator negat se dimittere prædam certam, licet exiguam. Quid

habeam, inquit, scio: quid sim habiturus, nescio: ego spem precio non emo.

Certum præstat incerto, præsens futuro: & si nonnunquam exile commodum amissum, attulit magnum.

De alite & eius pullis.

ALES positos in segete pullos monet, ut dum ipsa abest, diligenter attendant si fiat sermo de occasione. Redeunti à pastu matri, pulli anxij narrant dominum agri operam illam mandasse vicinis. Respondet nihil esse periculi. Item alio die trepidi aiunt rogatos ad metendum esse amicos. Iterum iubet illa ut sint securi. Tertiò ut audiuit ipsum dominum cum filio statuuisse postero mane cum falce messem intrare: Iam, inquit, tempus est ut fugiamus. Vicinos & amicos non timui, quia non venturos sciui. Timeo dominum: illi enim res est cordi.

socordes alienis in rebus pleriq; sumus. Quòd si quid rectè curatum velis, alteri ne mandes, sed cures ipse.

De avaro & inuido.

DVO homines orabant Iouem, cupidus & inuidus. Mittitur à Ioue Apollo, per hunc ut eorum votis satisfiat: dat hic utriq; optandi liberam facultatem, hac conditione, ut quodcunq; petisset alter, id ipsum alter acciperet duplicatum. Hæret diu cupidus, cum nihil putat fore satis: petit tandè non pauca. Et duplum accipit socius. Porro inuidus hoc petit, ut ipse vno priuaretur oculo, latus socium mulctandum esse utroq;.

Anaritiam quid possit satiare? Inuidia vero dementiùs est nihil. Quæ dummodo noceat alteri, sibi met imprecatur malum.

De leone & capella.

VIDIT leo pendere dumosa de rupe capellam. Suadet descendere, ut in campo thymum, salicesq; carpbat. Recusat capella descendere: verba quidē eius haud sane mala, sed mentē esse plenam doli reclamans.

Cogita quid quis suadeat. Multi suadent vtilia, non tibi sed sibi.

De cornice & vrna.

SITIBVnda cornix reperit vrnā aquae, sed erat vrna profundior, quā ut posset à cornice aqua contingi. Conatur effundere vrnā, nec valet. Tum lectos ex arena scrupulos iniecit: hoc modo aqua leuatur, & cornix bibit.

Interdum id quod non potes efficere vi, efficies prudentia & consilio.

De leone & venatore.

LITIGAT leo cum venatore: suam praefert fortitudinem hominis fortitudini. Post longa iurgia venator ducit leonem ad Mausolaeum, in quo sculptus erat leo, caput deponens in gremium viri. Negat fera id satis esse iudicij: homines enim sculpere quod vellent, ait: quod si & leones forent artifices, iam virum sculptum iri sub pedibus leonis.

Quisq; quo ad potest, & dicit & facit quod suae parti & causae putat prodesse.

De puero & fure.

SEDEBAT puer flens apud puteum. Fur rogat causam flendi. Puer dicit rupto fune incidisse in aquas vrnā auri. Homo exiit se, insilit in puteum, quærit. Vase non inuento, conscendit, atq; ibi nec puerum, nec suam

inuenit tunicam. Puer quippe sublata tunica fugerat.

Falluntur interdum, qui fallere solent.

De rustico & iuuenco.

ERAT rustico iuuenus, vinculi omnis iugiq; impatiens: homo astutus, bestiae resecat cornua: cornibus enim petebat. Tum iungit non currui, sed aratro, ne, ut solet, herum pulsaret calcibus, stiuam ipse tenet, gaudens industria effecisse, ut iam foret tutus & à cornibus & ab ungulis. Sed quid euenit? Taurus subinde resistens spargendo pedibus, os caputque rustici opplet arena.

Sunt nonnulli sic intractabiles, ut nulla queant arte, nullo consilio tractari.

De satyro & viatore.

ido **S**ATYRVS, qui deus nemorum olim est habitus, viatorem niue obrutum, atq; algore enectum miseratus ducit in antrum suum, fouet igni. Spirantem autem in manus, percontatur causam. Qui respondens, ut calefiant, inquit. Postea, cum accumberent; sufflat viator in polenta. Quod cur faceret interrogatus, ut frigescat inquit. Tum continuo Satyrus viatorem eiciens, nolo, inquit, in meo sit antro cui tam diuersum sit os.

lio
ib **Caue** sit in tuo conuictu homo duplici ore, quiq; in sermone est Protheus.

De apro & rustico.

APRO vastanti segetes, rusticus praecidit auriculā. Iterum deprehenso, praecidit alteram. Et tunc quodque redeuntem capit, captum portat in urbem destinatum lautitiae sui patroni. Secta iam in conuiuio belua, nusquam apparet cor. Excandescente hero, & flagitante cocos,

cocos, villicus respondet, Patrone, inquit, non est mirum non apparere cor: nam credo stultum aprum nunquam cor habuisse. Nam si cor habuisset, nunquam in pœnam suam ad meas segetes toties redisset. Sic rusticus. At omnes conuiuæ emori risu, cachinnari de stultitia rustici.

Multorum hominum est excors vita, vt an cor habeant possis ambigere.

De tauro & mure.

MV S tauri pedem momorderat, fugiens in antrum suum. Taurus vibrat cornua, querit hostem, nusquam videt. Irridet eum mus. Quia (inquit) robustus, non idcirco quemuis contempseris. Nunc te (& quidem gratis) læsit exiguus mus.

Tritū illud est verbū, q̄ significātius nostrate lingua dixerim: **Niemand sol sinen find verachten.** Latine sic: Nemo hostem suum floccipendat.

De rustico & Hercule.

RVSTICI currus hæret in profundo luto. Mox supinus, deū Herculem implorat. Intonat vox è cælo. Inepte, inquit, flagella equos, & ipse annitere rotis, atque tum Herculem vocato: tum enim aderit Hercules vocatus.

Nihil profunt ociosa vota, quæ sanè deus non audit. Iuua temet, inquiunt, ipse tum iuuabit te deus.

De anser.

FVIT anser, qui ponebat oua aurea, singulis diebus singula. Dominus vt subito fiat diues, anserem iugulat, sperans intus latere gazam. Sed anser inuento vacuo, stupet miser, anxieq; dehinc suspirat, ac plangit, &

rem & spem perisse.

Moderanda sunt uota . Curandum est ne uel præproperi simus, vel nimij. Mam & festinantia nocet , & qui plura quàm decet quærit, interdum acquirit nihil.

De cicada & formica.

CV M per æstatem cicada cantat, formica suam exeret messem, trahit in antrum grana, reponēs in hyemem. Sæuiente bruma, famelica cicada venit ad formicam, mendicat victum. Renuit formica, dictitans sese dū illa cantabat, laborasse.

Qui segnis est in iuuentâ, egebit in senectâ: & qui nō parcit, olim mendicabit.

De simia & duobus eius natis.

SI M I A , vt ferunt, cum peperit gemellos, alterum diligit, alterum negligit. Erat puerpera cum gemellis . Atque cum incidisset terror, vitatura periculum, dilectū prehendit vlnis, quem, dum præceps fugitat, collidit petra, atq; enecat. Neglectus autem, qui in hirsuto hæserat tergo fugientis, mansit incolumis.

Solet euenire, vt ipsi parentes filio quem tenerè amāt, præ nimia indulgentia sint mali occasio & periculi, eo quē minus amarunt, præstante se strenum ac probum.

De boue & iuuenco.

BO S iam grandis æuo quotidie trahebat aratrum. Iuuenus laboris expers, vicinis exultat in pascuis: ac tandem insultat fortunæ senioris . Iactat se iugi vinculi inscium, se liberum, se ociosum, illi attritum esse labore collum. Deniq; se glabrum ac nitidum, illum esse hirtum ac squalidum. Senior tum quidem nihil contra, sed breui post tempore videt hunc insultatorem duci ad

aras, ac tum hisce verbis affatur: Quò tua mollis vità peruenit? Securum istud ocium redijt ad securim. Iam saltem (ut opinor) potius suades mihi laborem qui metuetur, quàm ocium, quod nunc te traxit ad necem.

Ad vitam rectè gerendā opus est labore & vigilantia. Socors autem & uoluptati deditus, suarum rerum quem nolet, sortietur exitum.

De cane leone.

OCCURRIT canis leoni: iocatur: quid tu miser exhaustus inedia percurris sylvas & denia? Me spe Æta pinguem ac nitidum, atq; hæc non labore consequor, sed ocio. Tum leo: Habes tu quidem tuas epulas, sed habes stolide etiam vincula. Tu seruus esto qui seruire potes: equidem sum liber, nec seruire uolo.

Pulchrè respondet leo, quibuslibet enim rebus potior est libertas.

De piscibus.

PISCIS fluuiialis, ui fluminis correptus est in mare. Vbi suam efferens nobilitatem, omne marinum genus vilipendebat. Non tulit hoc phoca, sed ait tunc fore iudicium nobilitatis, si cum phoca captus portaretur ad forum: se emptum iri à nobilibus, illum autem à plebe.

Multi sic capti sunt libidine gloriæ, ut sese ipsi prædicent & iactent. Sed laus sui oris, non datur homini laudi, at excipitur cum risu.

De pardo & vulpecula.

PARDVS, cui pictum est tergum, cæteris feris, etiam leonibus despectis, intumescebat. Accedit ad hunc vulpecula, suadet non superbire, dicens illi quidem

esse speciosam pellem, sibi verò speciosam esse mentem.

Discrimen est bonorum & ordo. Bona corporis præstant bonis fortune. Vtrisque illis animi bona præferantur oportet.

De satyro & rustico.

SATYRVS quidam cum vehementer algeret, hyberno gelu supra modum sæuiente, à rustico quodam inductus est in hospitium. Admiratus autem cur homo inflaret in manus ori admotas, rogauit cur ita faceret: is respondit, vt frigidas manus halitus tepore calefaceret. Deinde vbi extructo foco, apposita mensa, in pultem feruidam rursum inflaret, magis etiam admiratus sciscitatus est, quid hoc sibi vellet, Vti pultem, inquit ille, nimium feruentem halitu refrigerem. Tum Satyrus surgens à mensa, quid ego audio inquit? Tun' eodem ex ore pariter & calidum & frigidum efflas? Valebis, neque enim mihi ratio est cum eiusmodi homine commune habere hospitium.

Notantur bilingues, qui eundem modo laudant, modo vituperant.

117

FABVLÆ ALIÆ PVERIS

NON INVILES, EX VARIIS AV-
TORIBVS COLLECTE PER
Guilielmum Goudonum.

De vulpecula & pardale.



V M aliquando pardalis vulpem præ se
contemneret, quòd ipsa pellem habe-
ret omnigenis colorum maculis uarie
gata, respondit vulpes, sibi id deco-
ris in animo esse, quod illi esset in cute.

Neq; vero paulò satius est ingenio præditum esse va-
fro, quàm cute versicolore.

De vulpe & fele.

C V M aliquandò vulpes in colloquio, quod illi erat
cum fele, iactaret sibi varias esse technas, adeo vt
vel peram haberet dolis refertam: feles autem responde-
ret sibi unicam duntaxat artem esse, cui fideret, si quid
esset discriminis. Inter confabulandum repente canum
accurrentium tumultus auditur. Ibi feles in arborem
altissimam subsiliit, cum vulpes interim à canum agmine
cincta capitur.

Innuit fabula, præstabilius esse nonnunquam unicum
consilium, modo id sit verum & efficax, quàm plures do-
los, consiliaq; friuola.

De rege & simiis.

R E X quidam Aegyptius aliquot simias instituit, vt
saltandi rationem perdiscerent: vt enim nullum ani-

mal ad figuram hominis propius accedit, ita nec aliud actus humanos aut melius, aut libentius imitatur. Artem itaq; saltandi protinus edoctæ, saltare cœperunt, in signibus indutæ purpuris ac personatæ. Multoq; iam tempore maiorem in modum placebat spectaculum, donec è spectatoribus facetus quispiam, nuces, quas clanculum in sinu gestabat, in medium abiecit. Ibi statim simiæ, simul atque nuces vidissent, oblité choreæ, id esse cœperunt quod antea fuerant, ac repentinè è saltatricibus in simias redierunt. Contritisq; personis, dilaceratis vestibus, pro nucibus inter se pugnabant, non sine maximo spectatorum risu.

Admonet hæc fabula, fortunæ ornamenta, non mutare hominis ingenium.

De asino & viatoribus.

DV O quidam cum in disertis locis asinum quempiam fortè fortuna nacti essent, contendere inter se cœperunt, uter eorum uti suum domum abduceret. Nam utriq; pariter à fortuna videbatur obiectus. Hac interim de re illis inuicem altercantibus, asinus sese subduxit, ac neuter eo potitus est.

Quidam à præsentibus commodis, quibus ob inscitiam uti nesciunt, excidunt.

De piscatoribus.

PISCATORES aliquot iacto reti, testudines eduxerunt: eas cum essent inter sese partiti, neq; sufficerent omnibus comedendis, Mercurium fortè accedentem inuitârunt ad conuiuium. At is intelligens se nequitiam humanitatis gratia vocari, sed ut eos fastidito cibo subleuaret, recusauit, iussitq; ut ipsi suas testudines ede-

rent, quas cepissent.

Nonnulli posteaquam inconsultè quippiã adorti sunt, aliorum implorãt auxiliũ, quos suo negotio admisceant.

De asino.

APVD Cumanos asinus quispiam partæsus seruitutem, abrupto loro in syluam aufugerat, illic fortè repertum leonis exuium, corpori applicat suo, atq; ita pro leone sese gerebat, homines pariter, ac feras voce caudãq; territans. Nam Cumani leonem ignorant. Ad hunc igitur modum regnabat aliquandiu personatus hic asinus, pro leone immani habitus ac formidatus, donec hospes quispiam Cumas profectus, qui sæpenumero viderat & leonem & asinum, atq; ob id non erat difficile dignoscere aurium prominentium indicio, neque non alijs quibusdam coniecturis asinum esse deprehendit, ac probè fustigatum reduxit, dominoq; agnoscenti reddidit. Interim autem risum non mediocrem concitabat omnibus Cumanis asinus iam agnitus, quos dudum creditus leo, metu propemodum exanimauerat.

Haud facilè tegimus vitia, quæ à puero nobiscum adoleuerunt.

De scarabeo & aquila.

HANC AIT ARISTOPHANES
repertam esse in Aesopiciis fabulis.

SCARABEVS aliquando spretus ab aquila, cœpit de vindicta quoquo pacto sumenda cogitare. Præuestigauit vbinam aquila nidum collocasset. Adrepsit scarabeus, & oua simili dolo deiecit. Aquila cum sæpius do-

micilium commutasset, neq; quicquam proficeret, Iouem patronum adiit, exponit calamitatem suam: is iubet, vt suo in gremio ponat oua, vel isthic in tuto futura. Et huc per vestis lacinias, sinusq; prorepsit ptinax scarabeus, haud quaquam sentiente Ioue. Deinde vbi videt oua commoueri Iupiter, neque satis animaduertit: vnde territus rei nouitate, excusso gremio, in terram deiecit.

Monet hæc fabula, neminem quantuuuis pusillum, cōtemnendum esse.

De simiis & pardale.

IN Maurusia simiarum ingens copia, pardalis autem animal est natura simijs infestissimum, quas tamen viribus assequi non potest, nimirum illis in summas arbores subuolantibus. His itaq; dolis in eas vtitur. Sternit se supinam sub ramis, ac porrectis cruribus emori fingit sese. Gaudent eo spectaculo simiæ confidentes in arbore: deinde vbi iam mortuam arbitrantur, vnā aliquā emittunt exploraturam, num verè mortuus sit hostis. Illa cautim ac pedetentim accedens, vbi nullum vitæ uidet argumentum, pardale nimirum modis omnibus cadauer imitante, demum audet etiam conscendere. Quod simul ac reliquæ simiæ conspexerunt, iam deposito omni metu descendunt, & pardalim omnia ferentem, circumfultant. Postremò conculcantes ludibrii causa donec sentiens illas iam saltādo defatigatas, derepentē reuiniſcēs, aliam dentibus, aliam vnguibus corripit, dilaniatq; ac deuorat.

Hostem simulantē vires deficere, summopere fugiendum esse.

Æsopi Phrygis, memoratu non inutilis.

De cassita.



ESOPVS ille è Phrygia fabulator, haud immeritò sapiens existimatus est, cum quæ utilia monitu suasuq; erant, non seuerè, non imperiosè præcepit et censuit, vt philosophis mos est, sed festiuos delectabilesq; apologos commen-
tus, res salubriter ac prospicièter animaduersas, in men-
tes animosq; hominum, cum audiendi quadam illecebra
induxit. Velut hæc eius fabella de auiculæ nidulo, lepidè
atque iucundè præmonet, spem fiduciamq; rerum, quas
efficere quis possit, haud vnquam in alio, sed in semetipso
habendam. Auicula, inquit, est parua, nomen est cassita:
habitat, nidulaturq; in segetibus: id fermè temporis, vt
appetit messis. Pullis iamiam plumantibus, ea cassita in
sementes quoq; fortè concesserat tempestiniiores, propte-
reà frumentis flauescantibus pulli etiam tunc inuolu-
cres erant. Cum igitur ipsa iret cibum pullis quæsitum,
monet eos, vt si quid ibi nouæ rei fieret, dicereturne, ani-
maduerterent: idq; vti sibi, vbi redisset, renunciarent.
Dominus postea segetum illarum, filium adolescentem
vocat. Et vidēsne, inquit, hæc ematuruisse, & manus
iam postulare? idcirco die crastino, vbi primum dilucu-
labit, fac amicos adeas, & roges vt veniant, operamq;

mutuam dent, & messē hanc nobis adiuent. Hæc ubi ille dixit, discessit : atq; ubi redit cassita, pulli trepidulū circumstrepere, orareq; matrem, vt statim iam properet, atque alium in locum sese asportet. Nam dominus, inquiunt, misit qui amicos rogaret, vt luce oriente veniant & metant. Mater iubet eos à metu ociosos esse. S; enim dominus, inquit, messē ad amicos reijcit, crastino seges non metetur, neque necesse est hodie vt vos essetis. Die igitur postremo, mater in pabulum volat: dominus quos rogauerat, operitur: sol feruet, & fit nihil, & amici nulli crant. Tum ille rursum ad filium, amici isti, inquit, magnam in partem cessatores sunt: quin potius imus, & cognatos & affines vicinosq; nostros oramus, vt cras adsint tempori ad metendum. Itidem hoc pulli pauesacti matri nunciant. Mater hortatur vt tum quoq; sine metu ac sine cura sint, cognatos affinesq; nullos fermè tam esse obsequibiles ait, ut ad laborem capefendum nihil cunctentur, & statim dicto obediant. Vos modo (inquit) aduertite si modo quid denuo dicetur. Alia luce orta, auis in pastum profecta est, cognati & affines operam quam dare rogati sunt, supersedent. Ad postremum igitur dominus filio, Valeant, inquit, amici cum propinquis. Afferes prima luce falces duas, vnā egomet mihi, & tu tibi capies alteram: & frumentum nosmetipsi manibus nostris cras metemus. Id ubi ex pullis dixisse dominum mater audiuit, Tempus, inquit, est cedendi & abeundi: fiet nunc dubio procul, quod futurū dixit: in ipso enim iam vertitur, cuius est res, non in alio vnde petitur. Atque ita cassita nidum migravit, & seges à domino demessa est.

Hæc quidem est *Æsopi fabula*, de amicorum plerunq; & propinquorum leui & inani fiducia. Sed quid aliud sanctiores libri philosophorum monent, quàm vt in nobis tantum ipsis nitamur? alia autem omnia quæ extra nos, extraq; nostrum animum sunt, neque pro nostris, neque pro nobis ducamus. Hunc *Æsopi apologum* *Quintus Ennius* in *Satyris* scitè admodum & venustè versibus quadratis composuit, quorum duo postremi isti sunt: quos habere cordi & memoriæ operæ precium esse hercle puto.

Hoc erit tibi argumentum semper in promptu situm,
Ne quid expectes amicos, quod tu agere possis.

F A B E L L A E X L A M I A

P O L I T I A N I D E S V M P T A.

AVES olim propè vniuersæ noctuam adierunt: rogaruntq; eam, ne posthac in adium cauis nidificaret, sed in arborum potius ramis atque inter frondes. Ibi enim vernari suauius. Quin eadem quercum modo enatam, pusillam, tenellamq; adhuc ostendebant, in qua scilicet molliter (vt aiebant) & sidere ipsa aliquando noctua, & suum sibi construere nidum posset. At illa facturam se negavit. Quin inuicem consilium dedit ijs, ne arbusculæ illi se crederent: laturam enim esse quandoq; viscum, pestem videlicet anium. Contempsere illæ (vt sunt leue genus & volaticum) sapientis vnus noctuæ consilium. Iam quercus adoleuerat, iam patula, iam frondosa erat. Ecce ibi aues illæ omnes gregatim ramis

incolitant, lasciuiunt, subsultant, colludunt, cantillāt. Interea quercus ea uiscum protulerat, atque id homines animaduuerterant. Implicitæ ergo repenti omnes pariter misellæ: frustra eas sera pœnitentia subyt, quod salubre illud consilium sprenissent. Atque hoc esse aiunt, cur nunc aues omnes ubi ubi noctuam viderint, frequentes eam quasi salutant, deducunt, sectantur, circumfident, circumuolitant. Etenim consilij illius memores, admirantur eam nunc ut sapientem, stipantq; densa cœterua, ut uidelicet ab ea sapere aliquando discant. Sed opinor frustra, imò vero etiam interdum cum magno ipsarum malo. Nam veteres illæ noctuæ reuera sapientes erant. Nunc multæ noctuæ sunt, quæ noctuarum quidem habent plumas & oculos & rostrum, sapientiam uero non habent.

Benè monentis consilia ne spernas, hæc fabula docet.

APOLOGVS EX SECVNDO

LIBRO PETRI CRINITI DE

honestâ disciplina, desumptus.



ATA est olim cucurbita iuxta arborē pinum, quæ grandis admodum & ramis patulis extabat. Cucurbita uerò cum multis pluuijs atq; cœli temperamento creuisset, lasciuire incipit, & ramulos latius porrigere. Iam serpente in pinum, iam surgere, iam ramos & frondes inuolere audebat, ampliora folia, cadentes flores, prægrandia

poma, & virscentia ostentans. Itaq; tanto fastu atque insolentia intumuit, vt pinum arborem ausa sit aggredi: & vides, inquit, vt te supero amplis folijs, vt virore præsto, & iam iam ad cacumen profurgo. Tum pinus, quæ senili prudentia & robore pollebat, nihil mirata est cucurbitæ insolentis audaciam, sed ita ed eam respōdit: Ego hic multas hyemes, calores, æstus, variasq; calamitates peruici, & adhuc integra consisto. Tu ad primos rigores minus audaciæ habebis, cum & folia concident, & viror omnis obierit.

Secundis rebus non esse superbiendum.

FABVLA DE CORVO ET LUPIS,
ex Antonio Campano.

CORVVS lupos per ardua montium iuga comitatur, partem prædæ fieri postulat, qui eos secutus nullo tempore destituisset, sociusq; fuisset. Repulsus dein de à lupis tanquam non eos, sed prædā cibumq; secutus, nec minus luporum si occiderentur, quàm cæterorum animalium exta fuisset voraturus.

Non quid agamus, semper inspiciendum est, sed quo sumus animo cum agimus.

Altera de partu terræ, ex eodem.

TVRGIDA olim facta tellus, & mirum in modum tumida, magnū aliquod paritura videbatur. Accurrunt finitimi, stupent agricolæ, terræ partum inter spem metumq; expectant, alij Typhoëa illum centimanum, alij montes erupturam putabant. Aperitur terra, prodijt

mus: & quod miraculo fore omnibus arbitrabatur, in risum atque iocum conuerterunt.

Non semper credendum promissis magnificis.

APOLOGVS DE MEMBRIS ET VENTRE,
ex Plinio desumptus.

HUMANI artus cum ventrem ociosum viderent, ab eo discordarunt, & suum illi ministerium negauerunt. Cum eo pacto & ipsi quoque deficerent, intellexerunt ventrem cibos acceptos, per omnia membra diuidere, & cum eo in gratiam redierunt.

Magnæ res discordia pereunt, concordia valent.

DE ARIONE ET DELPHINO

Fabula elegatissima, ex lib. 16. A. Gellii.

VETVS & nobilis Arion cantator fidibus fuit. Is loco & oppido Methymnæus, terra atque insula omni Lesbios fuit. Eum Arionem rex Corinthi Periander amicum amatumque habuit artis gratia. Is inde à rege proficiscitur terras inclytas Siciliam atque Italiam uisere. Vbi eò venit, auresque omnium, mentesque in vtriusque terræ urbibus demulsit. In quæstibus istis & uoluptatibus, amoribusque hominum fuit. Is tum postea grandi pecunia & re bona multa copiosus, Corinthum instituit redire. Nauem igitur & nautas ut notiores, amicioresque sibi Corinthios delegit. Sed eo Corinthios homine accepto, nauisque in altum prouecta, prædæ pecuniæque cupidus, cepisse consilium de necando Arione. Tum illum ibi per

nicie intellecta, pecuniam ceteraq; sua, ut haberent dedisse, vitam modo sibi ut parcerent, orauisse. Nautas precum eius harum commisertos esse illatenus, ut ei necem adferre per uim sitis manibus temperarent. Sed imperauisse, ut iam statim desiliret præceptis in mare. Homo, inquit, ibi territus, spe omni uitæ perdita, id unum postea orauit, ut priusquam mortem oppeteret, induere permetterent sua sibi indumenta, & fides capere, et canere carmen casus illius sibi consolabile. Feros & immanes nautas prolubium tamen audiendi subit. Quod orauerat, impetrat. Atq; ibi mox de more cinctus, ornatus, stansq; in summæ puppis foro, carmen quod Orthium dicitur, uoce sublatissima cantauit. Ad postrema cantus cum fidebus, ornatuq; omni, sicut stabat, canebatq;, eiecit sese procul in profundum. Nautæ bandquaquam dubitantes quin perisset, cursum quem facere cœperant, tenuerunt. Sed nouum & mirum & pium facinus contigit, delphinum repentè inter undas adnauisse, & dorso super fluctus edito uectauisse, incolumiq; eum corpore & ornatu, Tanarum in terram Laconicam deuexisse. Tum Arionem prorsus ex eo loco Corinthum petiuisse, talemq; Periandro regi, qualis delphino uectus fuerat, sese obtulisse: eiq; rem, sicuti acciderat, narrauisse. Regem isthæc parum credidisse, Arionem quasi falleret custodire iussisse. Nautas requisitos, ablegato Arione, dissimulanter interrogasse: ecquid audissent in ijs locis, unde uenissent, super Arionem? Eos dixisse, hominem cum inde irent, in terra Italia fuisse, eumq; illic bene agitare, & studijs delectationibusq; urbium florere, atque in gratia pecuniaq; magna fortunatum esse: tum inter hæc eorum uer

ba Arionem cum fidibus & indumentis, cum quibus se in salum eiacularat, extitisse. Nautas stupefactos, conuictosq; , ire inficias non quisse.

Documēto est hæc fabella, plus aliquando inueniri in brutis animalibus clementiæ, quàm in ijs hominibus, qui præter opes nihil habent pensi, præter figuram nihil humanitatis.

DOMITIUS PALLADIUS SORANUS

POLLIONI VADIO SACERDOTI

venerando S. P. D.



AMPRIDEM tuo sermoni de Abstemio frequenti literarum confessu, Pollio venerande, non inuitus interfui, cum minime prætextatis, vt ita dicam, laudibus hominē celebrares, adeoq;

in arcem euasisti, vt nemo sanè mea sententia eum cumulatius laudare potuerit. Mox inde secedens, diu hæc omnia mecum animo volutabam, vnde tanta conflueret laudationis abundantia, vnde tanta non vulgaris observatio emanaret, vnde deniq; amicitia adeo perfecta exoriretur. Proculdubio non aliunde mecum tandem collegi, quàm ex præclaræ eius virtutis nomine proficisci, cuius quidem uis magna & præpotens est. Quamobrem non possum profectò non suspicere ingenium tuum amabile,

bile, tuumq; animum virtutibus fultum, diligentius non admirari, qui neq; ambitione, neq; inuidia, neq; aliquo alio liuore deuincitur. Siquidē omnes quas meretur Abstemius noster, laudes, non transis silentio, imo ad alias ipsas cum mulandas, ob eius incredibilem eloquentiam, singularemq; doctrinā vltro accedis: idq; haud ab re, cum pater omnium elegantiarum, atque idem leporū omnium merito sit & habeatur. Et vt hæc clariora luce, non officii gratia, aut te merē dicantur quotidie, quemadmodum aliqua eius laborum monumenta existere videmus, quæ vndiq; perfecta verborum concinnitate, perspicacissimisq; sententiis scatent. Nam modo dicam de hoc apologorū libello nuper impresso, in quo perspicua ac insignis eius ingenii amœnitas, non absque laude maxima redundare videtur. Quare non vereor, vt is remisso cuiuscunq; animo pessum eat, Abstemioq; (absit inuidia verbo) omnium q̄ iucundissimo detrahatur. Cui & te & me, ob tanti nominis celebritatem, nulla vnquam in re defuturos esse liquidò constabit. Vale.

Mercatelli S. P. D.



EDITVRVS hunc Apologorum libellum, quem de numero fabularum Hecatomythium nuncupauī, multum diuq; dubitauī, Octauiane princeps inclyte, tuone eum nomini potissimum dedicarem. Nam cum tuam in me non sine plurimis beneficiis perspicerem beneuolentiam, nō aliquid mearum vigiliarum tibi deuouere, in gratissimi hominis esse videbatur. Rursus, cū tuorum in me officiorum numerum diuinaq; virtutes tuas mecum ipse reuoluerem, indignū tantis meritis, tantaq; sapientia munusculum hoc esse cernebam. Hanc tandem dubitationē meam, amouit humanitas & prudētia tua, qua non tam res tibi dono datas, quā offerentiū voluntatem soles inspicere. Addidit quoq; mihi animum Guidus Vbaldus, clarissimus Dux & Princeps meus omni laude maior, qui opusculum meum de nonnullis locis obscuris, superiori anno ei dedicatum, vultu ita placido & serena fronte suscepit, vt sperare meritō possem, hoc tibi quaecunq; fore non ingratum. Non mediocriter etiā me incitarūt Georgius Emus,

pro Venetis hic agens Legatus, non solum pa-
tritia nobilitate, verum etiam bonarum artiū
studiis clarus, & Carolus Verardus Cæsenas,
Archidiaconus Cæsenaë, & Alexandri Pontifi-
cis maximi Cubicularius, vir omni literarum
genere præstans, necnon Renatus Melioratus,
& Robertus Vrsus Ariminenses, Iurisconsulti
clarissimi, nec minus, quæ humanitatis vo-
cant, studiis eruditi. Hi enim, aliiq; complures
optimi harum rerum censores, cum hunc libel-
lum legissent, multis me verbis ad æditionem
sunt cohortati. Non putaui igitur tam huma-
no principi hoc munus ingratum futurū, quod
tot eruditis viris antè placuisse cognoueram.
Accipe hoc quicquid est libelli ab Abstemio
tuo, cuius mentem animumq; si penitus pos-
ses inspicere, in hac tenui re magnum munus
tibi iudicares oblatum. Sedulo dedimus ope-
ram, vt seria potius quàm iocos saperent, vnde
ridiculas multas, quæ inter componēdum sese
mihi offerebant, consulto præterii: quia nimis
lasciuæ, & tanti principis grauamine mihi vide-
bantur indignæ. Non tamen ita agrestis esse vo-
lui, quin eas aliqua vrbani-
tate aspergerem, ma-
ximè ad principem scribens, cum principes cura-
rum mole pressi, soleant interdum recreandi
animi gratia iocos appetere. Vale.

De mure in cista nato. Fabula prima.

MVs in cista natus, omnem ferè ibi duxerat etatē nucibus pastus, quæ in ea seruari solebant. Dum autē circa oras cistæ ludens decidisset, quæreretq; ascensum, reperit epulas lautissimè paratas: quas cum gustare cœpisset, quàm stultus, inquit, hætenus fui, qui in toto terrarum orbe nihil melius cistula mea esse credebam. Ecce quàm suauioribus hic vescor cibus.

Hæc fabula indicat, non ita patriam diligendam, si ignobilis sit, ut aliena non adcamus loca, cum alibi beatiores esse possimus.

De rustico impetrante, ut triticum absq;
aristis nasceretur. II.

IMPETRAVERAT à Cerere rusticus quidam, ut triticum absque aristis nasceretur, ne metentium triturantiumq; manus læderet: quod ubi inaruit, à minutis auibus depastum est. Tum rusticus, quàm digna, inquit, patior, qui parvæ commoditatis causa emolumenta quàm maxima perdidi.

Fabula indicat parva commoda, maiori utilitate pensanda.

De accipitre columbam insequente. III.

CVM accipiter columbam præcipiti insequeretur volatu, villam quandam ingressus, à rustico captus est. Quam blandè, ut se dimitteret, obsecrabat. Nō enim te læsi, dicens. Cui rusticus, nec hæc, respondit, te læserat.

Fabula indicat, meritò puniri qui innocentes lædere conantur.

De aranea & hirundine. III.

ARANEA in hirundinem excandescens, quæ muscas, qui suus est cibus, capiebat, retia in foribus, per quas volitare solebat, ut eam caperet, suspenderat. Hirundo verò aduolans, retia cum textrice per aera portabat. Tunc aranea in aere pendens, & se iamiam perituram intelligens, quàm iuste hæc patior, dicebat, quæ minima volatilia magno labore vix capiens, credidi tam magnas aues posse comprehendere.

Hac admonemur fabula, ne viribus maiora aggrediamur.

De rustico amnem transiture. V.

RVSTICVS torrentem transiture, qui fortè imbribus excreuerat, querebat vadum. Et cum primum eam fluminis partem tentasset, quæ quietior placidiorq; videbatur, reperit eam altiore, quàm animo erat opinatus. Rursus ibi breuiorem tutioremque adinuenit, ubi maiori aquarum strepitu fluius decurrebat. Tum secum, Quàm tutius, inquit, clamoris aquis, quàm quietis & silentibus vitam nostram credere possumus.

Hac admonemur fabula, ut minus verbosos & minaces, quàm quietos extimescamus.

De columba & pica. VI.

COLUMBA interrogata à pica, quid eam induceret, ut in eodem semper loco nidificaret, cum eius pulli inde sibi semper surriperentur: simplicitas, respondit.

Hæc indicat fabula, facile esse viros probos sæpe decipi.

De cuculo & accipitre. VII.

IRISVS ab accipitre cuculus, quòd cum sibi &

corpore par & colore non absimilis esset, præ angustia animi, potius vermibus terrenis, quam suauibus aliarum animarum carnibus resceretur, vidit paucis post diebus accipitrem à rustico, cuius columbas insectabatur, captum, & metu caterorum ex alta turre pendere. Cui cuculus: Quàm melius tibi, inquit, amice fuisset, vermes venari, quàm alienas aues impetere.

Hæc fabula indicat, eorum vitam tutiorem esse, & magis probandam, qui suis rebus sine periculo contenti sunt, quàm illorum qui aliena appetentes, adeunt magna vitæ discrimina.

De asino & vitulo. VIII.

ASINVS & vitulus in eodem pascentes prato, sonitu campanæ hostilem exercitum aduentare præsenferant. Tum vitulus, Fugiamus hinc ò sodalis inquit, ne hostes nos captiuos abducant. Cui asinus, Fuge tu, inquit, quem hostes occidere & esse consueuerunt, asini nihil interest, cui ubique eadem ferendi oneris est proposita conditio.

Hæc fabula seruos admonet, ne dominos magnopere mutare formident, modo prioribus deteriores futuri non sint.

De vulpe & mulieribus gallinam edentibus. IX.

VULPES iuxta villam quandam transiens, conspexit cateruam mulierum plurimas gallinas opiparè assatas, alto silentio comedentem: ad quas conuersa, Qui clamores, inquit, & canum latratus contra me essent, si ego facerem quod vos facitis? Cui respondens quedam

anus, Pessima animalium, inquit, nos quæ nostra sunt comedimus, tu verò aliena furaris.

Hæc fabula nos admonet, ne putemus nobis in re aliena licere, quod proprijs dominis licet.

De caponibus pinguibus & macro. X.

VIR quidam complures capones in eodem ornitobosco inclusos, largo nutricauerat cibo, qui pingues effecti sunt omnes præter vnum, quem ut macilentum irridebant fratres. Dominus nobiles hospites lauto & sumptuoso accepturus conuiuio, imperat coco, ut ex his interimat coquatq; quos pinguiore inuenerit. Hoc audientes corpulenti, sese afflictabant, dicentes, quanto præstittisset nos macilentos esse.

Hæc fabula in pauperum solamen conficta est, quorum vita tutior est, quam diuitum.

De trabe & bobus eam trahentibus. XI.

TRABES vltima de bobus conquerebatur, dicens: Ingrati, ego multo tempore meis vos frödis alui, vos verò me nutricem vestram per saxa et luta trahitis. Cui boues, gemitus suspiriaq; nostra, & stimulus quo pungimur, te docere possunt, quòd te trahimus inuiti.

Hæc nos docet fabula, ne in eos excandescamus, qui non sua sponte nos lædunt.

De arboribus pulchris & deformi. XII.

ARBORES complures in eodem creuerant loco procerae, rectae, enodesq; præter vnā humilem, paruum nodosamq; quam ut deformem, pusillamq; ceteræ ludibrio habere solitæ erant. Aedificaturus domum loci dominus, iubet omnes excidi, præter eam, quæ breuitate & deformitate sua ædificium indecorum redditura vide

batur. Cæteris excisis, deformis hæc secum dicebat, De te nõ amplius querar natura, quòd me turpem genueris, cum formosis tam magna videam imminere discrimina.

Hæc fabula nos admonet, ne doleamus nos natos esse deformes, cum multis formositas sæpe nocuerit.

De cygno in morte canente repre-
henso à ciconia. XIII.

CYGNVS moriens interrogabatur à ciconia, cur in morte, quam cætera animalia adeo exhorrent, multo suauiores quàm in omni vita emitteret sonos, cū potius mæstus esse deberet. Cui cygnus: quia, inquit, neq; cibi quærendi cura amplius cruciabor, neque aucupum laqueos extimescam.

Hæc fabula nos admonet, ne mortē formidemus, quia omnes vitæ miseriæ præciduntur.

De muliere virum morientem flente, &
patre eam consolante. XIII.

MULIEREM adhuc iuuenem, cuius vir animam agebat, pater consolabatur, dicens: Ne te afflictes tantopere filia, alium enim virū tibi inueni isto longe formosiores, qui prioris desiderium facile mitigabit. At mulier doloris impatiens, ut quæ maritum ardētī amore prosequeretur, non modo verba parentis non admittebat, sed intempestiuam alterius mariti mentionem accusabat. At ubi maritum defunctum videt, inter lachrymas & luctus parentem interrogat, an assit ibi iuuenis ille quem sibi in virum dare velle se dixerat.

Fabula indicat quàm cito defunctorũ maritorũ amor, ex uxorum animo excidere soleat.

**De muliere amatoris discessum
flente. X V.**

MULIER impudica amatorem suum abeuntem, quem omnibus ferè rebus spoliauerat, multis lachrymis prosequabatur. Interrogante autem eam vicina, cur ita inconsolabiliter fletet, Non discessum eius, inquit, sed pallium quod ei reliqui, fleo.

Fabula indicat, non amatores, sed eorum bona à meretricibus amari.

De musca quæ quadrigis infidens, puluerem se excitasse dicebat. XVI.

QUADRIGAE in stadio currebant, quibus musca infidebat. Maximo autem puluere, tum equorum pedum pulsu, tum rotarum volutatione exorto, dicebat musca: Quàm magnam vim pulueris excitaui.

Hæc fabula ad eos spectat, qui cum ignaui sint, alienam tamen gloriam suis magnificis verbis in se transferre conantur.

De anguilla conquerente quod magis quàm serpens infestaretur. XVII.

ANGVILLA interrogabat serpentem, quare cum similes essent atq; cognati, homines tamen se potius quàm illum insequerentur. Cui serpens, quia rarus, inquit, me lædit impunè.

Fabula indicat, minus lædi solere, qui sese vlcisuntur.

De asino, & fimia & talpa. XVIII.

CONQVERENTI asino quòd cornibus careret, si-
mia verò quòd cauda sibi deesset, tacete, inquit tal-
pa, cum me oculis captam esse videatis.

Hæc fabula ad eos pertinet, qui non sunt sua sorte cõ-
tenti. Qui si aliorum infortunia considerarent, æquiori
animo tolerarent sua.

De nautis sanctorum auxilium
implorantibus. XIX.

NAVTA quidam in mari subita & atra tempesta-
te deprehensus, cæteris eius socijs diuersorum dino-
rum auxilium implorantibus, nescitis, inquit, quid peti-
tis. Ante enim quàm sancti isti ad deum pro nostra libe-
ratione se conferant, hac imminente procella obruemur.
Ad deum igitur confugiendum censeo, qui absq; alterius
adminiculo à tantis malis nos poterit liberare. Inuocato
igitur dei omnipotentis auxilio, ilico procella cessauit.

Fabula indicat, ubi potentioris auxilium haberi po-
test, ad imbecilliores non confugiendum.

De piscibus è sartagine in prunas
defilientibus. XX.

PISCES adhuc vini in sartagine feruenti oleo coque-
batur, quorum vnus, fugiamus hinc fratres, inquit,
ne pereamus. Tunc omnes pariter è sartagine exilientes,
in ardentes prunas deciderunt. Maiori igitur dolore affe-
cti, damnabant consilium quod ceperant, dicentes: Quan-
to atrociori nunc morte perimus?

Hæc nos admonet fabula, vt ita præsentia vitemus
pericula, ne incidamus in grauiora.

De quadrupedibus societatem aduersus
 aves cum piscibus ineun-
 tibus. XXI.

QUADRUPEDES cum bellum sibi ab avibus
 esset indictum, cum piscibus fœdus inierunt, ut eo-
 rum auxilio se ab avium furore tuerentur. Cum autem
 optata expectarent auxilia, pisces negant per terram ad
 eos accedere posse.

Hæc nos admonet fabula, ne eos nobis socios facia-
 mus, qui cum opus sit, nobis adesse non possint.

De legato avaro, tubicines de-
 cipiente. XXII.

QUIDAM avarus pro patria legatus, in aliam
 urbem profectus erat. Cui tubicines præsto affue-
 runt ut illius aures tubarum clangore, loculos autem suos
 pecunia, implerent. Quibus ille renunciare iubet, non
 esse nunc locum cantibus, se in summo luctu & mœrore
 constitutum, matrem enim suam obisset. Tubicines autem
 spe frustrati, & mœsti abeunt. Amicus quidam legati
 audiens luctum, ad eum visendum consolandumq; accedit,
 interrogatq;, quàm diu mater eius obisset. Quadraginta
 iam anni sunt, inquit. Tunc amicus intellecta legati stro-
 pha, in risum effusus est.

Hæc fabula ad avaros facit, qui omni arte student cõ-
 servare pecuniam.

De viro, qui ad cardinalem nuper creatum,
 gratulandi gratia accessit. XXIII.

VIR quidam fecetus admodum & urbanus, audiens
 amicum suum ad Cardinalatus dignitatem assum-
 ptum, ad eum gratulandi gratia accessit. Qui honore tu

midus, amicum veterem agnoscere dissimulans, quisnam esset interrogabat. Cui ille, ut erat ad iocos promptus, Miseresco, inquit, tibi, cæterisq; qui ad huiusmodi honores perveniunt. Quamprimum enim dignitates eiusmodi estis affecuti, visum, auditumque & cæteros sensus ita amittitis, ut pristinos amicos amplius non dignoscatis.

Hæc fabula eos notat, qui in altum sublatis, veteres despiciunt amicitias.

De iuvene senis curvitatē irridente. XXIII.

IVVENIS quidam conspiciatus senem, in arcus tensi similitudinē curvum, interrogavit an sibi arcū vellet vendere? Cui ille: Et quid est tibi opus pecuniam amittere? Si enim ad meam perveneris ætatem, absque pecunia arcum tibi natura concedet.

Hæc fabula indicat minimè irridenda vitia senilis ætatis, quam nemo vivendo effugere potest.

De sene puellam in uxorem accipiente. XXV.

VIR quidam imprudens exacto septuagesimo vite ætate, puellam duxerat in uxorem, qui ad id tempus in cœlibatu permanisset. Cui, cum debitum solvere non posset, dicere solebat: Quam malè vitam meam disposui. Iuveni enim mihi uxor deerat, nunc autem senex desum uxori.

Hæc fabula innuit omnia suo tempore peragenda.

De aquila & pica. XXVI.

PICA aquilam rogabat, ut se inter suos familiares & domesticos acciperet, quando id mereretur cum

corporis pulchritudine, tum ad mandata peragenda lingua volubilitate. Cui aquila: Hoc facerem respondit, ni vererer, ne quæ intra tegulam fiunt, tua loquacitate cuncta efferres.

Hæc fabula monet, linguaces & garrulos, domi non habendos.

De turdo amicitiam cum hirundine
ineunte. XXVII.

GLORIABATVR turdus se amicitiam contraxisse cum hirundine. Cui mater: Stultus es fili, inquit, si credis cum ea posse conuiuere, cum uterq; vestrum diuersa soleat appetere loca. Tu enim frigidis, illa tepidis delectatur locis.

Hac monemur fabula, ne eos nobis faciamus amicos, quorum uita à nostra dissentit.

De rustico & mure. XXVIII.

RVSTICVS quidam erat admodum pauper, sed adeò facetus, ut ne calamitatis quidem tempore natui lepôris obliuisceretur. Is cum villam suam casu, igne iniecto ita ardentem videret, ut aliquo modo ignem extinguere posse diffideret, mæstus spectabat incendium. Interim cernit murem quendam, qui villa egressus, periculum quàm ocysissime fugiebat. Oblitus damnorum rusticus, accurrit, & murem corripiens, illum in medium recit incendium, dicens: Ingratum animal, tempore felicitatis mecum habitasti, nunc quia fortuna mutata est, villam meam deseruisti.

Fabula indicat eos non esse veros amicos, qui arrident fortuna, à latere tuo non discedunt: turbata autem, præcipiti abeunt cursu.

De diuite quodam & seruo. XXX.

VIR erat diues, seruum habens tardi ingenij, quem regem stultorum solebat nuncupare. Ille his verbis sapius irritatus, statuit hero par referre. Semel enim in herum conuersus, vtinam, inquit, rex stultorum essem, in toto enim terrarum orbe, nullum meo latius esset imperium, & tu quoq; meo subesses imperio.

Fabula indicat omnia plena esse stultorum.

De vidua virum petente. XXXI.

VIDUA quædam diues à vicina petebat, ut maritum sibi reperiret, quem non coitus gratia, qui ingratus admodum sibi erat, sed ne bona sua dilapidarentur, exoptare se dicebat. Mulier sagax & viduæ versutias intelligens, se inquisituram pollicetur. Paucis post diebus viduam conueniens, reperi, inquit, tibi virum ex animi tui sententia. Est enim vir prudens, & ad res gerendas natus, & genitalibus caret, quæ tibi cordi non sunt. Cui vidua, Abi, inquit, in malam rem cum isto marito tuo tam illepidus, & si eniu coitus appetens non sum, uolo tamen habeat quod nos reconciliet, si quando cæperimus esse discordes.

Hæc fabula indicat nullum matrimonium felix esse, si clauus defuerit, qui virum & mulierem arctissime constringit.

De canibus vrbani villaticum insequentibus. XXXII.

CANES complures vrbani quendam villaticum præcipiti insequabantur cursu, quandiu ille fugit, nec repugnare ausus est. At vbi ad insequentes conuersus substitit, & dentes ipse quoq; ostendere cæpit, omnes præ-

riter substituerunt, nec aliquis urbanorum illi propinquare audebat. Tunc imperator exercitus, qui fortè ibi aderat, ad suos conuersus milites. Commilitones inquit, hoc spectaculū nos admonet, ne fugiamus, cū præsentiora fugiētibus quā repugnātibz videamus imminere pericula.

De anu dæmonem accusante. XXXIII.

VOLUNT homines, ut plurimum, quando sua culpa aliquid sibi acciderit aduersi, in fortunam vel in dæmonem culpam conferre, vt se crimine exuant, adeò omnes sibi indulgent. Hoc dæmon egre ferens, cum videret anum quandam arborem ascendentem, ex qua illam ruituram, & in se culpam collaturam præuiderat, acticis testibus, dixit: Videte anum illam absque meo consilio arborem ascendentem, vnde eam casuram esse prospicio. Estote mihi testes, me ei non suasisse, ut soleata illuc ascenderet. Mox anus cecidit, et cum interrogaretur cur soleata arborem ascendisset, dæmon, inquit, me impulit. Tunc dæmon adductis testibus, probauit id ab anu absq; suo factum esse consilio.

Fabula indicat homines minime venia dignos, qui cū liberè peccent, fortunam vel dæmonem accusant.

De testudine & ranis. XXXIII.

TESTUDO cōspicata ranas, quæ in eodem stagno pasciebantur, adeò leues agilesq; , ut facilè quò libet, prosilirent, & longissimè saltarent, naturam accusabat, quòd se tardum animal & maximo impeditum onere procreasset: ut neq; facilè se mouere posset, et magna assiduò mole premeretur. At vbi vidit ranas, anguillarum escā fieri, & cuiuscunque vel leuissimo ietui obnoxias, aliquā tulum recreata dicebat: Quanto melius est onus, quo ad

omnes iētus munita sum, ferre, quàm tot mortis subire discrimina.

Hæc fabula indicat, ne ægre feramus dona naturæ, quæ maiori nobis commodo sæpe sunt, quàm nos intelligere valeamus.

De gliribus quercum eruere volentibus. XXXV.

GLIRES quercum arborem glandiferam dentibus eruere destinauerunt, quò paratiorem haberent cibum, ne victus gratia toties ascendere & descendere cogerentur. Sed quidam ex eis, qui etate & usu rerum ac prudentia cæteros longe anteibat, eos absterruit, dicens, si nutricem nostrā nūc interficiemus, quis futuris annis nobis ac posteris nostris alimenta præbebit?

Fabula hæc monet, virum prudentem debere nō modo præsentia intueri, verumetiam futura longè prospicere.

De cane & hero. XXXVI.

CANEM quidam habens, quò magis ab illo diligetur, semper eum suis pascebat manibus, ligatumq; soluebat. Ligari autem & verberari iubebat à seruo, ut beneficia à se, maleficia autem à seruo in illum viderentur esse collata. Aegre autem ferens canis se assidue ligari verberariq;, aufugit: & cum increparetur à domino ut ingratus & tantorum beneficiorum immemor, qui se fugisset, à quo semper dilectus pastusq; fuisset, ligatus autem verberatusq; nunquam, respondit: quod seruus tuo iussu facit, à te factum puto.

Hæc fabula indicat eos malefactores habēdos, qui maleficiorum causa fuere.

De auibus scarabeos timentibus. XXXVII.

MAGNVS timor aues inceserat, ne scarabei arcu pilari eas occiderent, à quibus magnam pilarum vim in sterquilinio summo labore fabricatā audierunt. Tunc passer, nolite, inquit, expauescere. Quomodo enim pilas in nos per aera volantes iacere poterunt, cum eas per terram magno molimine vix trahant?

Hæc fabula admonet, ne hostium opes extimescamus, quibus deesse videmus ingenium.

De vrsu & apibus. XXXVIII.

VRSVS iētus ab ape, tanta ira percitus est, vt aluearia in quibus apes mellificauerant, tota vnguibus discerperet. Tunc apes vniuersæ cum domos suas dirui, cibaria auferri, filios necari viderent, facto impetu aculeis vrsu inuadentes, penè necauere. Qui ex earum manibus vix elapsus, secum dicebat: Quanto melius erat, apis vnus aculeum tolerare, quàm tot in me hostes mea iracundia concitare.

Hæc fabula innuit longè melius interdum esse, iniuriā vnus sustinere, quàm dum vnum punire volumus, multos nobis inimicos comparare.

De aucupe & fringilla. XXXIX.

AVCEPS tetenderat volucris retia, largamq; illis in aera effuderat escam, pascentes tamen aues non capiebat, quia sibi videbantur paucæ, quibus pastis ac auolantibus, aliæ pastum adueniunt, quas quoque propter paucitatem capere neglexit. Hoc per totum diē ordine seruato, ac alijs aduenientibus, alijs abeuntibus, illo semper maiorem prædam expectante, tandem aduersperascere cœperat: tunc auceps amissâ spe multas ca-

piendi, cum iam tempus esset quiescendi, attrahens retia, vnam tantum fringillam, quæ infelix in aere remanserat, cepit.

Hæc fabula indicat, qui omnia comprehendere volunt, sæpe pauca vix capere posse.

De milite & equo. XL.

MILES equum habens optimū, emit alium nequam illi bonitate parem, quem multo diligentius quàm priorem nutricabat, tunc priori sic ait, Cur me do minus quàm te impensius curat, cum tibi neque pulchritudine, neq; robore, neque velocitate comparandus sim? Cui ille: Est hæc, inquit, hominum natura, vt semper in novos hospites benigniores sint.

Hæc fabula indicat hominum amentiam, qui noua, etiam si deteriora sint, solent veteribus antepondere.

De sue & cane. XLI.

SVs irridebat canem odorisequum, qui domino murmure & cauda adularetur, à quo ad artem aucupatoriam multis verberibus, auriumq; vellicationibus fuerat instructus, cui canis: Nescis, inquit, insane, nescis quæ ex verberibus illis consecutus, per ea enim suauissimis perdicum coturnicumq; carnibus vescor.

Hæc fabula nos monet, ne iniquo feramus animo præceptorum verbera, quæ multorum bonorum causa esse consuevere.

De trabe bouum pigritiam increpante. XLII.

TRABS quæ curru vehebatur, boues vt lētulos increpabat, dicens: Currите pigri, onus enim leue portatis. Cui boues: Irrides nos, responderunt, ignara quæ te pœna maneat. Onus hoc nos cito depōnemus, tuum

autē quoad rumparis, sustinere cogeris. Indoluit trabs,
nec amplius bones conuitijs laceffere ausa est.

Hæc fabula quemlibet monet, ne alium insultet calamitatibus, cum ipse possit maioribus subiacere.

De carduele & puero. XLIII.

CARDVELIS avis interrogata à puero, quæ in delicijs habita, & suauibus & largis cibis nutrita fuerat, cur cauea egressa regredi nollet, Vt meo, inquit, me arbitrato, non tuo pascere possim.

Hæc fabula indicat vitæ libertatem cunctis delicijs anteponendam.

De vulpe à rustico in palea abscondita. XLIII.

VVLPEs olim fugiens in venatione canes, diuertit ad rusticum qui in area triticum terebat, rogans vt à canibus tueretur, & simul pollicita est nunquā se eius pullos gallinaceos lesuram. Annuit rusticus conditioni, & sumptis paleis furcula vulpem textit. Aduenit vnus & item alter ex venatoribus, vulpem querens. Rogitabant autem rusticum, Nunquid vulpem fugientem vidisset, & iter eius. Ille verbis vulpem per certam viam diffugisse, nutu verò & oculis latere sub paleis innuebat. Illi potius ad verba, quàm nutum respicientes, abierunt. Tum rusticus detecta vulpe, serua modo inquit promissa. Nam verbis meis euasisti, cum dicerem te abisse. At illa quæ sibi timens per rimam inter paleas rusticum contemplabatur diligenter, Verba tua inquit fuere bona, sed actus satis mali.

Dictum in eos, qui vnū verbis, aliud re agunt.

De v̄pupa indignè honorata. XLV.

INVITATAE ferè omnes aues ad aquilæ nuptias, indignè ferebant v̄pupam cæteris præferri, quia corona insignis esset, & versicoloribus pennis ornata, cū semper inter stercora & sordes solita esset volitari.

Hæc fabula stultitiam eorum arguit, qui in hominibus honorandis potius vestium nitorem, præstantiamq; formæ, quàm virtutes moresq; soleant attendere.

De quodam viro & piris. XLVI.

VIR quidam gulosus extra patriam ad nuptias proficiscens, ad quas fuerat inuitatus, reperit in itinere pirorum aceruum, quorum ne vnum quidem attigit, quamuis magna affectus fame. Quin potius ea ludibrio habens lotio conspersit, indignabatur enim huiusmodi cibos sibi in itinere offerri, qui ad lautas accedebat epulas. Sed cum in itinere torrentem quandam ita imbribus auctum offendisset, vt sine vitæ periculo eū transire non posset, domum redire constituit. Reuertens autem ieiunus, tanta est oppressus fame, vt nisi pira illa, quæ vrina consperserat comesset, cum aliud non inueniret, extingueretur.

Hæc fabula monet nihil esse contemnendum, cum nihil sit tam vile & abiectum, quod aliquando vsui esse non possit.

De mulo & equo. XLVII.

MVLVs conspiciens equum aureo freno ephippioq; insignem, & purpureis opertum phaleris, rumpebatur invidia, illum beatum reputans, qui cōtinuè optimis vesceretur cibis, & decoro amiciretur ornatu: se a

tempræ illo infelicem, qui clitellis male dolatis oppressus, quotidie maxima onera ferre cogeretur. At ubi vidit equum pugna redeuntem, multis affectum vulneribus, præ illius calamitate se felicem appellabat, longe melius esse dicens, quotidiano labore durum victum queritare, & turpiter vestiri, quàm post optimos & delictos cibos & tantos ornatus, mortis adire discrimina.

Hæc fabula monet, regibus & principibus minime invidendum, quia opibus & diuitijs abundant, ut cum uitam eorum longe pluribus periculis, quàm pauperum uideamus esse subiectam.

De porco & equo. XLVIII.

PORCVS conspiciens equum bellatorem, qui cataphractus ad pugnam prodibat: Stulte, inquit, quò properas? in pugna enim fortasse morieris. Cui equus: At tibi inter lutum sordesq; impinguato, quamuis nihil dignum laude gesseris, cultellus adimet uitam, mortem uerò meam comitabitur gloria.

Hæc fabula innuit honestius esse rebus præclare gestis occumbere, quàm uitam turpiter actam protrahere.

De coriario emente pellem urfi à venatore nondum capti. XLIX.

CORIARIVS ad uenatorem accedens, cmit ab eo pellem urfi, pecuniamq; pro ea protulit. Ille sibi in præsentia pellem urfi non esse, cæterum postridie uenatū profecturum, ursoq; interfecto, pellem illius ei se daturum pollicetur. Coriarius animi gratia cum uenatore in syluam profectus, altissimam arborem ascendit, ut inde urfi uenatorisq; certamen prospiceret. Venator intrepidus ad antrum ubi ursus latebat, profectus, immis-

sis canibus, illum exire compulit : qui euitato uenatoris ictu, eum prostravit humi. Tum uenator sciens hanc feram in cadauera non scire, anhelitu retento, se mortuum simulabat. Versus naribus admotis olfaciens, cum illum nec naso, nec corde spirantem deprehenderet, abscessit. Coriarius cum feram abesse prospiceret, ac nihil amplius adesse periculi, ex arbore se deducens, & ad uenatorem, qui nondum surgere audebat, accedens, illum ut surgeret monebat, interrogauit deinde, quid ad aurem ei ursus locutus esset. Cui uenator, monuit me, inquit, ne deinceps ursi pellē uēdere uelim, nisi eum prius ceperim.

Hæc fabula indicat, incerta pro certis non habenda.

De eremita & milite. L.

EREMITA quidam uir sanctissimæ uitæ militē hortabatur, ut reliq̃ta seculi militiā, quam absq; dei offensa & animæ discrimine pauci exercent, tandem se corporis traderet quieti, & animæ consuleret saluti. Cui miles, faciam inquit, quod mones pater. Verū enim est, quod hoc tempore milites neq; stipendia exigere ualeāt, licet exigua sint, neq; prædari possint.

Fabula indicat multos uitij renūciare, quia amplius exercere non possunt.

De viro & vxore bigamis. II.

VIRO quidam defunctæ uxore, quam ualde dilexerat, duxit alteram, & ipsam uiduam, quæ assidue ei prioris mariti uirtutes, fortiaq; facinora obijciebat. Cui ut par referret, ipse quoque defunctæ uxoris mores probatissimos pudicitiamq; insignem referebat. Quadam autem die uiro irata, pauperi eleemosynam petenti, partem caponis quem in cœnam utrisque coxerat, dedit dicens:

Do tibi hoc pro anima prioris viri. Quod audiens maritus accersito paupere, reliquum caponis dedit, dicens: Et ego quoque do tibi hoc pro anima vxoris meæ defunctæ. Sic illi dum alter alteri nocere capiunt, quid cœnarent tandem non habuerunt.

Hæc fabula monet, non esse contra eos pugnandum, qui se possunt optimè vindicare.

De leone & mure. LII.

LE O laqueo captus in sylua, cum se ita irretitum videret, vt nullis viribus se inde posse explicare confideret, murem rogauit, vt abroso laqueo eum liberaret, promittens tanti beneficij se non immemorem futurum. Quod cum mus promptè fecisset, leonem rogauit vt filiã eius sibi traderet in vxorem. Nec abnuuit leo, vt benefactori suo rem gratam faceret. Noua autem nupta ad virum veniens, cum eum non videret, casu illum pede pressit, atque contriuit.

Hæc indicat fabula, matrimonia & cætera consortia improbanda, quæ ab imparibus contrahuntur.

De vlmo & filere. LIII.

VL M V S in ripa fluminis nata, siler sibi proximum irridebat, vt debile & inualidum, quod ad omnem vel leuissimum vndarum impetum flecteretur, suam autem firmitatem & robur magnificis extollebat verbis, quòd multos annos assiduos amnis impetus incoccussa pertulerat. Semel autem maxima vndarum violètia vlmus perfracta, trahebatur ab aquis. Cui siler ridens inquit: Cur me deseris vicina? vbi nunc est fortitudo tua?

Fabula significat sapientiores esse, qui potentioribus

se cedunt, quàm qui resistere volentes, turpiter superrantur.

De cera duritiem appetentē. LIII.

CERA ingemiscebat se mollem & cuiusque leuissimò istu penetrabilem procreatam. Videns autem lateres ex luto multo molliori factos, in tantam duritiem ignis calore peruenisse, vt multa perdurarent secula, se iecit in ignem, vt eandem duritiem consequeretur. sed statim igne liquefacta, consumpta est.

Hac admonemur fabula, ne appetamus quod est nobis natura denegatum.

De agricola militiam & mercaturam.

affectante. LV.

AGRICOLA quidam agre ferebat se assidue terram voluere, nec perpetuis laboribus ad magnas diuitias peruenire, cum nonnullos videret milites, qui actis praelijs ita rem auxerant, vt bene induti incederent, & lautis epulis nutriti, beatam agerent vitam. Venditis igitur ouibus, capris ac bobus, equos emit & arma, & in militiam profectus est: vbi cum ab imperatore suo malè pugnatum esset, non solum quæ habebat perdidit, sed etiam pluribus vulneribus affectus est. Quare damnata militia, mercaturā exercere statuit, vt vbi maius lucrum & minorem laborem aestimabat. Prædijs igitur venditis, cum nauem mercibus impleuisset, nauigare cœperat, sed cum in alto esset, tempestate subito coorta, navis submersa est, & ipse cum cæteris, qui in ea erant, ad vnum omnes periere.

Hæc fabula monet, quemlibet sua arte debere esse contentum, cum vbiq; sit parata miseria.

De asino & scurra. LVI:

ASINVS indignè ferens scurram quendam honora-
ri, & pulchris vestibus amiciri, quia magnos ven-
tris edebat sonos, ad magistratus accessit, petēs ne se mi-
nus quàm scurram honorare vellēt, & cum magistratus
admirantes eum interrogarent, cur se ita honore dignū
duceret, inquit, quia maiores quàm scurra crepitus ven-
tris emitto, eosq; absque fœtore.

Hæc fabula eos arguit, qui in rebus lenissimis suas
pecunias profundunt.

De amne suum fontem conuitiis
laceffente. LVII.

AMNIS quidam suum conuitijs fontem laceffebat,
vt inertem, quòd immobilis flaret, nec vllos habe-
ret pisces, se autem plurimum commendabat, quòd opti-
mos crearet pisces, & per valles blando murmure ser-
peret. Indignatus fons in amnem velut ingratum, vn-
das repressit. Tunc amnis & piscibus & dulci sono pri-
uatus, euauit.

Hæc fabula eos notat, qui bona quæ agunt, sibi arro-
gant, non deo attribuunt, à quo largo fonte nostra bona
procedunt.

De viro maligno & dæmone. LVIII.

VIR malignus cum plurima perpetrasset scelera, et
sæpius captus, & carcere conclusus, artissima &
peruigili custodia teneretur, demonis auxilium implora-
bat, qui sæpenumero illi affuit, & è multis eum pericu-
lis liberauit. Tandem iterum deprehenso & solitum au-
xilium imploranti, dæmon magnum calceorum pertuso
rum fascē super humeros habens apparuit, dicens: Ami

ce, amplius tibi auxilio esse nō possum, tot enim loca prete liberando hactenus peragravi, ut hos omnes calceos contriuerim. Nulla mihi superest pecunia, qua alios ualeam comparare. Quare pereundum est tibi.

¶ Hæc admonet fabula, ne existimemus nostra semper impunita fore peccata.

De anibus plures reges eligere volentibus. LIX.

AVES consultabant de pluribus regibus eligendis, cum aquila tantos uolucrum greges sola regere nō posset, fecissentq; uoto satis, nisi cornicis monitu à tali consilio destitissent, quæ cum causam rogaretur cur non plures duceret reges eligēdos, quia difficilius, inquit, plures quàm unus saccus implentur.

Hæc fabula docet longe melius ab uno, quàm à multis principibus gubernari.

De muliere, quæ pro viro se mori velle dicebat. LX.

MATRONA quædam admodum pudica & uiri amantissima, ægreferebat maritum aduersa ualitudine detineri. Lamentabatur, ingemiscebat, & ut suum in uirum amorem testaretur, rogabat mortem ut si maritum sibi esset ereptura, se potius quàm illum uellet occidere. Inter hæc uerba mortem cernit horribili aspectu uenientem, cuius timore perterrita, & iam sui noti penitens, Non sum ego, inquit, quem petis, iacet ibi in lecto quem occisura uenisti.

Hæc fabula indicat, neminem esse adeò amantē amici, qui non malit sibi bene esse quàm alteri.

De adolescente in funere matris
canente. LXI.

VIR quidam defunctam uxorem quæ ad sepulchrum efferebatur, lachrymis & fletibus prosequabatur, filius uerò eius canebat: qui cum à patre increparetur ut amens et insanus, qui in matris funere cantaret, cum unà secū mæstus esse & flere deberet, inquit: Pater mi, si sacerdotes ut canerent conduxisti, cur mihi irasceris gratis concinenti? Cui pater: Non tuum, inquit, & sacerdotum idem officium.

Fabula indicat, non omnia omnibus decora.

De viro zelotypo, qui vxorem dederat
custodiendam. LXII.

VIR zelotypus uxorem quam parum pudicè uiuere compererat, cuidam amico cui plurimū fidebat, dederat custodiendam, ingentem pollicitus pecuniam, si eā ita diligenter obseruaret, ut nullo modo coniugalem uiolaret copulam. At ille ubi aliquot dies expertus, custodiam hanc nimis difficilem & ingenium suum uersutia mulieris uinci posse comperisset, ad maritum accedens, dixit se amplius nolle hanc tam duram gerere prouinciam, quandoquidem ne Argus quidem, qui totus oculus fuit, mulierem inuitam posset custodire. Addidit præterea, si necesse sit, malle se anno integro saccum plenum pulicibus quotidie in pratū deferre, solutoque sacco, eos inter herbas pascere, uespereq; facto, omnes domum reducere, quàm una die impudicam mulierem seruare.

Hæc fabula indicat nullos custodes esse ita diligentes, qui impudicas mulieres valeant custodire.

De viro clysteria recusante. LXIII.

VIR quidam natione Germanus, diues admodum, ægrotabat, ad quem curandum plures accesserant medici (ad mel enim cateruatim conuolant muscæ) quorū vnus inter cætera dicebat, opus esse clysteribus, si vellet conualescere. Quod cum uir, huiusmodi insuetus medicinæ, audiret, furore percitus, medicos domo eijci iubet, dicens eos esse insanos, qui cum caput sibi doleret, podici vellent mederi.

Hæc fabula innuit, omnia, etiam salutaria, insuetis & inexpertis aspera & obfutura videri.

De asino ægrotante & lupis visitantibus. LXIIII.

ASINVS ægrotabat, famaꝫ exierat eum cito moriturum, ad eum igitur visendum cum lupi canesꝫ venissent. peterentꝫ à filio, quomodo pater eius se haberet, ille per ostij rimulam respondit: Melius quàm velletis.

Hæc indicat fabula, quòd multi fingunt molestè ferre mortem aliorum, quos tamen cupiunt celeriter interire.

Quòd nuci, asino, & mulieri profunt verbera. LXV.

MVLIER quædam interrogabat nucem secus viam natam, quæ à prætereunte populo saxis impetebatur, quare esset ita amens, ut quo pluribus maioribusꝫ verberibus caderetur, eo plures præstantioresꝫ fructus procrearet. Cui iuglans, es ne, inquit, prouerbij immemor ita dicentis?

Nux, asinus, mulier, simili sunt lege ligati.

Hæc tria nil rectè faciunt, si verbera cessent.

Hæc fabula innuit, sæpe homines proprijs iaculis se solere confodere.

De asino laborum finem non inueniente. LXVI.

ASINVS hyberno tempore plurimum angebatur, quòd nimio afficeretur frigore, & durum palearum haberet victum, quare vernam temperiem & teneras herbas optabat. Sed cum ver aduenisset, cogereturq; à domino, qui figulus erat, argillam in aream & ligna ad fornacem, indeq; lateres, imbrices, tegulas ad diuersa loca deferre, pertæsus ueris, in quo tot labores tolerabat, æstatem omnibus votis expetebat, ut dominus messe impeditus, eum quiescere pateretur. Sed tunc quoque cum messis in aream, & inde domum triticum ferre compelleretur, nec quieti locus sibi esset, autumnum saltem laborum finem fore sperabat. Sed ubi ne tunc quidem malorum terminum adesse cernebat, cum quotidie vinum, poma, ligna portanda essent, rursus hyemis niues & glaciem efflagitabat, ut tunc saltem aliqua sibi requies à tantis laboribus concederetur.

Hæc fabula indicat, nulla esse præsentis vitæ tempora, quæ non perpetuis sint subiecta laboribus.

De mure, qui cum fele amicitiam contrahere volebat. LXVII.

MVRES complures in cauo parietis commorantes, contemplabantur felem, quæ in tabulato, capite demisso et tristi vultu recumbebat. Tunc vnus ex his, Hoc animal, inquit, benignum admodum & mite videtur. Vultu enim ipso sanctimoniam quandam præfert, uolo ipsum alloqui, cū eoq; indissolubilemnectere amicitiam.

Quæ cum dixisset, & propius accessisset, à fele captus & dilaceratus est. Tunc cæteri hoc videntes, secum dicebāt: Non est profectò, non est vultui temerè credendum.

Hæc fabula innuit, non ex vultu, sed ex operibus homines iudicandos, cum sub ouina pelle sæpe atroces lupi deliteſcant.

De afino, qui hero ingrato ſer-
uiebat. LXVIII.

ASINVS qui viro cuidam ingrato multos annos in-
offenſo pede ſeruierat, ſemel, vt fit, dum ſarcina
preſſus eſſet graui, & ſalebroſa incedit via, ſub onere ce-
ciderat. Tunc dominus implacabilis multis verberibus
ſurgere compellebat, pigrum animal & ignauum nun-
cupans. At ille miſer inter verbera hæc ſecum dicebat:
Infelix ego, quàm ingratum ſortitus ſum herum. Nam
quamuis ei multo tempore ſine offenſa ſeruierim, tamen
nō hoc vnū delictū tot meis priſtinis beneficijs cōpenſat.

Hæc fabula in eos conſicta eſt, qui beneficiorum ſibi
collatorum immemores, etiam minimā benefactoris ſui
in ſe offenſam, atroci pœna proſequuntur.

De lupo ſuadenti hiſtrici, ut tela
deponeret. LXIX.

LV P V S eſuriens in hiſtricem intenderat animum,
quem tamen quia ſagittis vndiq; munitus erat, inua-
dere non audebat. Excogitata autem eum perdendi aſtu-
tia, illi ſuadere cœpit, pauco tempore tantum telorum
onus tergore portaret, quandoquidem nec aliquid ſagit-
tarij, niſi cum prælii tempus inſtaret, portarent. Cui hi-
ſtrix, aduerſus lupo, inquit, ſemper præliandi tempus
eſſe credendum eſt.

Hæc fabula innuit, virum sapientem oportere aduersus inimicorum & hostium fraudes semper esse munitum.

De mure liberante miluum. LXX.

M*VS conspicatus miluum laqueo aucupis implicitum, misertus est avis, quamuis sibi inimica, abrosisq; dente vinculis, euolandi ei uiam fecit. Miluus tanti immemor beneficii, ubi se solutum vidit, murem nil tale suspicantem corripiens, unguibus & rostro lacerauit.*

Fabula indicat, malignos viros huiusmodi gratias suis benefactoribus solere rependere.

De cochlea petente ab Ioue, ut suam domum secum ferre posset. LXXI.

C*VM Iupiter ab exordio mundi singulis animalibus munera quæ petissent elargiretur, cochlea ab eo petijt, ut domum suam posset circumferre. Interrogata à Ioue, quare ab eo tale munus exposceret, quod illi graue & molestum futurum erat: Malo, inquit, tam graue onus perpetuò ferre, quàm cum mihi libuerit, malum vicinum non posse vitare.*

Fabula indicat, malorum vicinitatem omni incommodo fugiendam.

De erinacio, viperam hospitem eiiciente. LXXII.

E*RINACEVS hyemem aduentare præsenties, blandè viperam rogauit, ut in propria illius cauerna aduersus vim frigoris locum sibi concederet. Quod cum illa fecisset, erina eius huc atq; illuc se prouoluens, spinarum acumine viperam pungebat, & vehementi dolore torquebat. Illa malè secum actum videns, quando erinaceum suscepit hospitio, blandis eum verbis, ut exiret,*

orabat: quandoquidē locus ambobus esset angustus. *Cui* erinacius: exeat, inquit, qui hic manere non potest: *quare* vipera sentiens sibi locum ibi non esse, illi cessit hospitio. Fabula indicat, eos in consortia non admittēdos, qui nos possunt eijcere.

De lepore sese vulpi præferente ob pedum
velocitatem. LXXIII.

LEPVS sese dignum reputabat, qui vulpi præferretur: quoniam longe illum pedum pernecitate superabat. Tunc vulpes: Atego, inquit, ingenium sum sortita præstantius, quo sæpius quā tu pernecitate tua canes eludo.

Hæc indicat fabula, corporis velocitatem & vires ab ingenio longe superari.

De sene ob impotentiam libidinem carnis
relinquente. LXXIII.

VIR quidam sanctimonia præditus singulari, senem quendam admonerat ut tandem vitium libidinis dimitteret, cui vehementer insudarat. Cui senex, obtemperabo, inquit, pater sancte, sanctissimis optimisq; admonitionibus tuis. Nam usum Veneris admodum mihi obesse sentio.

Fabula indicat multos nō amore virtutis et dei, sed timore pœnæ et impotētia à cōsuetis vitijs solere desistere.

De agricola quodam & poeta. LXXV.

AGRICOLA quidam ad poetam accedens, cuius agros colebat, cum eum inter libros solum offendisset, interrogavit eum quo pacto ita solus vivere posset. Cui ille: Solus, inquit, tantum esse cœpi, postquam te huc contulisti.

Hæc

Hæc indicat fabula, eruditos viros, qui doctissimi virorum turba continuè stipantur, tunc solos esse, cum inter illiteratos homines fuerint.

De lupo ovis pelle induto, qui gregem deuorabat. LXXVI.

L V P V S ovis pelle indutus, ouium se immiscuit gregi, quotidieq; aliquam ex eis occidebat. Quod cum pastor animaduertisset, illum in altissima arbore suspendit. Interrogantibus autem ceteris pastoribus, cur ouem suspendisset, aiebat: Pellis quidem, ut videtis, est ovis, opera autem erant lupi.

Hæc indicat fabula, homines non ex habitu, sed ex operibus iudicandos, quoniam multi sub vestimentis ouium lupina faciunt opera.

De patre filium ad virtutes frustra hortante. LXXVII.

P A T E R quidam filium vitijs deditum, multis hortabatur verbis, ut derelicta vitiorum uia, virtutibus inuigilaret, quæ ei laudem & decus erant paritura. Cui filius: Frustra inquit, pater ad hæc facienda hortaris: multos enim prædicatores (ut aiunt) audiui, qui longe te melius ad virtutum hortabantur viam, nunquam tamen eorum admonitionibus obsecutus sum.

Fabula indicat, viros malignæ naturæ nullius hortatu à vitijs velle desistere.

De cane oues domini sui occidente, à quo suspensus est. LXXVIII.

P A S T O R quidam cani oues suas dederat custodiendas, optimis illum pascens cibus. At ille sæpe aliquā ouem occidebat. Quod cum pastor animaduertisset, ca-

nem capiens, eum volebat occidere. Cui canis: Quid me, inquit, perdere cupis? sum vnus ex domesticis tuis, inter fice potius lupum, qui continuè tuo insidiatur ouili. Imò, inquit pastor, te quàm lupum morte dignum magis puto. Ille enim palàm se meum hostem profitetur: tu verò sub amicitiae specie, quotidie meum imminuis gregem.

Hæc innuit fabula, longè magis puniendos, qui sub amicitiae specie nos ledunt, quàm qui apertè se nostros inimicos profitentur.

De ariete cum tauro pugnante. LXXIX.

ARIES quidam inter lanigeros erat, tanta cornuum & capitis firmitate, vt cæteros arietes statim faciliq; superaret. Quare cum nullum amplius arietem inueniret, qui occurrenti sibi auderet obsistere, crebris elatus victorijs, taurum ausus est ad certamen prouocare. Sed primo congressu cum in taurinam frõtem arietasset, tam atroci ictu reperiçus est, ut ferè moriens hæc diceret: Stultus ego quid egi? Cur tam potentem aduersariũ ausus sum laceßere, cui me imparem creauit natura?

Fabula indicat, cum potentioribus non esse decertandum.

De vidua & asino viridi. LXXX.

VIDUA quædam cœlibatũ exosa, nubere cupiebat, sed non audebat, verita vulgi irrisiones, qui maledictis eas solet incescere quæ ad secundas trãseunt nuptias. Sed commater eius, quàm contemnendæ essent populi voces, hac arte monstrauit. iussit enim asinum album, quẽ vidua habebat, viridi colore depingi, & per omnes vrbis vicos circumduci. Quod dum fieret, tanta admiratio ab initio omnes inuaserat, vt non solum pueri, verum-

etiam senes hac re insolita moti, asinum animi gratia comitarentur. Deinde cum huiusmodi animal quotidie per urbem duceretur, desierunt admirari. Itidem, inquit ad viduam commater, eueniet tibi. Si enim virum acceperis, per aliquot dies eris fabula vulgi, dein hic sermo conticescet.

Hæc fabula indicat, nullam rem esse tam dignam admiratione, quæ diurnitate temporis, non desinat esse miraculum.

De aquila filios cuniculi rapiente. LXXXI.

AQUILA in altissima arbore nidulata, catulos cuniculi, qui longè inde pascebantur, in escam pullorū suorum rapuerat, quam cuniculus blādis orabat verbis, ut suos sibi filios restituere dignaretur. At illa eum, ut pusillum et terrestre animal, et ad sibi nocendū impotens arbitrata, eos in conspectu matris vnguibus dilacerare, & pullis suis epulandos apponere non dubitauit. Tunc cuniculus filiorum morte commotus, hanc iniuriam minime impunitam abire permisit, arborem enim qui nidum sustinebat, radicitus effodit. Quæ leui impulsu ventorum procidens, pullos aquilæ adhuc implumes & inuolucres, in humum deiecit: qui à feris depasti, magnum doloris solatium cuniculo præbuerunt.

Hæc fabula indicat, neminem, potentia sua fretum, imbecilliores debere despicere, cum aliquādo infirmiores, potentiorum iniurias vlciscantur.

De lupo pisce fluminis maris regnum affectante. LXXXII.

LVPVS piscis erat in amne quodam, qui pulchritudine, magnitudine, ac robore, ceteros eiusdē fluminis

pisces excedebat. Vnde cuncti eum admirabatur, & tanquam regem præcipuo prosequerantur honore. Quare in superbiam elatus, maiorem principatum cepit appetere. Relicto igitur amne, in quo multos annos regnauerat, ingressus est mare, ut eius regnum sibi vendicaret. Sed offendens delphinum miræ magnitudinis, qui in illo regnabat, ita ab illo insectatus est, ut aufugiens vix amnis ostiū ingrederetur, unde amplius nō est ausus exire.

Hæc fabula nos monet, ut rebus nostris cōtenti, ea nō appetamus, quæ nostris viribus longe sunt maiora.

De oue pastori conuitiante. LXXXIII.

OVIS conuitiabatur pastori, quod non contentus lacte, quod in usum suum filiorumq; ab ea mulgebat, insuper illam vellere denudaret. Tunc pastor iratus, filium eius trahebat ad mortem. Ecquid, inquit ouis, peius mihi facere potes? Ut te, inquit pastor, occidam, & lupis canibusq; projiciam deuorandam? Siluit ouis, maiora adhuc mala formidans.

Hæc fabula indicat, non debere homines in deum excandescere, si diuitias, si filios ipsis permittat auferri, cum etiam maiora & viuētib; & mortuis possit inferre supplicia.

De auriga & rota currus stridente. LXXXIIII.

AVRIGA interrogabat currum, quare rota quæ erat deterior, strideret, cum cæteræ idem non facerent. Cui currus, Aegroti, inquit, semper morosi et queruli esse consueuerunt.

Hæc indicat fabula, mala solere homines ad querimoniam semper impellere.

De viro amicos experiri volente. LXXXV.

VIR quidam diues admodum & liberalis, magnam habebat amicorum copiam, quos ad cœnam sæpissimè inuitabat, ad quam libentissime accedebant. Volens autem experiri, an in laboribus & periculis sibi fideles essent, omnes pariter conuocauit, dicens obortos sibi inimicos, ad quos perdendos ire statuerat. Quare correptis armis secum irent, vt illatas sibi ulciscerentur iniurias: tunc omnes præter duos sese excusare cœperunt. Cæteris igitur repudiatis, illos tantū duos in amicorū numero habuit, quos deinde singulari amore p̄secutus est.

Hæc indicat fabula, aduersam fortunam amicitie experimentum esse quàm optimum.

De vulpe carnem leporis cani laudante.

fabula LXXXVI.

VULPES cum fugaretur à cane, & iamiam esset capienda, nec vllam aliam euadendi viam inuenire, se posse cognosceret: Quid me, inquit, ô canis, p̄dere cupis, cuius caro usui tibi esse non potest? Cape potius leporem illum (non procul enim lepus aberat) cuius carnem suauissimam mortales esse commemorant. Canis igitur motus consilio vulpis, omissa vulpe, leporem insecutus est, quem tamen ob incredibilem eius velocitatem capere nō potuit. Paucis post diebus lepus conueniens vulpem, vehementer eam accusabat (verba enim eius audierat) quod se cani demonstrasset. Cui vulpes: Quid me accusas lepus, quæ te tantopere laudavi? quid diceres si te vituperassem?

Hæc indicat fabula, multos mortales sub laudationis specie, alijs perniciem machinari.

De lepore calliditatem, & vulpe celeritatem
à Ioue petentibus. LXXXVII.

LEPVS & vulpes à Ioue petebant, hæc, ut calliditati suæ pedum celeritatem, ille, ut velocitati suæ caliditatem adiungeret. Quibus Iupiter ita respondit: Ab origine mundi è sinu nostro liberalissimo singulis animantibus sua munera sumus elargiti, Vni autem omnia dedisse, aliorum fuisset iniuria.

Hæc innuit fabula, deum singulis sua munera ita esse æquali lance largitum, ut quisque esse debeat sua sorte contentus.

De equo inculto sed veloci, & cæteris eum
irradientibus. LXXXVIII.

EQVI complures ad Circenses ludos fuerant adducti pulcherrimis phaleris ornati, præter vnum quem cæteri vt incultum, & ad huiusmodi certamen ineptum irridebant, nec vnquam victorem futurum opinabantur. Sed vbi currendi tempus aduenit, & dato tuba signo, cuncti è carceribus exiliere, tum demum innotuit, quanto hic paulò ante irrisus, cæteros velocitate superaret. Omnis enim alijs post se longo intervallo relictis, palmam affecutus est.

Fabula indicat non ex habitu, sed ex virtute homines indicandos.

De rustico per vocem hædi ad iuriconsultum
admisso. LXXXIX.

RVSTICVS quidam graui lite implicitus, ad quemdam iuriconsultum accesserat, vt eo patrono sese explicaret. At ille negocijs impeditus, renunciare iubet, se non posse nunc illi vacare, quare abiret alias reditu-

rus. Rusticus qui huic & veteri, fidoq; amico plurimum fidebat, pluries rediens, nunquam admissus est. Tandem hœdum adhuc lactantē & pinguem secum deferens, ante ædes iurisperiti stabat, & hœdum vellicans, illum balare cogebat. Ianitor qui ex præcepto heri dona portātes statim admittere solebat, audita hœdi voce, iamiam ilico aperiens, hominem introire iubet. Tunc rusticus ad hœdum conuersus, gratias inquit, ago hœdule mi, qui tam faciles mihi has effecisti fores.

Fabula indicat, nullas res tam duras difficilesq; esse, quas munera non aperiunt.

De adolescente ex coitu infirmo, & lupo. XC.

ADOLESCENS quidam uxorem duxerat, et ipsam quoque adolescentulam, formosam admodum & libidinosam, cuius effrenæ libidini dum satisfacere cupit, ita lumbos exhausit, ut paucis diebus macilentus fieret, & mortuo magis quàm viuo similis videretur: non ingredi, non stare, non aliquod opus facere poterat, ut senex quidam apricatione gaudebat. Dum ergo in aprico stans loco, calore solis sese calefaceret, accidit ut venatores qui lupum fuerant insectati, illac iter haberent, quos cū adolescens interrogaret, cur lupum non cœperint, ob incredibilem, inquit, illius velocitatem illum assequi non potuimus. Tunc ait adolescens: Uxorem profectò hic lupo habere non debet: si enim uxori iunctus esset, nunquam tanta pedum pernecitate polleret.

Hæc indicat fabula, neminem esse adeò robustum & fortem, quem nimius Veneris vsus, non infirmum & debilem reddat.

De fene iuuenem poma sibi surripientem faxis deiiciente. XCI.

SENEX quidam iuuenem sibi poma surripientē, blandis orabat verbis, vt ex arbore descenderet, nec res suas vellet auferre. Sed cum incassum verba funderet, iuvene eius ætatem ac verba contemnente, non in verbis tantum, inquit, verumetiam in herbis audio esse virtutem. Herbas igitur vellere, & in illum iacere cœpit. Quod iuuenis cōspicatus, in uehementē risum effusus est, & senē delirare arbitrabatur, qui crederet eū ex arbore herbis posse depellere. Tunc senex omnia experiri cupiens: quando, inquit, verborum & herbarum vires aduersus raptorem mearum rerum nullæ sunt, lapidibus agam, in quibus quoque dicunt esse virtutem: lapidesq; , quibus gremium impleuerat, in iuuenem iaciens, illum descendere & abire coegit.

Hæc fabula indicat, omnia prius sapienti tentanda, quàm ad armorum confugiatur auxilium.

De luscinia cantum accipitri pro vita pollicente. XCII.

LVSCINIA ab accipitre famelico cōprehensa, dum modo se ab eo deuorandam intelligeret, blandè eum rogabat, vt se dimitteret, pollicita pro tanto beneficio ingentem mercedē sese relaturam. Cum autem accipiter eam interrogaret, quid gratiæ sibi referre posset, Aures inquit, tuas mellifluis cantibus demulcebo. At ego, inquit accipiter, malo mihi ventrem demulceas: sine tuis enim cantibus viuere, sine cibo non possum.

Hæc fabula innuit, vtilia iucundis anteponenda.

De leone porcum sibi socium eligente. XCIII.

LE O cum socios asciscere sibi vellet, multaq; animalia sese illi adiungere optarent, idq; precibus & votis exposcerent, ceteris spretis, cum porco solum societatem voluit inire: rogatus autem causam, respondit: Quia hoc animal adeo fidum est, ut amicos et socios suos in nullo quantumvis magno discrimine vnquam relinquat.

Hæc fabula docet eorum amicitiam appetendam, qui aduersitatis tempore, à præstando auxilio non referunt pedem.

De culice cibum & hospitium ab ape petente. XCIII.

CV L E X hyberno tempore, cum fame & frigore se periturum conijceret, ad apium accessit aluearia, ab eis cibum & hospitium petens. Quæ si ab eis fuisset consecutus, promittebat filios earum se artem musicam edoctrum. Tunc quedam apis: At ego artem meam malo liberi mei discant, quæ res & à famis & à frigoris periculo eximere poterit.

Fabula nos admonet, ut liberos nostros, ijs artibus erudiamus, quæ eos ab inopia valeant vendicare.

De asino tubicine, & lepore tabellario. XCV.

LE O rex quadrupedum aduersus volucres pugnaturus, suorum acies instruebat. Interrogatus autem ab vrsu, quid aut asini inertia, aut leporis timiditas ad victoriam conferre possent, quos ibi inter ceteros milites adesse cernebat, respondit: Asinus tubæ suæ clangor-

re milites ad pugnam concitabit, lepus verò ob pedum celeritatem, tabellarij fungetur officio.

Hæc fabula significat, neminem adeò contemptibilem, qui aliqua re nobis prodesse non possit.

De accipitribus inter se inimicis, quos columbæ pacauerant. XCVI.

ACCIPITRES inuicem inimici quotidie decertabant, suisq; odijs occupati, alias aues minime infestabant. Columbæ illorum vicem dolentes, eos missis legatis composuere. Sed illi ubi inter se amici effecti sunt, ceteras aues imbecilliores & maxime columbas, vexare & occidere non desinebant. Tunc secum columbæ: quàm vtilior accipitrum discordia, quàm concordia nobis erat.

Hæc monet fabula, malorū inter se ciuium odia atenda potius quàm extinguenda, ut dum inter se digladiantur, viros bonos quietè viuere permittant.

De muliere ignem in mariti domum ferente. XCVII.

VIR quidam prudens uxorem ducebat. Interrogatus autem ab amicis, quid sibi vellet facula illa, quā noua nupta accensam à paterna domo effert, rursusq; mariti domum ingressura, accendit & introfert. Significat, inquit, me hodie ignem è soceri mei ædibus ablatum, in domum meam inferre.

Fabula significat sæpenumero mulieres ignem quendam esse, qui mariti bona comburit.

De prætore repetundarum damnato. XCVIII.

PRÆTOR qui prouinciam cui præfuerat expila-

uerat, repetundarum damnatus fuerat. Cumque agrè ablata restitueret, dicebat quidam è provincialibus: Hic noster prætor mulieres imitatur, quæ fœtus concipientes, mira voluptate afficiuntur: cum autem eos emitunt, incredibili dolore torquentur.

Fabula significat, aliena non esse surripienda: ne illa deponere coacti, mœrore conficiamur.

De senemortem differre vo-
lente. XCIX.

SENEX quidam mortem quæ eum è vita raptura aduenerat, rogabat ut paululum differat, dum testamentum conderet & cætera ad tantum iter necessaria præpararet. Cui mors, cur non, inquit, hætenus præparasti toties à me admonitus? Et cum ille eam nunquam à se visam amplius diceret, cum inquit, non æquales tuos modo, quorum nulli ferè iam restant, verumetiam iuuenes, pueros, infantes quotidie rapiebam, non te admonebam mortalitatis tuæ? Cum oculos hebescere, auditum minui, cæterosq; sensus indies deficere, corpus ingrauescere sentiebas, nonne tibi me propinquam esse dicebã? & te admonitum negas? quare vltèrius differendum non est.

Hæc fabula indicat, ita viuendum, quasi mortẽ semper adesse cernamus.

De viro auaro sacculum nummorum
alloquente. C.

VIR quidam auarus, qui ingentem aureorũ acervũ male partum relicturus moriebatur, interrogabat sacculum nummorum, quem morienti sibi iusserat afferri, quibus voluptatem esset allaturus. Cui sacculus, hæc

*dibus inquit tuis, qui nummos à te tãto sudore quæsitos,
in scortis & conuiujs profundent : & dæmonibus , qui
animam tuam aternis supplicijs mancipabunt.*

*Hæc indicat fabula , stultum esse in ijs laborare, quæ
alijs gaudium, nobis autem sint allatura tormentum.*

F A B V L A R V M A B S T E M I I

primi hecatomythii Finis.

PETRI PAULI PHANTINI DE TRADOTIO,
in Hecatomythion consumatissimi viri
Laurentii Abstemii Maceraten.
Tetraſtichon.

Q V O D nemus Hesperidum Panchaia, Baſtra, Sabæi
Elyſium quod habet , quod Tagus, Aſtur, Arabs.
Cuncta tuo Abſtemi naſcuntur ſponte vireto,
Cuius habent ſiliquæ ſeria, non apinas.

IOANNIS ANTRACINI MACERATEN.
in Hecatomythion clarissimi viri Lau-
rentii Abstemii Maceraten.
Tetraſtichon.

D O C T I L O Q V O S alijs ſcriptis ſuperare Latinos
Quare, ſumus lepidis Græcia docta pares.
Te Xanthi ſeruus technis celebrauit amenis,
Non minus Abſtemij nos decorauit opus.

HECATOMYTHION

SECUNDVM, EIVSDEM

ABSTEMII.

De diuite petente à fortuna, ne plures
sibi daret diuitias. I.



IR quidam admodum diuitiarum & opum suarum pertasus, mendico homini centum aureos obtulerat, si ad Fortunam suam accedens, quæ in remotis orbis partibus morabatur, eam nomine suo rogaret, ne plures diuitias sibi concederet. Pauper longi itineris labore deterritus, primo abnuuit: sed quum deinde consilij pœnitens se, iturum polliceretur, diues non plus quàm nonaginta dare velle se dixit. Pauper hanc paruam tanti laboris mercedem ratus, renuit primo, sed quum paulopost nonaginta peteret, diues vix vt octuaginta daret, poterat adduci. Sed quum mendicus hunc quoque numerum recusaret, postea vellet, semper diues ex numero oblato decem detrahebat, donec ad denarium numerum peruenisset. Mendicus tandem qui centum recusarat aureos, inopia urgente, aureis decem acceptis, ad Fortunam se contulit, multis eam rogans precibus, ne in diuitem plures vellet conferre diuitias, quæ illi molestæ & graues admodum erant: sed in se potius vellet esse benigna, qui à teneris annis in perpetua vixerat inopia. Tunc Fortuna, constitui inquit, diuiti illi, qui te misit, etiam nolenti du

*plicare, imò triplicare diuitias. Te autem in summa mē-
dicitate perpetuò viuere faciam. Decem autem quos ac-
cepisti aureos, nunquam habuisses, nisi tunc artissimus
me oppressisset somnus.*

*Fabula indicat, Fortunam infelici homini semper ad-
uersam, fortunato autem, etiam nolenti, semper esse pro-
pitiam.*

**De vidua quæ operarium suum sibi con-
iugio copulauit. 2.**

VIDUA quadam conquerebatur cum operario, quē
ad fodiendum agrum conduxerat, quod omni auxi-
lio destituta, non posset & viri & mulieris pariter of-
ficiū sustinere. Tunc operarius eam exhortari cœpit,
vt virum acciperet, qui bonam magnamq; partem one-
ris ei demeret, pollicitusq; est se eam sibi matrimonio
copulaturum, si eum tali officio idoneum iudicaret. Tum
mulier non vltius cunctandum rata, quum hunc ad
opus maritale admodum aptum arbitraretur, fac in-
quit, quicquid vis, deinde (erat enim hora prandi) co-
medemus. Operarius & huiusmodi confabulatione, &
viduæ forma ad venerem incitatus, Syluano auspice
matrimonium consumauit, proq; agro viduam fodere
cœpit.

*Fabula indicat, quàm facile humana mentes venerea
voluptate capiantur.*

De viro deflente vxorem mortuam. 3.

VIR quidam pauper defunctæ vxoris mortem mul-
tis lachrymis, & querelis prosequabatur, se miserū
et infelicem vocitans, qui tam probæ mulieris esset con-
sortio destitutus: vtq; suum in uxorem testaretur amo-

rem, dicebat in morem turturis compare priuati, in perpetuo cœlibatu velle permanere. Inter lamentandum autem cernens quòd mulieres, quæ ad curandum funus cõuenerant, ueste nimium sumptuosa defunctam induere uolebant, Quid facitis inquit stultæ? Cur tã pretiosam uestem perdere uultis? quid alia uxor, quam ducturus sum, feret? Tunc omnes, qui aderant, inter luctus & lachrymas uix risum poterant continere. Qui enim paulò ante cœlibẽ uitam agere uelle se dixerat, nunc de alia uxore cœperat cogitare.

Fabula hæc indicat, difficile esse animi ægritudinem uerborum simulatione cœlare.

De cantilena tabernariis placita. 4.

VIATOR quidam esuriens, cum diuertisset ad cauponulam, ventrem cibo potuq; farciuit. Petenti pecuniam, ait, nullos sibi esse nummos, sed cantilenis se satis esse facturum. Tabernarius non cantu, sed precio sibi opus esse respondit. Quid alter, si eam cantionem dicam quæ placeat tibi, num ea pro pecunia contentus eris? Annuente caupone, cœpit viator canere: & an ea placeret interrogauit. Cum abnuisset caupo, vnã & dein de alteram cecinit. Nullius cantu sibi satis fieri ille testatus est. Hic viator: dicam ergo nunc inquit, eam quæ tibi sit placitura. Et arrepto marsupio dissoluẽti similis, cœpit cantionem qua viatores uti consueuerunt, Mitti mano alla borsa & paga loste, hoc est, mitte manum ad bursam, & satisfac hospiti. Hac dicta, nunquid illa sibi placeret rogat. Placet hec, inquit hospes. Tum viator, satisfactum est tibi ex pacto ait, postquam hæc cantio placuit tibi. Itaque absque solutione discessit.

Fabula indicat, multoties artem, arte deludi.

De pigritia adolescentis.

DONATIVS adolescēs facetus admodū tarde surgebat è lecto. Cum socij eam tarditatē culpārent, quidue tam diu in lecto ageret percontarentur, subridēs respondit: Litigantes, disceptantesq; ausculto. Adsunt enim mane mihi euestigio cum expergiscor duæ habitus muliebri, sollicitudo uidelicet & pigritia, quarum altera surgere hortatur, & aliquid operis agere neque diem in lecto terere, altera priorem increpans, quiescendum asserit, & propter frigoris uim in calore lecti permanendum, indulgendumq; corporis quieti, neque semper laboribus uacandum. Prior insuper rationes suas tuetur, ita ut cum diutius disputent atque altercentur, ego tanquam æquus iudex, nullam in partem declinans, audio disputantes, expectans quoad sint sententia concordēs, hinc fit, ut surgam tardius, expectans litigij finem.

Fabula indicat nos facilius sensum quam rationem amplecti, quum adinuicem altercantur.

De psittaco admirante cur maior honor alibi quam in patria sibi exhiberetur. 6.

PSITTACVS ex oriente in occidentem delatus, ubi huiusmodi aues nasci non consueuerunt, admirabatur sese in maiori pretio & honore haberi, quam in natali consueuisset solo; Nam caueam eburneam, argenteis contextam uirgis incolebat, suauissimisq; alebatur cibis, quod cæteris auibz occidentalibus, quæ neque in forma, neque exprimendis humanis uocibus erant inferiores,

riores, non contingebat. Tunc turtur in eadem cauea conclusus, hoc inquit, nulla est admiratione dignum. Nulli enim in patria meritus honor exhiberi solet.

De aquila in pulchritudine se cæteris aui-
bus præferente. 7.

AQUILA se in pulchritudine cæteris aui-
bus præferat, cunctis hoc verum esse affirmantibus. Pa-
uo autem secum dicebat: Non pennæ te formosam, sed
rostrum & ungues efficiunt, quorum timore nulla ex no-
bis audet tecum de formositate certare.

Fabula indicat, à multis res potentiorum non tam ve-
ritate quàm timore laudari.

De testudine ab aquila in altum.
sublata. 8.

TESTUDO ægre ferens se in locis humidis, et con-
uallibus assidue commorari, Aquilam roganit, quã
audierat ita altè volare, vt maximos terrarum tractus
posset lōge & late despicere, vt se in altum tolleret, vnde
ipsa quoque montes & valles, campos & æquor, eodem
temporis momento, posset intueri. Quod quum aquila
promptè fecisset, eam ex alto demisit, vnde cadens humi
illisa & confRACTA est.

Fabula monet, ne quis se altius extollere velit, quàm
eius conditio aut natura patiatur.

De cane aduersus lupum asino non opitulante,
quia sibi panem non dederat. 9.

CANIS molossus non modo ad lupos, sed etiam ad
vrsos expugnandos validus, cum asino, qui saccum
panibus plenum ferebat, longum iter fuerat ingressus.
Inter eundem aborta fame, asinus pratum offen-

dens large ventrem virentibus herbis impleuit, Canis autem asinum rogabat, vt aliquantulum panis sibi daret, ne periret inedia. At ille non solum panem non dabat, sed canem irridens, illi vt secum herbas pasceret consulebat. Interim lupum aduenientem asinus conspiciatus, canem rogabat, vt sibi esset auxilio. Cui canis, Tu mihi, inquit, consuluisti vt aduersus famem herbas pascerem, ego quoque tibi consulo, vt aduersus lupum te ferratis calcibus tuearis. Hæc quum dixisset, abiens ingratum comitem, & raptoris sui mox cibum futurum in pugna deseruit.

Fabula indicat, qui indigentibus expetita non præstat auxilia, ab alijs quoque necessitatis tempore solere destitui.

De paupere flente ruinam domus, vbi thesaurum inuenit. 10.

VIR quidam pauper nihil habebat, præter domum ruinamminantem, tibicinibusq; suffultam, quam ab agro rediens quum ruentem offendisset, nec haberet vnde eam reficeret, vehementer angebatur, magnoque eiulatu & clamore cuncta complebat. Inter lamentandum autem cernit vrnulam æneam, quæ multos iam annos in pariete obstrusa latuerat, inter rudera & saxa iacentem, quam quum sustulisset, apertamque aureis plenam inuenisset, eiulatu & clamore compressis, vehementi gaudio affectus est.

Fabula indicat, sæpenumero id nobis vtile esse, quod damnosum putabamus.

**De vulpe orante foramen domus, modo
dilatari modo contrahi. I I.**

VULPES ingressura domum rustici, ubi gallinas audierat, foramen per quod transeundum erat, dilatari cupiebat. Sed rursus quum raptam gallinam ferens inde fugeret, & latratum canis audiret, deos precabatur, ut cani foramen esset angustum, ne inde posset exire.

Fabula indicat, mortales pro commodis suis vota mutare.

De olea tarde, & cucurbita citò crescentibus. I 2.

OLEA admirabatur cucurbitam iuxta se natam brevitantum creuisse, ut se esset longe altior, quæ annos quamplurimos in eodẽ fuerat loco. Sed quum aduentante hyeme cucurbita exaruiisset, minime, inquit olea, cito crescentibus est invidendum, quibus tam citus est paratus interitus.

Fabula indicat nimium festinata non esse diuturna.

De pecunia potius ad malos quam ad bonos accedente. I 3.

PECUNIA interrogata à virtute, cur potius ad malos, quam ad bonos accederet. Quia boni inquit mentiri, peierare, usuram facere, & alios spoliare temerè magistra non didicerunt. Hæ enim res ad sese me trahere solent. Tunc virtus, malo, inquit, discipuli mei in paupertate degant, quam sese his vitijs contaminent. Vtrisque enim cito moriendum est: Boni in terrarum orbe gloriam relinquentes sempiternam, ad cœlestia regna subuolabunt: Mali autem merita notati infamia relictis opibus suis, ad tartara ima descendunt.

Fabula monet diuitias turpiter non congregandas, quæ amatoribus suis hic infamiam, post mortem autem sint daturæ tormentum.

De bubone dicente aquilæ filios suos cæterarum auium filiis esse formosiores. 14.

AQUILA in concilio auium dixerat cæterarum auium filios, qui magis formosi essent in aulicos eligere. Et quum certatim quæque suos offerret, Bubo, Regina, inquit, nostra, meos accipe, qui cæteros pulchritudine superant. Qua forma, inquit Aquila, sunt filij tui? Qua ego sum bubo respondit. Tunc cunctæ aues sunt vehementi cachinno commotæ.

Fabula indicat, neminem natum adeò deformem, qui parentibus suis non videatur esse formosus.

De vulpe in puteum delapsa, quæ lupum rogabat vt inde eam subduceret. 15.

VULPES in puteum delapsa, & iam iam submergenda, rogabat lupum in putei margine existētem, vt demisso fune illinc eam educeret. Cui lupus, quomodo, inquit, istuc decidisti? Non est nunc ait vulpes istud narrandi tempus: Quum me hinc subduxeris, tibi ordine cuncta narrabo.

Fabula indicat, quomodo periclitantibus celeri auxilio opus est, supernacuis verbis tēpus non esse terendum.

De fele quæ murem & caseum comedit. 16.

VIR quidam magnum ac pulcherrimum in capsâ caseum habebat, quem musculus edebat. Ex consilio ergo amici felem illuc clausit, quæ occiso mure totum casum comedit.

Fabula indicat, eos non adhibendos custodes, qui non minus quàm hostes nobis nocere possunt.

De lauto leonis conuiuio, non omnibus animalibus grato. 17.

LEO epulum opiparè apparatusq; cæteris brutis animalibus exhibebat, in quo gallinæ, turdi, & huiusmodi auium carnes, partim assæ, partim elixæ erant. Hoc cani, feli, & cæteris animalibus carniuoris gratum admodum erat. Cætera autem, quæcunque herbis ordeoque vescuntur, huiusmodi conuiuium vt insipidum damnabant.

Fabula indicat, quàm difficile sit variæ vulgi voluntati satisfacere.

De viro de morte patris pisciculos sciscitante. 18.

VIR quidam doctus ad conuiuium cuiusdam principis accitus, & in ultimo loco discumbere iussus: quàm cæteris conuiuiis magni pisces, sibi autem minutuli apponerentur, nullum edebat. Sed singulos ori prius, deinde auribus admouens, tanquam aliquid ab eis sciscitaturus, in patinis integros & illæsos reponebat: interrogatus à magistro conuiuij, cur hoc faceret: mens inquit pater ante hoc biennium his in regionibus naufragio perijt, nec quid de eius cadauere factum sit, postea scire potui. Sciscitabar ergo ab his pisciculis, an aliquid de eo scirent. Verum hi eo tempore nondum se natos fuisse respondent. Quare maiores interrogandi essent. Princeps audito tam lepido dicto, ipsi quoq; maiores iussit exhiberi, semperque eum postea inter præcipuos conuiuias habuit.

Fabula indicat, apud literarum inopes, doctis viris non tam doctrinam quàm facetias & urbana dicta prodesse.

De cane pluuiam timente, quia feruenti aqua fuerat excoctus. 19.

CANIS quidam quoties pluebat, domo egredi non audebat. Interrogatus ab alio cane, cur hoc faceret, Quia, inquit, quondam feruenti aqua excoctus sum.

Fabula indicat, grauiamala expertis, leuissima quæq; timori esse.

De viro vicino qui conuiciante vesicam concutiebat. 20.

VIR quidam prudens, mitis ac tranquilligenij, habebat vicinum maledicum, iurgiorum amantem, qui eum quotidie conuitijs & maledictis ad iram prouocabat. Vt igitur illius petulantiam & procacitatem retunderet, quoties eum conuiciantem audiebat, nil respondabat, sed vesicam vento plenam, in qua fabas concluderat, concutiebat, cuius sonitu illum erubescere, & à conuitijs desistere compellebat.

Fabula indicat, maledictis & stultis viris minime respondendum, ne eis similes iudicemur.

De asino, qui porco inuidebat. 21.

ASINVS porco, qui sub eodem erat domino, plurimum inuidebat, quòd omnis laboris expers, varijs nutriretur cibus, indiesq; pinguior fieret, ipse autem plurimum laboris sustinens, duris paleis aleretur. Vnde macilentus effectus vix ingredi posset. Sed vbi vidit contubernalem suum ad lanienam trahi, vt occisus hominum esset cibus, aliquantulum recreatus, Atat, inquit, hinc

illa in nutriendo porco hominum diligentia.ò quàm melius est asinum esse quàm porcum.

Fabula indicat, ijs quos felices putamus; minime inuidendum, quum illa adumbrata felicitas, sæpe multæ sit causa miseriæ.

De muliere ob turdos verberata. 22.

VIR quidam iracundus emens merulas, dederat vxori coquendas, dicens: Coque hos turdos: cui uxor, Merulæ sunt non turdi. Quum autem maritus contendere esse turdos, neque vxorem posset inducere, vt turdos esse assentiretur, plurimis eam verberibus affecit. Ex æto autem anno, quum dies certaminis illuxisset, mulier verberum memor, hæc est, inquit, illa dies, qua me superiori anno, ob illas maledictas merulas, tam male tractasti. Adhuc, inquit vir, negare audes illos fuisse turdos? & quum rursus mulier viro non cederet, iterum vapulauit, sicq; quotannis eadẽ die redeunte vapulabat.

Fabula indicat, stultum esse aduersus potentiores se, ob minimam rem velle contendere.

De viro qui experiri voluit mentem vxoris, 23.

VIR quidam callidus experiri cupiens animum vxoris, quæ sæpenumero dicere solebat, adeò viri amorem sibi infixum, quòd si optio daretur, mariti vitam sua morte redimeret, super nudos vtriusque pedes stuppam igne succensam decidere permisit. Tunc mulier dolore affecta, amorisq; oblita mariti, à suis tantum pedibus ardentem stuppam excussit.

Fabula viros admonet, ne mulieribus fidem adhibeant, quum maritos magis quàm se ipsas amare testantur.

De opilione qui inter canes lupum
aluerat. 24.

OPILIO reperiens catulum lupi, domum tulit, eumq; inter canes ouium custodes, aluit: qui ubi adoleuit, oues occidere, canesq; ut vnà secum comederent, edocere. Quod opilio animaduertens, lupum quidem occidit, canes tamen ut ab ouium cæde temperarēt, non poterat prohibere. Tunc pastor secum, Meritò plector, ut qui lupum canibus immiscui, qui eos oues occidere docuit.

Fabula indicat bonorum mores, malorum consuetudine corrumpi.

De filio hortulani puncto ab vrtica. 25.

FILIVS olitoris punctus ab vrtica, quæ paternis in hortis creuerat, conquestus est patri, quod herba domestica ne heri quidem sui filio pepercisset. Cui pater, fili inquit, huic innatum est omnibus eandem esse.

Fabula indicat, virum natura malignum, ne à domesticorum quidem iniurijs abstinere.

De gallo vulpinam pellem fugiente. 26.

GALLVS à vulpe captus, magna difficultate illius manus euaserat. Hic paulopost visa vulpis pelle vehementer territus fugiebat: qui cum à ceteris irrideretur auibus, quod inani timore concuteretur, Si inter vulpis ungues ut ego, inquit, fuissetis, pedum uestigia, nedū pellem illius timeretis.

Fabula indicat, è magnis periculis elapsos, quæque minima formidare solere.

De pastore gregem suum aduersus lupum hortante. 27.

PASTOR, qui magnum caprarum ouiumque gregem habebat, uidens gregem suum quotidie lupi escam fieri, ac minui, oves & capras congregans, longa eas oratione hortatus est, ne uellent lupum formidare, quum essent numero plures, & cornibus, quibus lupus caret, insuper armatae. Sed uellent unanimiter, & auxilio mutuo sese ab illius impetu & furore defendere, promittens se quoque eis non defuturum. Illa hac oratione animatae promittunt, iurantque se nequaquam lupo cessuras. Quum autem paulopost lupus aduentare nunciaretur, tanto timore affectae sunt, ut nullis pastoris uerbis possent à fuga cohiberi. Tunc pastor secum, Impossibile est, inquit, mutari posse naturam.

Fabula indicat, homines natura ignauos ac meticulosos, non solum conspectu, sed etiam hostium fama terri, nullaque ducis oratione ad uirtutem accendi.

De apro asinum ad certamen prouocante. 28.

APER asinum ad certamen prouocans, sperabat se uictorem fore, quod longiores acutioresque sibi quam aduersario dentes essent. Sed quum asino propinquasset, ferratis pedibus percussus, cecidit semimortuus. Paulo post ad se reuersus: Non istinc me laedi, inquit, credebam.

Fabula indicat, uirum prudentem, omnia explorare debere, unde ab aduersario possit offendi.

De viro qui uxori se ouum peperisse dixerat. 29.

VIR quidam experiri uolens, an uxor commissa te-

geret. Vxor, inquit, magnum portentum, & silentio dignum, mihi hac nocte contigit, (cum illa, enim cubans hoc dicebat) quod enarrarem, si à te non efferrì arbitrarer. Verum non audeo, quia mulieres rimarum plenas, & hac illac perfluentes audio. Cui vxor, nondum me pernocti mi vir, qui ex aliarum ingenijs me iudicas. Potius mortem mihi paterer inferri, quàm aliquid contra tuam voluntatem efferrem, idq; iureiurando cœpit affirmare. Tunc maritus, quasi verbis illius fidem haberet, peperit, inquit, hoc ouum (dormitum enim proficiscens ouum secum attulerat.) Sed caue si me amas, ne cui hoc dicas. Tute enim nosti quanto dedecori mihi esset, si ex viro gallina factus dicerer. Mulieri tardè admodum nox discedere visa est. Vix ergo aurora rutilante, commatrem conueniens, narrat maritum duo oua peperisse. Illa verò alteri mulieri, compatrem suum tria oua enixum esse. Quid multis moror? Antequam sol occideret, per totam urbem vulgatum est hunc hominem ad 40. oua peperisse.

Fabula indicat, quæ taceri volumus, nulli mulieri esse dicenda.

De viro, qui turdos puero suo assandos dederat. 30.

VIR quidam gulæ deditus, decem turdos pingues, veru infixos, puero suo assandos dederat dicens, oportere ab illo omnes ad vnum edi, si in cinerem deijceret. Quum paulopost redisset (fuerat enim ad quædam negotia expedienda profectus) reperit puerum eiulantem. Qui interrogatus, cur fleret, respondit, quia non potuisset nisi nouem comesse, quum in cinerem decidissent,

rogareq; ne alium tunc esse cogeretur, quoniam satis superq; satis venter sibi turgidus esset. Ad vir irritatus quum pueri amentia, tum quia se cœna priuatum conspiebat, educto extra limen domus puero, ostendit ei tres vias, dicens: Elige quam vis, hic pernoctaturus non es.

Fabula indicat, amentes seruos, domi non habendos.

De ficedula turdum in fertiliorum locum

ducente. 31.

FICEDULA per locum quendam desertum iter faciens, reperit turdum labruscæ vuis, & syluestrium arborum baccis victitantem: apud quem hospitata, hortata est eum, vt relicto tam sterili & deserto loco, secum pergeret: se enim ducturam eum in regionem, suauissimis vuis, ficis, & omni pomorum amœnitate refertam. Quum autem turdus illius consilijs obsecutus, in locum à ficedula prædictum peruenisset, reperit cibos adhuc suauiores, quàm illa promiserat. Sed quum videret nonnullas aues visco implicitas, alias laqueis captas, complures retibus irretitas, & mille insidias ac dolos auihus tenso, vale ficedula dicens, antiquam in patriam redijt, vbi vsque ad decrepitam ætatem, absque vllò insidiantium metu, vitam tranquillè protraxit.

Fabula indicat, longe melius esse tenui, & agresti victu quietè viuere, quàm lautis & opiparis epulis inter vitæ discrimina.

De viro auaro moriente. 32.

VIR auarus moriens, quum tunc demum intelligeret, nihil secum laturum, vertit se ad amicos & propinquos, quos præsentis cernebat, dicens: Discite à me, qui omne vitæ tempus struendis opibus incubui, ne ni-

mium studeatis congregare diuitias. Ex tot enim terra iugeribus, & tam pretiosis vestibus, quas tanto sudore paravi, quinque pedum fossam, & linteamen vnum, quo mortuus tegar, possidebo.

Fabula indicat, stultum & miserum esse, tantam coaceruandis opibus operam impendere, quæ velimus noli mus breui sunt relinquendæ.

De Grammatico docente asinum. 33.

GRAMMATICVS quidam gloriabatur adeo in arte sua se excellentē esse, vt si digna daretur merces, nō modo pueros, verumetiam asinos docere profiteretur. Princeps audiēs hominis temeritatem, interrogabat eū, an si quinquaginta ei daret aureos, intra decennium docere asinum consideret. Respondit vir impudens, non recusare se ab eo interimi, si hoc spatium temporis, asinus ille legere & scribere nesciret. Amici hoc audientes admirabantur, increpabantq; hominem, qui non modo rem arduam, atque difficilem, verumetiam impossibilem facere promississet, timebantque ne exacto hoc tempore à principe occideretur: quibus ille respondebat: Antequam hoc tempus elabatur, aut asinus morietur, aut princeps, aut ego.

Fabula indicat, in periculo constitutis, moram sæpe auxilio esse solere.

De lupo qui se religioni addixerat. 34.

LVPS in senium deductus, cum nō amplius venari posset, sese religioni addixit, sumptoq; monachi habitu, cibum hostiatim mendicabat. Reprehensus ab alio lupo, quid uis, inquit, faciam? dentes deciderunt, currere non ualeo, quare aliter viuere posse diffido.

Fabula declarat, multos homines religioni sese addicere, quia aliter vitam degere nequeunt.

De morione crucifixum pro thuribulo afferente. 35.

SA C E R D O T E S complures in quoddam templum ad solennia celebranda conuenerant, ubi thuribulum non erat. Miserunt ergo morionem quendam ad aliud templum propinquum, ut inde thuribulum afferret: qui profectus, quum quid thuribulum nesciret, crucifixum ligneum, quem ibi fortè offendit humeris tollens attulit sacerdotibus: quiidentes, quum non crucifixum sed thuribulum velle dicerent, At ego, inquit fatuus, nihil ibi hoc magis tribulatum inueni.

Fabula indicat, res peragendas fatuis non committendas.

De serpente saxo oppresso. 36.

SE R P E N S ingenti oppressus saxo, rogauit virum illac iter habentem, ut à se onus amoliretur, pollicitus ingentem se illi thesaurum, si hoc faceret, daturum. Quod quum vir mitis fecisset, non modo promissa non soluebat, sed hominem morte dignum esse dicebat. Dum ita contenderent, accidit, vt Simius illac transfiret, qui iudex & arbiter electus, non possum, inquit, inter uos tantas componere lites, nisi videro prius quo pacto serpens sub saxo stabat. Quum ergo vir serpenti saxum imposuisset, inquit simius, ingratum animal sub saxo relinquendum censeo.

Fabula indicat, ingratos homines nullo dignos esse beneficium.

De viro lapidato qui resurrexit: 37.

VIR quidam lapidibus occisus à populo, resurrexit: qui interrogatus à quodam, quid sibi in ea lapidatione molestius fuisset: nihil, inquit, lapide quem quidam iecit, quem mihi amicum esse credebam, quamuis non fu-
rim illo percussus.

Fabula indicat, mala quæ ab amicis inferuntur, grauiora videri, quàm quæ nobis inferunt inimici.

De vulpe capta & à gallo prodita. 38.

VULPES rustici laqueis, cuius plurimas gallinas occiderat, capta: rogauit gallum, à quo solo visa fuerat, ut aut cultellum, quo laqueum scinderet, sibi afferret, aut hero nihil diceret, quoad dentibus laqueum abrupisset. Gallus utrumq; pollicitus, dominum propere adiēs, narrat vulpem cassē detineri: quem claua armatum ad se perdendam venientem vulpes conspicata: Infelix, inquit, et stulta ego, quæ credidi gallum mihi fidum fore, cuius tot uxores occideram.

Fabula indicat, ijs, quos insigniter lesimus, nunquam fidendum.

De vulpe gallinas metu canis inuadere non audente. 39.

VULPES cohortem gallinarum nocte inuadere non audebat, metu canis, quem apud eas pernoctare cognouerat. Sed quum eas aliò migrasse, ut cum nonnullis alijs gallinis degerent, intellexisset, vbi canis non erat, voti compotem se fore rata illuc se conferens, ad vnam omnes occidit.

Fabula indicat, melius esse bonum & strenuum vicinum, quàm ignauos consanguineos habere propinquos.

De gallinæ pullo matri non obsequente,
unde à miluo raptus est. 40.

GALLINA pullos complures habens, vehementer
extimescebat, ne sibi à miluo surriperentur. Vnde
sepe eos sub ala viso miluo congregans, ab inimica alite
tutabatur. Sed quadam die miluum ad se accedentem cō
spicata, filios conuocauit, qui omnes properè ad uocē ma-
tris currentes, salui facti sunt, vno duntaxat excepto,
qui matris voce cōtempta, dum granū tritici esse cupit,
per aera curuis vnguibus à seua aue raptus est.

Fabula indicat, qui parentum imperio non obsequun-
tur, in maximas calamitates incidere.

De lupo in fossam lapso, & vulpe
irridente. 41.

LV P V M in fossam lupariam delapsum vulpes conspi-
cata irridebat, & circum oras & fossæ marginem
letabunda saltitabat, stolidum animal illum appellans,
qui hominum fraudes non animaduertisset. Dum sic ergo
lasciua gestiret, subsidens terra eam traxit in præceps:
quam dalabentem lupus conspiciatus: maximum, inquit,
nunc mortis meæ solatium ad manes feram, videns vul-
pem, quæ me irridebat, mecum pereuntem.

Fabula indicat, illorum calamitatibus nunquam in-
sultandum, quum in easdē nos quoq; incidere possimus.

De lupo oues inuadere volente, sed
impedito. 42.

LV P V S & leo contracta inter se amicitia, victum
queritabant, tum lupus audito ouium balatu, cōfide
inquit, amice, cibus iam aderit. Secutus ergo ouium vo-
cem, quum ad ouile peruenisset, reperit illud optime mu-

nitum, & canes prope dormientes. Reuersus igitur ad leonem, Non placet inquit mihi, quòd in præsentia edamus oues, Macilentæ admodum enim sunt, sinamus eas pinguescere, redituri, quum fuerint pingues effectæ.

Fabula eos arguit, qui impediti ne quid faciant, se noluisse argumentantur.

De vulture à canibus capto ob prædā
non dimissam. 43.

VULTURES duo cadauer depascentes, duo ingentia carnis frustra absciderāt, quæ unguibus per aera ferre decreuerant: quum subito canibus aduentantibus, alter eorum dimissa sua parte cadaueris, eiulans statim à canum conspectu procul abiit: Alter prædæ intētus, dum partem suam dimittere cunctatur, à canibus captus est: qui dum se iamiam moriturum videret: heu, inquit, me miserum & infelicem, qui parvæ uoluptatis causa, tot uitæ uoluptates amittam.

Fabula indicat, nimiam acquirndi cupiditatem, sepe numero auaris attulisse perniciem.

De olitore qui talpam occidere
volebat. 44.

OLITOR talpam capiēs, eam interimere volebat. Cui illa: Ne occidas, inquit, mi here me famulam tuam, tam pulchra pelle contectam, et hortulos tuos gratis fodientem. Non me, respondit olitor, his blandulis delinies verbis, quum me inuito hortulos meos, ut dicis, fodiēs, herbas omnes, ut te ipsam pascaris, radicitus eruas, & me ad inopiam redigas.

Fabula indicat, in cunctis rebus voluntatem hominū esse spectandam.

De viro diuite illiterato: & inope docto. 45.

VIR quidam diues, sed illiteratus, virum doctum, sed inopem deridebat, quòd ipse sua industria multas diuitias congregasset, quum ille qui tanta doctrina pollebat, maxima inopia premeretur. Cui ille: nil mirum, quum tu opibus coaceruandis, ego verò doctrinæ comparandæ, quæ longe diuitijs præstat, incubuerim. Hinc inter diuitem et literatum orta contentio, vtrum doctrina, an gazæ præstantior esset: componi non poterat, quum vterque multos fautores haberet, sed plures diues. Tandem hoc pacto compertum est, doctrinam gazæ præstantiorem esse. Discordijs ciuilibus ambo solum mutare cõpulsæ, quum nihil secum è suis fortunæ bonis ferre potuissent, in aliam urbem se contulerunt: vbi vir literatus magna ad docendum mercede conductus, in magno pretio & honore habebatur. Qui verò diues fuerat, panem hostiatim petere coactus inopia, confessus est, se sua opinione deceptum.

Fabula indicat, fortunæ bona, quoniam huc & illuc transeunt, ab animi bonis, quæ propria et perpetua sunt, longe superari.

De vulpe capta à cane, dum se mortuam simulat. 46.

VULPES simulans se defunctam, vt aues ad se tantquam ad cadauer accedentes, interciperet, luto oblita in quodam agro resupina iacebat, expectans cornices, coruos, & huiusmodi rapaces volucres quas deuoraret, quum superueniēs canis, eam mordicus captam cepit dentibus lacerare. Quod illa animaduertens, di-

gna inquit, patior: nam dum fraudibus aues capere studeo, ab alio ipsa capta sum.

Fabula indicat, qui alijs insidias moliuntur, molestè ferre non debere, quòd ipsi quoq; ab alijs capiuntur.

De vrsò qui vxori oculum eruit. 47.

VRSVS dum fortè cum vxore rixaretur, oculum illi eruit. Sed postea pœnitens, tanto dolore affectus est, vt vngues sibi mordicus præcideret. Deinde quum inter loquendum diceret, præ suo in vrsam amore, se proprijs armis exuisse. Quid, inquit vxor, istud luscæ mihi nunc prodest? Antequam oculum mihi erueres, istud facendum fuit.

Fabula indicat, post illatas iniurias seram esse pœnitentiam, quum facta infecta fieri non possint.

De leone irato contra ceruum lætum morte lænæ. 48.

LEO omnes quadrupedes ad defunctæ vxoris exequias honestandas inuitarat. Cunctis igitur alijs mortem reginæ ineffabili dolore prosequentibus, solus ceruus, cui illa filios eripuerat, expers doloris, nullas lachrymas emittebat. Quod leo percipiens, accersitum ad se ceruum, ut illum perimeret, interrogat, Cur non cum alijs reginæ mortem fleat. Cui ille: fecissem, inquit, nisi me hoc facere prohibuisset. Aduenienti enim mihi, felix eius anima ad elisias sedes proficiscens apparuit dicens, eius discessum non lugendum, quum ad amœna uireta fortunatorum nemorum, sedesq; beatas proficisceretur. Hæc leo audiens lætatus est, ceruoq; veniam dedit.

Fabula indicat, viri prudentis officium esse, interdum

figere, & sese à potentium furore honesta excusatione tutari.

**De patrefamilias succensente cani ob
gallinas raptas. 49.**

PA T E R familiâs oblitus haram, in qua gallinæ pernoctabant, claudere: quum mane surrexisset, reperit omnes à vulpe occisas, & ablatas esse. Indignatus igitur in canem, tanquam malum rerum suarum custodem, multis illum afficiebat plagis. Cui ille: si tu, inquit, cui gallinæ oua & pullos pariebant, in occludendo ostio negligens fuisti: quid mirū, si ego alto sopore oppressus, vulpem venientem non sensi? qui nulla ex illis emolumenta percipiebam.

Fabula indicat, haud vnquam sperandum diligentem fore familiam, cuius paterfamilias negligens fuerit.

De delectore militum. 50.

DE L E C T O R quidam missus à duce suo ad milites deligendos, qui rebus bellicis magis idonei viderentur, inter cæteros quendam eligere volebat procera statura, & qui aspectu ipso præ se ferebat strenuum bellatorem. Tum ille, falleris inquit, ô delector: Non sum enim his qui videor.

Fabula indicat, ex ipso corporis habitu, homines non esse iudicandos.

De vulpe gallinam incubantem occidere volente. 51

V V L P E S rustici cuiusdam domum ingressa, reperit in nido gallinam ouis incubantem, quæ eam rogabat dicens: Ne me obsecro in præsentia occidas macilentâ. Expecta paululum, dum pulli mihi nascantur, quos vt

tenellos absq; dentium dolore esse poteris. Tunc vulpes: Non essem, inquit, inter vulpes numeranda, si nunc esuriens, spe pullorum, qui nondum nati sunt, paratum omitterem cibum. Dentes validos gero, qui quamlibet durissimam carnem molere consueverunt. Hac dicens, gallinam deuorauit.

Fabula indicat, eum amentem esse, qui incerta spe maiorum rerum, presentes omittit.

De cane qui societatem cum asino aduersus lupum iniuit. 52.

CANIS molossus cognoscens se lupo, cum quo magnas exercebat inimicitias, imparem, statuit aliquem sibi socium asciscere, ut mutuo auxilio lupo superaret. Videns autem asinum lupo vocaliorem, maiorem, clitellisq; velut thorace armatum, magnasq; pilas podice cum magno tonitru emittentem, ratus est eum strenuum esse bellatorem. Quare contracta societate lupo ad pugnam prouocauit. Sed ubi ad primum lupi conspectum asinum fugientem vidit, nilq; aliud, quam inconditos clamores, & magnos ventris crepitus edentem, ipse quoque fugiens, socium in ipsa pugna deseruit, pabulum lupo, vulturibusq; futurum.

Fabula indicat, stultos esse, qui hominum virtutem ex verborum ampullositate, & corporis proceritate iudicant.

De lupo gregem aggresso, quum ibi duo canes essent inter se pugnantes. 53.

LVPS ex alta specula contemplatus canes geminos gregis ouium custodes inter se pugnantes, et sese mutuis morsibus dilacerantes, spem concepit posse tuto ones

inuadere. Magno igitur impetu in oues delatus, quum vnā oppidō pinguem rapuisset, concitè fugiebat. Canes id conspicati, omīssa domestica pugna, lupum fugientem affecuti, tantis illum affecere vūlneribus, ut vix posset euadere. Cum autem mox ab alio lupo interrogaretur, cur solus gregē esset adortus, vbi tam validi erant propugnatores: domestica inquit, pugna deceptus sum.

Fabula indicat, quod inimicitiae externorum, discordes propinquorum animos reconciliare solent.

De asino qui obiens vinum effudit. 54.

VIR quidam pauper, cui prater vini dolium, & asinum nihil erat, filiam vnicam cuidam sponderat adolescenti, paulum nescio quid pollicitus dotis, quam ex vini & asini precio (constituerat enim hæc venundare) contrahere posse arbitrabatur. Sed sequenti, qua sponsalia facta sunt, nocte asinus obiit, & inter moriendum, fracto calcibus dolio, vinum effudit.

Fabula indicat, nullam in rebus caducis spem habendam.

De arundine nidulum ab auicula petente. 55.

ARVND0 agrē ferebat, quum ceteræ non solum arbores, verum etiam herbæ interdum nidos auium sustinerent, se eo honore priuari. Rogauit ergo auiculā quandam, vt ipsa nidificaret. Cui illa: facerem inquit, nisi instabilitati tuæ diffiderem. Nolo enim filiorum meorum domum in fundamento tam instabili collocare.

Fabula indicat, res nostras viris instabilibus minimè committendas.

Depica cuculum pro accipitre fugiente. 56.

PICA inter arborum frondes delitescens, cuculum conspicata, accipitrem esse suspicata est. Quare concitata fugiebat. Quod nonnullæ aliæ aves, quæ propè aderant, intuitæ, picam irridebant, quòd pro accipitrè cuculum fugeret: quibus illa, malo, inquit, à vobis irrideri, quàm ab amicis fieri.

Fabula indicat, melius esse, inimicis ridèdi, quàm amicis flendi præbere materiam.

De seruo qui asinam heri è rupe deiecit. 57.

SERVVS cuiusdam agricolæ asinum domini sui ex alta rupe præcipitem dedit, ne quotidie huc & illuc illum agere cogeretur, mentitusq; est domino, illum sponte sua se deiecisse. Ob hoc dominus servum compellebat omnia humeris suis ferre, quæ ante asinus portabat. Quod servus nequam animadvertens: malè, inquit, mihi consului, quum innocentem conseruum meum peremi, qui me tanto labore lenabat: iustè nunc plector.

Fabula indicat, insipientes dum mala à se amoliri volunt, sæpe incidere in graviora.

De porco post mortem gratiam domino referente. 58.

PORCVS criminatus ab ouibus, quòd domino, à quo tanta pascebatur diligentia, nullam referret gratiā: quum ipsæ lac, lanam, agnosq; illi præberent: mortuus, inquit, referam: non ab re me nutrit.

Fabula indicat, quòd nemo absq; spe præmij laborem subit.

De gallo & vulpe. 59.

ESVRIENS quondam vulpes, ad decipiendas gallinas (quæ gallo duce arborem excelsiorem, quò sibi auditus non erat, ascenderant) ad gallum blandè accessit, quem cum comiter salutasset, quid in excelsò agis, inquit? Nunquid non audisti noua hæc recentia tam salutaria nobis? Nequaquam gallus cum respondisset, atqui prænuncia huc accessi, ait, ad communicandum tecum a lacritatem. Animalium omnium consilium celebratū est, in quo pacem perpetuam omnium animantium inter se firmârunt, ita vt omni sublato timore, nulli ab altero insidiæ aut iniuriæ fieri amplius queant, sed pace & concordia omnes fruuntur, licet abire vnicuiq; vel soli quò velit securè. Descendite igitur, & hunc festum agamus diem. Cognita vulpis fallacia, gallus inquit: Bonum adfers nuncium & mihi gratum, & simul collum altius protendens, prospecturoq; longius & admiranti similis, in pedes se erexit. Tum, quidnam aspicias, vulpes cum dixisset: Duos inquit magno cursu, ore patulo aduentantes canes. Tum tremebunda vulpes Valetè, inquit, mihi fuga expedit, antequam illi adueniāt, & simul cæpit abire. Hic gallus, quonam fugis, aut quid times ait? Siquidem pace constituta nihil est timendū. Dubito, inquit vulpes, an canes isti audierint decretum pacis.

Hoc pacto dolo illusus est dolus.

De merula miluum extimescente. 60.

MERULA suspiciens miluum magno ambitu aëra circinantem, ingentesq; eiulatus edentem, vehementer exterrita est. Cui turdus: ne trepida soror, inquit, tantos pugnae apparatus, totq; minas in exiguum murem,

aut in pullum gallinaceum tandem effundet. Cauendum nobis est ab accipitre, cuius prius vngues, quàm vocem sentire solemus.

— Fabula indicat magis, quietos et tacitos homines, quàm minaces & verbosos extimescendos.

De gallis inter se pugnantibus. 61.

GALLI duo, ut eorum mos est, inter se de ducatu gallinarum acerrimè certabant. Qui superior in pugna fuerat, alarum plausu, vocisq; cantu se victorem fuisse significans, venire & ocio emarcuit. Victus autè à conspectu gallinarum profugiens, cum cornicibus, & paonibus sese quotidie pugnando exercebat, inferendi, vitandiq; ictus artem ediscebat: qui ubi se satis instructum vidit, rediens, aduersarium ad pugnam prouocatū, nullo negotio superauit.

— Fabula indicat, nihil aequè milites enervare, quàm nimium veneris vsum, desuetudinemq; pugnandi.

De viro benefico qui in latrones inciderat. 62.

VIR beneficus, & in cunctos liberalis, peregrè profectus incidit in latrones: qui circumstantes quum eū interimere vellent, exclamauit vnus ex eis: Ne interficiatis hunc virum bonum, & de me benemeritum. Quippe qui me non solum olim benignè suscepit hospitio, verum etiam egrotum fouit, medicoq; curandum tradidit. Quibus verbis moti socij, illum illæsum abire permiserunt.

— Fabula indicat, quot possumus beneficia in cunctos conferenda.

De cane qui occidit filium domini. 63.

VIR quidam diues venandi studio mirifice deditus, complures canes alebat, quorum vnus filium domini morsu interfecit. Dominus ira percitus, non solum hominidam, verū etiam omnes alios iussit occidi. Tunc ait vnus ex eis, Vnus peccauit, & cuncti plectimur.

Fabula indicat, vnius malignitatē sæpe multis obesse.

De agricola iesto ab ape. 64.

AGRICOLA iestus ab ape, admirabatur, vt ex eodem ore succus tam suavis, & stimulus tãti doloris exiret. Respondit apes: Quò beneficentior sum, eò maiori odio prosequor mihi inferentes iniuriam.

Fabula indicat, quò magis homines benefici sunt, eò minus iniurias tolerare.

De capra prohibita à cane hortum intrare. 65.

CAPRA esuriens, hortum quendam, vbi virentia viderat olera, intrare cupiebat: Sed canis molossus, quem olitor custodem apposuerat, non permittebat, minitans ei mortem si pedem introferre tentaret. Cui capra: Quid, inquit, me esse prohibes, quæ tibi nulli sunt usui? Nulla, respondit canis, ratione hoc facio: sed quia ita mihi insitum est à natura.

Fabula exprimit naturam auarorum, qui multis rebus abundant, quibus neque ipsi fruuntur, neque alios frui patiuntur.

De hydro ranam deuorare volente. 66.

HYDRVS in quadam palude ranam persequebatur, quem quum illa euadere non posset, conuersa dicebat: Ne me deuora hydre, quæ nulli vnquam nocui.

Cui hydrus : clamor tuus , inquit , minæq; , quibus die noctuq; obstrepis , te maleficum animal esse testantur. Quod autem non noceas , impotentia causa est , dentes enim non habes.

Fabula indicat , multis non animum nocendi , sed vires deesse.

De iuvene ducturo uxorem , rogante amicos ut pro se orarent. 67.

IUVENIS quidam desponsurus uxorem , quum interrogaretur , an eam vellet , conuertit se ad amicos & propinquos , qui ibi aderant , dicens : Quid ut muti filetis ? Cur non deum , ut me hodie adiuvet , oratis ? Si enim sternutantibus deum adesse precamur , ubi nullum est periculum , quanto nunc magis pro me orare debetis , cui tantum videtis imminere discrimen.

Fabula indicat , ducentes uxorem , maxima adire pericula.

De viro decrepito arbores inferente. 68.

VIRO decrepitæ senectutis irridebatur à iuvene quodam , ut delyrus , quod arbores infereret , quarum non esset poma uisurus. Cui senex : Nec tu , inquit , ex ijs , quas nunc inferere paras , fructus fortasse decerpes . Nec mora : Iuuenis ex arbore , quam surculos decerpturus ascenderat , ruens collum fregit.

Fabula indicat , mortem omni ætati esse communem.

De claudio panum accubitum occupante. 69.

CLAUDVS quidam ad nuptias inuitatus , in primo discubuit loco . Sed magister conuiuij eum inde

detrahens, in ultimo collocauit dicens: Sedes nulla datur præter quàm sexta trocheo: alludens ad hunc pedē, cui duæ syllabæ dispares sunt, vt illi pedes erant: & qui in vltima metri heroici locatur sede, vt ille ima conuiuij parte dignus erat.

Fabula indicat, primos accubitus non occupandos, ne irrideamur inde detracti.

De viro qui thesaurum compatre conscio abdiderat. 70.

VIR quidam admodum diues, thesaurū in sylua infoderat, nemine præter compatrem, cui plurimum fidebat, conscio. Sed quum paucis post diebus ad eum visendum accessisset, reperit effossum, atque ablatum. Susplicatus igitur id, quod erat, à compatre sublatum, eum conueniens: volo, inquit, compater mi mille aureos, vbi thesaurum abdidi, adhuc infodere. Compater cupiens plura lucrari, retulit, reposuitq; thesaurum: quem quum verus dominus paulopost accedens reperisset, secum domum tulit, conueniensq; compatrem, inquit: fidefrage ne sumas inanem laborem, vt ad thesaurum accedas, amplius enim non inuenies.

Fabula indicat, quàm facile sit virum auarum spe pecuniæ decipere.

De leone à vulpe edocto vt posset è vinculis exire. 71.

LEO comprehensus laqueo, totis viribus vincula dirumpere conabatur, quo autem maiori conatu laqueum trahebat, eo arctius detinebatur. Vulpes illac iter habens, cum hoc esset intuita: Non viribus, inquit, mi rex istinc euades, sed ingenio. Relaxandus enim la-

queus, & dissoluendus, non trahendus est. Quod cum leo fecisset, statim soluto laqueo, quo erat astrictus, libere euasit.

Fabula indicat, ingenium viribus longè esse præstātius.

De psittaco ob artem exprimendi verba humana honorato. 72.

PSITTACVS in aula regis degens, interrogabatur à ceteris anibus, quid ita in magno haberetur honore? Quibus ille: quia, inquit, exprimendi humanas voces artem edoctus sum.

Fabula nos admonet, ut bonas et liberales ediscamus artes, si volumus ubique clari honorabilesq; haberi.

De philosopho Cynico qui percussori suo argenteum dedit. 73.

PHILOSOPHVS Cynicæ sectæ in iurgio colapho percussus, non solum commotus non est, verumetiam percussorem argenteo numo donauit. Quod quum omnes qui aderant admirarentur, dicerentq; eum dignum iterum cedi: nescitis nunc, inquit, quid egerim, scietis autem postea. Haud longo post tempore percussor ille volens quendam alium cadere, (sperabat enim aliquid fortasse lucrari) letale vulnus accepit. Mortem igitur sibi imminere sentiens: Quanto melius, inquit, mihi fuisset colapho à Cynico reperi, quam numo etiam aureo donari.

Fabula indicat, delinquentibus impunitatem peccandi potius quam pœnam interdum, nocuisse.

De boue cornua à deo petente. 74.

BOS agrè ferebat vires inermes sibi à natura dætas, quoniam armis carebat, quæ viribus potiora

putabat. Rogauit ergo Iouem, ut sibi cornua concedere dignaretur. Quod quum impetrasset, statim voti sui eum cœpit pœnitere. Nam quum inermis liber esset, à nemineque capi posset, natis cornibus laqueo comprehensus ad arandum ducebatur, & immensos labores subire cogeatur.

Fabula indicat, nihil à deo petendum nisi quod ille nobis profuturum intelligit.

De sene à filio eiecto à domo, qui duo lin-
tea petiuit. 75.

VIR quidam decrepitæ senectutis, domo eiectus à filio, in xenodochio degebat. Conspicatus autem filium illac iter habentem, eum rogauit, ut saltem duo lintea ex rebus suis, quas tanto sudore parauerat, sibi mitteret, qui tandem paternis precibus motus, imperat filio suo puerulo, ut expetita ad auum lintea ferret. Puer sagax & tali dignus patre, unum tantum tulit. Increpatus autem à parente, quòd non duo, ut iussus erat, attulisset: seruo, inquit, alterum tibi, ut quum decrepitus in xenodochio deges, illud tibi mittam.

Fabula indicat, qua mente in parentes sumus, eadem liberos nostros in nos futuros.

De puero discere nolente. 76

PVER osor literarum, in ludum literarium à patre deductus, nullis magistri blanditijs induci poterat, ut primam alphabeti proferret literam. Tum præceptor: aperi os, inquit, quod huius literæ exigit enuntiatio. Ille uerò hiabat, absque uoce. Præceptor uidens laborẽ suum irritum (neque enim puerulum ac nouiciũ nerberandum censebat) iubet eum inter condiscipulos sedere, eos

monens, ut illi persuadeant hanc uel saltem literam ef-
ferre. Tum condiscipuli pro uirili quisque eum hortari,
dicentes : Est ne tantus labor ā dicere ? At puer uersu-
tus : non est inquit, arduum dicere ā, sed si ā dicerem,
uellet ut b discerem & cætera. Non erit ea uis præce-
ptori patriq; ut discam.

Fabula indicat, nolentes discere, à nemine posse com-
pelli.

De oue capta à cane vociferante quod à lupo
capta non faciebat. 77.

O V I S comprehensa à cane gregis custode, maxi-
mos edebat eiulatus, capta autem à lupo, nullam
emittebat vocem. Interrogata à pastore, cur ita face-
ret : molestius, inquit, mihi est à cane, qui mihi custos et
amicus esse debet lædi, quàm à lupo, quem natura per-
petuum mihi genuit inimicum.

Fabula indicat, grauiores nobis domesticorum, quàm
externorum esse iniurias.

De pauone à milite pennis spo-
liato. 78.

P A V O apud militem, qui galeam multis struthionis
pennis ornauerat, gloriabatur se multo pulchriores
pennas habere, utq; id verum esse approbaret, caudam
in girum explicuit. Miles illarum pulchritudine illectus,
auctem capiens, eam tanto priuauit ornatu, conumq; ga-
leæ insigniuit. Tunc secum pauo : me miserum & stul-
tum, inquit, qui tam pretiosas res raptori ostendi, quas
occultare debebam.

Fabula indicat, pretiosarum rerum ostentatione, mul-
tos ad rapinas concitari.

Deturdo per viscum capto. 79.

TVRDVS visco captus ab aucupe, seipsum afflictabat dicens, Non tantum mortis dolore excrucior, quantum quòd meæ res me perimunt. Aiunt enim viscū ex turdorum stercore procreari.

Fabula indicat, homines tunc vehementer commoueri, quum rebus suis intereunt.

De avaro poma marcescentia comedente. 80.

VIR avarus plurima pulcherrimaq; poma collegerrat, qualia in hortis Alcino, & Hesperidum fuisse poëtæ fabulantur, quæ ita parce edebat, vt nisi corrupti inciperent, esse non auderet. Huius filius oppidò liberalis, sodales suos ad pomaria sæpe ducebat, dicens: Accipite ex his quæ vultis omnia, præter marcescentia: illa enim pater meus in secunda mensa semper sibi iubet afferri. Huic præcepto illi libenter obtemperabant.

Fabula indicat, homine avaro nihil esse miserius, qui alijs custodit, quæ ei deus fruenda concessit.

De avaro nimis agros custodiente. 81.

VIR quidam extremæ auaritiæ emit prædia admodū feracia, & omni fructiferarum arborum genere referta, quæ priori domino amplissimos fructus reddebant, quamuis imminuta essent, & cunctis viatoribus peruia. Ratus igitur nouus dominus, si melius coleret, & diligentius custodiret, vberiores fructus se inde capturum: optime colere cœpit, & densis vepribus ac parietibus clausit, custodesq; diligentes apposuit: verum post hanc tam diligentem custodiam agri parum fructus illi reddebant, Consultus autem deus vnde hoc accidisset: ita respondit:

*Ipse mali tanti causa es, qui sepibus agros,
Parietibusq; arctis obstructos vndique seruas.
Multa dedi quondam, quia multi multa petebant.
Vni seruit ager tibi nunc, cur tanta requiris?*

*Fabula indicat, liberali viro deum multa largiri, quo
multorum indigentia valeat subuenire.*

*De malo arbore ingentia poma pro-
creante. 82.*

MALVS arbor oleam irridebat, quòd exiguas pro-
creasset baccas, quum ipsa ingentia, & quæ vix
sui rami ferrent, mala produxisset. Sed vehementi exor-
to vento, quum pomorum onere, tum vi turbinis, & po-
ma ferè cuncta ceciderunt, & rami confracti sunt: Olea
autem illæsa permansit. Tunc secum malus: quanto, in-
quit, melius mihi fuisset minores fœtus edidisse.

*Fabula indicat, nos debere modicis rebus esse conten-
tos, quum ample opes, & nimia diuitiæ sine ingenti pe-
riculo nequeant possideri.*

*De muliere à viro verberata quæ se mor-
tuam simulabat. 83.*

MVLIER quædam à viro multis verberibus affe-
cta, se mortuam simulabat, quòd marito timorem
incuteret: retento enim anhelitu, immobilis resupina
iacebat. Vir sagax & mulieris fraudum non ignarus:
bestia, inquit mortua, pelle nudanda est: arreptoq; cul-
tro, à pedibus pellē diripere cœpit. Vxor sentiens quor-
sum sua tenderet simulatio, pedem retrahens, illico
resurrexit.

*Fabula indicat, quòd viro prudenti frustra muliebres
tenduntur insidiæ.*

De miluo & accipitre apud aquilam de
præstantia contententibus. 84.

MILVVS cum accipitre apud aquilam de præstantia certabat, dicens, ob corporis magnitudinē sese illi præferendum. Contrā accipiter, non staturam, sed vires spectari oportere, dicebat. Tunc aquila: ite, ait, venatum, et vter vestrum digniorem mihi attulerit prædam, eum præstantiorem iudicabo. Quum autem miluus exiguum murem, accipiter verò columbam apportasset, inquit aquila, quanto columba maior est mure, tanto accipitrem miluo præstantiorem esse pronuncio.

Fabula indicat, ex operum, non corporum magnitudine homines metiendos.

De infano sapientiam vendente. 85.

INSANVS quidam vrbes peragrans, alta voce clamabat, sapientiam se habere venalem. Cuidam autē oblato argenteo eam petenti, colaphū incussit, longumq; filum dedit, dicens, eris sapiens, si quousque hoc filum protenditur, ab insanis & furiosis abfueris.

Fabula indicat, nullum cum insanis habendum esse commercium.

De porcello & testamento patris. 86.

PORCELLVS mortem parentum ingenti clamore deflebat: Sed quum lectis testamenti tabulis, magnū glandis aceruum, multosq; farinae modios sibi relictos cognouisset, obticuit. Rogatus, cur non amplius fleret: farina, inquit, & glandes os mihi occluserunt.

Fabula indicat, amplas hæreditates hæredum dolori facile finem imponere.

De ouibus immoderatè segetem depa-
scentibus. 87.

AGRICOLA conquerente, quòd oues vniuersam segetem depopularentur: Iupiter eis præcepit, vt modestè depascerent. Quæ quum præceptis non obtemperarent, lupo iniunctum est, vt oues moderatè puniret. Sed pastore conquerente, totum ouium gregem à lupo occisum, Iupiter iratus, venatori imperauit, vt lupo perimeret. Quod ille impigrè est executus.

Fabula indicat, nullum immoderatum esse diuturnū.

De leone partem prædæ à lupo
petente. 88.

LV PVS & vulpes inita inter se societate, venatum profecti sunt, qui quum ceruum, quem ceperant diuidere vellent, superueniens leo tertiam prædæ partem sibi, vt quadrupedum regi deberi dicebat. Lupus verò negabat. Tunc excandescens leo, iniectis in lupo vnguibz, totum eius caput pelle, nudatum rubicundum reddidit, vnde lupo vix viuus euasit. Conuersus hinc in vulpem leo, tu verò quid dicis? Ego, inquit, mi domine rex, non tertiam modo partem, sed totum ceruum tuum esse non inficior. Ecquis, inquit leo, te ita sapienter docuit respondere? Galerius, ait vulpes, ille ruber, quem socio meo lupo imposuisti.

Fabula indicat, melius esse partem interdum concedere, quàm totum amittere.

De sene quodam & adolescentulo. 89.

SENEX olim fuit, qui cum adolescentulo filio præcedente absq; onere asello, quem venditurus erat, ad mercatum proficiscebatur. Prætereuntibus uiam, quidā

in agro opus facientes, senem culparunt, quòd asellum nihil ferentem, neq; pater, neque filius ascendisset, sed vacuum onere sinerent, cum alter senectute, alter ætate tenera vehiculo egeret. Tum senex adolescentem asino imposuit, ipse pedibus iter faciens. Hoc alij conspicientes, increparunt stultitiam senis, quòd adolescente qui validior esset super asinum posito, ipse ætate confectus, pedes asellum sequeretur. Immutato consilio, atq; adolescente deposito, ipse asinum ascendit. Paulum verò progressus, audiuit alios se culpantes, quòd paruulum filium nulla ratione ætatis habita, tanquam seruum post se traheret, ipse asello qui pater erat, insidens. His verbis permotus, filium asello secum superimposuit. Hoc pacto iter sequens, interrogatus inde ab alijs an suus esset asellus, cū annuisset, castigatus est verbis, quòd eius tanquam alieni nullam curam haberet, minime apti ad tantum onus, cū satis vnus ad ferendum esse debuisset. Hic homo perturbatus tot varijs sententijs, cum neq; vacuo asello, neque ambobus, neq; altero super impositis absq; calumnia progredi posset, tandem asellum pedibus iunctis ligauit, atq; baculo suspensum suo filijq; collo superimpositum, ad mercatum deferre cœpit. Omnibus propter nouitatem spectaculi ad risum effusis, ac stultitiam amborum, maxime vero patris increpantibus, indignatus ille supra ripam fluminis cõsistens, ligatũ asinũ in flumen deiecit, atq; ita amisso asino domum redijt. Ita bonus vir, dum omnibus parere cupit, nemini satisfaciens asellum perdidit.

Fabula indicat, eos qui ad vulgi opinionem viuunt, miserrima præmi solitudine, cum nequaquam possibile sit omnibus placere, diuersis diuersa probantibus.

De viro sepem destruente vt inutilem. 90.

VIR quidam sepi, qua eius vinea conclusa erat, vt sterili conuiciabatur, eamq; vt nullius emolumentum excisam exusserat. Tunc vinea aperta, & pecoribus & hominibus facta peruia, à cunctis depopulata est. Dominus vineæ hoc conspiciatus seipsum stultitiæ accusabat, quod sepem vineæ suæ custodē tam imprudenter amouisset.

Fabula indicat, qui res seruant, non minus facere, quamuis ociosi videantur, quàm qui eas suo labore congregarunt.

De dæmone morte diuitum lætante, pauperum verò mœsto. 91.

DÆMON terrarum orbem peragrans (vt eius est mos) animaduertit iuuenem quendam parentum morte lætantem: vnde totus exhilaratus est. Sed ulterius progressus fleuit, quum alium filium in funere patris mœstum intueretur. Interrogatus tam diuersorum affectuum causas, Risus, inquit, filij, ex obitu patrum, significat illos diuites esse defunctos, quorum admodum rari nostras effugiunt manus. Fletus verò, paternæ est signum inopiæ. Pauperum autem regnum cælorum vt plurimum esse consuevit.

Fabula indicat, nimias diuitias, homines ad inferna deducere.

De lupo esuriente qui in cadauer bovis inciderat. 92.

LVPS senio confectus, quum amplius venari non posset, magna cruciabatur fame, nec aliquem cognatum aut amicum, qui eum cibo iuuaret, poterat inuenire. Dum ergo mœstus ingentem peragraret syluam, in

bouis cadauer incidit, quod vix cœperat laniare, quum non solum cæteri lupi, verumetiam vultures, corui, & cornices illuc se cõtulerant, lupum orantes, vt se in amicitiam, & in partem prædæ admitteret. Tunc secum lupus: Quem pauloante fratres & filij negligebant, ecce alienigenæ animantes nunc honore prosequuntur, & amicum expetunt. Non mihi, sed boui hunc exhibent honorem.

Fabula indicat, pauperem cunctis odiosum esse, diuitibus verò ab omnibus honorem exhiberi.

De vulpe capta, & rusticum vt se dimitteret orante. 93.

Vulpes capta à rustico, cuius quamplurimas gallinas occiderat, blandis eum verbis orabat, vt se dimitteret, persanctè iurans, nullum ulterius damnum se illi illaturam. Cui rusticus: ignoscerem, inquit, tibi perlibenter, & te incolumem dimitterem, nisi te subdolum & fidifragum animal esse cognoscerem. A mortua nullum mihi detrimentum inferri posse certò scio, à viua verò subdubito.

Fabula indicat, perfidis & fallacibus uiris nullam adhibendam fidem.

De porco læto morte inimici. 94.

PORCI duo erant cuidam subulco, tam immortale inter se odium, & perpetuas inimicitias habentes, ut quotidie sese dentibus lacerarent. Quum autem dominus unum ex eis occideret, alter incredibili afficiebatur lætitia, uidens inimico suo iamiam esse moriendum. Paucis autem post diebus, quum ipse quoque ad necem traheretur, sese afflictabat, dicens, heu me infelicem, cur

inimici mei cæde lætatus sum, quem tam cito eram eodẽ exitu secuturus.

Fabula indicat, neminem debere ne inimici quidem morte lætari, quum exploratum sit cunctis esse moriendum.

De dæmone uxorem recusante. 95.

DÆMON defuncta uxore, quam admodum morosam & difficilem habuerat, in perpetuo cælibatu permanere decreuerat. Ingressus autem quendam hominem, ut inde exiret, nullis adiurationibus ac minis poterat adduci. Tandem exorcista quum omnia prius frustra tentasset, sciens nullum uxore maius esse tormentum, minatus est, nisi egrederetur se uxorem illi daturum. Tum dæmon alta uoce clamauit, egredior, egredior: noli me iugalibus uinculis irretire, statimq; exiuit.

Fabula indicat, difficili & morosa uxore nihil esse miserius.

De muribus tintinabulum feli suspendere. volentibus. 96.

MVRES in unum conuenientes, consultabant, quo ingenio, quæue arte felis insidias possent euitare. Tunc qui cæteros & ætate, & rerum usu anteibat, reperi inquit uiam, quæ nos à tantis periculis incolumes conseruabit, si mihi parere uolueritis. Suspendamus collo eius tintinabulum, cuius sonitu uenientem aduersus nos felem sentire possimus. Tunc omnes uoce consona, sententiam illius ut saluberrimam laudauerunt, itaq; faciendum esse dixerunt. Surgens autem quidam senior, imperato silentio: Ego quoque, inquit, istam sententiam approbo. Sed quis erit qui collo felis tintinabulum su-

spendere audeat? Quum autem omnes hanc prouinciam subterfugerent, irrita sententia fuit.

Fabula indicat, multos quæ facienda sunt laudare, sed qui ea facere uelint, paucos reperiri.

De milite timente includi in oppido obsidendo, ob auxilia à longe ventura. 97.

MILES quidam prudens, inuitatus à commilitonibus suis, ut cuidam Italiæ oppido, quod ad regem Gallorum defecerat, unà cum eis uellet esse præsidio: si proprius, inquit, loci dominus oppidum obsidebit, quis nobis suppetitabit auxilium? Tunc illi: rex, inquiunt, Gallorum. Miles tumultum quendam conscendens, ô rex Gallorum, ter alta uoce clamauit. Quum autem nullum sibi redderetur responsum, conuersus ad inuitantes: nolo, inquit, illuc accedere, ubi qui mihi suppetias daturus est, auxilium implorantem non audiat. Cæteri, qui illuc accesserunt, à proprio oppidi domino obsessi, expugnato oppido, capti & ingulati sunt.

Fabula indicat, stultos & amentes esse, qui sese periculis imprudenter obijciunt.

De bobus sperantibus pascere qui ad arandum ducti sunt. 98.

BVBULCVS stabulū ingressus, boues letitia exultantes aspexit: interrogauit igitur eos, quæ nam esset causa letitiæ? Cui illi, speramus, inquiunt, hunc diem absq; labore in letissimis pascuis nos esse ducturos. Quid vos, inquit bubulcus, ut ita credatis induxit? Ita, inquiunt, fore somniauimus. Nolite, ait bubulcus, huiusmodi somnio fidem adhibere, quod falsum esse deprehendetis: Ego enim somniaui vos hodie araturos: hominū

enim somnia quàm brutorum veriora esse consueuerūt.

Fabula indicat, nihil mortalium spe esse fallacius.

De viro qui se felicitatis suæ causam, in
felicitatis verò fortunam esse

dicebat. 99.

VIR quidam auaritiæ deditus, quum audiret, nihil mercatura esse lucrosius, diuenditis paternis bonis, nauigare cœpit, prospera quæ vsus fortuna, breui maximas diuitias congregauit: interrogatus autem ab amico, quomodo tam paruo temporis curriculo tot opes coaceruasset: mea, inquit, industria. Sed quum non contentus tot ac tantis, quas parauerat, diuitijs ditior nauigatione fieri vellet, bis, terquæ naufragio factò, amissis opibus, ad summam inopiam reductus est. Qui deinde interrogatus, quid eum paulo ante tãtis rerum omnium copijs affluentem, ad tantam paupertatem redegisset: fortuna, respondit. Quod fortuna audiens vehementer indoluit, ingratum eum appellans, qui bonorum se causam, malorum verò volebat esse fortunam.

Fabula indicat, improbè eos facere, qui felicitatis causam, suæ industriæ, aduersitatis autem fortunæ adscribunt.

De fœmina maritum ob pullos male seruatos verberante. 100.

FŒMINA quedam virilis animi, maritum meticulosum & insulsum multis affecerat plagis, quia vnũ ex pullis gallinaceis, quos abiens ei seruandos reliquerat, miluus abstulerat. Quare vxore iterum absente, ne quem pullorum, quibus datus hærebat custos, auis inimica posset eripere, vniuersos eodem filo ligatos diligen

tius custodiebat. Sed quum ex improviso miluus adueniēs
vnum vnguibus rapiens vellet auferre, omnes pariter
per inane portauit. Infelix maritus memor ob vnum
pullum amissum, se ab vxore malè tractatū, multo gra
uiora cœpit formidare. Satiùs ergo mori esse duxit, quàm
iterum vxoris iram experiri. Ficus quasdam melle &
aromatibus optimè conditas vasculo fictili mulier pru
dens condiderat, marito insulso, cuius gulam timebat, mo
nito, ne quid inde esset, quum præsentaneum venenum
lateret in vasculo. Maritus mori cupiens, ficus comedit
vniuersas, ratus eam optimam moriendi, & vxoris irā
euadendi viam esse. Rediens mulier, quum pullos omnes
à miluo ereptos esse cognosceret, sumpto ingenti baculo,
maritum malum pullorum custodem verberare decreue
rat. Cui insipiens maritus, noli inquit, vxor me iam iam
moriturum verberare. Omne enim vasculi venenum
comedi, vt errati pœnas luam. Tunc mulier ira in ri
sum versa, marito ignouit, qui pro pullis malè seruatis,
alio pacto ei satisfecit.

Fabula indicat, aduersus insipientes, nullum idoneum
esse remedium.

ALIAE ITEM ALIQVOT ÆSOPI FABVLAE E' GRAECO

IN LATINVM VERSAE,

incerto interprete .

Impossibilia promittens.



IR pauper ægrotans, et malè affectus, cum à medicis desperatus esset, deos rogabat pollicēs si sanitatem sibi rursus restituissent, centum boues ipsis oblatum esse in sacrificium. Vxore autem eius audiente, Et vbi tibi hæc, si conualueris? Ille ait, putas enim surgere me hinc, vt de hæc à me repetant?

Fabula significat, multos facillè polliceri, quæ re comprobare non sperent.

Ranæ.

RANAE duæ in palude pascebantur, æstate autem siccata palude, illa derelicta. quærebant aliam: cæterum profundum inuenerunt puteum: quo viso, altera alteri inquit, Descendamus heus tu in hunc puteum. Illa respondens ait, Si igitur & hic aqua aruerit, quomodo ascendemus?

Fabula declarat, non oportere inconsideratè res agredi.

Canis & gallus.

CANIS & gallus inita societate iter faciebant. Vespera autem superveniente, gallus conscensa arbo-

re, dormiebat: at canis ad radicem arboris excauata. Cum gallus, vt assoluit, noctu cantasset, vulpes, vt audiuit, accurrit: & stans inferius, vt ad se descenderet, rogabat, quòd cuperet commendabile adeò cantu animal complecti. Cum autem is dixisset, ut ianitorem prius excitaret ad radicem dormientem, vt cum ille aperuisset, descenderet: & illa quærente vt ipsum uocaret, canis statim profilens eam dilacerauit.

Fabula significat, prudentes homines inimicos insultantes ad fortiores assequi mittere.

Leo & ursus.

LEO & ursus simul magnum naesti hinnulum, de eo pugnabant: grauitè igitur à seipsis affecti, vt ex multa pugna etiam vertigine corripenterentur, defatigati iacebant. Vulpes autem circum circa eundo, vbi prostratos eos vidit, & hinnulum in medio iacentem, hunc per utrosq; percurrente, rapuit, fugiensq; abiit: at illi videbant quidē ipsam, sed quia non poterant surgere, Nos miseros, dicebant, quia vulpi laborauimus.

Fabula significat, alijs laborantibus, alios lucrari.

Vespertilio & rubus, & mergus.

VESPERTILIO & rubus, & mergus inita societate, mercatoriam decreuerunt vitam agere. Itaque vespertilio argentum mutuata proiecit in medium: rubus vestem secum accepit: mergus tertius, æs, & nauigauerunt. Tempestate autem vehementi oborta, & nauis euersa, omnibus perditis, ipsi in terram euaserunt. Ex illo igitur mergus littoribus semper assidet, num quopiam æs eijciat mare. Vespertilio verò creditores timens, interdiu non apparet, noctu ad pabulum exit.

Rubus prætereuntium vesti inhaeret, sicubi suam cognoscit quærendo.

Fabula significat, in ea, quibus incumbimus, in posterum recidere.

Pauo & monedula.

AVIBVS creaturis regem, pauo orabat ut se ob pulchritudinem eligerent. Eligentibus autem eum omnibus, monedula suscepto sermone ait: Sed si te regnante, aquila nos persequi aggressa fuerit, quomodo nobis opem feres?

Fabula significat, princeps non modo propter pulchritudinem, sed & fortitudinem & prudentiam eligi oportere.

Cingularis animal & vulpes.

CINGULARIS agrestis super quadam fidens arbore, dentes acuebat. Vulpe rogante causam, quare nulla præposita necessitate dentes acueret, ait, Non abs re hoc facio: nam si me periculum inuasit, nequaquam me tunc acuendis dentibus occupatum esse oportebit, sed potius paratis uti.

Fabula significat, aduersus periculum præparatum esse oportere.

Cassita.

CASSITA laqueo capta plorans dicebat: Heu mihi misera, & infelici volucris: non aurum surripui cuiusquam, non argentum, non aliud quicquam preciosum. Granum autem tritici paruum, mortis mihi causa fuit.

Fabula in eos, qui ob vile lucrum, magnum subeunt periculum.

Hinnulus.

HINNVLVS aliquando ceruo ait : Pater, tu & maior & celerior canibus, & cornua præterea ingētia gestas ad vindictam, cur nam igitur sic eos times? Et ille ridens ait, Vera quidem hæc inquis, fili: vnum uerò scio, quòd cum canis latratum audiuero, statim ad fugam nescio quomodo efferor.

Fabula significat, natura timidos, nulla admonitione fortificari.

Auarus.

AVARVS quidā, cum omnia sua bona vendidisset, & auream glebam fecisset, in loco quodam infodit, vnā defosso illic & animo suo, & mente: atque quotidie eundo, ipsam videbat. Id autem ex operis quadam obseruando cognouit, & refossam glebam abstulit. Post hæc & ille profectus, et vacuum locum videns, lugere cæpit, & capillos euellere. Hunc cum quidam vidisset sic plorantem, & causam audiuiisset, Ne sic, ait, ô tu, tristare, neq; enim habens aurum, habebas: lapidem igitur pro auro acceptum reconde, & puta tibi aurum esse, eundem enim tibi usum præstabit: nam ut video, neq; cum aurum erat, utebare,

Fabula significat, nihil esse possessionem, nisi vsus adfuerit.

Anseres & grues.

ANSERES & grues in eodem prato pascebantur. Venatoribus autem visis, grues, quòd essent leues, statim euolauerunt, anseres verò ob onus corporum cum mansissent, capti fuerunt.

Fabula significat, & in expugnatione vrbis, inopes

facile fugerè, diuites autem seruire captos.

Testudo & aquila.

TESTUDO orabat aquilam, vt se volare doceret. Ea autem admonente procul hoc à natura ipsius esse, ille magis precibus instabat. Accepit igitur ipsam vnguibus, & in altum sustulit: inde demisit: hæc autem in petras cecidit, & contrita est.

Fabula significat, multos, quia in contentionibus prudentiores non audiuerint, seipsos læsisse.

Cerua.

CERVA altero obcæcata oculo, in littore pascebatur, sanum oculum ad terram propter venatores habens, alterum verò ad mare, vnde nihil suspicabatur. Præternauigantes autem quidam, & hoc coniectantes, ipsam sagittarunt: hæc autem seipsam lugebat, quòd unde timuerat, nihil passa foret, quod non putabat malum allaturum, ab eo proditam.

Fabula significat, sæpe quæ nobis noxia videntur, vtilia fieri: quæ verò vtilia, noxia.

Cerua & leo.

CERVA venatores fugiens, in speluncam ingressa est. In leonem autem ibi cum incidisset, ab eo comprehensa est. Moriens autem dicebat, Hei mihi, homines fugiens, in ferarum immitissimum incidi.

Fabula significat, multos homines dum parua fugiunt pericula, in magna incurrere.

Cerua & vitis.

CERVA venatores fugiens, sub vite delituit. Cum præterissent autem parumper illi, cerua prorsus ià latere arbitrata, vitis folia pasci incepit. Illis verò agi

tatis venatores conuersi, & quod erat verum arbitrati, animal aliquod sub folijs occultari, sagittis confecerunt ceruam. Hæc autem moriens, talia dicebat, Iusta passa sum, non enim offendere oportebat, quæ me seruauit.

Fabula significat, qui iniuria benefactores afficiunt, à deo puniri.

Afinus & leo.

CV M asino gallus aliquando pascebatur. Leone autem aggresso asinum, gallus exclamauit, & leo (aiunt enim hunc galli vocem timere) fugit. At asinus ratus propter se fugere, aggressus est statim leonem. Ut verò procul hunc persecutus est, quò non amplius galli perueniebat uox, conuersus leo deuorauit. Hic vero moriens clamabat, Me miserum, & dementem: ex pugnacibus enim non natus parentibus, cuius gratia in aciem irruì?

Fabula significat, plerosque homines, inimicos, qui se de industria humiliarunt, aggredi, atque ita ab illis occidi.

Olitor & canis.

OLITORIS canis in puteum decidit, olitor autem ipsum illinc extracturus, descendit & ipse in puteum: ratus autem canis accessisse ut se inferius magis obrueret, conuersus olitorem momordit. Hic autem cum dolore reuersus, Iusta, inquit, patior, nam cur unquam sui interfectorem seruare studui?

Fabula in iniustos, & ingratos.

Sus & canis.

SV S & canis mutuo conuitiabantur. Et sus iurabat per Venerem, proculdubio dentibus discissurum ca-

nem. Canis verò ad hæc dissimulanter dixit, Benè per Venerem nobis iuras: significas enim ab ipsa vehementer amari, quæ imputas tuas carnes degustantem, nullo pacto in sacellum admittit. Et sus, propter hoc igitur magis præ se fert dea amare me: nam occidentem, aut alio quouis modo lædentem omnino aduersatur: tu tamè malè oles & viua, & mortua.

Fabula significat, prudentes oratores, quæ ab inimicis obijciuntur, artificiosè in laudem conuertere.

Sus & canis.

SVs & canis de sæcunditate certabāt. Dixit autem canis, sæcundam esse maximè pedestrium omnium. Et sus occurrens, ad hæc inquit, Sed cum hæc dicis, scito & cæcos tuos te catulos parere.

Fabula significat, non in celeritate res, sed in perfectione iudicari.

Serpens & cancer.

SERPENS vnà cum cancro viuebat, inita cum eo societate. Itaq; cancer simplex moribus, ut & ille astutiam mutaret, admonebat: hic autem minimè obediēbat. Cum obseruasset igitur cancer ipsum dormientem, et pro viribus compressisset, occidit. At serpente post mortem extenso, ille ait, Sic oportebat antehac rectum & simplicem esse: neque enim hanc pœnam dedisses.

Fabula significat, qui cum dolo amicos adeunt, ipsos offendi potius.

Pastor & lupus.

PASTOR nuper natum lupi catulum reperit, ac sustulit, unaq; cum canibus nutriuit. At cum adoleuisset, si quando lupus ouem rapuisset, cum canibus & ipse perse-

se persequabatur. Cum canes verò aliquādo non possent assequi lupum, atque ideo reuenterentur, ille sequebatur, ut cum ipsum affecutus esset, particeps foret venationis ut lupus, inde redibat. Sin autem lupus extra non rapuisset ouem, ipse clam occidens, unā cū canibus comedebat: donec pastor cum coniectasset, & intellexisset rem, de arbore ipsum suspendit, & occidit.

Fabula significat, naturam paruam bonos mores non nutrire.

Leo & lupus.

LEO cum consenuisset, agrotabat iacens in antro. Accesserant autem visitatura regem, præter vulpem, cætera animalia. Lupus igitur capta occasione accusabat apud leonem vulpem, quasi nibili facientē suum omnium dominum, & propterea neq; ad visitationem profectam. Interim affuit & vulpes, & vltima audiuit lupi verba. Leo igitur contra eam infremuit. Sed defensionis tempore petito, Et quis, inquit, eorum, qui conueniunt, tantum profuit, quantum ego, quæ in omnem partem circuiui, & medicamentum pro te à medico quasiui, & didici? Cum autem leo statim, ut medicamentum diceret, imperasset, illa inquit, si lupo viuente excoriato, ipsius calidam pellem indueris. Et lupo iacente, vulpes ridens ait, Sic non oportet dominum ad maleuolentiam mouere, sed ad beneuolentiam.

Fabula significat, eum qui quotidie machinatur, in seipsum laqueum vertere.

Mulier.

MV L I E R quædam virum ebrium habebat: ipsum autem à morbo liberatura, tale quid commenta est.

Aggrauatum enim ipsum ab ebrietate cum obseruasset, & mortui instar insensatum, in humeros eleuatum, in sepulchretum allatum deposuit, & abiuit. Cum verò ipsum iam sobrium esse coniectata est, profecta ianuam pulsauit sepulchreti. Ille autem cum diceret, quis est qui pulsat ianuam? uxor respondit, mortuis cibaria ferens ego adsum. Et ille, non mihi comesse, sed bibere o optime potius affer: tristem enim reddis, cum cibi, non potus meministi. Hæc autem pectus plangendo, hei mihi misere, inquit: nam neq; astu profui: tu enim vir non solū non emendatus es, sed peior quoq; te ipso euasisti, in habitum tibi deductus est morbus.

Fabula significat, non oportere in malis actibus immorari: nam & nolentem quandoq; hominem consuetudo inuadit.

Cygnus.

VIR diues anserem simul & cygnum nutrieat, non ad eadem tamen, sed alterum cantus, alterum mensæ gratia. Cum autem oporteret anserem pati ea, quorum causa nutrieat, nox erat, ac discernere tempus nō permisit vtrunque: cygnus autem pro ansere abductus, cantat cantum quendam mortis exordium: & cantu significat naturam, mortem verò effugit suauitate canendi.

Fabula significat, sæpe musicen differre mortem.

Aethiops.

AETHIOPEM quidam emit, talem ei colorem inesse ratus negligentia eius, qui prius habuit: ac assumpto in domum, omnes ei adhibuit abstersiones: omnibus lauacris tentauit mundare: & colorem quidem trans-

mutare non potuit, sed morbum dolor parauit.

Fabula significat, manere naturas, ut à principio prouenerunt.

Hirundo & cornix.

HIRUNDO & cornix de pulchritudine contende-
bant. Respondens autem cornix ei dixit, sed tua
pulchritudo verno tempore floret, meum verò corpus etiā
hyeme durat.

Fabula significat, durationem corporis, decore me-
liorem esse.

Butalis.

BUTALIS à fenestra quadam pendeat. Vesperti-
lio autē profecta rogauit causam, quare die sileret,
nocte caneret. Cum autem id ea non incassum hoc face-
re dixisset (nam die canendo olim capta fuerat, & pro-
pterea ex illo prudens euasit) vespertilio ait, sed non
nunc te canere oportet, cū nulla utilitas, sed ante quā
capereris.

Fabula significat, in infortunijs inutilem esse pœni-
tentiam.

Cocleæ.

RVSTICI filius affabat cocleas. Cum autem audi-
ret eas stridentes, ait, O pessimæ animantes, domi-
bus vestris incensis vos canitis?

Fabula significat, omne intempestiuè factum, vitu-
perabile.

Mulier & ancillæ

MVLIER vidua operosa ancillas habens, has sole-
bat noctu excitare ad opera ad gallorum cantus.
His verò assiduè defatigatis labore, visum est oportere

domesticum occidere gallum, tanquam illum qui noctu excitaret heram. Euenit autem ipsis, hoc facto, ut in graviora inciderent mala: nam hera ignorans gallorum horam, temporius eas excitabat.

Fabula significat, plerisque hominibus consilia esse malorum causas.

Nulier venefica.

MV L I E R venefica diuinarum irarum propulsiones promittens multa facere perseuerabat, & lucrum inde facere. Quidam igitur accusarunt eam impietatis, & conuicerunt & damnatam ducebant ad mortem. Videns autem quidam eam duci, ait, Tu quæ deorum iras auertere promittebas, quomodo neq; hominum consilium mutare potuisti?

Fabula significat, multos magna promittentes, ne parua quidem facere posse.

Agricola.

A G R I C O L A quidam fodiendo aurum reperit: quotidie igitur terram, ut ab ea beneficio affectus, coronabat. Huic autem fortuna astans inquit, Hæus tu, cur terræ mea munera attribuis quæ ego tibi dedi ditatura te? nam si tempus immutetur, & in alias manus hoc tuum aurum eat, scio te nunc me fortunam accusaturum.

Fabula significat, oportere benefactorem cognoscere, atq; huic gratiam referre.

Viatores.

D V O quidam vnâ iter faciebant: & cum alter securim reperisset, alter, qui non inuenit, admonebat ipsum, ne diceret inueni, sed inuenimus. Paulo post autem cum aggrederentur ipsos, qui securim perdiderant,

qui eam habebat, persequentibus illis, ei qui vna iter faciebat, dixit, Perijmus. Hic autem ait, Perij dic: non perijmus, etenim & tunc, cum securim inuenisti, inueni dixisti, non, inuenimus.

Fabula significat, qui non fuerunt participes felicitatum, neque in calamitatibus firmos esse amicos.

Ranae duae.

DVAE ranae vicinae sibi erant: pascebantur autem altera in profundo stagno, & procul à via: altera in via parum aquae habens. Verum, cum quae in stagno alteram admoneret, ut ad se migraret, ut tutiore cibo frueretur, illa non paruit, dicens firmissima teneri huiusce loci consuetudine: quousque obtigit currum praterentem ipsam confringere.

Fabula significat, homines quoque praua aggredientes citius mori quam mutantur in melius.

Apiarius.

IN mellarium ingressus quidam domino absente, fauum abstulit. Hic autem reuersus, ut alueolos vidit inanes, stans quod in his erat, perscrutabatur. Apes autem è pastu redeuntes, ut deprehenderunt ipsum, aculeis percutiebant, pessimeque tractabant. Hic autem ad eas, O pessimae animantes, furatum vestros fauos illa sum dimissis, me uero satagentem vestri, percutitis?

Fabula significat, sic homines quosdam ob ignorantiam inimicos non cauere, amicos autem ut insidiatores repellere.

Alcedo.

ALCEO auis est solitaria, semper in mari vitam degens: hanc dicitur, hominum venationes cauente,

in scopulis maritimis nidificare . Caterum aliquando paritura, pullos fecit . Egressa autem ea ad pabulum , accidit mare à vehementi concitatum vento eleuari supra nidum : atque hoc submerso , pullos perdere : hæc verò reuersa, recognita, ait, Me miseram, quæ terram vt in. fidiatricem cauens , ad hoc confugi, quod mihi longè est infidius .

Fabula significat, homines etiam quosdam ab inimicis cauendo ignaros, in multo grauiores inimicis amicos incidere .

Piscator.

PISCATOR in fluuio quodam piscabatur . Extēsis autem retibus, & fluxu comprehenso vtrinq; , funi alligato lapide, aquam verberabat , ut pisces fugientes incautè in retia inciderent . Cum quidam verò ex ijs qui circa locum habitabant, id facere videret , increpabat, quòd fluuium turbaret, & claram aquam non sineret bibere: & is respondit, sed nisi sic fluuius perturbetur, me oportebit esurientem mori.

Fabula significat, ciuitatum etiam rectores tunc maxime operari, cum patrias in seditionem induxerint .

Simius & delphis.

MORIS cum esset nauigantibus Melitenses catulos & simios adducere in solamen nauigationis, quidā habebat secum & simium . Cum autem peruenissent ad suuium Atticæ promontorium, tempestatem vehemētem fieri contigit: navi autem euersa , & omnibus natantibus, natabat & simius . Delphis quispiam ipsum conspiciatus , & hominem esse ratus, digressus leuabat, ad terram perferens . Vt verò in Piræo fuit Atheniensium na

uali, rogavit Simium, an genere esset Atheniensis. Cum autem hic diceret & claris hic esse parentibus, rogavit, an & Piræum sciret. Ratus autem simius de homine eum dicere, ait, & valde amicum esse ei, & familiarē. At Delphis tanto mendacio indignatus, submergens ipsum occidit.

Fabula in viros, qui veritatem ignorantes existimant se decipere.

Muscæ.

IN cella quadam melle effuso, muscæ aduolantes comedebant. Implicitis autem earum pedibus euolare non poterant: cum verò suffocarentur, dicebant, Miseræ nos, quia ob modicum cibum perimus.

Fabula significat, multis gulam multorum malorum esse causam.

Mercurius & statuarius.

MERCURIUS scire volens, quanti apud homines esset, iuit in statuarij domum transformatus in hominem: & visa statua Iouis, rogabat, quanti quis ipsam emere posset. Hic autem cum dixisset, drachma, risit. Et quanti Iunonis, ait? Cum dixisset, pluris: visa & sua ipsius statua, ac opinatus cum nuntius sit deorū, & lucrosus, maximam de se apud homines haberi rationem, rogavit de se. Statuarius verò ait; Si hasce eme-
ris, & hanc additamentum do.

Fabula in virum gloriosum, qui nullius apud alios est pretij.

Mercurius & Tiresias.

MERCURIUS volens Tiresiæ vaticinium an verum esset cognoscere, furatus ipsius boves & ru-

re venit ad ipsum in urbem, similis factus homini, & ad ipsum diuertit. Bourn autem amissione renunciat & Tirefiæ, ille assumpto Mercurio exiuit, auguriū aliquod de fure consideraturus. Et huic iubet dicere sibi, quamnam auem viderit. Mercurius autem primū vidisse aquilam à sinistris ad dextram volantem, dixit. Hic non ad se id esse cum dixisset, secundò cornicem super arbore quadam sedentem vidit, & modo superius aspicientem, modo ad terram declinatam, vati refert. Et is re cognita ait, Sed hæc cornix iurat & cælum, & terram, si tu velis, meas me recepturum boues.

Hoc sermone vti quispiam poterit aduersus virum furacem.

Canes.

HABENS quidam duos canes, alterum venari docuit, alterum domum seruare. Ceterum si quando venaticus caperet aliquid, qui domum custodiebat, particeps vnā cum eo erat cœnæ. Aegrè ferente autem venatico, & illi obijciente, quòd ipse quotidie laboraret, ille nihil faciens suis nutriretur laboribus, respondens ipse ait, Non me, sed herum reprehende, qui non laborare me docuit, sed labores alienos comesse.

Fabula significat, adolescentes qui nihil sciunt, haud esse reprehendendos, cum eos parentes sic educauerint.

Maritus & vxor.

HABENS quidam vxorem, quæ domesticis omnibus inimica erat, voluit scire an etiam erga paternos domesticos ita afficeretur. Quapropter cum rationabili prætextu ad suum patrem ipsam misit. Paucis verò post diebus ea reuerſa, rogauit quomodo aduersus illos ha-

buisset. Hæc verò cum dixisset, Bubulci & pastores me suspectabant: ad eam ait, Sed ô vxor, si eos odiſti, qui mane greges agunt, sero autem redeunt, quid sperare oportet in ijs, quibus cum tota conuersaris die?

Fabula significat, sic sæpe ex paruis magna, & ex manifestis incerta cognosci.

Hœdus & lupo.

HŒDVS derelictus à grege, persequente lupo, conuersus ad eum dixit, O lupe, quoniam credo me tuum cibum futurum, ne iniucundè moriar, cane tibia primū, vt saltem. Lupo autem canente tibia, atque hœdo saltante, canes cum audiuiſſent, lupum persecuti sunt. Hic conuersus hœdo inquit, Meritò hæc mihi fiunt, oportebat enim me cocus cum ſim, tibicinem non agere.

Fabula significat, qui ea, quibus natura apti sunt negligunt, quæ vero aliorum sunt, exercere conantur, in infortunia incidere.

Cancer & vulpes.

CANCER è mari cum ascendisset, in loco quodā pascebatur. Vulpes esuriens vt vidit, accessit, ac eum rapuit. Ille deuorandus ait, sed ego condigna patior, qui marinus cum ſim, terreſtris eſſe volui.

Fabula significat, homines, etiam qui proprijs derelictis exercitijs, ea quæ nihil conueniunt aggrediuntur, meritò infortunatos eſſe.

Citharœdus.

CITHARŒDVS rudis in domo calce incrustata familiariter, vt solebat, canens, & contra resonante in se voce, existimabat valde canorus eſſe: verum elatus super hoc, cogitauit & in theatro sese committere.

re oportere. Profectus verò ad se ostendendum, cum malè admodum caneret, lapidibus ipsum explosum abegerunt.

Fabula significat, sic ex rhetoribus quosdam, qui in scholis putant esse aliquid, cum ad respublicas se conferunt, nullius precij esse.

Fures.

FVRES in domum quandam ingressi, nihil inveniunt nisi gallum, atque hoc capto abierunt. Hic ab eis occidendus rogabat, ut se dimitterent, dicens utilem esse hominibus noctu eos ad opera excitando. Hi verò dixerunt, Sed propter hoc te tanto magis occidimus: illos enim excitando, furari nos non sinis.

Fabula significat, ea maximè pravis esse aduersa, quæ bonis sunt beneficio.

Cornix & coruus.

CORNIX coruo inuidens, quòd is per auguria hominibus vaticinaretur, ob idq; crederetur uti futura prædicens, conspicata viatores quosdam prætereuntes, iuit super arborem quandam, stansq; valde crocitant. Illis verò ad vocem conuersis, & admiratis, recognita, quidam inquit, Abeamus heus vos, cornix enim est, quæ crocitant, & augurium non habet.

Fabula significat, eodem modo & homines præstantioribus certantes, præterquam, quòd non ad æqua perueniunt, risum quoque debere.

Cornix & canis.

CORNIX Mineruæ sacrificans, canem inuitauit ad epulas. Ille verò ad eam dixit, Quid frustra sacrificia absumis? Dea enim adeò te odit, ut ex pecuniariis quoque tibi augurijs fidem sustulerit. Cui cornix,

Ob id magis ei sacrifico, ut reconcilietur mihi.

Fabula significat, plerosq; ob lucrum non vereri inimicos beneficijs prosequi.

Coruus & serpens.

CORVVS cibi indigens, ut serpentem in aprico quodam loco dormientem vidit, hunc deuolādo rapuit. Hic cum se vertisset, atq; momordisset ipsum, coruus moriturus dixit, Me miserum, qui tale reperilucrū, quo etiam pereō.

Fabula in virum, qui ob thesaurorum inuentionem de salute periclitatur.

Monedula & columbæ.

MONEDVLA in columbario quodam columbis visis benè nutritis, dealbauit sese, iuitq; , ut & ipsa eodem cibo impertiretur. Hæ vero, donec tacebat, ratæ eam esse columbam, admiserunt: sed cum aliquando oblita uocem emisisset, tunc eius cognita natura, expulerunt percutiendo, eaque priuata eo cibo, redijt ad monedulas rursus: & illæ ob colorem, cum ipsam non nossent, à suo cibo abegerunt, ut duorum appetens, neutro potitetur.

Fabula significat, oportere & nos nostris contentos esse, considerantes auaritiam, præterquam quòd nihil iuuat, auferre sæpe & quæ adsunt bona.

Monedula.

MONEDVLAM cum quis cepisset, & pedem alligasset filo, suo tradidit filio. Hæc non ferendo uictū inter homines, ubi parumper libertatem nat̃a est, fugit, in suumq; nidum se contulit. Circunvoluto uerò ramis uinculo, euolare haud ualens, cum moritura esset, se

cum loquebatur, Me miseram, quæ apud homines non ferendo seruitutem, incanta mea me uita priuauit.

Fabula significat, nonnunquam quosdam, dum se à mediocribus studet periculis liberare, in maiora incidere

Mercurius.

IVPITER Mercurium iussit, ut artificibus omnibus mendacij medicamentum misceret. hic eo trito, & ad mensuram facto, ex æquo singulis miscet. Cum uerò solo relicto futore, multum superesset medicamento, totum acceptum mortarium ei miscuit: atque hinc contingit artifices omneis mētiri, maxime uerò omnium sutores.

Fabula in mendaces artifices.

Iupiter.

IVPITER formatis hominibus, omneis illis affectus indidit, solum indere pudorem oblitus est. Quapropter non habens unde nam ipsum introduceret, per turbam ingredi eum iussit. Hic uerò primum indignè ferens contradicebat: uehementius uero eo instante, ait: Sed ego sanè his ingredior pactis, si amor non ingrediat, sin ingrediat, ipse exhibo quamprimum. Ex hoc sanè euenit, omnia scorta inuerecunda esse.

Fabula significat, captos amore inuerecundos esse.

Iupiter.

IVPITER nuptias celebrans, omnia animalia accipiebat: sola uerò testudine tardè profecta, admirans causam tarditatis, rogauit eam, quamobrem ipsa ad carnem non accesserat. Cum hæc dixisset, Domus chara, domus optima: iratus ipsi, damnauit ut domum baiulans circumferret.

Fabula significat, plerosque homines eligere parcé potius apud se uiuere, quàm apud alios lautè.

De muliere obstinata, quæ virum pediculosum vocauit.

MULIER quædam è nostris, admodum uiro contraria, semper uerbis eius obiurgando refragabatur, perstans in eo quod cœperat, ita ut superior esse uellet. Habita semel cum uiro graui altercatione, maritum pediculosum uocauit. Ille ut uerbum id retractaret, uxorem uerberibus contundebat, pugnis cédens ac calcibus. Quo magis cædebatur, eo plus illa pediculosum appellabat. Vir tandem uerberando lassus, ut uxoris pertinaciam superaret, per funem in aquæ puteum demisit, suffocaturum se dicens, nisi uerbis eiusmodi abstineret. Instantius perseuerabat etiam in aqua mentum usque constituta, uerbum illud continuans. Tum uir ne amplius loqui possit, in puteum demersit, tentans si eam mortis periculo à uerborum pertinacia posset auertere. At illa loquendi facultate adempta, etiam dum suffocaretur, quod loqui nequibat, digitis exprimebat. Nam manibus super caput erectis, atque ungulis utriusque pollicis coniunctis, saltem quod potuit gestu, uiro pediculosos obijciebat, unguibus enim eorum digitorum, pediculi à fœminis occidi consueuerunt.

Fabula in pertinaces, qui potius quæq; subeunt pericula ac damna, quàm mutent consilium.

Lupus & ovis.

LUPVS à canibus morsus, & malè affectus, abiectus iacebat. Cibi uerò indigens, uisa oue, rogabat ut potum ex præterfluente flumine sibi afferret. Si enim

tu mihi, inquit, dederis potum, ego cibum mihi ipsi inueniam. Illa recognita ait, Sed ego potum do tibi, tu & cibo me uteris.

Fabula in uirum maleficum, per simulationem insidiantem.

Lepores.

LEPORES olim belligerantes cum aquilis, inuocant in auxilium uulpes. Hæ autem dixerunt, Vobis auxiliaremur, nisi sciremus qui uos estis, & cum quibus præliamini.

Fabula significat, eos, qui cum præstantioribus certant, suam salutem contemnere.

Derisio hominis porcum occidere volentis.

MOS erat in oppido quodam Piceni, ut qui hyeme porcum occidisset, uiciniam ad cœnam inuitaret. Quidam quo pacto eam impensam uitaret, compatrem consuluit. Dic, inquit, ille, cras, porcum tibi hac nocte furto ablatum. Et simul, nihil tale illo uerente, quidam clam porcum nocte surripuit. Mane conspiciens sibi porcum ablatum, ad compatrem profectus, alta uoce querabatur porcum sibi furto surreptum. Tum alter, rectè compater mi sapias, inquit, ita enim te docui locuturum. Cum ille sæpius & per deos omnes iuraret id uerū esse, Benè agis respondebat, & secundum consilium meum. Cum ille iuramento iteraret, Hoc modo te loqui debere antea monui, respondebat, & sanum consilium dedi tibi. Tandem elusus abiit,

Fabula monet, qui alios fallere studet, ab alijs sæpe eludi.

Formica.

QUÆ nunc formica, homo olim fuit : hic agriculturæ assidue incumbens, non erat proprijs laboribus contentus, sed & vicinorum fructus surripiebat. Iupiter autem indignatus huius auaritia, transmuit eum in hoc animal, quæ formica appellatur. Verum cum mutasset formam, non & affectum mutauit : nam vsq; nunc arua circumeundo, aliorum labores surripit, & sibi recondit.

Fabula significat, natura prauos, & si maximè speciem transmuitauerint, mores non mutare.

Vespertilio & mustela.

VESPERTILIO in terram cum cecidisset, à mustela capta est : & cum occidenda foret, pro salute rogabat. Hac verò dicente, nō posse ipsam dimittere, quod natura volucris omnibus inimica foret, ait, nō auem, sed murem esse : & sic dimissa est. Postremò autem cum iterum cecidisset, & ab alia capta mustela, ne voraretur orabat. Hac autem dicente ; cunctis inimicam esse muribus : hæc non mus, sed vespertilio esse dicebat : & rursus dimissa est : atque ita euenit bis mutato nomine, salutem consecutam fuisse.

Fabula significat, nec eos in eisdem semper esse oportere, considerantes eos, qui ad tempus mutantur, plerumq; pericula effugere.

Viatores.

VIATORES secundum littus quoddam iter facientes, iuerunt in speculam quandam, & illic conspicati sarmenta procul natantia, nauim esse magnam existimarunt : quamobrem expectarunt tanquam appulsu-

ra ea esset. Cum verò à vento lata sarmenta propius forent, non nauim amplius, sed scapham videre videbantur. Aduectis autem illis, cum sarmenta esse vidissent, inter se dixerunt, Vt nos igitur frustra, quod nihil est, expectabamus?

Fabula significat, nonnullos homines, qui ex improviso terribiles esse videntur, cum periculum feceris nullius esse pretij inueniri.

Asinus syluestris.

ASINVS syluestris asino viso domestico in loco quodam aprico, profectus ad ipsum, beatum dicebat et corporis habitudine, & cibi perceptione. Deinde verò cum uidisset eum ferentem onera, & agasonem retro sequentem, & baculis ipsum percutientem, ait, Ast ego non amplius beatum te existimabo: video enim non sine magnis malis habere te felicitatem.

Fabula significat, non esse æmulanda lucra, in quibus insunt pericula & miserie.

De medico qui insanos curabat.

FVIT olim ciuis Mediolani, dementium & insanorū medicus, qui ad se delatos infra certum tempus sanandos suscipiebat. Erat autem curatio huiusmodi. Habebat domi aream, & in ea lacunam aquæ fœtidæ atque obscenæ, in qua nudos ad palum ligauit eos, qui insani adducebantur, aliquos vsque ad genua inguine tenus, nonnullos profundius, pro insanie modo, ac eos tam diu aqua atque inedia macerabat, quoad viderentur sani. Allatus est inter cæteros quidam, quem vsque ad femur in aquam posuit, qui post 15. dies cœpit resipiscere, ac curatorem rogare vt ex aqua reduceretur. Ille hominem

exemit

exemit à cruciatu, ea tamen conditione ne aream egrederetur. Cui cum diebus aliquot paruisset, ut vniuersam domum perambulare, ut exteriorem ianuam non egrederetur permisit, reliquis socijs, qui plures erant, in aquis relictis, paruit diligenter medici mandatis. Stans verò aliquando super ostium, neque enim egredi audebat timore lacunæ, aduenientem equestrem iuuenem cum accipitre et duobus canibus ex his qui sagaces dicuntur, ad se uocauit, rei motus nouitate. Neque enim quæ ante in insania viderat, tenebat memoria. Cum accessisset iuuenis. heus tu (inquit ille) ausculta oro me paucis, ac si libet responde, hoc quo ueheris, quid est, & quam obrem illud tenes? Equus est, inquit, & aucupij gratia: tum deinceps vero hoc quod manugestas, quid vocatur, et in qua re illo vteris? Accipiter, respondit, & aucupio aptus querquedularum & perdicum. Tum alter: Hi qui te comitantur, qui sunt, age, & quid prosunt tibi? Canes ait, & aucupio accommodati ad inuestigandas aues. Hæ autem aues quarum capiendarum causa tot res pararas, cuius precij sunt, si in vnum conferas totius anni capturam? Parum quid nescio cum respōdisset, & quod sex aureos non excederet, subdit homo, quænam est equi, canum & accipitris impensa? Quinquaginta aureorū affirmavit. Tum admiratus stultitiam equestris iuuenis, Hobo inquit, abi hinc ocyus oro, atque adeo auola, antequam medicus domum redeat Nam si te hic compere-rit, veluti insanissimum omnium qui viuant, in lacunam suam coniiciet, curandum cum cæteris mēte captis, atque vltra omnes vsque ad mentum in aquam summam collocabit. Ostendit aucupij porro studium sum-

nam esse amentiam, nisi aliquando & ab opulentis, & exercitij gratia fiat.

Afini.

ASINI olim propterea quòd assidue onera ferrent & fatigarentur, legatos miserunt ad Iouem, solutionem laborum petentes. Hic autem ostendere ipsis volens, id non fieri, ait, Tunc eos liberatum iri laboribus, cum mungendo fluuium fecerint. Ac illi eum verum dicere existimantes, ex illo & nunc usque, ubi aliorum urinam viderint asinorum, illic & ipsi circumstando mingunt.

Fabula significat, unicuique quod fatale est, incurabile esse.

Afinus & vulpes.

ASINVS indutus pelle leonis, vagabatur reliqua bruta perterrendo. Cæterum visa vulpe, tentauit & hanc perterrefacere. Hæc autem (casu enim ipsius vocem audiuerat) ad ipsum ait, Compertum habeto, quod ego timuisssem, nisi rudentem audiuisssem.

Fabula significat, nonnullos indoctos, qui ipsi, qui extra sunt, aliqui esse videntur, ex sua linguacitate redargui.

Consilium Minatii ad rusticum.

RVSTICVS cum castaneam arborem ad excutien-
dos fructus ascendit, decidens ex ea, costam pectoris fregit. Ad hunc consolandum accessit Minatius quidam, homo per facetus, qui inter loquendum daturum se normam dixit, qua seruata nunquam ex arbore caderet. Vellem hoc antea, inquit æger, consuluisses, attamen et in futurum poterit prodesse. Tum Minatius, Fac semper, inquit, ne sis celerior in descensu, sed ea qua ascēdis tar-

ditate descendas. Hoc pacto nunquā præcipitem te ages.

Fabula monet occasiones fugiendas, qui pericula evitari voluerit.

Afinus & ranæ.

ASINVS ligna ferens, pertransibat paludem quandam. Lapsus autem ut decidit, nec surgere posset, lamentabatur, ac suspirabat. Ranæ autem quæ erant in palude auditis suspirijs, Heus tu, dixerunt: & quid faceres, si tanto hic tempore, quanto nos, fuisses, cum quia paululum cecidisti, sic lamenteris?

Hoc sermone uti quispiam poterit in virum segnem, qui ob minimos quosque labores tristatur, cum ipse maioribus facile resistat.

Afinus & corvus.

ASINVS ulcerato dorso, in prato quodam pascebatur. Corvo autem insidendo sibi, & ulcus percutiendo, asinus rudebat, ac saltabat, sed agasone procul stante, ac ridente, lupus præteriens, ipsum vidit, & dixit, Miseri nos, quos si tantum viderit, persequitur, huic autem & arridet.

Fabula significat, maleficos homines, si tantum appareant dignosci.

Afinus & vulpes.

ASINVS & vulpes inita inter se societate, exiuerunt ad venationem. Leo verò cum occurrisset ipsis, vulpes imminens periculum videns, profecta ad leonem, tradituram ei asinum pollicita est, si sibi impunitatem promiserit. Qui cum dimissurum eam dixisset, illa adducto asino, in casses quosdam ut incideret, fecit. Sed leo videns illum fugere minime posse, primam vul-

pem comprehendit : deinde , sic ad asinum versus est.

Fabula significat, eos, qui socijs insidiantur, sæpe & seipsos nescios perdere.

Minatii responsio.

MINATIVUS, cum aliquando nonnullos nummos & vestes ad talos (egenus enim erat) lussisset, flens ad ostium tabernæ cuiusdam sedebat. Videns merentem flentemq; amicus. Quidnam est tibi inquit? Nihil Minatius ait. Cur nam ergo si nihil habes ploras? Hoc solum quia nihil habeo, inquit. Admiratus ille, Quare ergo si nihil habes, ait, lachrymas? Ob hanc ipsam causam, respondit, quoniam nihil est mihi. Alter, nihil sibi est causa cur ploraret intelligebat : alter nihil sibi reliquum superesse à ludo plorabat.

Fabula indicat, eadē uerba in uarios posse trahi sensus.

Gallina & hirundo.

GALLINA serpentis ouis inuentis diligenter calecta excudit. Hirundo autem cum cam uidisset, ait, O demens, qui hæc nutris, quæ cum excreuerint, à te prima iniuriam auspicabuntur.

Fabula significat, implacabilem esse prauitatem, licet afficiatur maximis beneficijs.

Camelus.

CUM primum visa est camelus, homines perterriti, & magnitudinem admirati fugiebant. Vbi vero procedente tempore cognouerunt ipsius māsuetudinem, confisi sunt eo usque, ut ad eam accederent. At intellecto paulo post beluæ non inesse bilem, eò contēptius iere, ut & frena ei imponerent, & pueris agendam traderēt.

Fabula significat, terribiles res consuetudine contrariabiles fieri.

Serpens.

SERPENS à multis hominibus pessundatus Iouem postulauit. Iupiter autem ad eum dixit, Si qui prior conculcauit pupugisses, nequaquam id facere secundus aggressus fuisset.

Fabula significat eos, qui prius inuadentibus resistunt, alijs formidolosos fieri.

Columba.

COLUMBA siti correpta, ut vidit quodam in loco poculum aquae depictum, verum rata, atque multo elata impetu, inscia in tabulam offendit, usque adeo ut & pennis ipsius perfractis in terram decideret, atque à quodam occurrentium caperetur.

Fabula significat, nonnullos homines ob uehementes alacritates inconsulto res aggredienteis, iniicere sese in perniciem.

Columba & cornix.

COLUMBA in columbario quodam nutrita, fecunditate superbiebat. Cornix verò ea audita, ait, Heus tu, de sine hac re gloriari: nam, quo plures paris, eo plus mœroris accumulas.

Fabula significat, ex famulis quoque, eos esse infeliciissimos, qui in seruitute multos filios faciunt.

De temerario qui asinos curabat.

FVIT olim homo nimium confidens, ac temerarius, nulli arti deditus. Is cum legisset apud medicum quendam nomen & virtutem certarum pillularum, quæ ad

varios morbos conferre dicebantur, existimauit homo ridiculus, se his solis pillulis de facili medicum euasurū. Confecto earum magno numero, urbem egressus, cœpit uagari per oppida & villas, medicinæ artem professus. Ad omnem autem egritudinem has pillulas accommodabat: earumq; cura aliqui casu valetudinem recuperarunt. Cum huius fama percreuisset, stulti apud stultos, quidam qui asinum suum amiserat, rogauit hominē, nūnquid remedium ad recipiendum asinum haberet. Assensit ille, & ei sex pillulas deglutiendas dedit. Quibus sumptis, abiens postero die, cum asinum quæreret, cogentibus pillulis de via discescit laxandi ventris gratia, & in arundinetum fortè diuertit: illic reperto asino pascente, medici scientiam & pillulas ad cœlum laudibus extulit. Ad hunc postmodum, veluti alterum Aesculapium, magnus fiebat rusticorum concursus, qui audierant medici medelas etiam ad ricipiendos asinos accommodatas.

Fabula monet, eos qui eandem cuilibet morbo adhibent medicinam, sorte euenire nō scientia, vt sanitatem inducant; Quosdamq; inter Aesculapios connumerari, qui nec prima callent medicinæ rudimenta.

Diues.

DIUES duas habens filias, altera mortua, præficas conduxit. Cum vero altera filia dixisset, Vt nos miseræ ipsæ; ad quas pertinet luctus, lamentari nescimus: hæ uerò non necessariæ sic vehementer plangunt: mater ait, Ne mirare filia, si hæ ita lamentantur, nam nummorum gratia id agunt.

Fabula significat, nonnullos homines ob auaritiam non vereri alienis calamitatibus quæstum facere.

Pastor.

PASTOR actis in quercetū quoddā ouibus, strata sub quercu veste, ascendit, & fructum decutiebat. Oves vero inter edendū glandes, nesciæ & vestes vnā deuorarunt. At cum pastor descendisset, vt quod erat actū, uidit, O pessima ait, animalia, uos cæteris vellera ac vestes præbetis, à me uerò qui uos nutrio, et uestē surripitis.

Fabula significat, plerosq; homines ob dementiā, eos, qui nihil attinent, beneficio afficere, in domesticos mala operari.

Bubulcus.

BVBULCVS armentum taurorum pascens, amisit vitulum, lustrando omnem solitudinem, indagando moram traxit. Vbi inuenire nihil potuit, precatus est Iouem, si furem qui vitulum cepit, ostenderit, hœdum in sacrificium oblaturum. Cæterum proficiscens in quercetum quoddam, inuenit à leone deuorari vitulum. Trepidus igitur, & perterrefactus, elcuatis manibus suis in cælum, ait, O domine Iupiter, promiseram tibi hœdum me daturum esse, si furem inuenirem: nunc taurum tibi recipio sacrificaturum, si huius manus effugero.

Fabula in homines infortunatos, qui dum quippiam amiserint, precantur vt inueniant: cum inuenerint, querunt effugere.

Aquila.

SVPER petra aquila sedebat, leporē captura: hanc autem quidam percussit sagitta, quæ intra ipsam ingressa est: sed crena cum pennis ante oculos stabat: quā cum uidisset, Et hoc mihi altera mæstitia, quòd proprijs pennis inteream.

Fabula significat, durum esse, cum quis à suis periculum patiatur.

Vermis & vulpes.

QVI sub cœno celabatur vermis, super terram egressus dicebat omnibus animalibus, Medicus sum, medicaminum doctus, qualis est Pœon deorum medicus. Et quomodo, ait vulpes, alios curans, teipsum claudum non curas?

Fabula significat, nisi præsto experientia fuerit, omne verbum inane esse.

Gallina auripara.

GALLINAM quis habens oua aurea parientem, ratus intra ipsam auri massam inesse, occisam alijs gallinis similem reperit. Hic multum sperans inuenire diuitiarum, & exiguis illis priuatus est.

Fabula significat, oportere contentum esse præsentibus, & fugere inexplebilitatem.

Lupus & vetula.

LVPVS esuriens circuibat quærendo cibum. Profectus autem ad locum quendam audiuit lugentem puerulum, eiq; dicentem anum, Desine plorare: sin minus, hac hora tradam te lupo. Ratus igitur lupus serio loqui aniculam, expectabat ad multam horam. Sed cum aduenisset vespera, audit rursus anum blandientem puerulo, ac dicentem, Si venerit lupus huc, interficiemus eum fili. His auditis, lupus eundo dicebat, In hoc tugurio aliud dicunt, aliud faciunt.

Fabula in homines, quorū facta verbis nō respondet.

De culice & leone,

CVLEX ad leonē accedens, ait, Neq; timeo te, neq;

fortior me es : minus mihi adesse virium ideo existimat quòd laceres unguibus , & dentibus mordeas ? hoc & fœmina cum viro pugnans facit . Ego uerò longe sum te fortior . Si verò vis , veniamus ad pugnam . Et cū tuba cecinisset , culex inhæsit mordens circa nares ipsius leuius genas , leo autem proprijs unguibus dilaniavit se- ipsum , donec indignatus est . Culex autem victo leone cum sonuisset tuba , & epiniciū cecinisset , euolauit . Araneæ uerò vinculo implicitus cum deuoraretur , lamen- tabatur quòd cum maximis pugnans , à vili animali ara- nea occideretur .

Fabula in eos , qui prosternunt magnos , & paruis pro- sternuntur .

**De medico qui in visitatione infirmo-
rum , tanquam indoctus , ipsos
interfecit .**

MEDICVS indoctus , sed versutus , cum infirmos adhibito discipulo visitaret , tangēs (ut moris est) pulsum , si quem grauiorem solito sensisset , culpam in egrotum conferebat , asserens aut ficus , aut pomum , aut quid aliud se prohibitum comedis- se . Quod cum sæpissimè faterentur ægri , vir diuinus videbatur , qui ita errores morbo laborantium animaduerneret . Hoc admirās per- sepe discipulus , rogauit medicum , quo nam modo pul- sum tactu , an alia quadam altiori disciplina perciperet . Tum ille , pro eius in se obseruantia , hoc arcanum rese- raturum pollicitus , Cum peruenio in cubiculum egroti , ait , circumspicio in primis diligenter , etsi quid reliquia- rum aut fructus cuiuspiam , aut alterius rei in pauimen- to superfit . Veluti , si castaneæ , aut ficus corticem , vel

nucis testam, aut pomorum frustra, aut aliud quippiam viderim, coniector infirmum tale quid comedisse. Et sic ægrotorum incontinentiam in morbis grauioribus incuso, ut videar procul à culpa si deterius se habuerint. Haud multo post discipulus & ipse quoque cura medendi suscepta, sæpius eodem malo ægros culpabat, asserens edendi formulam ab se datam excessisse, & aliquid edisse pro vt ex reliquijs coniectura assequi poterat. Semet ad rusticanum inopem hominem accessit, cui cum valetudinem pristinam se euestigio restitutum promississet, si normam suam seruaret, data nescio qua portione, abscessit postridiè reuersurus. Cum redisset, grauiori morbo æger afflictabatur. Hic homo stultus ac rudis, causam nesciens, cum huc atque illuc deflexisset oculos, nullasq; eiusmodi reliquias vidisset, æstuans animo, tandem sub lectulo asini clitellam conspexit. Tum clamitare cæpit, euestigio tandem se percipere cur deterius se haberet æger, magnum excessum ab eo factum, quo miretur illum minimè mortuum esse. Asinum quippe ægrum comedisse asseribat: existimans sella decocti asini velut os carnis reliquias videri. In stultitia sua deprehensus homo ridiculus, multos ad risum excitauit.

Fabula indicat, artem cuius sit expers profiteri debere neminem.

De quærente asinam quo vehebatur.

MANCINVS vir rusticus, frumento ad quoddam castrum asellis vehendo exercebatur: quos ille complures ad vecturam sumebat, Cum ille semel à mercato rediens, fessus è via ascendisset, asinum quendam præstantiorem, computatis in via asinis qui præibant, do-

mo appropinquans, eoq; quo vehebatur minimè adnume-
rato, visum est ei vnum deesse. Turbatus igitur, ac reli-
quis asinis vxori quos restitueret commendatis, conse-
stim eodem asino quo ferebatur ad mercatum septem mi-
libus passuum retrocedit, quærensq; à singulis obuijs, an
asinum quempiam amissum reperissent. Cum omnes ne-
garent, domum noctu mærens & dolens iacturam asini
rediit: tandem etiam ab vxore admonetur, cum descen-
disset illum quem tãto studio & dolore asinum quæsierat
esse cognouit.

Hoc præ se fert fabula, nos quamplura certò scire,
quæ tamen actû quibusdam in casibus nescisse videmur.

IO. FR. QVINTIANI

STOÆ POETÆ FACVNDISSIMI

DISTICHA IN FABVLAS P. OVID.

Nasonis Metamorphoseon.

P R A E F A T I O .



LASSE per undosi timida maris ire
procellas

Est animus, timidæ Musa faueto ra-
ti.

Namq; humili hac nostra Nasonis Mu-
sa papyro

Stringitur, atq; suum perbreue capit iter.

Nanq; suo vates ter quinq; volumina libro

Inserit, in facies corpora versa nouas.

Grande opus arctatur nostris (mirabile) chartis:

Distichon atq; suum fabula quæq; gerit.

Chaos.

Vnus in orbe Chaos vultus fuit: unaq; rerum

Lis, bellum, & cunctis rebus opaca domus.

Quid in Chao.

si Chaos es, pictum quid te domus una capeffit?

Quum fuerint cælum, tartara, terra, Chaos.

Chaos in quatuor elementa.

Quancquã informe Chaos tamen omnibus omnia iunxit.

Nam terras flammis, æra iunxit aquis.

Zonæ quinque.

Quinq; sumus zonæ, media æstuo, frigora torquent

Sæua duas, totidem sunt sub utroq; plagæ.

Terra.

Queritis vnde mihi fuerint locus infimus? hoc est,

Quòd leuiora meo sunt elementa situ.

Aqua.

Me grauior tellus, & ab æthere tertius ordo

Est mihi, non ordo est quem dat iners populus.

Aer.

Ignite grauior paulum æthere proximus arcì

Aer sum, sedes fulminis, & tonitrus.

Ventorum regiones.

Occiduum Zephyro littus datur, Euris ab ortu

Flat, Scythiæ est Boreas, dat plaga versa Notum.

Aether.

Me super hæc posuit melior natura carentem

Pondere, ob hoc summi sum Iouis alma domus.

Cui quodq; cessit.

*Vix hæc facta, polus quum sidera, mobilis aer
Cepit aues, pisces undaq; , terra feras.*

Hominis origo.

*Quod sit phama hominem primū effinxisse Prometheus
Te miror, cum sit vir pater Iapetus.*

Aurea ætas.

*Aurea sub primis fulserunt tempora seclis,
Quum segetes nullo terra premente daret.*

Argentea ætas.

*Sub Ioue dum populos argenteus orbis adegit,
Saucia terra pati cœpit aratra boum.*

Aerea ætas.

*Promptior ad turmas, Martisq; ad prælia, postquam
Successit proles ærea, regna cadunt.*

Ferrea ætas.

*Ferrea mox ætas subijt, subiere cupido,
Insidiæ, arma, doli, vis, furor, ira, neces.*

Gigantes.

*Causa gigantæi Martis fuit arduus æther,
Si fuit hæc Martis causaq; , causa necis.*

Gigantum sanguis in homines crudeles.

*Postera quod soboles auidissima sanguinis esset,
Non miror, soboles postera sanguis erat.*

Iuppiter in hominem.

*Erranti humana sub imagine testæ Lycaon
Sæua Ioui, humanas præbuit atq; dapes.*

De Lycaone.

*Estote hinc procul hospites, Lycaon
Hic est, qui necat hospites Lycaon.*

Lycaon in lupum.

*Sum lupus Arcadiæ cui paruit inclyta tellus
Hospitis hoc precium est, quod dedit hospitio.*

Lacteus circulus.

*Nominor empyreo, quæ sum uia candida, cælo
Lactea, dijs iter est qua Iouis ad solium.*

Diluvium.

*Deucalionæa tellus fuit obruta ponto,
Et stetit in pratis piscis, in arce rates.*

Parnasus.

*Nubila verticibus supero: genus ipse superstes
Seruavi humanum, dum foret vnda solum.*

Deucalion.

*Non deus ipse vocor, quum sim Ioue maior, in vndis
Mollia submersi saxa ego viuifico.*

Pyrrha.

*Sexus vltima Pyrrha nequioris,
Sexus credita origo nequioris.*

Lapides in homines.

*Fecimus humanum lapides genus, ossa parentis
Præscia quos magnæ dixerat esse Themis.*

Animalium origo.

*Humano cur non viuunt animalia sensu?
Hæc non Deucalion, limus at hæc genuit.*

Python serpens.

*Me Pythona manus strauit Phæbæa sagittis,
Quum video ludos Pythia, non perij.*

Ad Apollinem.

*Prostrauere tuæ tumidum Pythona sagittæ,
Te volucris vicit sæua sagitta dei.*

Cupidinis tela.

*Tela Cupidineæ flammam aurea acuta pharetræ
Dant obtusa, fugant plumbea tela faces.*

Ad Daphnen.

*Siste gradum Daphne, fugis hunc, cui tempora cinget
Frons tua, nanq; tuis laurus eris precibus.*

Ad Peneum & Inachum.

*Quid Penæ gemis? parili gemis Inache luctu?
Vacca Io est, Daphne laurus, ob hoc gemimus.*

Io in vaccam.

*Inachida omnipotens compressit, at impia coniunx
Fecit, ut optarent per stabula alta boues.*

Ad Argum.

*Arge boues pascis? fuge pascua, lumina centum
Claudentur, sola pro boue cæsus eris.*

Mercurius in hominem.

*Insomnem domuit calamo Cyllenius Argum,
Atq; harpe factus pastor Aristoriden.*

Syrinx in harundinem.

*Quam deus Arcadiæ vehementer amauit harundo est
Syrinx, quæ nomen fistula facta gerit.*

Pauo de oculis Argi.

*Quid gemitis volucres stellantibus undiq; gemmis?
Olim hæc cauda mihi non erat, Argus erat.*

Io in pristinam figuram.

*Vt perijt custos, stimulos dedit impia Iuno,
Et tandem precibus fio puella Iouis.*

Isis Dea.

*Inachidos fronti sunt cornua: cornua quare.
Est id, forma Deæ quod fuit ante bouis.*

Epaphus Phaethon.

Si puerum enixa est Epaphum Iunonia pellex

Io, sole satum quid phaethonta negat?

Ad Clymenem.

Quid iuras Clymene, phaethon non credulus, alta:

Non inhiat (teneas) patris adire domos.

DISTICHA IN FABVLAS

II. libri Ouidij Metamorphoseon.

Phaethontis casus.

VERVS eram Phaethon, quid profuit? igne trifulco
Si perij, reget dum mea lora manus.

Aethiopes nigri.

Vrit dum Phaethon solum calore,

Fiunt Aethiopes nigri colore.

Ad tellurem querentem.

Quid quereris tellus coram Ioue? vana querela est.

Nam te non urunt fulmina, sed Phaethon.

Sorores Phaethontis.

Flebat apud tumulum Clymene Phaethontis, & ipsæ

Fleuimus, electrum nunc damus arboreæ.

Phaethontiades lachrymant.

Non dux victor ouans cingat sua tempora fronde

Populea, lachrymant quod Phaethontiades.

Cygnus in olorem.

Rex ego Cygnus eram, tumulum Phaethontis audiui,

Qui modo sum diuinum numine factus olor.

Iuppiter in Dianam.

Heu fuge Calisto, non sunt hæc oscula Phæbes,
Sed faciem indutus Iuppiter est Trivia.

Calisto in vrsam.

Hospite deluso lupus est pater ipse Lycaon,
Ast ego quod pressit Iuppiter, vrsa fui.

Calisto, & Archas in fidera.

Vrsa fui, fixurus erat mea pectora telo
Archas, non fixit, sydera at ambo sumus.

Coruus niger è candido.

Indicio cupijt quæ ab Apolline præmia coruus,
Hæc sunt, quod niger est, qui color albus erat.

Coronis in cornicem.

Virgo ope Palladia cornix quum facta Coronis,
Cur huic nulla Deæ gratia? lingua fuit.

Erichthonius.

Qui sine matre fuit soboles Vulcania Pallas
Anguipedem cista clausit Erichthonium.

Nyctimene in noctuam.

Perfida per tenebras volitet cur noctua mirer,
Hæc si concubuit cum patre Nyctimene?

Aesculapius.

A patris ut perijt mater percussa sagittis,
Ad Chirona tulit me pater Aemonium.

Ocyroe in equam.

Diuorum Ocyroen referantem archana propagem
Phillyridæ, ira deum maxima fecit equam.

Apollo in pastorem.

Sensit Apollineum carmen Messenia tellus,
Quum foret Admeti pastor Apollo gregis.

Battus in lapidem.

Battus quàm merito lapis sit index,

A quo proditus est nepos Atlantis.

Mercurius in aliam formam.

Exul ob expulsos quum Phœbus ab arce Cyclopas

Alta, se ob Battum mutat Atlantiades.

Inuidiæ domus.

Sum domus inuidiæ Phœbæi luminis expers,

Ventorum & nullis peruia flaminibus.

Inuidiæ descriptio.

Pallor, dens, macies, dolor, venenum,

Hæc sunt inuidiæ timenda signa.

Aglauros in saxum.

Cecropis Aglauros tabem sum passa Mineruæ,

Quodq; satum Maia lusi ego, facta lapis.

Iuppiter in taurum.

Armata omnipotens manus est cui fulmine, tauri

Indutus formam vexit Agenorida.

DISTICHA IN FABVLAS III.

libri Ouidij Metamorphoseon.

Ad Cadmum.

CADME quid adsectas perquirere facta tonantis?
Non genere humano uult minor esse tonans.

Serpens Martius.

*Igneæ cui fuerant fera lumina, lingua trifulca,
Serpentem, hasta grauis vicit Agenorida.*

Draconis dentes in homines armatos.

Nuper qui fuerant feri Draconis,
Facti nunc galeata turba, dentes.

Aëtaon in ceruum.

Nudatæ Aëtaon vidit sacra pectora Phæbes,
Factus ob hoc ceruus, nunc ubi? præda canum est.

De Semele.

Vos miseros Semele quibus est depicta, Lyæum
Non pariet, pariet fulmina cum tonitru.

Iuno in vetulam.

Quid credis falsum Semele, quem es passa, tonantem?
Hæc vetula est Iuno, non anus est Beroe.

Bacchi origo.

Vt tua decessit formidine mater Iacche,
Raptus es ex utero, te tulit inde femur.

Tiresia in fœminam.

Fœmina qui vir eras iëta serpente bacillo
Quum sis, Tiresia, est num scelus? an meritum?

Tiresia in virum.

Septem qui mulier fuit per annos,
Et factus quoq; vir draconis iëtu.

Tiresia obcæcatus.

Indice me omnipotens fuerit quod victor, ademit
Lumina Iuno, dedit scire futura tonans.

Echo in vocem.

Echo Nympha fui, Iuno, quia furta tonantis
Ocului, fecit, vox brevis ut fierem.

Ad Narcissum.

Quod petis ô Narcisse, tuum est, quàm poscis imag
Est tua, discedas, flos eris hic croceus.

Echo in lapidem.

*Vocalis Nymphæ fueram resonabilis Echo,
Narcissum volui, sum lapis, erubuit.*

Ad Penthea.

*Lumina Echionidæ defossa quid obicis? heu, heu,
Lumina quàm felix si tibi adempta forent.*

Bacchus in puerum,

*Nautæ ut polliciti estis, ite Naxon.
Non est hic puer, est sacer Lyæus.*

Nautæ in delphines.

*Quantus Echionidæ Nyseus narravit Acoetes,
Inq; altum nautas desiluisse fretum.*

Pentheus laceratus.

*Penthea quid lacerat mater, lacerantq; sorores?
Non aprum violant Panthea, sed feriunt.*

D I S T I C H A I N F A B V L A S I I I I.

lib. Ouid. Metamorphoseon.

Mineides .

SPREVERUNT temerè Mineides origia Bacchi.
Est ut adempta fides, sic & adempta dies.

Dercetis in piscem.

*Diceris in piscem Babylonia Derceti versa.
Est id quod Syrii piscibus abstineant.*

Semiramis in columbam.

*Dicor & ambiguum est volucris quod Roma columbas
Has Syra quas dicit lingua semiramides.*

Nais in piscem.

*Nais ut in nitidos vertit iuuenilia pisces
Membra hominum, passa est hoc quoq; Nais idem.*

Mora ex albis nigra.

*Candida quæ quondam fueramus poma deorum;
Munere, nunc Thysbes nigra sumus precibus.*

Pyramus & Thysbe.

*Quos non iunxit amor, iunxit rogus, arsit uterq; ,
Et vegrandis amor fecit utrumq; mori.*

Ad Apollinem de adulterio Veneris cum Marte.

*Inuide cur Venerem cum Marte ostendis Apollo?
Indicij pœnas inuide Apollo dabis.*

Leucothoë in arborem.

*Quem vata sum Eurymonen me pressit Apollo sepulta
Vina fui, sed nunc thus fero Leucothoe.*

Clytie in heliotropium.

*Ora nouem ieiuna dies ad amantis ocellos
Fleſtebam, hoc facio facta ego flos Clytie.*

Daphnis in saxum.

*Daphnis pastor eras, te pellicis ira redegit.
In saxum, tantæ sunt sub amore faces?*

Scytho modo vir modo fœmina.

*Dum vir es ô Scytho, te candida forte puella
Detinet, hoc factus fœmina num facies?*

Celmus in adamantem.

*Dum puer omnipotens puero charissimus, & tunc
Fidus eras, non nunc Celme id es, ast adamas.*

Crocos & Smilax in flores.

*Quæ Crocon insano Smilax ardebat amore,
Est flos, qui spreuit Smilaca, passus idem est.*

Salmacis Nympha.

Hermaphroditus erat, volui, nolebat, amabam.

Hic expers Veneris, deniq; corpus idem.

Salmacis fons.

Hinc procul ô iuuenes, tetrici procul este, remollit

Salmacis unius fons iuuenis precibus.

Hermaphroditus.

Sexus uterq; mihi est, qui nominor Hermaphroditus,

Nomine quiq; gero quis sit uterq; parens.

Telæ in vites & hæderas.

Quid non thus redolet Mineides ara Lyæi?

Quum fiunt vites flamina, tela hederae.

Vespertilio.

Non hanc penna leuat, sed auem membrana, perosa est

Quæ lucem, & sylvas odit, amatq; domos.

Ino in deam.

Ino odium sum passa deæ Iunonis, & alto

Me emisi scopulo, sum dea non perij.

Melicerta.

Qui è saxo Melicerta decidisti,

Es factus deus æquoris Palæmon.

Inferorum vrbs.

Sunt ibi mille aditus, ibi multa silentia, & umbrae,

Et semper Ditis ianua aperta domus.

Ad Cerberum.

Cerbere terna tibi cur guttura? maximus hydræ

Frater eram, & stygiæ seruo ego claustra domus.

Eumenides.

Tres sumus Eumenides, quibus est crinita colubris

Cervix, ut nomen non sumus Eumenides.

Tytius.

*Delia uim passa est, me oppressit Delius arcu,
Nunc præbent auihus viscera nostra dapes.*

Tantalus.

*Lingua, dapes nocuere, tenent me tartara, labris
Tango vndam sitiens, poma habeo esuriens.*

Ad Sisyphum.

*Sisyphæ te extinxit Theusæus, quum Sisyphæ saxum
Te grauat, an iusta est vindicis ira Dei?*

Ixion.

*Cui licuit nebulam infandis amplectier vlnis,
Ixion celeri voluitur orbe rotæ.*

Belides.

*Belides extinctis adeunt patrue libus orcum.
Quasq; petunt aptæ perdere semper aquas.*

Learchi mors.

*Ab demens Athamas, non est lea torua propago,
Quem perimis demens cerne, Learchus erit.*

Veneris origo.

*Falciferum phama est secuisse virilia patri,
Ex quorum, & spuma, sanguine creta Venus.*

Comites Inus in lapides & aues.

*Sidonie comitum conuitia non tulit Inus
Inno, sed in lapides vertit, & in uolucres.*

Cadmus cum vxore in serpentes.

*Cadmus in Illyricis fit serpens finibus (ut fors)
Id dum miratur fit draco & Harmonia.*

Guttæ Medusæ in serpentes.

*Oris ut anguigeri ceciderunt aere guttæ
In Libyen, Libye facta colubriferæ est.*

Atlas in montem.

*Factus Atlas viso mons Gorgonis ore cruentæ,
Dum metuit sortes, quos dedit alma Themis.*

Andromedæ liberatio.

*Liberat Andromedam pactis Daneia proles
Connubijs, victo cæde dracone maris.*

Andromedæ nuptiæ.

*Perseus Adromedæ rapuit connubia, sed non
Læta, quòd armanit Phinea raptus amor.*

Medusæ cædes.

*Perseus, anguicomam Phorcinida contudit harpe
Auxilio alipedis, Cecropidumq; deæ.*

Virgæ in coralia.

*Coralia immensi fiunt virgulta profundi
Gorgone, quid mirum? saxeæ membra facit.*

Pegasus è sanguine Medusæ.

*Quàm primum anguigeram extinxit Danaëius heros,
Pegasus è medio sanguine natus auis.*

Medusæ capilli in serpentes.

*In turpes colubros Minerva crines
Mutauit dea Gorgoni Medusæ.*

DISTICHA IN FABVLAS

V. libri Ouidij Metamorphoseon.

Cepheni in lapides.

PERSEA Cepheni proceres dum Marte grauant,
Fecit membra caput saxeæ saxificum.

Phineus in saxum.

*Phineas raptus amor, concurrere ad arma coegit,
Et saxum anguicomæ compulit esse caput.*

Proetus in saxum.

*Fit serpentigera lapis Medusa
Proetus, qui Acrisium fugarat armis.*

Polydectes in saxum

*Te silicem fecit ueram Polydecta negabas
Esse necem cuius (sic vaga phama) caput.*

Musæ in aues.

*Dum Nymphis cuperet volucres vim inferre Pyreneus
Vidit, & extinctus dum parat arce sequi.*

Gigantomachia.

*Marte giganteo timor ardua regna tonantis
Inuasit, superos & graue Martis onus.*

Iuppiter in arietem.

*Dum polus Enceladi crudelia membra timeret,
Iuppiter est factus corniger Encelado.*

Apollo in ceruum.

*Vidit Apollineum cerui sub imagine vultum
Ægyptus, quateret quum iuga sæua Gyges.*

Bacchus in caprum.

*Cuius debuerant manus fugare.
Est factus Bromius caper, gigantes.*

Diana in fel. Iun. in vac. Ven. in pis.

Mer. in ibim.

*Cynthia fit feles, Saturnia vacca, Dione
Piscis, Atlantiades ibis, ob Enceladum,
Typhoeus.*

*Cervicem Aetna premit, Lilybaeum crura, Pelore
Dextra, Pachyne tibi est subdita laeva manus.*

Proserpinæ raptus.

Dis Phlegetontæo tellure tremente barathro

Exit, Persephonen prædo vagamq; rapit.

Cyane in stagnum.

Mens ut erat Cyane raptori obstare profundo,

Quum nequit, fons est facta gemens Cyane.

Puer in stellionem.

Fessa Ceres, fessam risit puer, ira secuta est.

Stellio fit, quare? mixta polenta fuit.

Ascalaphus in bubonem.

Obstitit Ascalaphus reditura ad sydera olympi

Persephone, hoc, Bubo fit quoq; Persephone.

Sirenes in aues.

Sirenes faciunt dei volucres,

Ut Proserpina quæreretur undis.

Arethusa in fontem.

Vim nuda Alphei fugiens Arethusa procacis.

Fons est facta tuæ phæbe sororis ope.

Lyncus in feram.

Qui rex Lyncus eram fecit pia Lynca Ceres me,

Quòd uolui ferro perdere Triptolemum.

Perides in picas.

Nomina Pieridum uictricibus addita Nymphis.

In picas quarum corpora uersa nouem.

DISTICHA IN FABVLAS VI.
libri Ouidij Metamorphoseon.

Arachne.

QVANTA Cythoriaco fuerit mihi pectine virtus,
Dū licuit, minimū monstro ego facta animal.

Pallas in vetulam.

Consilium ne sperne deæ, tibi fastus Arachne est.
Non anus hæc, falsa est, Pallas & ipsa Dea est.

Hæmus & Rhodope in montes.

Hæmus rex fueram, Rhodope regina, sumus nunc
Odrysi montes: hoc dedit ira deūm.

Pygmæa in gruem.

Pulchra fui Pygmæa, gruem certamine fecit
Me Iuno, inde meis bella gero populis.

Antigone in ciconiam.

Candida quæ fueras, iam es facta ciconia, quondam
Antigone: hoc victæ dat Iouis alma soror.

Cynaræ filia in lapides.

Rex saxum ô Cynara amplecti te Iuno volentem.
Fecit, qui fuerant stirps tua chara gradus.

Iuppiter in taurum & aquilam.

Europa, Asterie per florida prata vagentur.
Taurus ero Europæ, sic aquila Asteria.

Iuppiter in cygnum & Satyrum.

Si pingat Ledam, & Nyctæida pictor Apelles
Cygnum ero volucris, Iuppiter & Satyrus.

Iuppiter in Amphitryonem.

Alcmena manibus scope polita est
Heu Iuno Amphitryon erit maritus,

Iuppiter in aurum.

*Quid iuuat Acrisium Danaën includere turrim,
Si cadet omnipotens aurea gutta pater.*

Iuppiter in ignem.

*Aeginæ hæc facies? coniunx Iouis excute marmor,
Iam iam erit in terris igneus ipse tonans.*

Iuppiter in pastorem.

*Mnemosynen pastoris amans sub imagine pressit
Iuppiter, ô miseros quos face vexat amor.*

Iuppiter in serpentem.

*Si varius natam pressit Deoida serpens.
Rex superûm, ô patres quid genuisse iuuat?*

Neptunus in iuuenicum.

*Virginis Aeoliæ Neptunus amore, iuuenici
Sub forma intrauit rura, gregesq; boum.*

Neptunus in fluuium.

*Aequoreæ regnator aquæ sum factus Enipeus.
Hoc potui, est nostrum flumina cuncta mare.*

Neptunus in arietem.

*Arietis in falsa Bisalpida imagine pressit,
Per sortes rapidi cui data sceptrum maris.*

Neptunus in equum.

*Sensit equum te flaua Ceres, cui fuscina telum est,
Et te sensit equum virgo Medusa ferox.*

Neprunus in delphinum.

*Me facies & amor fecit delphina Melanthûs
Parcite, quàm grandes dat Venus alma faces.*

Apollo in pastorem.

*Armentum Admeti quid pascis Adollo, deorum
Vnus ades, non sum, non oleo ambrosiam.*

Apollo in accipitrem & leonem.

Quid non vincit amor? quid non Venus urget in artes?

Accipiter modo sis, quum modo Phœbe leo.

Apollo in pastorem.

Pastor eras quum tu Machareida presseris, & tunc

Fictus eras, non nunc quum tibi cura boum.

Bacchus in vnam.

Captus amore pater fit virginis vna Lyæus.

Erigones, genitæ quem dedit vna neci.

Saturnus in equum.

Quid geminum Chirona negas inimice poetis?

Si subiecit equo Phillyra falcifero.

Arachnes pœna.

Admonuit me Pallas, ego non Pallados iras

Pertimui, & pœnas, quas dedit ars, patior.

Niobe in marmor.

Contempsisti Niobe Latonia numina, Phœbus

Et soror oppressit pignora, marmor ego.

Amphionis mors.

Vxor erat Niobe, sobolem pia Cynthia nostram

Oppressit, ferro viscera nostra fluunt.

Lycii rustici in ranas.

Quum ranæ vetuistis aquas hausisse palustres

Latonam, quid adhuc carpere noctis opus.

Marsia in fluuium.

Marsia sum fluuius Phrygiæ, mihi pellis adempta est,

Quod me Latons vicit Apollo lyra.

Pelopis humerus eburneus.

Saxea facta soror, Pelopi mihi eburneus ecce

Est humerus, genitor maxima causa fuit.

Philomœna, Prog. Tereus. Itys
in aues.

*Facta ego quæ miseræ pellex Philomena sororis,
Ales sum, Progne, sicq; maritus, Itys.
Orithyæ raptus.*

*Dum pater extincto pandione regnat Erechtheus
Orithya fugis? non, rapit ast Boreas.
Zetes & Calais alati.*

*Alati Calais, Zetes, sumus Orithyæ
Progenies, vexit nos Pegasea ratis.*

DISTICHA IN FABVLAS

VII. libri Ouidij Metamorphoseon.

Ad Medeam.

QUID Medea scelus moliris? Iasona tauri
Dilacerent, nolo, cur? fertur durus amor.
Iason in Colchos.

*Quid te Athamantæi mouerunt vellera Phryxi
Æsonide? non me vellera, sed Pelias.*

Tauri ignem efflantes.

*Ecce ingo æripedes tauros Pegasæus Iason
Supposuit, iuuenis non fuit, herba fuit.*

Draconis dentes.

*Qui modo viperei fueramus semina dentes,
Nunc armata sumus turba, phalanxq; virum.*

Draco peruigil.

*Quàm vigil ipse draco, dum vellera tuta solebant
Esse laboranti vellere non potuit.*

Aeson è vetulo iuuenis.

Canus eram, iugulor, nimiumq; potentibus herbis.

Me fecit iuuenem, quæ modo facta nurus.

Ramus oliuæ reuirefcit.

Qui modo Palladiæ fert munera ramns oliuæ

Siccus erat, viridem Colchidos herba tulit.

Guttæ in flores.

Quæ guttæ fuerant prius cadentes,

Nunc flores, nurus Aesonis probabit.

Nutrices Bacchi iuuenescunt.

Fata regunt superos, non Colchida, Colchyde Nymphis

Si iuuenile datur corpus Iacche tuis,

Peliæ cædes.

Naturam lacerat Peliam manus impia, vt vltra

Vinat, & extinctus perdit utrunq; pater.

Aries in agnum.

Olim Aries fueram, fodit mea guttura Colchis,

Vixi in aqua, & viuens persequor agnus oue

Cerambus in auem.

Deucalionæo foret obrutus ipse Cerambus

Tempore? Nympharum ni celer ales ope.

Drachø in saxum.

Est factus draco saxeus, viator

Tutus perge, draco nihil minatur.

Iuuenicus in ceruum.

Cornua quum ceruis longissima, cornua quare

Non sunt longa tibi cerue? iuuenicus eram.

Mœra canis.

Mœraq; canis fueram, sum facta canicula signum.

Sum quod & Icarus est, sum quod & Erigone,

Coë mulieres cornutæ.

*Matribus imposuit Cois Saturnia fronti
Cornua, Proh miseros quos premit ira deûm.*

Telchines omnia visu mutantes.

*Telchines, quorum mutauerat omnia visus,
Subdidit æquoreæ Iuppiter altus aquæ.*

Puella in columbam.

*Non mirum placidam si dat natura columbam,
Cui pater Alcidamas, casta puella fuit.*

Hyries filius in cygnum.

*Cui renuit solitus dare phylus omnia taurum
Desiliÿ scopulo, sum modo factus olor.*

Hyrie in lacum.

*Progeniem, quæ cygnus erat, cecidisse putabam,
Dum fleo, fio lacus nomen Hyrie.*

Combe in auem.

*Quum sit avis Combe, quid adhuc trepidantibus alis
Errat? adhuc prolis vulnere seua timet.*

Menephron.

*Cyllene infamis merito num dicta, Menephron
In qua deperiÿt, qua prius ortus erat?*

Puer in phocam.

*Fles Cephise nepos thus est quod Apolline phocen
Versus in æquoream? cui nihil arma Iouis.*

Eumeli filia in auem.

*Desinite Eumeli lachrymas mirarier, ipse
Est pater, humanæ non pater, ast volucris.*

Fungi in homines.

*Non genus humanum quod creuerit infirma res est,
Quum sint è fungis edita membra virum.*

Medea

Medea ad Aegeum.

Deferuit coniunx, nocuere venena Crense,

Meq; Aegeus doctæ suscipit arce deæ.

Phineus, Periphas, & puella in aues.

Phinea Cecropiæ, & neptem Polyphemonis arces

Viderunt volucres, teq; senex Peripha.

Aconita è Cerberi spuma.

Cerberus vt spumas viso dispersit olympo

Cantibus in duris nata aconita sumus.

Menææ fuga.

Effugio hinc, Aegeus dederat mea pocula nato,

Qui, vt volui, noto non periit capulo.

Thesei gesta.

Taurus, aperq; , cinis, latro, semiuir, atq; prociustes,

Scyron, Thesea monstra subacta manu.

Scyronis ossa in scopulos.

Scyronis scopuli sumus ossa latronis, ab alto

Quem misit Theseus in mare præcipitem.

Sithonis in monedulam.

Nomen ab effectu quæ seruo monedula, quondam

(Namq; auro est Arne prodita) virgo fui.

Ad Aeacum.

Aeace, quum frustra petit auxiliaria Minos

Arma, dabis frustra hæc Cephalo.

Formicæ in homines.

Quid nunc Myrmidones rosisse sub arbore quercus

Grana negant? quum sint nomine Myrmidones,

Cephalus in aliam figuram.

Stæ Procri hic, cuius Pallantias alma figuram

Mutauit, non est aduena, sed Cephalus.

Procris fuga.

*Dum nouit Cephalum cuius modo munera mitem
Reddiderant, fugit per nemora alta dolens.*

Canis & vulpes in saxa.

*Dum sequitur vulpem Lelaps, dum vulnera vulpes.
Formidat, fiunt numine saxa deum.*

Procris mors.

*Munere me Cephalī fodit manus inscia nostro,
Causa necis iaculum non fuit, aura fuit.*

D I S T I C H A I N F A B V L A S

VIII. lib. Ouid. Metamorphoseon.

Turris muri vocalis.

SI fit Apollineæ vocalis regia conchæ
Contractu turris, num lyra saxa trahet?

Scylla Nisi in auem.

*Regia quæ fueram Nisi pulcherrima proles,
Sum volucris nomen Cyris adepta meum.*

Nisus in haliætum.

*Me mea purpureo priuauit Scylla capillo.
Est auis, hanc volucrem non haliætus amo.*

Minotauri mors.

*Quem labyrinthea pauere ambage subacti
Cecropidæ Theseus perdit amantis ope.*

Ariadne corona in sydus.

*Thesea Cecropidæ sine te videre superbum
Minoio, cuius fixa corona polo est.*

Ad Dædalum.

Quum tibi sint pennæ cur non tibi forma volucris.

Dædale? sum volucris more, vir ingenio.

Ad Dædalum de Icaro.

Dædale non perijt puer Icarus, ipse superstes,

Nam dedit Icarij nomine nomen aquis,

Talus in perdicem.

Præcipitem armigeræ quem Pallados arce dedisti

Talus, at est perdix Dædale, non perijt.

Aper Calydonius.

Oeneu misit aprum Latoidos ira Dianæ

Quo sobolis clades dira futura tuæ est.

Altææ cædes.

Toxea, Plexippum fratres Meleager ad umbras

Misit, & hunc misi, quam manus ipsa necat.

Meleagri mors.

Tam cita cur fratrem clades Meleagron ademit

Si nescis Gorge (nuntio) flamma fuit.

Stipes in quo Meleagri vita.

Altæa Oeniden mater dedit ignibus uxor,

Quod forti Oenidæ lignea vita fuit.

Meleagri sorores in aues.

Quæ nuper fuerant tuæ sorores,

Oenide, volucres modo euolabunt.

Naides in sylvas.

Cur nunc æquoreis quatiuntur Echinades undis.

Quæ fuerant quondam Naides? ira fuit.

Perimele in insulam.

Quod videor precibus Perimele letor amantis

Insula, & ipsa mari lugeo quod quatiore.

Oppidum in stagnum.

Hoc stagnum fuit oppidum palustre,
Quod non hospitio deos recepit.

Casa in templum.

Sum templum, quæ parua fui casa, dulce tonantis
Hospitium, aligeri sic & Atlantiadæ.

Baucis & Philemon in arbores.

Baucidos ut fuit & concorde Philemonis ævum,
Facti ita habent frondes robora contiguas.

Proteus in varias formas.

Si modo taurus, aper, serpens, leo, flamma videris,
Quàm merito Proteu diceris ambiguus.

Mæstra in varias formas.

Pressisset non longa fames Erisichthona, Mæstra
si vir non fieret bos, equa, ceruus, avis.

Famis patria.

Ora famis Scythiæ patria est, ubi nescia tellus
Arboris est, vel quæ nescit aratra boum.

Famis descriptio.

Hyrta fames, famis est cutis aspera, & ora, famesq;
Pallida, & inculto pallida labra situ.

Ad Erisichthona.

Quum sacrata tuam est Erisichthon passa securim
Quercus, membra miser dic mihi cur laceras?

Achelous loquitur.

OENEV te socerum petimus duo, utriq; voluptas
Est eadem, ambobus Deianira placet.

Ad Acheloum.

Clauigerum Alciden toties Acheloe laceffis?

Nam quo te vincet tempore nudus erit.

Arhelous in taurum.

Nudus eram, Alcides nudus fuit, Hercule vincor.

Et quum dirupit cornua, taurus eram.

Achelous in anguem.

Pectore ab Herculeo dum pectora nostra premuntur,

Fio anguis, tamen hoc non valet, immò nocet.

Cornu copiae.

Non dolui immenso quod victus ab Hercule taurus,

Quum bona sit cornu copia tanta meo.

Nessus.

Deianira necis causa es, dabis inscia pœnas,

Quum dabitur vestis sanguine tincta viro.

Ad Deianiram.

Herculis hæc tunica est, non irritamen amoris,

Mors, mors sub tunica Deianira latet.

Herculis labores.

Thracis equi, stabulum, pastor, leo, poma, volucres,

Cerua, aper, & taurus, baltheus, hydra, canis.

Lychas in scopulum.

Coniuges Alcide tunicam tulit, ira peremit

Herculis, atq; lychas nomine fit scopulus.

2 A Scopulus Lychæ timendus. T 2 I Q

*Ad sunt saxa Lychæ, procul hinc fuge nauta, periclū est
Si dominum necuit, te ruet atq; ratem.*

Hercules in pyra,

*Nostra ut Lernæo flagrârunt membra veneno,
Fit pyra, conscendo subdita flamma fuit.*

Hercules in deum.

*Me Lernæus edax cruor, & me flamma cremavit,
Sum deus, atque tibi sœua nouerca gener.*

Ilithyia in vetulam.

*Quam credis vetulam Galanthis esse
Non est, sed dea partuum est, nocebit.*

Galanthis in mustellam.

*Risi ego Lucinam, quæ sum mustella, frequento
Ipsa domos, & cur? virgo Galanthis eram.*

Dryope in arborem.

*Te nimium Dryope crudelia fata manebant,
Dum nisi decerptis floribus arborea es.*

Lotos in arborem.

*Olim Nympha fui, quæ dicor aquatica lotos,
Quam heus hortorum terruit inguinibus.*

Iolaus senex in iuuenem.

*Quam merito Alcide Iunonia nupserit Hebe,
Scit satus Iphiclo, est de senè qui iuuenis.*

Callirhoes pueri in iuuenes.

*Quid iurare paras Hebe? tibi fata resistunt.
Nam iuuenes fient Callirhoes pueri.*

Deos fatis obnoxios.

*Fata timent superi, superum non plena potestas
Rumpere, si quid erit, quod tria fata velint.*

Biblis in fontem.

*Sum fons Caune tibi cuius data epistola Biblis,
 Nomine Biblis eram, nomine Biblis ero.*

Iphis in marem.

*Femina qui fueram potior tener Iphis Ianthe,
 Est mirum, Inachidos gratia causa fuit.*

Isidis comites.

*Inachidos comites sunt Apis, Osiris, Anubis.
 Oraq; qui digito comprimit Harpocrates.*

DISTICHA IN FABVLAS

x. libri Ouidij Metamorphoseon.

Euridice.

VIPERA me extinxit, petij styga, pectine traxit
 Me coniunx, iterum lex quoque rupta trahit.

Orpheus.

*Orphea vicit amor, Thracis lyra vicit opacam
 Eurydice victa, coniuge Persephonen.*

Tantalus.

*Nulla fames, & nulla sitis mihi, iura profundi
 Dum sonus Orphææ rumperet ima lyra.*

Ixion.

*Quum lyra deformem Rhodopeia flecteret orcum.
 Ixion stabili mansit in orbe rotæ.*

Tityus.

*Non Tityi carpsere iecur fera nostra volucrum,
 Orpheus dum peteret cantibus Eurydicen.*

Belides.

*Quare depositis mirantur Belides urnis ?
Carmina Threiciꝝ vatis amœna trahunt.*

Ad Sisyphum.

*Sisyphæ deposito quare trahis ocia saxo?
Vatis Threiciꝝ sentio dulce melos.*

Pastor in lapidem.

*Si viso cane vir lapis trifauci est,
Quid si traxero Cerberum catenis ?*

Olenus & Lethæa in lapides.

*Peccarat coniunx voluit peccasse, videri
Olenus, & tandem factus vterque lapis.*

Atys in pinum.

*Præcepti Ideus Cybeles fuit immemor Atys.
Cuius non pinus immemor arbor erit.*

Cyparissus in cupressum.

*Luctibus & lachrymis ita consecrata cupressus
Fleuisti, vt ceruum quum cyparissus eras.*

Iuppiter in aquilam.

*Iliadæ Ganymedis amor, cui dextra trifulco
Armata est, aquilam fulmine fecit auem.*

Hyacinthus in florem.

*Cuius Phæbus amans, Hiacyinthi discus ad umbras.
Misit, & hunc florem fecit Apollo gemens.*

Hiacynthia.

*Annua quum redeant Hiacynthia Apollo gemiscis ?
An fueras viuo letior hoc iuvene ?*

Cerastræ in iuuenços.

*Sunt cæsi quibus aduenæ, cerastras
Mutauit Venus in graues iuuenços.*

Propœtides in saxa.

*Sunt lapis obscœnæ Propœtides, alma Dione
Hoc dedit, ut tantum se probet esse deam.*

Eburnea statua.

*Nomina quæ Cypros servat dedit inclyta proles,
Quam genuit sculptum Pygmalionis opus.*

Myrrha in arborem.

*Quam compressit amor Cyniran ardere parentem
Est arbor, myrrham myrrha nephanda gerens.*

Hippomenes & Atalanta in leones.

*Pernicem Hippomenes Veneris Scœneida vicit
Munere, & ob Venerem vir leo, & ipsa lea est.*

Damasceus ager.

*Sum Damascenus ager Veneri sacratus, amanti
Non nocuit, sed tamen ira Deæ.*

Adonis in florem.

*Quem Dea, puniceus flos est, Venus arsit Adonis,
Cui fuit ipsa soror mater, auusq; pater.*

Minthe in herbam.

*Persephone fuerat pellex tua perfida Minthe,
Cui sunt pro pœnis munera, quum redolet.*

DISTICHA IN FABVLAS

XI. libri Ouidij Metamorphoseon.

Orphei cædes.

DV M caneret lacerant Adonides Orphea, cuius
Mortis non inuenes causa, sed Euridice.

Anguis in saxum.

Anguem Treicij caput per undas
Phæbus lambere congelat volentem.

Thracie in arbores.

Corpora mutauit Bacchantum in robora Iacchus,
Quem mouit vatis gratia non pietas.

Tacta à Mida in aurum.

Si quicquid tetigit Midas fit aurum,
Diues quàm merito Midas vocatur.

Harena Pæstoli aurea.

Quæ modo Pæstoli micat aurea harena, nephandum
Fulua Midæ facinus non fuit ante Phrygis.

Midæ aures asini.

Quod uisa est iniusta Midæ sententia, fecit
Vt pecus Arcadicum Delius aure foret.

Cannæ vocales.

Si fit purpurea vocalis harundo tyara,
Obuelare Midam tempora num licuit?

Apollo, Neptunus, in homines.

Pergama mortali sub imagine Consus, Apollo,
Si condunt, quantum spes manifesta deum est.

Hesiones liberatio.

Liberat Hesionem proles Tirynthia monstro
Obiectam, hoc fecit muneris ipsa fames.

Thetis in varias figuras.

Fit modo quæ volucris, quæ Tigris, & arbor, aquosam
Aeacides Thetidem vincere num poterit?

Thetis victa.

Non vicit Thetidem parens Achillis,
Sed vatis monitus fuere ponti.

Chione Dedalionis filia.

*Pressit Atlantiades, me pressit Apollo, Dianam
Culpani, passa est spicula lingua deæ.*

Dedalion in accipitrem.

*Ob Chionen Parnase tuo me vertice misit,
Non pereco, accipiter sis ego & obchionen.*

Lupus in saxum.

*Qui lupus Accide armentum lacerare solebat,
Nunc commutato est corpore marmoreus.*

Ceyx & Alcyone in aues.

*Ceyx rex fueram, maris obruit vnda, gemebat
Alcyone, alati nunc sumus alcyones.*

Phobetor, & Phantasos somnii filii.

*Fit draco, fit volucris, tigris, lea torua, Phobetor,
Phantasos & tellus fit, lapis, arbor, aqua.*

Morpheus somni filius.

*Humani generis simulator somne propago
Sum tua, & humanas dignus adire domos.*

Morpheus in Ceycen.

*Fluctibus æquoreis sub imagine misit adempti
Morphaea Ceycis somnus ad Alcyonen.*

Aesalus in mergum.

*Præcipitem è scopulo sese dedit Aesalus alto,
Et quia non perijt mergere semper auet.*

DISTICHA IN FABVLAS

XII. libri Ouidij Metamorphoseon.

Serpens in saxum.

AVLIDOS ad platanū lapis est draco, mœnia p quē
Vidit Thestorides Troica posse capi.

Iphigenia.

Pro cerua ante aras stetit Iphigenia Dianæ,

Cerua non potuitq; Iphigenia mori.

Phamæ domus.

Arce manent Phamæ rumor, tormenta, susurri,

Error, credulitas, nulla quiesq; , timor.

Protesilai mors.

Primus quum Hectorea factò cadis iëtu sub hasta

Quam meritò hoc nomen Protesilæ geris.

Cygnus iu auem.

Cygnus Achilleæ ferro insuperabilis hastæ,

Factus olor, molea saxeæ dum superat.

Cænis in virum.

Est modo vir cæneus nullo penetrabilis iëtu,

Qui quondam patiens fœmina cænis erat.

Hippodames nuptiæ.

Connubio Hippodames non felix adfuit omen,

Quum dederint multos uina, furorq; neci.

Lapithæ, Centauri.

Armauit Lapithas pia gratia, vina bimembres,

Et tandem pressit gratia vina nece.

Cæneus in aquilam.

Vulneris immunem, modo qui fert tela tonanti,

Presserunt trunci cænea nubigenæ.

Periclymenus in varias formas.

Aëre cur moritur, cui quæq; obnoxia ferma,

Est aquila, Alcides causa, Periclymenus.

Achillis mors.

Smynthea in Acaciæ cit fata Tridentifer, ipse

Cit Paridem, atq; Paris vulnerat Acacidem.

DISTICHA IN FABVLAS

XIII. libri Ouidij Matamorphoseon.

Contentio Aiakis & Vlyssis.

A EACIDAE arma licet poscant duo, solus vtrunq;
Vexet amor, capient non tamen arma duo.
Aiax in hyacinthum.

Victor ut arma tulit, nostro necor ense hyacinthus,
Quum sit sanguis habens nomina, non perij.

Polyxenæ immolatio.

Victima Achillæo quod facta polyxena busto,
Quid mirer? fuit huic maxima causa necis.

Polymestoris excæcatio, Polydori cædes.

Præuauit miserum Polymestora luce Dimantis
Aurea, ut occidit te Polydore fames.

Hecuba in canem.

Rex nocuit, nocui Polymestori, & ipsa per agros
Latraui aufugiens Thracia saxa canis.

Memnonides aues.

Memnonides ineunt pugnæ ad busta quotannis
Memnonia, atq; cadunt manibus inferiæ.

Tacta ab Anii filiabus.

Quicquid contigerant Anij puellæ
Vinum, bacca, ceres erat repente.

Anii filiæ in Columbas.

Tantalides Anij natis dum vincla pararet,
Ecce Dioneas fecit Iacchus aues.

Duo iuvenes è rogi fauilla.

*Flamma tuam sobolem dum iusta cremaret Echion,
Versa est in iuvenes atra fauilla duos.*

Iudex in saxum.

*Saxea in Ambraciam dum iudicis ora manebunt,
Semper erit populis lis manifesta deum.*

Filii Molossi in aues.

*Quid quod pennata est regi præclara Molossi
Progenies? flammæ pertimuit rapidas.*

Acis in fluuium.

*Saxea cyclopi quem moles obruit Acis,
Pristina adhuc factus nomina flumen habet.*

Ad Galatheam.

*Te Polyphemus amat, tuus est amor Acis, vterq;
Ardet, vtrunq; tamen non Galathea capis.*

Glaucus in deum marinum.

*Retibus officium fuerat cui ducere pisces,
Nunc deus est Glaucus, quem dedit herba mari.*

DISTICHA IN FABVLAS XIII.

libri Ouidij Metamorphoseon.

Scyllæ inguina in canes.

QUOD circæa meo connubia Glaucus amore
Spreuit, ob hoc fiunt inguina nostra canes.

Scylla in scopulum.

*Quæ Laërtiadem spoliauit Scilla carinis,
Nunc scopulus facta est, effuge nauta, vorat.*

Cercopes in simias.

*Cercopum omnipetens dum corda perosus, & artes,
Mutauit hos in simias.*

Aeneas ad inferos.

*Tartara, Persephonen, ataus, umbramq; parentis
vidit magnabimus Tros, duce Deiphobæ.*

Sibylla in uocem.

*Quod munus petij Sibylla Phæbum,
Reddet me in nihilum, manente uoce.*

Achimenides.

*Deseruit Siculo quem littore victor Vlysses,
Suscipit Aeneæ puppis Achimenidem.*

Venti in utre Vlyssi dati.

*Ventorum classes sparsit furor, utre soluto,
Quos omnes Ithaco clauserat Hippotades.*

Socii Vlyssis in porcos.

*Impia mutârunt comites data pocula circes:
In porcos Ithaci setigerumq; pecus.*

Socii Vlyssis in pristinam formam.

*Quos pecus in brutum mutauerat impia succis
Circe, iterum viso fecit Vlyse viros.*

Picus in auem.

*Rex Picus Latij fugit connubia circes,
Qui nunc mutato est corpore Picus auis.*

Socii Pici in feras.

*Circeæ comites Pici miracula virgæ
Senserunt facti monstra, grauesq; feræ.*

Canens Pici vxor in loci nomen.

*Nympha canens Pici fueram pulcherrima coniunx,
Quæ liquefacta modo sum locus ipsa canens.*

Diomedis socii in aues.

*Nos Diomedæas fecit cytherea volucres,
Qui fuimus quondam sub Diomede viri.*

Pastor in oleasterum.

*Apulus ut mouit conuitia pastor, amarus,
In Nymphas, fructus sic oleaster habet.*

Aeneæ naues in Nymphas.

*Quæ Nymphæ modo pernatamus vndas,
Aeneæ fuimus pij carinæ.*

Naui in scopulum.

*Alcinoi in scopulum vertit, cui fuscina, puppim
Quæ sua Dulichium vexit in arua ducem.*

Ardea in auem.

*Dum Troum manus ardeam cremaret,
Præpesq; ardea cognita est volucris.*

Aeneas in deum.

*Abstulit Aeneæ quicquid mortale Numicus,
Quem Romana deum gens vocat Indigetem.*

Pomona dea.

*Silenum, Panes, Satyros, Pomona Priapum
Noluit, hanc tandem cana fefellit anus.*

Vertumnus in anum.

*Vertumnus varias potuit qui sumere formas,
Pomonam pressit, quum simularet anum.*

Anaxarete in saxum.

*Iphis amans laqueo rupit sua guttura, cuius
Duritæ facta est marmor Anaxarete.*

Aquæ frigida in calidas.

*Si sit in auxilium Rhomani calda triumph
Frigida aqua, hoc maius spectat ad imperium.*

Romulus in deum.

*Romule Mars genuit, te Romule ad æthera Mauors
Extulit, & dictus templa, Quirinus habes.*

Hersilia

Herfilia in deam.

*Colle Quirinali dum crinis abisset in auras,
Nunc ora quæ excepit Romulus Herfiliam.*

DISTICHA IN FABVLAS XV.

lib. Ouid. Metamorphoseon.

Crotonis conditor.

CONDIDIT Herculeo iussu tecta alta Crotonis,
Hospitis vt staret nomen, Alemonides.

Lapilli nigri in candidos.

*Mycile cum nigris damnauerit vrna lapillis,
Cur viuus? fecit Clauiger hos niueos.*

Pythagoras.

*Me Numa rex adiit, docui penes Aesaris vndas,
Exul eram, exiliij causa Tytannis erat.*

Pythagoræ dogma.

*Non cæsa humanas maculent animalia mensas,
Nam scelus est pasci viscera visceribus.*

Animæ immortalitas.

*Effera non animas mors occupat, excitus hic est
Quod de vno in varium corpore corpus eunt.*

Euphorbus in Pythagoram.

*Non mirum est animas transire in corpora nostras,
Quum fuerim Euphorbus quondā ego Pythagoras.*

Tempora in continuo esse motu.

*Motibus assiduis velut unda repellitur unda,
Sic noua trudentur tempora temporibus.*

**Quatuor ætates cum quatuor
anni partibus.**

Vere puer lactans iuuenisq; potentior æstu

Est vir in autumno, fitq; senex hyeme.

Sperma in hominem.

Quod sumus, aut fuimus, non crastina tempora reddent,

Quo tantum & fuimus semina, tempus erat.

Nasci. mori.

Nasci est, insolitum quum quod fuit incipit esse,

Estq; mori, tunc quum desinit esse quod est.

Terra in mare, Mare in terram.

Olim ubi ut immensum fuerat mare, libera tellus

Est modo: sic unda est nunc, ubi terra fuit.

Lycus fluuius.

Vnda Lyci quanquam est absumpta voragine terræ

Emergit hæc deinceps tamen.

Erasinus fluuius.

Cui caput Arcadica est, Erasinum, ad aperta palude,

Terra iterum campis reddit in Argolicis.

Caycus fluuius.

Cuius pœnitui caycus ipse,

Primum ut dicitur alueum reliquit.

Amasenus fluuius.

Corniger Aetneis aliquando Amasenus in agris

Æstibus oppressa gurgitis aret aqua.

Anigrus fluuius.

Quæ dulces fuerant, nunc reddit Anigrus amaras

Vndas, cur? tetigit vulnera nubigenum.

Hypanis fluuius.

Cuius multi Hypani prius bibere

Vndas, nunc vitiant sales amari.

Insulæ in continentem.

Antissam, atq; Tyron quondam æquoris vnda, Phæronq;

Ambierat, nunc est insula nulla maris.

Ex eontinenti insulæ.

Tempora continuas Zenclen uidere priorum

Leucada, quas ambit nunc mare cæruleum,

Helice burra.

Mænia sunt Helices, sunt obruta mænia burræ

Quæ prius in solido strueta fuere solo.

Ex planicie montes.

Cur propè qui fuerat campus, Træzena videtur

Collis? ventorum vis fera causa fuit.

Mira aquarum natura.

Tempore cornigeri gelida est Iouis unda diurno

Fontis, cui calda est tempore noctis aqua.

Fons Athamantis.

Vis cui fontis aqua est accendere ligna trabesq;

Orbes diminuat quum vaga luna suos.

Fluuius Ciconum.

Fluminis ut Ciconum pota est grauis vnda, repente

Saxea redduntur viscera, labra, manus.

Crathis & Sybaris.

Cratidis vnda auro reddit, Sybarisq; capillos

Perfimiles, lachrymis vel Phaëtoniadum.

Salmacis fons.

Reddit ut Aethiopum furibundos Lympha paludum,

Mollis ita enervat Salmacis vnda viros.

Clitorius fluuius.

Si quis Clitorij bibit liquores,

Hic munus fugiet tuum Lyæ.

Lyncestius fluuius.

Non secus ebrietas Lyncesti redditur unda,

Quàm pote sensus sollicitante mero.

Lacus Arcadiæ.

Arcadici natura lacus non infima, cuius

Vnda die est insons, tempore noctis obest.

Ortygia insula.

Ortygiæ æquoreis erratica nabat in vndis,

Nunc immota sedens insula non fluitat.

Symplegades.

Nunc stabiles remanent Symplegades, æquore quondam

Instabiles, tuto iam mare nauta sedet.

Aethna mons.

Quæ nunc ignea flagrat Aethna, campis

Non semper fuit ignea in Sicanis.

Homines in aues.

Ingressi nouies sumus volucres

Quum Tritoniacam viri paludem.

Apes ex vitulo, ex equo crabrones.

Nostra ut apum vitulo crescunt examina cæso,

Te generat cæsi crabro ita corpus equi.

Scorpius ex cancro.

Obrutus exemptis cancer tellure lacertis,

Scorpius exiguo tempore factus erit,

Tineæ in papiliones.

Si sit papilio qui nuper in arbore fila

Texebat bombyx candida, quid grauius?

Limus in ranas.

Queritis in limum saltu cur rana citato
Se det præcipitem? Limus alit, generat.

Caro in vrsam.

Parturit vrsa ferox catulum sine imagine, tandem
Edita lambendo fit fera sæua caro.

Apes sine pedibus.

Quum nascuntur apes merito labentibus annis
Nomen idem quare? nomen origo dedit.

Auesex oui medio.

Ex oui medio columba, picæ
Nascuntur, genus omne sic volucrum.

Anguis ex hominis spina.

Humana generatur an medulla
Anguis? quum in nihilum redacta spina est.

Phœnix ex seipso.

Vnus odorifero Phœnix qui viuit amomo,
Se reparat, cinis hunc gignit, ut igne perit.

Eyæna modo mas, modo fœmina.

Quæ modo hyæna marē patitur, modo mascula hyæna est
Fœmina, dum patitur. mascula, dum sequitur.

Mira Chamæleontis natura.

A dumo contacta tenent quoscunq; colores,
Atq; ego tantum auris nutrior aerij.

Lyncurium ex lyncum vrina.

Lyncum fit preciosa gemma viso
Vrina aere, nomen inde sumit.

Coralium ex molli durum.

Quod nunc coralium tacto fit ab aëre durum,
Huic sub aquis fuerat maxima mollities.

Omnium rerum uicissitudo.

Omnia vertuntur, rapit effera mortis imago

Omnia, non certo tramite cuncta fluunt.

Troia.

Heçtora, Deiphobum, Priamum quoq; Troia Parimq;

Vidit, vbi Troia est dic mihi? Troia iacet.

Sparte.

Mœnia vbi Spartes? Spartes ruit omnia tempus.

Mors autem colles, mœnia, saxa domat.

Mycenæ.

Imperia, atq; urbes, terras rexere Mycenæ.

Phama Mycenarum nunc ubi? phama perit.

Athenæ, Thebæ.

Nomen Athenarum solum est, sunt nomina Thebis.

Quis olim erexit Græcia tota caput.

Roma.

Tempora mox aderunt, quibus altæ mœnia Romæ

Parthus, Thrax metuet, Sarmata, Gallus, Arabs.

Aegeria in fontem.

Extincti dum ob facta Numæ miseranda doleret,

Versa sui in fontem nominis Aegeria est.

Hippolytus in Virbium.

Impete patris, aui obsequio perij, arte nouerca,

Quiq; iterum vixi, Virbius ecce vocor.

Gleba in puerum.

Qui olim gleba fuit, puer subinde

Est visusq;, tagen vocant Hetrusci.

Hausta arborem.

Cui modo sunt frondes arbor, tua Romule quondam

Hausta fuit, mirum non fuit, arbor erat.

Cippi cornua.

Arcis Romuleæ fatalia cornua Cippo

Regna dabant: Cippus noluit, ast abiit.

Aesculapius in anguem.

Anguis Apollineam vexit sub imagine prolem

Nostra ratis, facti lurida causa lues.

Iulius Cæsar in cometen.

Cæsaris Aeneadæ Iulij videre cometen,

Ad superos cæsum quem tulit alma Venus.

Augusti Cæsaris laudes.

Fulmina, dij, cælum, nutu Iouis astra mouentur,

Cæsaris Augusti numine terra, mare.

Operis commendatio.

Non Iouis ira, imbres, Mars, ferrum, flamma, senectus,

Hoc opus vnda, lues, turbo, venena ruent.

F I N I S.

AESOPI VITA BREVIS

SIME EX MAXIMO

PLANVDE.



ESOPVS genus traxit ex Ammorio oppido Phrygiæ, cognomento Magnæ, sed fortuna fuit seruus, verum seruitus non potuit animum eius liberum corrumpere. Fuit autem non solum seruus, sed & deformissimus omnium suæ ætatis hominum. Nam acuto capite fuit, pressis naribus, depresso collo, prominentibus labris, niger, vnde & nomen adeptus: ventrosus, valgius et incuruus: & quod erat omnium pessimum, tardiloquentia, cum obscura simul & inarticulata voce, quæ omnia seruitutem ei parasse videri possunt. Sed cum tali esset tamq; deformi corpore, animo tamen fuit natura solertissimo, felicissimoq; ad omne commentum. Homo igitur tam deformis, ad fodiendum agrum ab hero suo emittitur: quò digressus, alacriter operi incumberebat. Cumq; eius domino ficus agricola quidam dono dedisset, eas dominus seruo cuidam Agathopodi domum ferendas commisit. Qui Agathopus consilium inijt cum seruo, vt ipsi ficus illas deuorarent, causarenturq; postea Aesopum eas furto ablatas comedissee. Hero domum redeunte, accusatur Aesopus, parantur flagra, procumbit ad heri pedes miser, dilationem petit, qua impetrata, aquam calidam affert, cuius partem ebibit, reliquam propinat conseruis. Aesopus præter aquam nihil euomit: serui vnà cum

humore & ficus in terram eijciunt. Nudi nebulones flagro miserè conciduntur, laudato mirificè ingenio Aesopi. Cum sacerdotes Dianæ conuenissent, Aesopumq; rogassent, viam vt illis monstraret, quæ in urbem ducebat, is prius frugali cæna refocillatos, in viam dux ipse ducit. Ob quam hospitalitatem sacerdotes precibus orant Dianam, vt ipsa gratiam referat homini tam benè de ipsis merito. Quo factò, reuersus Aesopus, in somnum lapsus est, visumq; fortunam aflare sibi, soluentem eius linguam, atque fabularum largientem doctrinam. Quare mirificè lætatus Aesopus, expergiscitur, beneficium hoc in hospitalitatis obseruationem reijcit. Non enim amplius loquendo tardus erat, sed lingua soluta, expeditè loquebatur. Quod cum Zenas quidam agri præfectus intellexisset, timens ne quando iniquitatis apud dominum ab Aesopo accusaretur, hominem præuenit, atq; grauissima accusatione in odium domini induxit, adeò vt eidem præfecto ab hero Aesopus traderetur. Cumq; iam in potestate Zenæ foret Aesopus, conuenit Zenam mercator quispiam, rogans num iumentum aliquod velit diuendere. Respondit Zenas iumentorum se potestatem non habere, verùm Aesopum monstrat, an hunc velit, adesse quidem. Quem cum vidisset mercator, Vnde hæc tibi olla, inquit, an ne truncus est, vel homo? Ni vocem emitteret, vtrem inflatum arbitrarer, atque indignatus abiit. Aesopus ipsum sequens, mane, inquit. Ille vero conuersus, abi inquit sordidissime canis. At Aesopus ait, eme me mercator, non inutile tibi sum futurus mancipium. Nam si tibi domi sunt mali pueri, & sine ocio flentes, his me præfice pædagogum, omnino eis

ero pro larua . Ridens igitur mercator , ad Zenam dicit : Quanti vas hoc malum vendis ? Ille tribus ait obolis . Mercator tres obolos exponens , nihil emi , inquit , nihil exposui . Mercator ille cum Ephesi reliqua vendidisset mancipia , tria remanserunt illi , grammaticus , cantor & Aesopus . Quos cum ille nequiret diuendere , Samum petijt , atque ibi expositis his tribus , grammatico & cantore egregie ornatis , Aesopo vero in medio sordidissimo stante , venit Philosophus Xanthus , atq; hos tres probe contuens , mercatoris commentum miratus est , cur nam inter duos bellissimos iuvenes tam sordidum statuisset homuncionem . Xanthus igitur percontatur cantorem cuias sit , respondit , Cappadox sum . Quid sciret , respondit omnia : quo dicto , risit Aesopus . Quasiuit & à grammatico Xanthus cuias esset , dixit se Lydum esse . Quid facere sciret rogante Xantho : omnia , inquit grammaticus : atq; iterum risit . Descendente Xantho , rogant discipuli ut Aesopum emat : nam reliquos duos nimis magno precio aestimarat mercator . Veniens ad Aesopum Xanthus , rogat unde sit , nigrum se esse respondit . Ille vero , non hoc volebam ait , sed unde natus sis . Ait Aesopus : Ex ventre matris meae . Nom hoc dico , Xanthus inquit , sed in quo loco natus sis . Aesopus ait matrem non renunciaſſe sibi , an in sublimi vel humili loco eum genuerit . Xanthus quid facere ſciat percontatur , & ille , Nihil . Quomodo , dicit Xanthus : Quoniam hi duo ſe omnia profeſſi ſunt noſſe , mihi vero nihil reliquerunt . Laudatus eſt multis modis Aesopus ab ſcholaſt. cis ob hoc reſponſum , quoniam nullus ſit uſpiciam inter mortales , cui cognita explorataq; ſint omnia . Xanthus

empturus Aesopum, dixit: Si emerò te, an ne es fugiturus? Cui Aesopus respondit: Hoc si facere voluero, haudquaquam te utar consultore. Quæ cum maximè placuissent Xantho, subintulit: Sed deformis es. Atqui, ille respondit, ô philosophe, non faciem, sed mentem oportet inspicere. Xanthus soluto ab scholasticis precio, Aesopum accepit. Inter deambulandum igitur cum sol esset ardentissimus, Xanthus meiebat, nihilominus iter peragens. Id animaduertens Aesopus, dixit se confestim fugiturum. Xantho cur nam id facere vellet exquirente, Quoniam, inquit, si tu cum herus sis, naturæ non potes morem gerere, quid seruo mihi faciendum? Nam si ad ministerium aliquod mitterer, num inter volandum cacare deberem? Posthæc accidit Xanthum die quadam amicis ad conuiuium inuitasse. Quibus rem gratam facturum, Aesopo mandat ut lentem coquat. Commodè parata & cocta, Xanthus eam iubet afferri. Aesopus iussa exequitur. Xanthus lente accepta, probaturus an ne cocta foret satis, digitis eam attriuit, multas adhuc superesse putans, quas iubens Aesopum afferre, præter aquam is nihil adportauit. Xantho grauiter indignante cur non lentes apponeret mensæ, respondit se veluti iussisset, non lentes, sed lentem coxisse. Referuntur sententiae aliquot Aesopi elegantissimæ, hæc videlicet: Deum ante omnia cole. Regem honora. Benè agentibus ne inuide. Linguae continens esto. Mulieri nunquam credas secreta. Ne pudeat te semper discere meliora. Fac quæ te non mæstificent. Bonum esse non te pœniteat. Aesopus cum apud Samios ageret, libertate donatus est, missusq; Cræso regi, bellum cum Samiis agenti, id sua cum pru-

dentia, tum urbanitate effecit, ut Samiis placatus rex reconciliaretur. Samy multis honoribus redeuntē Aesopum exceperunt. Qui discedens ex insula, orbem peragravit, cui maximam familiaritatem fuisse memorant cum Lycaro rege, à quo statua aurea Aesopo iussa erigi. Deinde peragrata Græcia, Delphos peruenit. A quibus nullo affectus honore est, sed ab ipsis post salutaria præcepta rupe præceps deuolutus, mortuus est. Cuius mors graui pestilentia vltima, iniuste occisi Aesopi indicium Delphis exhibuit.

EX APHTHONII SOPHISTÆ exercitamentis.

FABULA profecta quidem est à poetis, sed & rhetoribus communis facta est admonendi gratia. Est autem fabula sermo fictus, imagine quadam representans veritatem. Atque alia Sybaritica, alia Cilix, alia Cypria dicitur, accepto ab inuentoribus nomine. Verum quoniam Aesopus egregie præter ceteros conscripsit fabulas, euicit ut potius Aesopia diceretur. Ea verò est triplex, Rationalis, Moralis, Mista. Rationalis, in qua aliquid ab homine geri confingitur. Moralis, quæ eorum imitatur mores, quæ sunt rationis expertia. Mista verò, quæ rationale irrationaleq; complectitur. Eam autem admonitionem, cuius causa fabulam constitueris, Antefabulationem præpositam, postpositam verò, Affabulationem dices.

FABVLA QVA FORMICARVM

& Cicadarum exemplo hortantur

Iuuenes ad laborem.

CICADAE olim æstate assiduis cantibus indulgebant, formicæ verò hyemis memores, laboribus fructibusque colligendis operam dabant. Verum cum hyems aduenisset, formicæ ijs, quæ collegerant, pascebantur. Cicadas autem delectatio illa, & canendi voluptas, eò indigentia miseriæq; perduxit, vt esurirent omnes, & fame conficerentur. Sic iuuentus laborum fugitans, malè habet in senectute.

Ex Philostrati Imaginibus.

De fabula.

FABVLAE se ad Aesopum, sua in eum beneuolentia conferunt, quòd satagat sui. Fabula quippe & Homero, & Hesiodo, necnon & Archilochò in Licamben curæ fuit. Sed ab Aesopo humnna omnia ad fabellas redacta sunt, sermone brutis non temerè impertito: nam cupiditatem tollit, & libidinem insectatur, & fraudem. Atq; hæc ei leo quispiam agit, & vulpes, & per Iouem equus, nec testudo muta. Ex quibus pueri discunt, quæ in vita gerantur. Habentur igitur in pretio fabulæ propter Aesopum. Accedunt ad ianuã docti huius, vittis eum denincturæ, coronaq; oleagina coronaturæ: hic, vt puto, fabulam aliquam textit: risus enim faciei, & oculi in terram defixi, id præ se ferunt. Pictorem fabularum curas remissione animo indigere, non latuit. Philo-

sophatur autem & fabularum corpora. Bruta enim cum hominibus conferens, cætum circa Aesopum statuit ex illius scena conflictum. Chori dux vulpes depicta est. Vtitur enim ea Aesopus ministra argumentorum plurimum, ceu Dauo comædia.

Ex Hermogenis exercitamentis.
Prisciano interprete.

FABVLA est oratio ficta, verisimili dispositione, imaginem exhibens veritatis. Ideo autem hanc primam tradere pueris solent oratores, quia animos eorum adhuc molles ad meliores facile vias ritè instituunt. Vbi sunt ea tamen vetustissimi quoque authores, ut Hesiodus, Archilochus, Horatius, Hesiodus quidem luscinie, Archilochus autem vulpis, Horatius muris. Nominantur autem ab inuentoribus fabularum, aliæ Aesopie, aliæ Cypriæ, aliæ Libycæ, aliæ Sybariticæ: omnes autem communiter Aesopie dicuntur, quoniam in conuentibus frequenter solebat Aesopus fabulis vti. Mendacem quidem esse nolunt fabulam, sed ad vitam vtilè, necnon & verisimilem. Est autem verisimilis, si res, quæ subiectis accidunt personis, aptè reddantur: utputa de pulchritudine aliquis certat, panno supponatur hic. Oportet alicui astutiam tribuere, vulpecula est subiicienda. Imitatores aliquos hominum volumus ostendere, hic simijs est locus. Oportet igitur modò breuiter, modò latius eas differere. Quomodo autem hoc fiet? Si nunc narratione simplici proferantur, nunc etiam sermo inductis fingatur personis. Exempli causa, Simiæ conue-

nerunt, & consilium habuerunt de vrbe condenda: & quia placuit illis, paratæ erant incipere ædificationem, sed vetus simia prohibuit ab incepto, eas docens, quòd facile capiantur, si intra muros concludantur: sic breuiter dices. Si velis producere, sic: Simiæ conuenerunt, & consiliabantur de vrbe condenda, quarum vna in medium veniens concionata est, quia oportet ipsas quoque ciuitatem habere. Videtis enim, aiebat, quòd ciuitatem habendo felices homines sint, domos etiam habent singuli, & in concionem vniuersi, & in theatrum ascendentes delectant animos spectationibus, & auditionibus varijs. Et sic proferes orationem in orando, dicens, quod & plebiscitum scriptum est, & finges etiam orationem veteris simiæ. Expositio autem fabularum vult circuitibus carere, & iucundior esse. Sed oratio, qua vtilitas fabulæ retegitur, quàm ἐπιμύδιον vocant, quod nos affabulationem possumus dicere, à quibusdam prima, à plerisque rationabilius postrema ponitur. Sciendum verò, quòd etiam oratores inter exempla solent fabulis vti.

F I N I S.

F A B V L A R V M

OMNIVM INDEX.



BIES & dumus.	109
Accipiter columbam insequens	132
Accipitres inter se inimici à columbis pacati.	170
Adolescens duo	87
Adolescentes & catus	88
Adolescens in funere matris canens	155
Adolescens ex coitu infirmus	167
Adolescentes & coquus	17.39
Adolescens & hirundo	53
Aegrotus & medicus	20.54.98
Aethiops	226
Agnus & lupus	43.88
Agricola & canes	15.37.92
Agricola & grues	93
Agricola mercaturam affectans	152
Agricola & poeta	160
Agricola ab ape ictus	201
Agricola & filij	15.37
Agricola & pelargus	42
Agricola	228
Alcedo	229
Ales & eius pulli	110
Amici duo & vrsus	17.38.105.
Amnis suum fontem conuitijs laceſſat	153
Anguilla conqueritur quod magis quàm ſerpens in-	

festetur.	137
Anseres	100
Anser	113
Anseres & grues	221
Anus & ancilla	99
Anus demonem accusat	143
Aper & asinus	68
Aper & rusticus	112
Aper asinum ad certamen promocat	185
Apes & Iupiter	52
Apiarius	229
Aquila & cornicula	69
Aquila & coruus	25.94
Aquila & pica	148
Aquila filios cuniculi rapiens	163
Aquila pulchritudine se ceteris anibus præfert	177
Aquila & vulpes	25
Aquila & crabro	26
Aquila & homo	32
Aquila	247
Aranea & hirundo	133
Arbores pulchræ & deformis	135
Aries cum tauro pugnans	162
Arion & delphinus	126
Arundo nidulum ab anicula petens	197
Arundo & olea	17
Asinus & equus	56.99
Asinus & viatores	118
Asinus	98.104.119.
Asinus & vitulus	134

I N D E X.

<i>Asinus, simia, talpa</i>	138
<i>Asinus & scurra</i>	153
<i>Asinus agrotans à lupis visitatur</i>	156
<i>Asinus laborum finem non inueniens</i>	157
<i>Asinus hero ingrato seruiens</i>	158
<i>Asinus tubicen, & lepus tabellarius</i>	169
<i>Asinus porco inuidens</i>	182
<i>Asinus moriens vinum effundit</i>	197
<i>Asinus & lupus</i>	205
<i>Asinus & Iupiter</i>	55
<i>Asinus & leo</i>	223
<i>Asini</i>	242
<i>Asinus sylvestris</i>	240
<i>Asinus & vulpes</i>	242. 243
<i>Asinus & ranæ</i>	243
<i>Asinus & coruus</i>	243
<i>Auarus & inuidus</i>	110
<i>Auarus poma marcescentia comedens</i>	207
<i>Auarus poma marcescentia comedens</i>	207
<i>Auarus nimis agros custodiens</i>	207
<i>Auarus</i>	221
<i>Auceps & palumbus</i>	90
<i>Auceps & vipera</i>	18
<i>Auceps & fringilla</i>	45
<i>Auceps & merula</i>	21
<i>Auceps</i>	45
<i>Aues & quadrupedes</i>	81
<i>Aues</i>	97
<i>Aues scarabeos timentes</i>	145
<i>Auriga & rota currus stridens</i>	164

Aues plures reges eligere consultant.

154

B

B O s & iuuenus	114
Bos à deo cornua petit	204
Boum somnium de pascuis	215
Buboni suos filios præ cæteris placere	180
Bubulcus	247
Buccinator	90
Butalis	227

C

C A L A M V S & olina	40
Caluus crines ascititios amittens	23
Camelus	105.244
Cancris mater & filia	104
Cancer & serpens	224
Cancer & vulpes	233
Canis & vmbra	66
Canis venaticus	75
Canis & asinus	71
Canis & lanius	19.87
Canis & ouis	88
Canis inuidus & bos	95
Canis & leo	115
Canis mordax	105
Canes vrbani villaticum insequuntur	142
Canis & herus	144
Canis domini oues comedens suspensus	161

<i>Canis asinum deferens, quod ei panem non dederat</i>	177
<i>Canis pluuiam timens quod seruenti coctus fuerat</i>	18
<i>Canis & asini societas</i>	196
<i>Canis filium domini occidens</i>	201
<i>Canis ad cœnam vocatus</i>	31
<i>Canis & lupus</i>	47
<i>Canis carnes portans</i>	47
<i>Canis & gallus</i>	218
<i>Canes</i>	232
<i>Cantilena tabernarijs placita</i>	175
<i>Capones pingues & macer</i>	135
<i>Capra & canis</i>	201
<i>Carbonarius & lotor</i>	33
<i>Carbonarius & fullo</i>	90.12
<i>Carduelis & puer</i>	147
<i>Cassita</i>	121.230
<i>Castor virilia sibi amputans</i>	19.45
<i>Cata in fœminam mutata</i>	36
<i>Catus & gallus</i>	28
<i>Cera duritiem appetens</i>	152
<i>Cerua</i>	222
<i>Cerua & leo</i>	42.222
<i>Cerua & vitis</i>	222
<i>Ceruus & lupus</i>	77
<i>Ceruus</i>	82
<i>Ceruus & boues</i>	84
<i>Cicada & formica</i>	114
<i>Cingularis animal & vulpes</i>	220
<i>Citharædus</i>	233
<i>Claudus primum accubitus occupans</i>	202

F A B V L A R V M

Cochlea suam domum secum ferre petens	159
Cochleæ	227
Columba & milui	74
Columba & pica	133
Columba	245
Columba & cornix	245
Coriarius emens pellem vrsi nondum capti	149
Cornix & ouis	95
Cornix & vrna	111
Cornix & canis	234
Cornix & coruus	234
Coruus & vulpecula	70
Coruus & lupi	125
Coruus & vulpes	46
Coruus ægrotans	47
Coruus & serpens	235
Cuculus & accipiter	133
Culex & apes	169
Culex & leo	248
Cygnus	136.226

D

DÆMON de morte diuitum letante, pauperum vera mæsto.	212
Dæmon vxorem recusat	214
Delector militum	195
Derisio porcum occidere volentis	238
Diues & seruus	142
Diues & fortuna	173
Diues	246

E

E QVES caluus	106
Equus & asinus	80.13
Equus & ceruus	86
Equus & leo	80
Equus incultus	166
Eremita & miles	150
Erinacius & vipera	159

F

F ABER & canis	44
Felis murem & caseum comedens	180
Felis in fœminam mutata	14
Fœmina maritum verberans	216
Ficedula & turdus	187
Filius hortulani ab vrtica punctus	184
Filius senis & leo	22
Formica	52.97.239
Formica & cicada	64.102
Fur & canis	74
Fures.	234

G

G ALLI inter se pugnantes	51.200
Gallina & hirundo	244
Gallina auripara	248

F A B V L A R V M

Gallina & vulpes	58
Gallus gallinaceus	65
Gallus vulpinam pellem fugiens	184
Gallus & perdix	11
Galli & perdix	30
Gallus & vulpes	199
Glires quercum eruere volentes	144
Graculus	78
Grammaticus asinum docens	188

H

H Innulus	221
Hirundines	73
Hirundo & cornix	227
Homo à cane morsus	38.16
Homo & ligneus deus	31
Hædus & lupus	76.98.233
Hydrus & rana	201

I

I Mpossibilia promittens	218
Inimici duo	39
Insanus sapientiam vendens	209
Iupiter & simia	100
Iupiter	63.236
Iupiter & coruus	43
Iuuenis & senex	140
Iuuenis uxorem ducturus	202

L

L <i>Amia politiani</i>	123
L <i>Legatus auarus tibicines decipit</i>	139
<i>Leo & quedam alia animalia</i>	67.98
<i>Leo senectute confectus</i>	48.70
<i>Leo & mus</i>	72.151
<i>Leo & homo</i>	58
<i>Leo & vulpecula</i>	84
<i>Leo & rana</i>	48.97
<i>Leo & capra</i>	100
<i>Leo & taurus</i>	48.102
<i>Leo & capella</i>	111
<i>Leo & venator</i>	111
<i>Leo & porcus</i>	169
<i>Leonis conuiuium</i>	181
<i>Leo & ceruus</i>	194
<i>Leo à vulpe edoctus</i>	203
<i>Leo & lupus</i>	210.225
<i>Leo, asinus & vulpes</i>	49
<i>Leo rustici filiam amans</i>	49
<i>Leo & vrsus</i>	219
<i>Lepus vulpi se præferens</i>	160
<i>Lepus calliditatem, vulpes celeritatem petunt</i>	166
<i>Lepores</i>	238
<i>Lepores & rana</i>	55.76
<i>Lepus tabellarius, & asinus tubicen</i>	169
<i>Lepus & testudo</i>	60
<i>Lignator</i>	54

F A B V L A R V M

Lupus & agnus	50.66
Lupus & grus	50.67
Lupus & succula	75
Lupus & caput pictum	78
Lupus & vulpes	81
Lupi & agni	82
Lupus & canis	91
Lupus & histrix	158
Lupus piscis regnum maris affectat	163
Lupus religioni se addicit	188
Lupus in fossam lapsus à vulpe irrisus	191
Lupus oues inuasurus impeditur	191
Lupus canibus inter se pugnantibus gregem ag- greditur.	196
Lupus ovis pelle indutus	161
Lupus esuriens	212
Lupus & ovis	237
Lupus & vetula	248
Luscinia cantum pro vita pollicens	168

M

MALVS arbor	208
Mantuanus apologus	96
Maritus & vxor	232
Medicus	45
Medicus insanos curans	240
Medicus indoctus	249
Membra & venter	83.126

I N D E X.

<i>Mercurius & Tiresias</i>	231
<i>Mercurius</i>	236
<i>Mercurius & statuarius</i>	231
<i>Merula miluum extimescens</i>	199
<i>Miles & equus</i>	146
<i>Miles in oppido obsidendo includi negat, quod à longe auxilia sint petenda</i>	215
<i>Milvus ægrotus</i>	72
<i>Milvus & accipiter</i>	209
<i>Minatij consilium</i>	242
<i>Minatij responsio</i>	244
<i>Monedula & columbæ</i>	235
<i>Monedula</i>	235
<i>Morio crucifixum pro thuribulo afferens</i>	189
<i>Mulier virum morientem flens & à patre conso- lata.</i>	137
<i>Mulier amatoris discessum flens</i>	136
<i>Mulier pro viro mori exoptat</i>	754
<i>Mulier ignem in mariti domum inferens</i>	170
<i>Mulier & gallina</i>	38. 57. 16
<i>Mulier & medicus</i>	36
<i>Mulier ob turdos verberata</i>	183
<i>Mulier verberata mortuam se simulans</i>	208
<i>Mulier</i>	225
<i>Mulier & ancillæ</i>	227
<i>Mulier venefica</i>	228
<i>Mulier obstinata virum pediculosum vocans</i>	237
<i>Mula</i>	44
<i>Mulus & equus</i>	148

F A B V L A R V M

Mus urbanus & rusticus	68
Mus in cista natus	132
Mus & felis	157
Mus miluum liberat	159
Mures & ranæ	66
Mures & catus	41.214
Musca & formica	79
Musca	53.231
Musca quadrigis insidens	137
Mustela & mures	95

N

N A V T A E Sanctorum auxilium imploran- tes.	138
Nuci, asino, mulieri, verbera prodesse	156
Nutrix & lupus.	103

O

O L E A tarde, & cucurbita cito crescens	179
Olla duæ	106
Olitor & talpa	192
Olitor & canis	223
Opilio & agricolæ	94
Opilio inter canes lupum alens	184
Ovis & pastor	164
Ovis capta	206
Oves immoderate segetem depascentes.	210

INDEX

P

P ardus & vulpecula	75.125
Partus montium	185
Pastor & grex	61
Pastor & mare	22
Pastor artem nauticam exercens	224
Pastor & lupus	247
Pastor	89
Pater & filij	161
Pater filium ad virtutes frustra adhortans	195
Paterfamilias & canis	95
Pauo & luscinia	108
Pauo & grus	206
Pauo à milite pennis spoliatus	220
Pauo & monedula	178
Pauper domus ruinam deflens	
Pecuniam potius ad malos quàm ad bonos peruenire.	179
Petri criniti fabula	124
Philomela & accipiter	27
Philosophus Cynicus	204
Pica pro accipitre cuculum fugiens	198
Pigritia adolescentis	176
Piscator & pisciculus	102.109
Piscator & smaridis pisciculus	29
Piscatores	34.35.118
Piscator	33.230.13
Pisces	115
Pisces è sartagine in prunas desilientes	138

FABVLARVM

Porcellus & testamentum patris	209
Porcus & equus	149
Porcus quando gratiam referat	198
Porcus letus morte inimici	213
Prætor repetundarum damnatus	170
Psittacus	176.204
Puer & fur	60.111
Puer & fortuna	40
Puer oues pascens	46
Puer & scorpio	59
Puer discere nolens	205
Puer & mater	21
Pulex	63
Pullus gallinæ	191
Pulex & homo	64
Punica & malus arbores.	62

Q

Q UADRUPEDVM cum piscibus socie-	
tas.	139
Quercus & arundo	101.108
Quærens asinum	250

R

R ANAE & earum rex	35.73
Rana & bos	79
Rana & vulpes	57.105
Ranæ	218

I N D E X.

Ranae duæ	229
Rex & simia	117
Rusticus & coluber	68
Rusticus & equus	89
Rusticus & fortuna	106
Rusticus & iuuenens	112
Rusticus & Hercules	113
Rusticus impetrat vt triticum absque aristis nascatur.	132
Rusticus & anguis	77
Rusticus & mus	141
Rusticus per vocem hædi ad iurisconsultum admissus.	166

S

S CARABEVS & aquila	119
Satyrus & rusticus	116
Satyrus & viator	112
Securis & salix	60
Senex puellam vxorem ducens	140
Senex mortem differri cupiens	171
Senex ob impotentiam libidinem carnis relinquens.	160
Senex adolescentulus	210
Senex à filio eiectus	205
Senex mortem vocans	36
Senex & iuuenis	168
Serpens saxo oppressus	189
Serpens & agricola	57

F A B V L A R V M

<i>Seruus asinum heri de rupe deiiciens</i>	198
<i>Simia & vulpes</i>	41.84
<i>Simia & eius proles</i>	107.114
<i>Simia</i>	63
<i>Simiæ & pardalis</i>	120
<i>Simius & delphis</i>	230
<i>Sol & aquilo</i>	104
<i>Sus & canis.</i>	224.146.223
<i>Sylua & rusticus</i>	83

T

T ALPA & mater	62
Taurus & caper	107
Tauri & leo	109
Taurus & mus	113
Temerarius asinum curans	245
Testudo & aquila	103.177.222
Testudo & ranæ	143
Tigris & vulpes	108
Thynnus & delphinus	19.44
Trabs & boues eum trahentes	135.146
Tubicen	18.43
Turdus & hirundo amicitiam ineunt	141
Turdus per viscum captus	207

V

V A T E S	19.51
Venator & perdix	59
Vermis	

<i>Vermis & vulpes</i>	248
<i>Vespæ, perdices, agricola</i>	62
<i>Vespertilio, rubus & mergus</i>	219
<i>Vespertilio & mustela</i>	239
<i>Viator peram inueniens</i>	21.58
<i>Viatores</i>	228.239
<i>Vipera & lima</i>	82
<i>Vir Cardinali nuper creato gratulatur</i>	139
<i>Vidua & asinus viridis</i>	162
<i>Vir & vxor bigami</i>	150
<i>Vir malignus & demon</i>	153
<i>Vir zelotypus mulierem custodiendam tradens</i>	155
<i>Vir clysteria recusans</i>	156
<i>Vir amicos experiri volens</i>	165
<i>Vir auarus saccum nummorum alloquens</i>	171
<i>Vir deflens vxorem mortuam</i>	174
<i>Vir de morte patris pisciculos sciscitatur</i>	181
<i>Vir vicini conuitia vesica propellens</i>	182
<i>Vir vxoris mentem experiens</i>	183
<i>Vir ouum peperisse vxori dicens</i>	185
<i>Vir auarus moriens</i>	187
<i>Vir lapidatus resurgens</i>	190
<i>Vir inops literatus, diues illiteratus</i>	193
<i>Vir beneficus in latrones incidens</i>	200
<i>Vir decrepitus arbores inserit</i>	202
<i>Vir thesaurum conscio compatre abdens</i>	203
<i>Vir pira vrina conspersa comedens</i>	148
<i>Vir puero turdos assandos committit</i>	186
<i>Vir sepem vt inutilem destruit</i>	212
<i>Vir felicitatis se autorem faciens, infelicitatis</i>	

F A B V L A R V M

<i>Verò fortunam</i>	216
<i>Vir iactabundus</i>	12
<i>Vir Apollinem tentans</i>	12
<i>Vir & satyrus</i>	14
<i>Vir agricola</i>	32
<i>Vir inops & infirmus</i>	34
<i>Vir & uxores</i>	64
<i>Vitula & bos</i>	40
<i>Vitulus & cerua</i>	52
<i>Vlmus & siler</i>	151
<i>Vpupa indigne honorata</i>	148
<i>Vrsus uxori oculum eruens</i>	194
<i>Vrsus & apes</i>	145
<i>Vulpecula & mustela</i>	85
<i>Vulpecula & ciconia</i>	77
<i>Vulpes & aquila</i>	93
<i>Vulpes & leo</i>	92
<i>Vulpes & felis</i>	117
<i>Vulpecula & pardalis</i>	117
<i>Vulpes & mulieres gallinam edentes</i>	134
<i>Vulpes in puteum delapsa, lupum vt eam subdu- cat orat</i>	180
<i>Vulpes capta à gallo proditur</i>	190
<i>Vulpes gallinas metu canis aggredi non ausa</i>	190
<i>Vulpes carnes leporis cani laudat</i>	165
<i>Vulpes se defunctam simulans capitur</i>	193
<i>Vulpes gallinam incubantem occidere volens</i>	195
<i>Vulpes capta à rustico dimitti orat</i>	213
<i>Vulpes & caper</i>	10
<i>Vulpes & leo</i>	28. 10

Vulpes & caput repertum	II
Vulpes & tragus	27
Vulpes sine cauda	28
Vulpes & rubus	29
Vulpes & crocodilus	30
Vulpes & venatores	30
Vulpes & pardus	35
Vulpes & larua	31
Vulpes esuriens	33
Vulpes & leena	50
Vulpes foramen domus modo dilatari, modo con-	
trahi cupit	79
Vulpes	59
Vulpes à rustico in palea abscondita	147
Vultur & alie aues	100
Vultur prædam non dimittens, à canibus ca-	
ptus.	192

INDEX, DISTICHA IO. FR.

QVINTIANI, IN FABVLAS

Ouidij Metamorphoseon exhibens.

Lib. I.	251	Lib. IX.	77
Lib. II.	256	Lib. X.	79
Lib. III.	258	Lib. XI.	81
Lib. IIII.	260	Lib. XII.	83
Lib. V.	264	Lib. XIII.	85
Lib. VI.	267	Lib. XIII.	86
Lib. VII.	270	Lib. XV.	89
Lib. VIII.	274		

F I N I S.

FABVLARVM QVAE HOC

libello continentur, interpretes
atque autores.

314

	pagina. 9
Laurentius Valla.	
Rimicius	24
Gulielmus Goudonus canonicus	65
Hadrianus Barlandus	87
Anianus	101
Guilielmus Hermanus	103
Aulus Gellius	121
Angelus Politianus	123
Petrus Crinitus	124
Antonius Campanus	125
Plinius secundus nouocomensis	126
Laurentius Abstemius	130
Io. Fr. Quintianus stoa.	251

*In Epistola, facie 4. reperies impressum,
dicerpe. legas decerpe.*

6012

SERIES LITERARVM.

ABCDEFGHIKLMNOPQRSTVX.

*Omnes sunt quaterniones præter X.
qui sunt duerniones.*



B R I X I A E,

EX OFFICINA DAMIANI
T V R L I N I.

Anno 1563.



5469









